

JADAVPUR UNIVERSITY

LIBRARY

Class No. ৩২৩:২১৪.৫

Book No. বিনয়
(NCE)

14
S.H. 4

জাতীয় শিক্ষাপরিষৎ গ্রন্থাবলী—২

✓ হিন্দুরাষ্ট্রের-গড়ন

✓ শ্রীবিনয় কুমার সরকার



বঙ্গদেশস্থ জাতীয় শিক্ষাপরিষৎ হইতে

শ্রীরাজেন্দ্রলাল সরকার কর্তৃক প্রকাশিত



[মূল্য ২।। মাত্র ।]

৩২৩:২৯৪(৫৪)

বিনয়

(NCE)

PRINTED BY PARIKSHIT CHARAN GUPTA.
KAMALA PRINTING WORKS,
3, KASI MITRA GHAT STREET, CALCUTTA.



ভূমিকা

রাষ্ট্র-সাধনায় হিন্দু-জাতি

প্রত্নতত্ত্বের বাস্তব মালমশলাগুলিকে রাষ্ট্র-বিজ্ঞানের কাঠামে ফেলিতেছি। দেখা যাউক ভারতীয় নরনারীর কোন মূর্তি বাহির হইয়া আসে।

রাষ্ট্র-বিজ্ঞান কোনো একটা বিচার নাম নয়। “জুরিস্-প্রডেন্স্” বা আইন-তত্ত্ব, ধন-বিজ্ঞান, নগর-বিজ্ঞান, রাজস্ব-বিজ্ঞান, লড়াই-বিজ্ঞান, “আবাপ” বা আন্তর্জাতিক লেনদেন-তত্ত্ব ইত্যাদি নানা বিচার সম্বন্ধে রাষ্ট্র-বিজ্ঞান গঠিত হয়।

গণ-তন্ত্রের রাষ্ট্রই হউক বা রাজ-তন্ত্রের রাষ্ট্রই হউক প্রত্যেকের শাসনেই এই সকল প্রকার বিজ্ঞান কাজে লাগে। কাজেই শাসনের “রূপ” বা “গড়ন” বিষয়ক তথ্য গুলি “ছুঁটিয়া বাহির” করিতে হইলে অথবা এই সমুদয়ের “ব্যখ্যায়” বা বিশ্লেষণে লাগিয়া যাইতে হইলে এই সকল বিচারই ডাক পাড়তে কাধ্য। তাহার সঙ্গে সঙ্গে প্রত্যেক ওঠা বসায়ই নৃতত্ত্ব [“আস্থু পলজি”] এবং চিত্ত-বিজ্ঞান [“সাইকলজি”] ও আবশ্যক।

বর্তমান গ্রন্থের হিন্দু নরনারী সাত শ’ বৎসর ধরিয়া গণ-তন্ত্রের “রাজ” চালাইতেছে,—আর ষোল সতের শ’ বৎসর ধরিয়া রাজ-তন্ত্রের “রাজ” চালাইতেছে। খৃষ্টপূর্ব চতুর্থ শতাব্দী হইতে খৃষ্টীয় ত্রয়োদশ শতাব্দী পর্যন্ত হিন্দু জাতির “পাব্লিক ল” বা রাষ্ট্র-শাসন এই কয় পৃষ্ঠায় ভিতর বাঁধিয়া রাখিবার চেষ্টা করিতেছি।

কোথাও দেখিতেছি হিন্দু সমাজের মাতব্বরেরা নগরের স্বাস্থ্য-রক্ষা
মাথা ঘামাইতেছে। কোথাও বা পণ্টনের খোরপোষ যোগাইবার
জন্ত ধন-সচিবেরা শশব্যস্ত। কখনও জনগণকে আত্ম-কর্কষের
সাধনায় নিরত দেখিতেছি। কখনও বা অসংখ্য পরস্পরবিচ্ছিন্ন জনপদ
গুলাকে ঐক্য গ্রথিত করিবার দিকে রাষ্ট্র-ধুরন্ধরদের মেজাজ
খেলিতেছে।

এই আবহাওয়ায় হিন্দু জাতি শক্তি-যোগী এবং টক্কর-প্রিয়। ভারতের
নরনারী এই সকল কৰ্মক্ষেত্রে হিংসা-ধর্মী এবং বিজিগীষু। রাষ্ট্রীয় লেনদেন-
গুলা,—কি “তন্ত্রে”র কাজকর্ম, কি “আবাপে”র কাজকর্ম,—নবই
ভারতবাসীর হাতের জোরের আর মাথার জোরের প্রতিমূর্তি। প্রত্যেক
সেনা-চালনায়, প্রত্যেক খাজনা আদায়ে, প্রত্যেক “শ্রেণী”-স্বরাজে আর
প্রত্যেক জমি জরীপে লোকগুলার রক্তের শ্রোত ছুটিতেছে আর মাথার
ঘাম পায়ে পড়িতেছে।

সেই রক্তের শ্রোত আর মাথার ঘামই রাষ্ট্র-বিজ্ঞানের আসল
উপকরণ। হিন্দু রক্ত-দরিয়ার তেজ মাপিতে চেষ্টা করাই বর্তমান
গ্রন্থের উদ্দেশ্য।

জরীপ করিবার যন্ত্র

রক্তের তেজ মাপিতে হইবে। কেমন করিয়া? মাপ-কাঠি কোথায়?
জরীপ করিবার যন্ত্রটা কৈ?

বাহা জানা আছে তাহার সাহায্যে অথবা তাহার তুলনায় অজানাকে
জানিবার চেষ্টা করা যাইতে পারে। জানা আছে বর্তমান জগৎ। অতএব
বর্তমান জগতের মাপ কাঠিতে খৃষ্ট পূর্ব চতুর্থ শতাব্দী হইতে খৃষ্টীয় ত্রয়োদশ
শতাব্দী পর্যন্ত হিন্দু জাতির রাষ্ট্র-সাধনা জরীপ করা সম্ভব।

পদার্থ-বিজ্ঞানের রাজ্য হইতে একটা দৃষ্টান্ত দিব। আর্থাভট্ট, বরাহ-
মিহির, ভাস্করাচার্য ইত্যাদি ভারতীয় গণিত-পণ্ডিতদের বিষ্ণুর দৌড়
কতটা? মাথা সম্ভব একমাত্র তাহার পক্ষে যে জানে নিউটন, ম্যাক্সস্বেলন,
আইনষ্টাইন ইত্যাদির মর্ম্মকথা। সেইরূপ পতঞ্জলি, নাগার্জুন ইত্যাদির
হিন্দু রসায়নের কিম্বৎ বুঝে কে? যে বুঝে উনবিংশ আর বিংশ শতাব্দীর
“রস-রত্ন-সমুচ্চয়” বা রসায়ন-সমুদ্র কি চিহ্ন। চরক সুশ্রুত ইত্যাদি
সম্বন্ধে ও এই “কর্ম্ম লা”ই লাগিবে। ইত্যাদি ইত্যাদি।

এই তুলনায় প্রাচীন ভারতকে লজ্জিত হইতে হইবে সন্দেহ নাই। কিন্তু
এই লজ্জা একমাত্র হিন্দু রক্তের লজ্জা নয়। গোটা প্রাচীন হুনিয়াই,—
জীবনের সকল কৰ্ম্মক্ষেত্রেই উনবিংশ ও বিংশ শতাব্দীর তুলনায় “সেকলে”।

পশ্চিমা পণ্ডিতেরা এই কথাটা মনে রাখিতে অভ্যস্ত নন। তাঁহারা
প্রাচীন ভারতীয় জ্ঞান বিজ্ঞানকে বর্তমান জগতের আঁসরে বসাইয়া
মনের সুখে ভারত-মাতাকে বে-ইজ্জৎ করিতে ভালবাসেন। গ্রীক রোমান
এবং “ক্যাথলিক-খৃষ্টিয়ান” ইয়োরোপের অজ্ঞান, কুসংস্কার, “তুকমুক,”
“হাঁচি,” “টিক্‌টিকি,” “তুতুড়ে কাণ্ড” এবং লাথ লাথ অত্যাচার বৃক্ষরক
ইহারা যেমানুষ তুলিয়া যান। আর ভারতসন্তানেরা প্রাচীন এবং মধ্য
যুগের ইয়োরোপীয়ান সভ্যতা-অসভ্যতা এবং স্ব-কু সম্বন্ধে প্রায় একদম
কিছুই জানেন না। কাজেই পশ্চিমাদের সঙ্গে তর্ক করিতে অপারগ হইয়া
ভারত সম্বন্ধে লজ্জায় অধোবদন হইয়া থাকা এতকাল আমাদের দস্তুর
ব্রহ্মিমাছে।

বাহা হটক, হিন্দু নরনারীর রাষ্ট্রীয় শক্তিযোগ মাপিবার আর এক
উপায় হইতেছে পুরাণা ইয়োরোপের দৌড়টা চোপার দিন রাত নিজের

কল্পায় রাখা। গ্রীস রোম এবং মধ্য যুগের ইয়োরোপে গণিত, পদার্থ বিদ্যা, রসায়ন, চিকিৎসা ইত্যাদি মূল্যকে মানবজাতি কতখানি উঠিয়াছিল? সেই উঠার তুলনায় চরক, আৰ্যভট্ট, আর নাগার্জুনকে মাথা হেঁট করিতে হইবে না।

এই সকল বিজ্ঞান বিচার আখড়ায় সেকালের হিন্দুরা বুক খাড়া করিয়া,—সেকালের গ্রীক, রোমাণ এবং খৃষ্টিয়ানদের সঙ্গে টক্কর চালাইয়া,— সমানে সমানে “বাপের বেটা” বলিয়া পরিচিত হইবার দাবী রাখিত। “হিন্দু অ্যাটীক্স্‌মেন্ট্‌স্‌ ইন্‌ এক্‌জ্যাক্ট্‌ সায়েন্স্‌” অর্থাৎ “মাপজোক-নিয়ন্ত্রিত বিজ্ঞান-বিচার হিন্দু জাতির কৃতিত্ব” নামক গ্রন্থে [নিউ ইয়র্ক, ১৯১৮] হিন্দু রক্তের শ্রোত এই তরফ হইতে দেখানো হইয়াছে।

বর্তমান গ্রন্থে রাষ্ট্র-সাধনার ময়দানে দাঁড়াইয়া হিন্দু নরনারী গ্রীক রোমাণ এবং মধ্যযুগের খৃষ্টিয়ানদের সঙ্গে পাঞ্জা করিতেছে। এই ক্ষেত্রের লড়াই বর্তমান-জগতের সঙ্গে নয়,—উনবিংশ ও বিংশ শতাব্দীর পূর্ববর্তী,— এবং তাহারও অনেক পূর্ববর্তী—ইয়োরোপের সঙ্গে।

“গড়ন-বিজ্ঞানে”র জাতি বিভাগ

“মফ’লজি” বা “গড়ন”-তত্ত্ব অর্থাৎ রূপ-বিজ্ঞান সার্বজনিক ও সনাতন। এক টুকরা হাড় দেখিবা মাত্র বলিয়া দেওয়া সম্ভব এটা বাঘের বুকুর পাঁজর না ভেঁড়ার পিঠের শির-দাঁড়া। জীবতত্ত্ববিদেরা এই সমস্যা লইয়া দিন রাত ব্যাপ্ত আছেন। কথাটার মধ্যে হেঁয়ালি কিছুই নাই।

“বুদ্ধদেবের দাঁত” নামক বস্তু “আবিষ্কৃত” হইয়া মাত্র এই কারণেই অস্থিতত্ত্ববিৎ মহলে লড়াই উপস্থিত হওয়া সম্ভব। বস্তুটা যে শূন্যের দাঁত নয় আগে তাহার মীমাংসা করা দরকার হইয়া পড়ে।

ভূতত্ত্ববিদেরা ও এই ধরণের গবেষণায়ই অভ্যস্ত। একটুকরা পাথর অথবা কয়লার চাপ বা এমন কি ধূলা বালুর নমুনা পাইলেই তাঁহারা বলিয়া দিতে পারেন ছনিয়ার কোন্ কোন্ মূল্যকের কত হাত মাটির বা “পাণি”র নীচে অথবা কোন্ পাহাড়ের ডগায় এই সব মাল পাওয়া যাইবার সম্ভাবনা।

রূপ-বিজ্ঞান মানুষের বেলায় ও খাটে। দলবদ্ধ মানুষ বা সমাজ এবং সমাজের রাষ্ট্রীয় “তন্ত্র” ও “আবাপ” অর্থাৎ ঘরে বাইরের সকল প্রকার লেন দেন সম্বন্ধে ও মফ’লজি বা গড়ন-তত্ত্বের “রূপ-কথা” খাটিবে। অনেক স্থলেই হয়ত “অলুবিণ”বস্ত্রের অর্থাৎ “ইণ্টেন্‌সিভ” বা গভীর দৃষ্টি শক্তির এবং সমালোচনা শক্তির দরকার। কিন্তু সর্বত্রই বিশ্বব্যাপী যুগ-বিভাগ, স্থর-বিভাগ, জাতি-বিভাগ, উপজাতি-বিভাগ ইত্যাদি শ্রেণী-বিভাগ কয়েম করা সম্ভব। তথ্য “বিশ্লেষণ” সম্বন্ধে সর্বদা সতর্ক থাকিলেই হইল।

পল্লীজীবনের একচাপ দেখিবা মাত্র কখনো হয়ত বলিব এটা “আদিম”। কখনো বা “প্রাচীন” বলিয়া তাহার জাতি-নির্ণয় করা হইবে। আবার “মধ্যযুগের” পল্লী এবং “বর্তমান” যুগের পল্লী ইত্যাদি বস্তু ও স্বতন্ত্র নিদর্শনের জোরে প্রতিষ্ঠিত হইবে।

সেইরূপ লড়াইয়ের কায়দা বা জমি জমার বন্দোবস্ত দেখিলেই এই সবের “দেশ কাল পাত্র” ঠাওরানো সম্ভব। অস্ত্রশস্ত্রের বান্ধনানি, গুলু ও খাজনার নাম ইত্যাদি গুনিবা মাত্র এই গুলার “কুলশীল” বলিয়া দেওয়া কঠিন বিবেচিত হইবে না।

রাজা, রাজপদ, রাজশক্তি ইত্যাদি বস্তু ছনিয়ায় আবহমান কাল ধরিয়া চলিতেছে। কিন্তু কালিদাস-শেক্সপীয়ারের “রাজা” যে চিহ্ন বৈদিক সাহিত্য বা “ইলিয়াদ-ওদিসি”র “রাজা” সেই চিহ্ন নয়।

“রাজশম্বোপজীবী” যে কোনো ব্যক্তির রক্ত অনুবীণে পরখ করা যাইতে পারে। করিলেই বুঝা যাইবে ইহার ভিতর তামিতুস-বিবৃত জার্মান-রাজা, না “জাতক সাহিত্যের” গণ-রাজা, না ফ্রান্সের বুর্ভ বাদশা, না মৌর্য “সার্কভোম”, না আধুনিক ইংরেজ সমাজের হাতপা-ঠুটা-করা রাজা আত্মপ্রকাশ করিতেছে। অত্যাচার কোষ্ঠীর মতন রাজ-রক্তের কোষ্ঠীতেও গণকেরা যুগ ও জাত খোলসা করিয়া দিতে সমর্থ।

গড়ন-বিজ্ঞান খাটাইয়া হিন্দু জাতির মূর্তি-পরিচয় প্রদান করা হইতেছে। মাকাতার আমল, আদিম সমাজ, প্রাচীন ছনিয়া, মধ্যযুগের খৃষ্টিয়ান বিশ্বরূপ আর বর্তমান জগৎ ইত্যাদি নৃতত্ত্ব-বিচার শব্দগুলি প্রত্যেক ক্ষেত্রেই সনতারিখ দিয়া বাধিয়া রাখিয়াছি। গৌজামিলের সম্ভাবনা নাই।

এই সকল পারিভাষিক শব্দ পশ্চিমা পণ্ডিতেরা নেহাৎ অসতর্ক ভাবে ব্যবহার করিতে অভ্যস্ত,—বিশেষতঃ যখন ভারতীয় এবং প্রাচ্য তথ্য লইয়া তাঁহাদের কারবার চলে। এই জন্ত রাষ্ট্র-বিজ্ঞানের আসরে গৌজামিল ও কুসংস্কার প্রবেশ করিয়াছে। সেই কুসংস্কার এবং গৌজামিল চকিত্তেছে অজকালকার ভারতীয় পণ্ডিতগণের ভারত-তত্ত্ববিষয়ক আলোচনার আসরেও। দেশী এবং বিদেশী দুই প্রকার পণ্ডিতের বিরুদ্ধেই বর্তমান গ্রন্থ লড়াই ঘোষণা করিতেছে।

কুসংস্কারের বিরুদ্ধে লড়াই

প্রায় এগার বৎসর পূর্বে বিদেশ ভ্রমণে বাহির হইয়াছি। সেই সময়ে— ১৯১৪ সালের গোড়ার দিকে এলাহাবাদের পাণিণি আফিস হইতে মৎ-প্রণীত “পজিটিভ্ ব্যাকগ্রাউণ্ড অব্ হিন্দু মোসিঅলজি” অর্থাৎ “হিন্দু সমাজের বাস্তব ভিত্তি” নামক গ্রন্থের প্রথম ভাগ প্রকাশিত হয়। তাহাতে এই লড়াইয়ের সূত্রপাত করা হইয়াছে।

এই পোনে এগার বৎসরে,—অত্যাচার কাজের সঙ্গে সঙ্গে,—বিদেশের সর্বত্র সেই লড়াইকে সমাজ-বিজ্ঞানের আসরে আসরে আনিয়া হাজির করিয়াছি। আমেরিকার বিভিন্ন বিশ্ববিদ্যালয়ের পণ্ডিত-বৈঠকে এই বাণী শুনানো হইয়াছে। মার্কিন সমাজের উচ্চতম বৈজ্ঞানিক পত্রিকায় পত্রিকায় এই সংগ্রাম গিয়া ঠাই পাইয়াছে (১৯১৬-১৯২০)।

প্যারিস-বিশ্ববিদ্যালয়ের আইন-ফ্যাকাল্টিতে এই লড়াই ঘোষণা করা হইয়াছে ফরাসী ভাষায়। “আকাদেমি দে সিসাঁস্ মোরাল্ এ পৌলিটিক্” নামক রাষ্ট্রবিজ্ঞান-পরিষদের “চলিশ অমরের” কানেও এই বাণী প্রবেশ করিয়াছে। পরে এই পরিষদের পত্রিকায় প্রবন্ধ ও প্রকাশিত হইয়াছে [১৯২১]।

জার্মান সমাজে ও,—জার্মান ভাষায়—রাষ্ট্রবিজ্ঞানের লড়াই উঠাইতে কসুর করি নাই। বার্লিনের বিশ্ববিদ্যালয় এবং জার্মানির রাষ্ট্র-সাহিত্য এই সকল তথ্যের আবহাওয়ার আসিয়া পড়িয়াছে [১৯২২-১৯২৩]।

যুবক ভারতের সংগ্রাম-দূত রূপেই এই অধম লেখক জগতের পণ্ডিত মহলে পরিচিত। “যদিও এ বাহু অক্ষম দুর্বল, তোমারি কার্য সাধিবে,—” এই মাত্র ভরসা।

১৯২২ সালে লাইপ্‌সিগ সহরে “পোলিটিক্যাল ইনষ্টিটিউশন্স্ অ্যাণ্ড থিয়োরিজ্ অব্ দি হিন্দুজ্” অর্থাৎ “হিন্দু জাতির রাষ্ট্রীয় প্রতিষ্ঠান এবং রাষ্ট্র-দর্শন” নামক ইংরেজি গ্রন্থ প্রচারিত করিয়াছি।

এক্ষণে তাহার প্রথম অংশের খানিকটা বাংলায় লিখিবার সুযোগ পাওয়া গেল। বর্তমান গ্রন্থে হিন্দু জাতির রাষ্ট্রীয় “চিন্তা” বা “রাষ্ট্র-দর্শন” সম্বন্ধে কোনো কথা নাই। অধিকন্তু “প্রতিষ্ঠানে”র বৃত্তান্ত হিসাবেও এই কেতাভের মাল পূর্বোক্ত ইংরেজি রচনার মাল হইতে কিছু কিছু লুপ্তক। বাহা হউক,—বঙ্গদেশস্থ জাতীয় শিক্ষা-পরিষদের আনুকুল্যে

এই গ্রন্থ প্রকাশের সুযোগ জুটিয়াছে বলিয়া নিজকে ধন্য মনে করিতেছি।

ইতিমধ্যে ১৯২১ সালে “পজিটিভ ব্যাকগ্রাউণ্ড” গ্রন্থের দ্বিতীয় খণ্ডের প্রথম ভাগ বাহির হইয়াছে। তাহাতে আছে একমাত্র “রাষ্ট্র-দর্শন”। আর প্রধানতঃ গুক্রাচার্যের মতামতই তাহার ভিতর ঠাই পাইয়াছে।

আথেনীয় “স্বরাজের” অনুপাত

ভারতে রাষ্ট্র-বিজ্ঞান সম্বন্ধে পঠন-পাঠন আজ কাল কতটা হয় বলিতে পারি না। এই বিজ্ঞা বিষয়ক এম, এ পদীক্ষা পূর্বে ছিল। এখনো আছে নিশ্চয়। বোধ হয় আজকাল পি, এইচ, ডি ও চলে।

[১]

কিন্তু গোড়ায় গলদ। এশিয়ার সঙ্গে তুলনায় গ্রীস, রোম এবং মধ্যযুগের ইয়োরোপকে পশ্চিমা পণ্ডিতেরা যে চোখে দেখিয়া থাকেন আমরাও বিনা বাক্য বায়ে গোলামের মতন ঠিক সেই চোখেই দেখিতে শিখিয়া ছ। ঊনবিংশ ও বিংশ শতাব্দীর পূর্বেকার ইয়োরোপকে রক্ত-মাংসের মাংস ভাবে দেখিবার এবং বুঝিবার চেষ্টা আমরা করি নাই। তাহার জন্ত অনুসন্ধান “রিসার্চ” গবেষণা আবশ্যিক। সেদিকে ভারতবাসীর খেয়াল কৈ?

ইয়োরোপকে কথায় কথায় আমরা “স্বরাজের” মূলুক, “স্বাধীনতা”র মূলুক, “জাতীয়তার মূলুক, “গণ-তন্ত্রের” মূলুক, “আইনে”র মূলুক, “ঐক্যের” মূলুক, “শান্তি”র মূলুক ইত্যাদি রূপে বিবৃত করিতে অভ্যস্ত। আসল নিরেট সত্য গুলি কি? প্রায় এক দম উল্টা।

[২]

আথেনীয় সমাজে ২৫,০০০ নরনারী মাত্র স্বাধীন স্বরাজী এবং গণতন্ত্রী, চরম উন্নতির যুগে—অর্থাৎ পেরিক্লেসের আমলে [খৃষ্টপূর্ব পঞ্চম

শতাব্দী]। “অনধিকারী” “গোলাম” “প্যারিয়া” তখন কত জন? চার লাখ।

মানবজাতির রাষ্ট্র-সাধনার তরফ হইতে এই অনুপাতটা কি বড় লোভনীয় চিহ্ন? চার লাখ নরনারীকে “বাঁদি” করিয়া রাখিয়া পঁচিশ হাজার হিন্দু সেকালে কি কখনো কোথাও আত্ম-কর্তৃত্ব এবং স্বাধীনতা ও সাম্য ফলাইতে পারে নাই? পঁচিশ হাজার লোকের সাম্য, স্বাধীনতা, স্বরাজ বস্তুটার ভিতর মানব সমাজের কোন্ স্বর্গ লুকাইয়া আছে?

প্রশ্নটাকে গভীর ভাবে আলোচনা করিবার জন্ত বতাইয়া দেখিতে হইবে আথেন্স [আটিকা] রাষ্ট্রের জৌহদি কতটুকু ছিল। আথেন্সের গোরব যুগই বা কত বৎসর কত মাস কত দিন ইতিহাসের কথা? বুঝাইবে যে,—এশিয়ানদের তুলনায় আথেনিয়েরা “অতি-মানুষ” ছিলনা।

[৩]

কিন্তু ডিকিন্সন, গিল্‌বার্ট মারে, ব্যরি ইত্যাদি গ্রীক-তত্ত্বের পাণ্ডার ভারতসন্ধানকে চোখে আঙ্গুল দিয়া সে সব কথা বুঝাইয়া দিতেছেন কি? না! এরূপ বুঝানো তাঁহাদের স্বার্থ নয়। এই ধরণের তথ্য তাঁহাদের রচনায় ও পাওয়া যায় সন্দেহ নাই। কিন্তু ভারতবাসী শিখিয়াছে ঠিক উল্টা।

এই সকল ইংরেজ এবং অল্পাংশ ইয়োরোপীয়ান গ্রীক-তত্ত্বজ্ঞ, প্রত্যেকেই এক একটি লর্ড কার্জন! অর্থাৎ বর্তমান এশিয়াকে ইয়োরোপের গোলাম রূপে পাইয়া তাঁহারা সেকালের প্রাচ্য আর পাশ্চাত্যে ও আকাশ-পাতাল পার্থক্য আবিষ্কার করিয়া বসিয়াছেন!

এই কুসংস্কারের বিরুদ্ধে কোনো ভারতবাসীর মাথা খেলিয়াছে কি? “গ্রীক-তত্ত্বের” ভিতরে আধুনিক “ইম্পীরিয়ালিজম্,”—শোভা প্রাধান্য

ও এশিয়া-বিদ্বেষের দর্শন অতি সূক্ষ্ম ভাবে অসংখ্য বুদ্ধরূপে সঞ্চারিত করিয়া রাখিয়াছে। তাহা সন্দেহ করা পর্য্যন্ত বোধ হয় কোনো ভারত-সম্বন্ধের পক্ষে সম্ভবপর হয় নাই।

ইয়োরোপের ঐতিহাসিক ভূগোল ও রাষ্ট্রীয় ধারা

তার পর অত্রাণ্ড কথা। ধরা বাউক রাষ্ট্রীয় স্বাধীনতার বিষয়। খৃষ্ট পূর্ব প্রথম শতাব্দী হইতে খৃষ্টীয় ত্রয়োদশ শতাব্দী পর্য্যন্ত ইংরেজরা বিজিত "পরাদীন" জাতি। অর্থাৎ বর্তমান গ্রহে ভারতের যে যে যুগ বিবৃত হইতেছে তাহার প্রায় সকল ভাগেই ইংরেজজাতির রাষ্ট্রীয় স্বাধীনতা ছিল না। আইরিশ ঐতিহাসিক গ্রীণ একথা খুলিয়াই বলিয়া দিয়াছেন।

যে হিসাবে আজকালকার দিনে "জাতীয়তা" বুঝা হইয়া থাকে সে চিহ্ন উনবিংশ শতাব্দীর মাঝামাঝি পর্য্যন্ত ইয়োরোপের অধিকাংশ জনপদেই অজ্ঞাত ছিল। ইংরেজ পণ্ডিত ফ্রীম্যান প্রণীত "ইয়োরোপের ঐতিহাসিক ভূগোল" [লণ্ডন ১৯০৩] বাঁটলেই বুঝা যায় "কত ধানে কত চাল।"

অধিকন্তু, ইংল্যান্ডই ইয়োরোপের এক মাত্র দেশ নয়। আর, সর্বত্রই "নাৎশ্চায়" আর বংশে বংশে "বাঁড়ের লড়াই" ইতিহাসের প্রধান তথ্য।

রাষ্ট্রীয় ঐক্য, ভাষাগত ঐক্য, "গ্রাশ্যালিট" ইত্যাদি বোল চাল "খৃষ্টিয়ান" অভিজ্ঞতায় মিলে কি? মিলে না। তুর্ক-মুসলমানেরা যখন ইয়োরোপকে ছারখার করিয়া ছাড়িতেছিল তখন খৃষ্টিয়ান খ্বেনিস তাহাদের সঙ্গে দোস্তি পাতাইতে লজ্জা বোধ করে নাই।

জালেকজান্দারের আমল হইতে বুর্ আমল পর্য্যন্ত ইয়োরোপীয়ানরা আয়কর্ভূত্বহীন স্বরাজ-শূন্য পর-সীড়িত জাতি। বাদশার যথেষ্টাচার আর জমিদারের অত্যাচার ছিল এই সকল নরনারীর সনাতন "কন্সটি-টিউশন্" বা রাষ্ট্র-ধর্ম।

নারীজাতিকে বে-ইজ্জৎ করিতে গ্রীক আইন, রোমান আইন এবং "খৃষ্টিয়ান" আইন সমান ওস্তাদ। ইয়োরোপীয়ান "সমাজে" নারীর ঠাই কোনো দিনই সম্মান সূচক বা এমন কি "সহনীয়"ও ছিল না। কথাটা বোধ হয় বিশ্বাসযোগ্যই বিবেচিত হইবে না। জার্মান পণ্ডিত বেবেলের গ্রন্থ বাঁটিয়া দেখিলেই আপাততঃ চলিবে। পরে আর ও "ইস্টেন্‌সিফ" "রিসার্চ" বা গভীরতর খোজ চালানো যাইতে পারে।

ভূমি-গত গোলামী ইয়োরোপীয়ান কৃষাণ সমাজ হইতে বিদূরিত হইয়াছে কবে? অষ্টাদশ শতাব্দীর শেষে এবং উনবিংশ শতাব্দীর প্রথম দিকে। লাম্প্রেফ্ট, ব্যাশ্চর, সোষাট ইত্যাদি জার্মান পণ্ডিত-প্রণীত আর্থিক ইতিহাস বিষয়ক রচনা গুলি পাকা সাক্ষ্য দিবে। এখনো ইতালিতে, পোল্যান্ডে এবং বস্কান অঞ্চলে সেই ভূমি-গোলামি কিছু কিছু চলিতেছে।

পাশ্চাত্য দণ্ড-বিধি

দণ্ড-বিধি বা পেঞ্চাল কোডের আইনে ইয়োরোপীয়ানরা মহা সভ্য, না? সেকালের গ্রীসে ডাকো-সংহিতা জারি ছিল। আথেন্সের ধ্বংস-কাহ্নন ছিল পাশবিক। সে কালের রোমে ছিল "দ্বাদশ বিধান" প্রচলিত। মধ্যযুগের খৃষ্টিয়ান রাষ্ট্রে "ইনকুইজিশন্" নামক নির্ধ্যাতন বিধি ও "আইন-সঙ্গত" ব্যবস্থাই বিবেচিত হইত।

পরবর্তী যুগের সাক্ষ্য দেখিতে পাই জার্মানির গ্লির্বার্গ শহরে। এই নগরের দুর্গে "ফোর্টার-কাম্বার" বা নির্ধ্যাতন-ভবন আজও অষ্টাদশ শতাব্দীর ইয়োরোপীয়ান দণ্ড-প্রণালীর সাক্ষী ভাবে দাঁড়াইয়া আছে। খ্বেনিসের দোজে-প্রাসাদে ও সপ্তদশ শতাব্দীর ইতালিয়ান বিচার-জুলুম-মুর্তিমান রহিয়াছে।

বর্তমান গ্রন্থের বহর খৃষ্টপূর্ব চতুর্থ শতাব্দী হইতে খৃষ্টীয় ত্রয়োদশ শতাব্দী পর্যন্ত বিস্তৃত। ইয়োরোপের সমসাময়িক আইন গুলি ধারার আলোচনা করিয়া দেখা যাইতে পারে,—অত্যাচারী, নির্যাতন প্রিয় নিষ্ঠুরতার অবতার বেশী কাহার। “সাইকলজি” বা চিত্ত-বিজ্ঞানের আসরে প্রাচ্যে আর পাশ্চাত্যে কোনো তফাৎ চালানো সম্ভবপর কিনা তাহার “বাস্তব” প্রমাণ হাতে হাতে ধরা পড়িবে।

আর একটা কথা জিজ্ঞাসা করিব। সপ্তদশ অষ্টাদশ এবং ঊনবিংশ শতাব্দীর মধ্যভাগ পর্যন্ত ইংরেজ সমাজে কিরূপ আইন ছিল? “কেম্ব্রিজ মডার্ন হিস্টরি” নামক গ্রন্থে কিছু কিছু তথ্য সংগৃহীত আছে। ১৮৪৫ খৃষ্টাব্দের বিলাতী পেঞ্চাল কোডে অশ্রুত অপরাধের সঙ্গে সঙ্গে ২৫০টা অপরাধের তালিকা দেখা যায়। এই সকল অপরাধের একমাত্র সাজা প্রাণ-দণ্ড।

পরবর্তী কালে যে সকল অপরাধকে অতি সামান্য বিবেচনা করা হইয়াছে সেই সকল অপরাধের জন্ম ১৪০০ ইংরেজ নরনারীকে প্রাণ দিতে হইয়াছিল : ৮১৫ হইতে : ৮৪৫ পর্যন্ত ত্রিশ বৎসরের ভিতর। কোনো দোকানের জানালা ভাঙিয়া ছ এক আনা দরের রং চুরি করার অপরাধেও শিশুদের প্রাণ যাইত! হিন্দু নরনারীর দণ্ডবিধিতে কি এই তালিকা ছাপাইয়া উঠিবার প্রমাণ দেখা যায়?

যাঁহাদের পক্ষে “ফ্রমিনলজি” বা অপরাধ-বিজ্ঞান এবং বিশেষজ্ঞ-প্রণীত অশ্রুত আইন-কেতাব সংগ্রহ করা কঠিন তাঁহারা যেরে বসিয়া অধম-তারণ “এনসাইক্লোপিডিয়া”টা “হাঁটকাইতে” পারেন।

“বাপরে! গ্রীস?” “বাপরে! রোম?”

ইয়োরোপের ক্রমবিকাশ দফায় দফায় খুঁটিয়া খুঁটিয়া মাপিয়া জুকিয়া আলোচনা করা দরকার। ইয়োরোপীয় সভ্যতা, দর্শন, ইতিহাস, স্কুমার

শিল্প, ধর্মকর্ম ইত্যাদিতে যাঁহাদের দখল নাই তাঁহারা ভারতীয় জীবন চর্চা করিতে অনধিকারী। একমাত্র ভারতীয় প্রত্নতত্ত্বের জোরে সেকালের ভারতখানাকে “বুঝা” সম্ভবপর নয়।

[১]

ইয়োরোপীয়ান পণ্ডিতদের ভিতর যাঁহারা “ভারত তত্ত্বের” আলোচনা করেন তাঁহারা ইয়োরোপের ক্রমবিকাশ সম্বন্ধে মহা পণ্ডিত নন। তাঁহারা সংস্কৃত পালি আরবী ফার্সী ইত্যাদি ভাষা জানেন বটে। এই সকল ভাষায় প্রচারিত পুঁথি যাঁটা যাঁটি করিবার বিদ্যায় তাঁহাদের কাহারও কাহারও অভিজ্ঞতাও আছে প্রচুর সন্দেহ নাই।

কিন্তু তাঁহাদের অধিকাংশই না জানেন নৃতত্ত্ব, না জানেন চিত্ত-বিজ্ঞান। কি সঙ্গীত, কি চিত্রকলা, কি আইন, কি তর্ক-প্রণালী, কি ধনদৌলত, কি নগরজীবন, কি শিক্ষা-প্রণালী, কি পদার্থ-বিজ্ঞান কি দর্শন-শাস্ত্র এই সকল বিষয়ের ইয়োরোপীয় ধারা সম্বন্ধে প্রায় প্রত্যেকেই অনভিজ্ঞ। কথাটা ভারতবাসীর মরমে প্রবেশ করিবে কি?

ইংরেজ গাড়োয়ানরা শেকস্পীয়ারের ভাষায় কথা বলিতে পারে, হাসি-ঠাট্টাও করিতে পারে। কিন্তু তাহা বলিয়া ইংরেজ মাত্রকেই শেকস্পীয়ার সম্বন্ধে ওস্তাদ বিবেচনা করা চলিবে কি? হিন্দু মাত্রেই “মহাভাষ্য” “সূর্য্য সিদ্ধান্ত” আর “সঙ্গীত-রত্নাকর” ইত্যাদি গ্রন্থের “বোদ্ধা” বিবেচিত হইবে কি? সেইরূপ জার্মান, ইংরেজ, ফরাসী, ইতালিয়ান, মার্কিন ক্রশ ইত্যাদি ভারত-তত্ত্বের ব্যাপারীরা ইয়োরামিকায় জন্মিয়াছেন বলিয়া তাঁহারা খৃষ্টিয়ান ধর্ম, গ্রীক দর্শন, রোমান আইন, বেণেসাঁস যুগের স্থাপত্য, বুর্ব রাষ্ট্রনীতি, সমাজে পাশ্চাত্য নারীর ঠাই আর ইয়োরোপীয় কিবাণদের আর্থিক অবস্থা সবই বুঝেন এইরূপ বিশ্বাস করিলে হাওয়াস্পন্দ

হইতে হইবে। এই সকল বিষয় সম্বন্ধীয় বিজ্ঞান এক একটা স্বতন্ত্র
বিজ্ঞান। তাহার জ্ঞান স্বতন্ত্র স্বতন্ত্র "লেখাপড়া" গবেষণা, অনুসন্ধান
চালানো দরকার।

অর্থাৎ পশ্চিমা "ইণ্ডলজিষ্ট"রা আজ পর্যন্ত ভারত সম্বন্ধে যাহা
কিছু লিখিয়াছেন সম্বন্ধে "আলোচ্য বিষয়টার বিজ্ঞানের" কষ্টি-পাথরে
স্বয়ং দেখিতে হইবে। সংস্কৃত কাশী তাঁহারা যতই জাহ্নন না কেন
প্রত্যেক মিঞাকেই "বাজাইয়া" দেখা আবশ্যিক। আমাদের ভাষায়
তাঁহাদের দখল আছে বলিয়া তাঁহাদের পা চাটিতে অগ্রসর হওয়া
আহামুকি। পরিবার, সমাজ, ধনদৌলত, রাষ্ট্র, ধর্ম, জ্ঞানবিজ্ঞান ইত্যাদি
তাঁহারা কতটা বুঝেন তাহার খতিয়ান আগে হওয়া আবশ্যিক। তাহার
পর ভারতীয় জীবন ও সভ্যতা সম্বন্ধে তাঁহাদের মতামত আলোচনা করা
হইতে পারে।

[২]

এই গেল বিদেশী ভারত-তত্ত্বজ্ঞদের কথা। ভারতীয় ভারত-তত্ত্বজ্ঞদের
অবস্থা কিরূপ? কেবল ভারত-তত্ত্বজ্ঞ কেন, আমাদের যে-কোনো লাইনের
চরম পণ্ডিতেরাও ইয়োরোপীয় অনুষ্ঠান-প্রতিষ্ঠান, আদর্শ এবং চিন্তা-
প্রণালীর বিকাশ ধারা সম্বন্ধে প্রায় পূরাপূরি অজ্ঞ। কথাটা শুনাইতেছে খুবই
কড়া। কিন্তু ভারতসম্ভান বুকে হাত দিয়া বিগত পঞ্চাশ বৎসরের ভারতীয়
সাম্প্রদায়িক তলাইয়া মজাইয়া বুঝিতে চেষ্টা করুন। দেখা যাইবে,—কেন এই
কথাটা "চাক চাক গুড় গুড়" না করিয়া খুলিয়া বলিতে সক্ষম হইতে পারেন না।

ইয়োরোপের ক্রমবিকাশ সম্বন্ধে কেতাব মুখস্থ করিয়াছেন আমাদের
জ্ঞানেকেই। একথা অজানা নাই কাহারও। কিন্তু চাই "স্বাধীন" ভাবে
ভারতীয় স্বার্থে ইয়োরোপের ভূত ভবিষ্যৎ বর্তমান সম্বন্ধে গবেষণা

করিবার ক্ষমতা। পশ্চিমারা যেমন "ভারত-তত্ত্ব" "প্রাচ্য-তত্ত্ব" ইত্যাদি
বিজ্ঞান কামেম করিয়া নিজেদের জ্ঞান-মণ্ডল বাড়াইয়া তুলিতেছে ভারত-
সম্ভান সেইরূপ ইয়োরোপের তত্ত্ব বা পাশ্চাত্য তত্ত্ব গড়িয়া তুলিতে
চাহিয়াছে কি? সেই ক্ষমতা সৃষ্টি করিবার জ্ঞান ভারতে ব্যবস্থা কোথায়?

[৩]

এই অজ্ঞতা যতদিন থাকিবে ততদিন ভারতবাসী ইয়োরোপের সম্বন্ধে
ভারতবর্ষের তুলনা সাধন করিতে ভয় পাইবে। "বাপ্‌রে! গ্রীস?"
"বাপ্‌রে! রোম?" এইরূপ থাকিবে ততদিন ভারতীয় পণ্ডিতদের
চিন্তা প্রণালীর চণ্ড।

আর ততদিন ভারতবাসী ভারতীয় সভ্যতাকে "আধ্যাত্মিক" হিসাবে
ইয়োরোপীয়ান সভ্যতা হইতে উচ্চতর ভাবিয়া ধরের ছয়ার বন্ধ করিয়া
গোঁফে চাঁড়া মারিতে লজ্জা বোধ করিবে না। প্রকৃত প্রস্তাবে
ইহা কাপুরুষতা। রণে ভঙ্গ দেওয়ার নামান্তর ছাড়া ইহা আর
কিছুই নয়।

কিন্তু কাপুরুষতা দেখাইবার কোনো প্রয়োজন নাই। গ্রীক সাহিত্য
ল্যাটিন সাহিত্য এবং মধ্যযুগের ইয়োরোপীয়ান সাহিত্য,—মূলেই হউক
বা অনুবাদেই হউক,—যুবক ভারতে সুবিস্তৃতরূপে আলোচিত হইতে
থাকুক। রক্ত ঝাংয়ের মানুষ হিসাবে সেকালের হিন্দু নরনারীর সু-ক
সম্বন্ধে,—মায় তথাকথিত "জাতিভেদ" সম্বন্ধে ও একালের ভারত-
সম্ভানকে লজ্জিত হইতে হইবে না।

যুবক এশিয়ার দায়িত্ব

ছনিয়ার আধারই বেশী। ফাঁকে ফাঁকে যতটুকু "জ্যোতি" "সং-
"অমৃত" আনিবার লড়াই জগতে দেখা গিয়াছে তাহাতে ইয়োরোপীয়ান

রাষ্ট্র-যোগের দান নিন্দা করিতে বস। মুখখুনি। আবার সেই লড়াই
হিন্দু রাষ্ট্র-সাধনার ত্যাক ইজ্জৎ দাবী করিতে না পারাও মুখখুনি
নয়, -গোলামি।

প্রাচ্য সংসারে ইয়োরোপীয়ান সংসার অপেক্ষা বেশী অন্ধকার বিরাজ
করিত না। একথা স্বীকার করা পশ্চিমাদের স্বার্থ নয়। বিজ্ঞানের
তর্ক শাস্ত্রকে একমাত্র সহায় লইয়া যুবক এশিয়াকে এই পথে বহুকাল
একাকী বিচরণ করিতে হইবে।

দুজন একজন করিয়া পশ্চিমা পণ্ডিত ও হয়ত ক্রমশঃ এই পথের
দিকে ঝুঁকিতে থাকিবেন। তাহার পরিচয় ইতিমধ্যেই পাওয়া গিয়াছে।
গড়ন-বিজ্ঞানের বিচারে হিন্দু নরনারীকে একঘর্য্যে করিয়া রাখা আর বেশী
দিন সম্ভবপর হইবে না।

তবে কুমস্কারের মাত্রা বিজয়-গর্ভে অক্ষীরূত পশ্চিমা বিজ্ঞান মহলে
এখনো অতি গভীর। “এ সব দৈত্য নহে তেমন!” “লেগেসি অব
গ্রীস” অর্থাৎ “সত্যতার ইতিহাসে গ্রীক জাতির দান” নামক সত্য-প্রকাশিত
ইংরেজি প্রবন্ধ-সঙ্কলন-গ্রন্থের সুর দেখিলে পণ্ডিত মহাশয়দের বাড়াবাড়ি
বেশ স্পষ্ট বুঝা যায়। বিংশ শতাব্দীর পাশ্চাত্য “শল্লি নজ্‌ম্” বা হাম-
বড়ামি এই কেতাবের আবহাওয়ায় চরম ভাবে ঘনীভূত হইয়া রহিয়াছে
এই হাম-বড়ামির দাঁত ভাঙিয়া দেওয়া যুবক এশিয়ার অশ্রুতম দায়িত্ব।

রাষ্ট্র-বিজ্ঞানের তর্ক-শাস্ত্র

(১)

বর্তমান গ্রন্থের প্রধান কথা হিন্দু রাষ্ট্রের গড়ন। এই জন্ত রাষ্ট্র-
লেনদেন বিষয়ক তথ্য গুলার দাম বাত্মির করা অবশ্য কর্তব্য বিবো

হইয়াছে। জীবনের গতি-উদ্ভীর সঙ্গে এই সকল তথ্যের সম্বন্ধ কিরূপ?
এই প্রশ্নই তথ্যের দর-কষাকষি সমস্তার অর্থাৎ “ব্যাখ্যা”-সমস্তার
আসল প্রশ্ন।

এই খানেই তর্ক-প্রণালী বা আলোচনা-প্রণালী লইয়া ঘাঁটা ঘাঁটা
করিতে হইয়াছে। ইয়োরোপের আর্থিক ইতিহাস, শাসন-বিষয়ক ধারা,
আইনের বিধান সবই আসিয়া জুটিয়াছে। নৃতত্ত্বের ছাপ, চিত্তবিজ্ঞানের
প্রভাব আর ছনিয়ার আবহাওয়া এই সকল সূত্রে হাজির হইতে বাধ্য।

তুলনা-মূলক রাষ্ট্র-বিজ্ঞানের উপকরণ কিছু কিছু সঞ্চিত করা গিয়াছে।
এমন কি রাষ্ট্র-বিজ্ঞান বিচার ভূমিকা স্বরূপই এই কেতাবের বিভিন্ন
অধ্যায় গৃহীত হইতে পারে। রাষ্ট্র-বস্তু কি, রাষ্ট্র-শাসন কাহাকে বলে
এই সকল কথা দফায় দফায় কাটিয়া ছিঁড়িয়া বিশ্লেষণ করিবার দিকে
দৃষ্টি রহিয়াছে।

[২]

আর এক তরফ হইতে ও এই গ্রন্থকে আলোচনা-প্রণালী বা তর্ক-
শাস্ত্রের সামিল করা সম্ভব। তথ্য গুলার “ব্যাখ্যা” লইয়াই যে একমাত্র
গোল বাঁধে তাহা নয়। তথ্যগুলার “সত্যাসত্যতা” লইয়াই
প্রথম বিপদ।

কোনু তথ্যটাকে হিন্দু রাষ্ট্রের “বাস্তব” তথ্য বিবেচনা করা যাইবে?
এই প্রশ্নই “সত্যাসত্যতা” সমস্তার প্রাণ।

এই সূত্রে সকল প্রকার সাক্ষীর জমানবন্দি প্রতি পদক্ষেপে সমালোচনা
করিয়া দেখিতে বাধ্য হইয়াছি। ভারতীয় রাষ্ট্রশাসন সম্বন্ধে সত্য উদ্ধার
করা বড় সোজা কথা নয়। যে সকল সাক্ষ্য এতদিন মহাপূজ্য বিবেচিত

হইয়া আসিতেছে তাহাদের কিঞ্চৎ সম্বন্ধে ও সতর্ক হইবার কারণ দেখাইতে চেষ্টা করা গিয়াছে।

“লিপি”-সাহিত্য, মুদ্রা এবং বিদেশী ভারত-বৃত্তান্ত এই তিন শ্রেণীর সাক্ষ্য ছাড়া আর কোনো প্রমাণ লওয়া হয় নাই। তৃতীয়টার অর্থাৎ বিদেশী সাহিত্যের নজির তোলা হইয়াছে বটে—কিন্তু অনেক আমৃত আমৃত করিয়া। কেননা মেগাহেনিস, য়ুয়ান-চুয়াঙ্ ইত্যাদির রিপোর্টগুলি কতখানি বস্তুনিষ্ঠ তাহা প্রতি পদে জিজ্ঞাসা করিয়া অগ্রসর হওয়া আবশ্যিক।

ধর্মসূত্র, ধর্মশাস্ত্র, স্মৃতি-শাস্ত্র, নীতি-শাস্ত্র এবং রামায়ণ, মহাভারত ইত্যাদি সকল সাহিত্যই বর্জিত হইয়াছে। এমন কি কোর্টিল্যের “অর্থ-শাস্ত্র”কে ও যথাসম্ভব বাদ দেওয়া গিয়াছে। যেখানে যেখানে এই সকল সাহিত্যের সাহায্য লওয়া হইয়াছে সেখানে সেখানে গ্রন্থের দুর্বলতা বৃদ্ধিতে হইবে।

[৩]

কি “ব্যাখ্যা”র তরফ হইতে কি “সত্য উদ্ধারের” তরফ হইতে দুই দিক হইতেই অসংখ্য সন্দেহ এবং কূট প্রশ্ন তুলিয়াছি। এই সংশয়গুলার কিনারা করা হয়ত বহু ক্ষেত্রেই সম্ভবপর হয় নাই। সংশয়গুলো বাজারে হাজির করাই বর্তমান রচনার অত্যন্ত মুখ্য উদ্দেশ্য।

কাজেই এখানে ওখানে “ধান ভানতে শিবের গীত” অনেক শুনা যাইবে! সেগুলো বাজে কথা নয়। এই সংশয়গুলিই যুবক ভারতের বিজ্ঞান-সেবাকে নব যৌবনে ভরিয়া তুলিবে।

ধাহারা রাষ্ট্র-বিজ্ঞান অথবা ভারতীয় ইতিহাস ইত্যাদির ধার ধারেন না তাহারা ও তর্কশাস্ত্রের হিসাবে গ্রন্থটার ভিতর কিছু কিছু সরঞ্জাম

পাইবেন। সমাজ-তত্ত্বের “লজিক” বা যুক্তি-বিজ্ঞান প্রতিষ্ঠিত করিবার জন্তই যেন হিন্দু রাষ্ট্রের গড়ন বিষয়ক তথ্য সমূহ লইয়া খেলা করা হইয়াছে স্থানে স্থানে এইরূপ বোধ হইবে।

“দ’লা মেতদ দাঁ লে সিয়াম্” অর্থাৎ “বিজ্ঞানের আলোচনা প্রণালী” নামক ফরাসী গ্রন্থ কিছু কিছু মনে পড়িবে।

গোটা বই পড়িবার সময় যাহাদের নাই তাহারা সরকারী আম-বায়, পল্লী-শাসন, ছনিয়ায় গণ-তন্ত্র এবং জনগণের সমাজ-কেন্দ্র এই চার পরিচ্ছেদ বাঁটিয়া দেখিতে পারেন। গ্রন্থকারের আলোচনা-প্রণালী এবং সিদ্ধান্তের নমুনা মোটামুটি পাওয়া যাইবে। পরিশিষ্ট গুলি একত্রে দেখিলে ও খানিকটা চালতে পারে।

কেতাবের আত্মকাহিনী

কোনো প্রতিষ্ঠান সম্বন্ধেই বিভিন্ন “প্রদেশ” হইতে সকল প্রকার প্রমাণ হাজির করিতে চেষ্টা করি নাই। ভিন্ন ভিন্ন “যুগের” প্রমাণ ও কোন প্রতিষ্ঠান সম্বন্ধেই দেওয়া হয় নাই। যে প্রদেশে অথবা যে যুগে প্রতিষ্ঠানটাকে যথা সম্ভব পরিপূর্ণ মূর্তিতে পাকড়াও করিতে পারিয়াছি একমাত্র সেই প্রদেশ বা সেই যুগের সাক্ষ্যই লওয়া হইয়াছে।

প্রত্যেক প্রদেশ এবং প্রত্যেক যুগ হইতে রগড়াইয়া রগড়াইয়া তথ্য বাহির করিতে প্রয়াসী হইলে প্রত্যেক অধ্যায় লইয়া বর্তমান গ্রন্থের আকারের স্বতন্ত্র স্বতন্ত্র গ্রন্থ রচনা করা সম্ভব। কোনো কোনো পরিচ্ছেদ লইয়াও স্বতন্ত্র সূত্রহৎ গ্রন্থ রচিত হইতে পারে। সেই প্রয়াস করা কর্তব্য ও বটে।

মোটের উপর হাজার দুই পৃষ্ঠা দিখিবার মতন মালমশলা আছে। তবে বর্তমান গ্রন্থের মতলব তাহা নয়। এই উদ্দেশ্যে পাঁচ ছয় জন

লেখক তিন তিন বৎসর করিয়া ভিন্ন ভিন্ন বিভাগে একত্রে খাটিলে বাংলা সাহিত্যে ঐক্য অপূর্ণ গ্রন্থমালা দেখা দিতে পারে।

এই কেতাবে বহুরে যথাসম্ভব ক্ষুদ্র করা হইয়াছে আর এক উপায়ে। “লিপি” সাহিত্য অথবা অল্প কোনো প্রমাণ-ভাণ্ডার হইতে লম্বা লম্বা বিবরণ উদ্ধৃত করা হয় নাই। এই সকল সুবিহ্বৃত বিবরণের ভিতর সাধারণতঃ হয়ত বা কেবল মাত্র একটা বিশেষণে বা একটা ক্রিয়াপদে আসল কাহ্নের কথা থাকে। বর্তমান রচনায় সেই বিশেষণটা অথবা ক্রিয়াপদটা মাত্র—তাহাও আবার অনেক স্থলেই মূলের আকারে নয়,—খাটি বিংশ শতাব্দীর ঘাট মাঠের বাংলায়,—আনিয়া খাড়া করিয়াছি।

লম্বা লম্বা মৌলিক বৃত্তান্ত এবং তাহার দশগজি চওড়া তর্কমা প্রদ্বত্বের গ্রন্থে বিশেষ মূল্যবান। কিন্তু জীবন-তত্ত্বের ব্যাপারীর পক্ষে “ভিতরকার কথাটা” টানিয়া বাতির করাই বিজ্ঞান-চর্চার একমাত্র লক্ষ্য। প্রদ্বত্বের হাবিজাবি জবরজঙ্ঘ ল্যাভরেটরিতে বা কৰ্মশালায় রাখিয়া রক্ষমক্ষে দেখাইতেছি কেবল মাত্র হিন্দু নরনারীর রাষ্ট্রীয় রক্ত-তরঙ্গ।

গ্রন্থ-পঞ্জী

দেশী বিদেশী পণ্ডিতেরা যাহা কিছু লিখিয়াছেন তাহা সবই বোধ হয় পড়িয়া দেখিয়াছি। তাঁহাদের আলোচনা-প্রণালীর সঙ্গে অথবা সিদ্ধান্তের সঙ্গে মিলুক বা না মিলুক প্রায় প্রত্যেককেই বোধ হয় অগ্রজ হিসাবে ইজ্জৎও দিতে ক্রটি করি নাই। তাঁহাদিগকে “ফুটনোটের” পায়ে গোড়ায় ফেলিয়া না রাখিয়া কেতাবের মালের সঙ্গেই তাঁহাদের নাম রাখিয়া রাখিতে চেষ্টা করিয়াছি।

বিশেষতঃ, বর্তমান গ্রন্থ বাংলা ভাষায় রচিত হইতেছে বাংলার গ্রন্থকারের একটা নতুন রকমের দায়িত্বও আছে। “বাংলা সাহিত্যের” সঙ্গে দেশী বিদেশী পণ্ডিত গণের “আবিষ্কৃত” ভারত-তত্ত্বের পরিচয় এক প্রকার নাই বলিলেই চলে।

কোলকরক, মেইন, জিব্লী, সেনার, ফয়, হিরেব্রাণ্ট, ষ্টাইন ইত্যাদি বিদেশী ইণ্ডলজিষ্টদের নাম বাংলা ভাষায় সাহায্যে জানিতে পারে না। এমন কি রামকৃষ্ণ গোপাল ভাণ্ডারকার, গুরুদাস বন্দ্যোপাধ্যায়, কৃষ্ণস্বামী আয়্যাকার, রাধাকৃষ্ণ মুখোপাধ্যায়, কাশীপ্রসাদ জয়সওয়াল, প্রমথনাথ বন্দ্যোপাধ্যায়, রমেশচন্দ্র মজুমদার ইত্যাদি ভারতীয় সুধীর রচনা ও বঙ্গ সাহিত্যে অজ্ঞাত। একমাত্র শ্রীযুক্ত নরেন্দ্রনাথ লাহার অগ্রতম ইংরেজি গ্রন্থ শ্রীযুক্ত কালীপ্রসন্ন দাশগুপ্ত কর্তৃক “প্রাচীন হিন্দু দণ্ডনীতি” নামে বাংলায় অনূদিত হইয়াছে [১৯২৩]।

বাঙালী পাঠকগণের সঙ্গে এই সকল এবং অগ্রতম লেখকের রচনার সংযোগ স্থাপন করা অগ্রতম কর্তব্য বিবেচনা করিয়াছি।

(২)

তাহা ছাড়া গ্রীস, রোম, এবং ইয়োরোপীয় মধ্যযুগ ও বর্তমান জগৎ সম্বন্ধে বনবিজ্ঞান, নৃত্ব, আইন, রাজস্ববিজ্ঞান, পল্লী-স্বরাজ, রণনীতি, নগরজীবন, ভূমিবিধান ইত্যাদি বিষয় লইয়া পাশ্চাত্য পণ্ডিত-গণের যে সকল রচনা আছে সে সব ত বাঙালীর সাহিত্যে একরকম অজানা। কতকগুলো গ্রন্থ এবং গ্রন্থকারের নাম “এক কথায় পরিচয়ের” সহিত কেতাবের ভিতর যথাস্থানে বসাইতে চেষ্টা করিয়াছি।

শ্বেমান, রামজে, আনল্ড, জেঙ্ক্‌স্, হ্যাল্শ্, ব্রিসো, জোসেফ-বার্থলেমি, লরোজা-ব্যোলিয়ো, গুড্‌নো, হিলোবি, গম, ছিবনোগ্রাদফ্,

হেপ্‌টেক, গেভের্‌স, হাইল, লোহ্‌সি, হোল্ডম্‌স্‌বার্থ ইত্যাদি নানা “অকথা” নামে কেতাভের অঙ্গ কতবিধকত হইয়া পড়িয়াছে। রাষ্ট্র-বিজ্ঞানে চৌহদ্দি বুঝিবার পক্ষে বাঙালী পাঠকের সাহায্য হইবে আশা করি বাংলা সাহিত্য যে কত দরিদ্র তাহাও প্রত্যেক সুবিবেচকেরই সহজে মান্য হইবার কথা।

বর্তমান গ্রন্থের আলোচনায় যে সকল বিদেশ-বিষয়ক গ্রন্থ কাজে লাগে তাহার কয়েকটা ইতিমধ্যে বাংলায় অনূদিত হইয়াছে। নিম্নে এই গুলোর নাম প্রদত্ত হইল :—

- ১। গ্রীজো—প্রণীত “ইয়োরোপীয় সভ্যতার ইতিহাস” [ফরাসী গ্রন্থ]
অনুবাদক শ্রীরবীন্দ্রনারায়ণ ঘোষ
- ২। এঙ্গেল্‌স—প্রণীত “পরিবার, গোষ্ঠী ও রাষ্ট্র” [জার্মান গ্রন্থ]
অনুবাদক শ্রীবিনয়কুমার সরকার
- ৩। লাকার্গ—প্রণীত “ধনদৌলতের রূপান্তর [ফরাসী গ্রন্থ]

অনুবাদক ত্রৈ

গ্রন্থ তিনটাই যন্ত্রস্থ।

যুবক ভারতের ইজ্জৎ রক্ষা

এই পৌণে এগার বৎসর ধরিয়া বিশ্ব-শক্তির সঙ্গে বুঝাপড়া চলিতেছে অতি সজাগ ভাবে। পর্যটনের সঙ্গে সঙ্গে অশেষ প্রকার তথ্য-সঙ্কলন, তথ্যের ব্যাখ্যা, জীবন-সমালোচনা আর দার্শনিক তর্কপ্রশ্ন জুটিয়াছে পর্বত-প্রমাণ।

তাহার ভিতর সিদ্ধান্ত ও সমন্বয় বেশী আছে কি সংগ্রাম ও সংশয় বেশী আছে বলা কঠিন। তবে সর্বত্রই ঝড় বহিয়া যাইতেছে।

প্রায় পাঁচ হাজার পৃষ্ঠা বাংলায় এবং তিন হাজার পৃষ্ঠা ইংরেজিতে এই সকল ছনিয়া-জোড়া অভিজ্ঞতা মুক্তি পাইয়াছে। তাহার গণ,—ঝড় তুফানের ঝাপটা সমেত,—বর্তমান গ্রন্থের ক্ষুদ্র কলেবরও বোধ হয় কিছু কিছু সহিতে হইল।

এক চিলে অনেক পাখী মারিতে চেষ্টা করিয়াছি। রচনার অধ্যায়ে অধ্যায়ে বহু ক্রটি রহিয়া যাওয়া অসম্ভব নয়।

আগামী দশ বৎসরের ভিতর এই কেতাভের “হঁকো-নলচে ছুইই বদলানো” আবশ্যিক হইলে যুবক ভারতের ইজ্জৎ রক্ষা পাইবে। এই বুঝিয়া বাঙালার বিজ্ঞান-সেবীরা এবং বিত্তা-“সংরক্ষকে”রা ভাবুকতার বিভিন্ন কর্মক্ষেত্রে অবতীর্ণ হউন।

শ্রীবিনয়কুমার সরকার।

বোৎসেন, ব্রেস্তিনো [ইতালি]

১৪ নবেম্বর ১৯২৪

স্বতীপত্র

ভূমিকা

রাষ্ট্র-সাধনায় হিন্দু জাতি	১০
জরীপ করিবার যন্ত্র	১০
গড়ন-বিজ্ঞানের জাতি-বিভাগ	১০
কুসংস্কারের বিরুদ্ধে লড়াই	১০
আথেনীয় "স্বরাজে"র অনুপাত	১০
ইয়োরোপের ঐতিহাসিক ভূগোল ও রাষ্ট্রীয় ধারা	১০
পাশ্চাত্য দণ্ড-বিধি	১০
"বাপরে! গ্রীস?" "বাপরে! রোম?"	১০
যুবক এশিয়ার দায়িত্ব	১০
রাষ্ট্র-বিজ্ঞানের তর্ক-শাস্ত্র	১০
কেতাবের আত্ম-কাহিনী	১০
গ্রন্থ-পঞ্জী	১০
যুবক ভারতের ইচ্ছাৎ রক্ষা	১০

প্রথম অধ্যায়

হিন্দু মননকারীর শাসন-দক্ষতা

প্রথম পরিচ্ছেদ—হিন্দু শাসনে ধনদৌলত	
ব্যক্তির দর	১
“মিতাকরা” ও “দায়ভাগ”	৪
ব্যক্তি-স্বতন্ত্র্যে পূর্ব ও পশ্চিম	৬
দ্বিতীয় পরিচ্ছেদ—হিন্দু শাসনে পুরুষ ও নারী	৮
স্বাধীন	৯
হিন্দু নারী ও স্ত্রী-স্বাধীনতা	১২
পরিশিষ্ট নং ১—ধর্মসূত্র ও স্মৃতিশাস্ত্রের	
ত্রিতিহাসিক মূল্য	১৫
তৃতীয় পরিচ্ছেদ—পারিবারিক প্রতিষ্ঠান।	
ঘোন সম্বন্ধের শাসন	১৭
আট প্রকার বিবাহ এবং হিন্দু সঙ্গতির	
সামরিক ও আর্থিক ইতিহাস	১৮
“স্বধর্ম”-নীতির পাশ্চাত্য ধারা	১৯
বর্ণাশ্রমের বাস্তব ভিত্তি	২১
“দিগ্‌বিজয়ী”র চিন্তা-বিশ্লেষণ	২২
বর্ণ-সঙ্কর ও আপদধর্মের “ভিতরকার কথা”	২৩
হাড়মাসের কোষ্ঠী-গণনা	২৫

চতুর্থ পরিচ্ছেদ—জনগণের সমাজ-কেন্দ্র

গোষ্ঠীর আখড়া	২৬
ভারতের “সজ্ব”-শক্তি	২৮
“অর্থ-শাস্ত্রে”র সজ্ব	৩১
“সমূহ”-প্রতিষ্ঠান	৩৪
ভারতীয় সজ্বের ধ্বংসাবশেষ	৩৫
“গণ”-কেন্দ্র	৩৭
হিন্দু সজ্বের সীমানা	৩৯
নবযুগের সজ্ব-জীবন	৪১
পরিশিষ্ট নং ২—সন্দেহ-মূলক প্রশ্ন	৪৩
পঞ্চম পরিচ্ছেদ—লোকহিতকর প্রতিষ্ঠান	
দান ঠেঁহরাতের শাসন	৪৫
তামিল “সঙ্গম”	৪৬
আরোগ্য-শালা	৪৭
বিশ্ববিদ্যালয়	৪৮
ষষ্ঠ পরিচ্ছেদ—ধর্ম-প্রতিষ্ঠানের শাসন-প্রণালী	
ধর্মকেন্দ্র ও রাষ্ট্র	৫০
মহাবগ্‌গ ও চুল্লবগ্‌গ	৫১
সজ্বের পরিচালনা	৫২
সমাজ ও ধর্ম-শাসন	৫৬
সপ্তম পরিচ্ছেদ—আর্থিক জীবনের গড়ন ও	
শাসন	৫৮
পাশ্চাত্য সমাজে আর্থিক দলিল	৫৮
“শ্রেণী”-গৌরবে ইয়োরোপ ও ভারত	৫৯

কিষণ-শ্রেণী	৬০
রাখাল-শ্রেণী	৬০
বণিক-শ্রেণী	৬১
কারিগর-শ্রেণী	৬২
ভারতের শ্রেণী-সাহিত্য	৬৪
শ্রেণী-প্রতিষ্ঠানের কর্ম-গণী	৬৫
বৃহস্পতির শ্রেণী-বিধান	৬৬
"সত্ত্ব-ব্যক্তি" বা ঐক্যবিশিষ্ট লোক-সমষ্টি	৬৭
শ্রেণী ও নগর শাসন	৬৯
পরিশিষ্ট নং ৩—"বিনয়"-সাহিত্য এবং "প্রশ্ন", "স্মৃতি", ও "নীতি"-শাস্ত্র	৭০

দ্বিতীয় অধ্যায়

হিন্দু রাষ্ট্রে স্বরাজ	৭২
প্রথম পরিচ্ছেদ—রাষ্ট্র-শাসন	৭২
ব্যক্তি-বিষয়ক বা ব্যক্তিগত আইন	৭২
"পাব্লিক ল" বা শাসন-নীতি	৭৩
হিন্দু "কনস্টিটিউশন"	৭৪
রাষ্ট্র ও রাজ্য	৭৫

রাষ্ট্র-"লক্ষণ"	৭৬
হিন্দু "শাসন-নীতি"র সাক্ষী	৭৮
দ্বিতীয় পরিচ্ছেদ—পল্লী-কেন্দ্রের শাসন-প্রথা	৮০
দক্ষিণ ভারতে পল্লী-স্বরাজ	৮০
পল্লী-স্বরাজের বাছাই-মঙ্গল	৮৩
পল্লীবাসীর রাষ্ট্রীয় একুতিয়ার	৮৪
আত্ম-কর্তৃত্বে চোল মণ্ডল	৮৬
পল্লী-বিজ্ঞান	৮৮
পল্লী-বিধানে ধনদৌলত	৯০
তথাকথিত "যৌথ পল্লী" বা হিবলেজ কমিউনিটি"	৯১
প্রাচ্য ও পাশ্চাত্য পল্লী	৯২
সাম্রাজ্য বনাম স্বরাজ	৯৪
স্বরাজের দৌড়	৯৮
কোটেলোর "গোপ"	৯৯
পরিশিষ্ট নং ৪—"লিপি"-সাহিত্য বনাম "শাস্ত্র"-সাহিত্য	১০১
তৃতীয় পরিচ্ছেদ—নগর শাসন	১০৪
পল্লী ও নগর	১০৪
বিদেশী সাহিত্যে ভারতীয় নগর	১০৬
নগর-সভ্যতায় হিন্দু নরনারী	১০৭
ভারতীয় নগরের গড়ন	১০৯
তামিল নগরের "পঞ্চাট"	১১০
নগর-কেন্দ্রের শাসন-প্রথা	১১২
নগর-শাসনের বিশেষত্ব	১১৬

পাটলিপুত্রের ত্রিশ মাতর্কর	১১৪
রকমারি নগর-স্বরাজ	১১৮
রোম ছুঙনে পাটলিপুত্র	১২০
মৌর্য নগরের আইনকানুন	২২১

চতুর্থ পরিচ্ছেদ—“দেশ”-সভা ১২৪

হিন্দু ও ইয়োরোপীয়ান “দেশ”	১২৪
তুলনা-মূলক ইতিহাস	১২৫
ভামিল দেশে “মহাসভা”	১২৭
ভারতে “প্রতিনিধি-তন্ত্র”	১২৮
বহি-পরিষৎ	১২৯
হিন্দু মন্ত্রীর এক্টিয়ার	১৩২
“দেশ”-স্বরাজে হিন্দু কৃতিত্ব	১৩৫
ইয়োরোপীয় স্বরাজের বিকাশ-ধারা	১৩৬
তথা-কথিত হিন্দু পাল্যামেন্ট	১৩৮

পঞ্চম পরিচ্ছেদ—বিচার-ব্যবস্থার জন সাধারণের আত্মকর্তৃত্ব ১৪০

ইয়োরোপে জুরির বিচার	১৪০
হিন্দু জুরি	১৪১

ষষ্ঠ পরিচ্ছেদ—রাজসিংহাসন ও জন সাধারণ ১৪৩

রাজশক্তির খর্বতা সাধন	১৪৩
রাজ-নির্বাসন	১৪৪
“প্রতিজ্ঞা” ও “সময়”	১৪৫
নৃপতি নির্বাচন	১৪৭
রাজগদির উত্তরাধিকারী ও লোকমত	১৪৯

সপ্তম পরিচ্ছেদ—স্বরাজ-তন্ত্র ১৫০	
বিখচিত্তার স্বরাজ (“ডেমোক্রেসি”)	১৫০
“ল”, “ধর্ম”, “রেথ্‌ট”, “জুস্তিস্”	১৫২
“ডেমোক্রেসি”র ফরাসী ব্যাখ্যা	১৫৩
ভাতৃদের দৌড়	১৫৪
সাম্যের ধারা	১৫৫
স্বাধীনতার ইতিহাস	১৫৫
স্বরাজ-সাধনার ক্রমবিকাশ	১৫৬

তৃতীয় অধ্যায়

সাম্রাজ্য-শাসনে হিন্দু সম্রাজ

প্রথম পরিচ্ছেদ—হিন্দু রাষ্ট্রের সমর-বিভাগ ১৬০	
সার্কভোমের শক্তি-যোগ	১৬০
সমর-দক্ষতার হিন্দু নরনারী	১৬৩
হিন্দু লড়াই-ধর্মের গ্রীক সাক্ষ্য	১৬৫
হিন্দু ও মুসলমান	১৬৭
হিন্দু পণ্টনের বহর	১৭০
সমুদ্রগুপ্তের দিগবিজয়	১৭৩
আর্যাবর্তের শাল্য মৈত্র্যগণ	১৭৫
চোল সম্রাজ্যের সেনাশাসন	১৭৭
হিন্দু সেনাশাসনের চীনা বিবরণ	১৭৮

আফ্রু সাম্রাজ্যের সমর বিভাগ	১৮১
পঞ্জাবের নৌ-সেনা	১৮১
আলেকজান্দার বনাম হিন্দু পণ্টন	১৮২
মৌর্য পণ্টন = ২ রোমাণ পণ্টন +	১৮৫
সমরশাসনে মৌর্য সাম্রাজ্য	১৮৭

পরিশিষ্ট নং ৫—“সাহিত্যে” হিন্দু সমর শাসন ১৯০

দ্বিতীয় পরিচ্ছেদ—হিন্দুরাষ্ট্রের শাসনাধ্যক্ষ ১৯২

“পাক্স সার্কভোমিকা”র শাসন-যন্ত্র	১৯২
চোল সাম্রাজ্যে কেন্দ্রী-করণ	১৯৪
শাসনাধ্যক্ষদের বেতন	১৯৬
অশোকের সাম্রাজ্য-সাধনা	১৯৭
মৌর্যদের শাসন-যন্ত্র	১৯৯
হিন্দু শাসনে “ডোমস্‌ডে” জরীপ	২০১
সড়কের রাষ্ট্র-নীতি	২০৩
কাঠিয়াবাড়ের সুদর্শন ব্রহ্ম	২০৪
“কর্মস্থানে”র সিঁড়ি	২০৬
হিন্দু “সাহিত্যে” সাম্রাজ্য-চিন্তা	২০৭

তৃতীয় পরিচ্ছেদ—বিচার ব্যবস্থা ২১০

দক্ষিণ ভারতের আদালত	২১০
বিচার ব্যবস্থায় লঙ্কার লোক	২১১
“শাস্ত্র” সাহিত্যে সরকারী আদালত	২১২
“স্বরাজ্যে”র আদালত	২১৪
বুড়াদের ঘোঁট-মজল	২১৫
আদালতের পাঁচ ধাপ	২১৬

কৌটিল্যের দেওয়ানি ও ফৌজদারি ২১৭

সার্কভোমের আদালত ২১৮

পরিশিষ্ট নং ৬—“কৌটিল্য-দর্শনে” ব্যক্তিগত

অভিজ্ঞতা ২২০

চতুর্থ পরিচ্ছেদ—সরকারী আয়ব্যয় ২২৬

আয়ব্যয়ের মোসাবিদা ২২৬

প্রত্ন-তত্ত্ব ও রাজস্ব-বিজ্ঞান ২২৭

হর্ষবর্দ্ধনের “সাম্রাজ্যিক গৃহস্থালী” ২২৮

যুয়ান-চু আঙের রিপোর্ট ২৩০

করদান হইতে রেহাইয়ের তামিল দলিল ২৩২

ব্যক্তি-কর, সম্পত্তি-কর, ব্যবসা-কর ২৩৪

কর (“ট্যাক্স”) কাহাকে বলে ২৩৭

করের এলাকার বহির্ভূত আদায় ২৩৯

“লিপি” বনাম “সি-য়ুকি” ২৪১

রোমাণ আইনে জমিজমা ২৪১

চোল আমলের ভূমি-কর ২৪৩

ব্যক্তিগত ও যৌথ জমি ২৪৪

রাজরাজের বন্দোবস্ত ২৪৫

চুক্তি-সংগ্রাহক ? ২৪৬

“কর” বনাম “ভাড়া” ২৪৬

শোষণ-নীতি ২৪৭

“গড়ন-বিজ্ঞানে”রাজস্বের ধারা ২৪৮

সরকারী খরচপত্রের বহর ২৫১

হিন্দুরাষ্ট্রের কর্ম-গণ্ডী ২৫১

দেশোন্নতি-বিধায়ক সরকারী কাজ	২৫০
রাষ্ট্র ও সমাজ	২৫৪
ধন-সচিবের বিপুল উদয়	২৫৬
রাজস্বের কেন্দ্রী-করণ	২৫৮
মেগাষ্টেনিস বনাম কোটিল্য	২৫৭
“অর্থশাস্ত্রে”র রাজস্ব	২৬০
“প্রত্যক্ষ” ও “অপ্রত্যক্ষ” কর	২৬১
আমদানি-শুল্ক	২৬২
কোটিল্যের শুল্ক-নীতি	২৬৩
বিক্রয়-শুল্ক	২৬৩
জরিমাণা	২৬৪
বণিক বেশে মৌর্য সাম্রাজ্য	২৬৫
কোটিল্যের শিল্প-রাষ্ট্র	২৬৬
ধনি-শিল্প	২৬৬
লবণের কারবার	২৬৭
তেলের ঘানি	২৬৭
জনগণের আর্থিক অবস্থা	২৬৭
“গরীবের মাবাপ”	২৭০
“আপকর্ষে”র রাজস্ব	২৭১
পঞ্চম পরিচ্ছেদ—পত্ররাষ্ট্র বিভাগ (“আবাপ”)	
আমদানি-শুল্ক ও পাসপোর্ট	২৭৩
“বিদেশ”	২৭৩
আন্তর্জাতিক লেনদেন	২৭৪
সন্ধি ও বিগ্রহ	২৭৫

“মণ্ডল” এবং “বিজিগীষু”	২৭৬
রাষ্ট্রে রাষ্ট্রে সরকারী আনাগোনা	২৭৮
ষষ্ঠ পরিচ্ছেদ—আইন-গঠন	
মধ্যযুগের ইয়োরোপ	২৮০
“চরিত্র” (“কাষ্টম”) বনাম আইন (“ল”)	২৮১
অনুশাসন-বিজ্ঞানবিৎ মেইনের অসম্পূর্ণতা	২৮২
অষ্টনের “ল” (কোটিল্যের “রাজ্যমাজা”)	২৮৩
হিন্দু আইনের সংগ্রহালয়	২৮৪
হুনিয়ার আইন-সাহিত্যে “স্বতিশাস্ত্রে”র ঠাই	২৮৪
চোল “রাজ্যমাজা”র “দিজেষ্ট”	২৮৭
অশোক-সংহিতায় নবীন-প্রবীণ	২৮৮
চানা বৃত্তান্তে হিন্দু আইন	২৯০
হিন্দু আইনের গতিশীলতা	২৯১
“অর্থশাস্ত্রে” মৌর্য “ইনস্টিটিউৎ”	২৯২
মেগাষ্টেনিস-সমস্তা	২৯৩
পরিশিষ্ট নং ৭—“আইনের রাজস্ব” ও “আধুনিকতা”	২৯৫

চতুর্থ অধ্যায়

গণ-তন্ত্রের হিন্দু-রাষ্ট্র

প্রথম পরিচ্ছেদ—দুনিরাস গণ-তন্ত্র	২২৭
পিতৃতন্ত্রী যথেষ্টাচার	২২৭
গণতন্ত্র শক্তিব্যোগ	২২৪
রাজতন্ত্র বনাম গণতন্ত্র	২২৫
গণ-তন্ত্র ও স্বরাজ	২২২

দ্বিতীয় পরিচ্ছেদ—গণ-রাষ্ট্রের শেষ যুগ (খৃঃ পূঃ

১৬০—খৃঃ অবঃ ৩৫০)	
পাঁচশ' বৎসর	৩০২
প্রাচীন মুদ্রার সাক্ষ্য	৩০২
গুপ্ত সাম্রাজ্যে "হোমকল"	৩০৩
"অবদান-শতকে"র গল্প	৩০৪
পঞ্জাবের ঔৎসব	৩০৪
যৌধয়দের নামডাক	৩০৪
"রাজপুত্র" অর্জুনায়ন	৩০৫
মালব "গণ"	৩০৬
সিবি	৩০৬
কুলিন্দ ও বৃষ্টি	৩০৬
রাষ্ট্র-বিজ্ঞানের সমস্তা	৩০৭
"গণ" গুলা "শ্রেণী" না রাষ্ট্র ?	৩০৮

জাতিবাক্য শব্দ	৩০২
আমেরিকার ইরোকোয়া জাতি	৩১১
হিন্দুসভ্যতায় গণতন্ত্রের প্রভাব	
তৃতীয় পরিচ্ছেদ—আলেকজান্দার-বিরোধী	
পাঞ্জাবী "গণ" (খৃঃ পূঃ ৩৫০—৩০০)	
গ্রীক ফোজের গল্পগুজব	৩১৩
পতল নগর	৩১৪
মালব-কুদ্রক বন্ধুত্ব	৩১৪
সম্বাস্তায় ও জেদ্রোস্তায়	৩১৬
সর্কাসী	৩১৬
রকমারি গণ-তন্ত্র	৩১৭
ক্ষত্রিয় ও অগ্রাণ্ড জাতির "গণ"	৩১৭
অগলাসসোয় জাতির বীরত্ব	৩১৭
নিসাইয়াদের গণতন্ত্র-প্রাতি	৩১৮
আরটু	৩১৯
মেগাস্থেনিসের "গণ"-কাহিনী	৩১৯
ভারতীয় "গণের" সাক্ষী	৩২১
গ্রীক চোখে হিন্দু গণ-রাষ্ট্র	৩২১
হিন্দু গণ-রাষ্ট্রের গড়ন	৩২৩
পরিশিষ্ট নং ৮—গণতন্ত্র ও হিন্দু সাহিত্য	
"শাস্ত্র"-সাহিত্য	৩১৬
"শাস্তিপর্বে"র গণ-কথা	৩২৭
গণ গুলা কি "বড় ঘরের বাবু সমাজ" ?	৩২৮
করদী-কৃত "হোমকল"-ভোগী রিপাব্লিক ?	৩২৯

২১০

গোষ্ঠী-রাষ্ট্র ?

৩৩০

“অর্থশাস্ত্রে”র আটবিক জাতি

৩৩১

কোটিভ্যের “সঙ্ঘ”-রিপাব্লিক

৩৩২

পরিশিষ্ট নং ৯১-কান্দীপ্রসাদের “হিন্দু পলিটি”

৩৩৪

নির্ঘণ্ট

৩৩৭



হিন্দু রাষ্ট্রের-গড়ন

প্রথম অধ্যায়

হিন্দু নরনারীর শাসনদক্ষতা

প্রথম পরিচ্ছেদ

হিন্দু শাসনে ধনদৌলত

ব্যক্তির দর

(১)

ব্যক্তির উপর সমাজের এক্টিয়ার কতখানি ? প্রত্যেক রাষ্ট্রশাসন সম্বন্ধে এই প্রশ্নটা প্রথমেই মনে আসে। হিন্দু নরনারীর শাসন-দক্ষতা আলোচনা করিবার সময়ও এই প্রশ্নের জবাব পাওয়া আবশ্যিক।

কি হিন্দু সমাজে, কি পাশ্চাত্য বা খৃষ্টিয়ান সমাজে, কি মুসলমান এবং চীনা ও অন্যান্য সমাজে ব্যক্তি ও সমাজের পরস্পর সম্বন্ধের কথা লইয়া নানা মত ও আদর্শ প্রচারিত আছে। কিন্তু আসল কথাগুলো ধরা পড়ে

বাঁটি আইন কানুনের ধারার ভিতর। কাজেই জিজ্ঞাস্য, হিন্দু নরনারীর ব্যক্তি সম্বন্ধে কিরূপ আইন কায়েম করিয়াছিল ?

ভারতবর্ষ বিশাল। এই মহাদেশের উত্তর, দক্ষিণ, পূর্ব, পশ্চিম প্রান্তের সকল মুল্লুকের আইন কানুনগুলা পরিকাররূপে জানা আছে, একথা বলা চলে না। অধিকন্তু অতি প্রাচীনকালে ভারতীয় সমাজের কোন্ কোন্ কেরূপ আইন প্রচলিত ছিল সেই বিষয়েও “নৃতত্ত্ব”-বিদগণের গবেষণা বেশী দূর অগ্রসর হয় নাই।

খৃষ্ট-পূর্ব তৃতীয় ও চতুর্থ শতাব্দীতে মৌর্য সাম্রাজ্যের কাল। খৃষ্টীয় ত্রয়োদশ শতাব্দীতে দক্ষিণ ভারতে চোল সাম্রাজ্যের অবসান। এই বোল সতের শ বৎসরের ভিতর হিন্দু রাষ্ট্রে ব্যক্তির ঠাঁই কিরূপ ছিল তাহা বুঝিবার উপায় কিছু কিছু আছে।

(২)

একাদশ শতাব্দীতে বিজ্ঞানেশ্বর “মিতাক্ষরা” রচনা করেন (১০৫০)। এই গ্রন্থ প্রাচীনতর আইন-জ্ঞ যাজ্ঞবল্ক্যের প্রণীত বা সঙ্কলিত গ্রন্থের ভাষা এবং টীকাটিপ্পনী মাত্র। যাজ্ঞবল্ক্য সম্ভবতঃ খৃষ্টীয় চতুর্থ শতাব্দীর আইন-পণ্ডিত। “মিতাক্ষরা” গোটা ভারতের আইন।

প্রায় সেই সময়েই—বস্তুতঃ ছই তিন পুরুষের ভিতর—বাংলা দেশের জ্যেষ্ঠ কতকগুলা আইন সঙ্কলিত ও প্রচারিত হইয়াছিল। তাহাদের সংক্ষিপ্ত নাম ‘দায়ভাগ’ (১১৫০)। সঙ্কলন কর্তার নাম জীমূতবাহন। বিজ্ঞানেশ্বরের মতন জীমূতবাহনও নতুন কোনো বিধান সৃষ্টি করেন নাই। প্রাচীনতর স্মৃতি-কার অর্থাৎ আইন-লেখকদের রচনাবলীর উপর টীকাটিপ্পনী বাড়াই জীমূতবাহনের কাজ। মল্ল-প্রণীত বা মল্ল-সঙ্কলিত আইন গ্রন্থের ভাষা হিসাবেই “দায়ভাগ” ভারতীয় সমাজে সুপরিচিত। মল্ল যাজ্ঞবল্ক্যের

পূর্ববর্তী লোক, সম্ভবতঃ খৃষ্টীয় দ্বিতীয় শতাব্দীতে তাহার কাজকর্ম চূঁড়িতে হইবে।

“মিতাক্ষরা” এবং “দায়ভাগ” কতকগুলা ভাবুকতাপূর্ণ আদর্শে ভরা রচনা নয়। নিরেট আইনের চোখে ব্যক্তির কিম্বৎ কয়টা তাহাই এই ছই কেতাবে দফায় দফায় আলোচিত হইয়াছে। ভারতের যে যে জনপদে এবং যে যে যুগে এই ছই আইন গ্রন্থের বিধান চলিয়াছে, সেই সকল ক্ষেত্রে এবং সেই সকল কালে হিন্দু নরনারীর শাসন-দক্ষতা সম্বন্ধে যথার্থ সাক্ষ্য পাওয়া যায় বলিতে হইবে। এই শাসন দক্ষতাটা উঁচু দরের কি নীচু দরের সেকথা স্বতন্ত্র।

(৩)

হিন্দুদের “স্মৃতিশাস্ত্রে” অর্থাৎ আইন-গ্রন্থে ব্যক্তির দর কি ? সমাজে ব্যক্তির ইজ্জৎ বুঝা সম্ভব নানা উপায়ে। এক উপায় হইতেছে ধনদৌলত, স্বত্ব বা সম্পত্তি বিষয়ক আইন।

খৃষ্টিয়ান সাহিত্যের মতন হিন্দু সাহিত্যেরও এখানে ওখানে ‘অর্থমনর্থম্’ ইত্যাদি বয়েং প্রচারিত হইয়াছে। কিন্তু তাহা বলিয়া হিন্দু নরনারী সর্বদা এবং সর্বত্র অর্থকে অনর্থ বিবেচনা করিতে অভ্যস্ত একরূপ বিশ্বাস করিবার কারণ নাই। “মিতাক্ষরা” এবং “দায়ভাগ” এই ছই আইনে শাসিত সমাজ অর্থকে অনর্থ সম্বন্ধিতে অভ্যস্ত নয়।

বর্তমান ভারতের উকীল-পণ্ডিতেরা এই ছই গ্রন্থের এপীঠ ওপীঠ খুব ভাল করিয়াই আলোচনা করিয়া থাকেন। ইংরেজ কোলকরক ও মেইন, ফরাসী জিবল্লা, এবং জার্মান য়োলী ইত্যাদি বিদেশী পণ্ডিতেরাও ধন-দৌলত বিষয়ক হিন্দু আইন সমূহ তন্ন তন্ন করিয়া বিশ্লেষণ করিয়া দেখিয়াছেন।

“মিতাক্ষরা” ও “দায়ভাগ”

(১)

একটা বিধান বিবৃত করা যাউক। কোনো ব্যক্তির দুই পুত্র, “ক” ও “খ”। “ক” ১ এবং ২ নামক দুই পুত্র রাখিয়া মারা গেল। “খ” ও মারা গেল, সন্তান সংখ্যা তাহার চার, ৩, ৪, ৫, ও ৬।

ঐ ব্যক্তি—বর্তমান ক্ষেত্রে পিতামহ—যখন মারা পড়িবে, তখন তাহার ধন দৌলত পাইবে কে বা কাহার? হিষ্টিয়া বা নির্দ্ধারিত হইবে কোন নিয়মে? এই সকল প্রশ্নের জবাবে ‘দায়ভাগ’ এবং ‘মিতাক্ষরা’ দুইয়েরই মত একরূপ।

পিতামহের সম্পত্তি ক ও খ এই দুই পুত্রের ভিতর সমান সমান ভাগাভাগি হইবে। এই দুই হিষ্টিয়া পৃথক পৃথক থাকিবে। প্রথম হিষ্টিয়া ‘ক’ র দুই সন্তান ১ ও ২ এর ভিতর সমান সমান বাঁটিয়া দেওয়া হইবে। দ্বিতীয় হিষ্টিয়াও আবার “খ”এর চার সন্তানের ভিতর সমান সমান ভাগাভাগি করা হইবে। অতএব ১ এবং ২ ইহারা প্রত্যেকে যতটা পাইবে, ৩, ৪, ৫, এবং ৬ ইহারা প্রত্যেকে তাহার চেয়ে কম পাইবে।

(২)

এই বিধান দেখিয়া ইংরেজ পণ্ডিত মেইন তাঁহার “প্রতিষ্ঠান বিষয়ক প্রাচীন ইতিহাস” নামক গ্রন্থে (লণ্ডন, ১৮৭৫) বলিয়াছেন :—সম্পত্তির উত্তরাধিকার এবং ভাগাভাগি সম্বন্ধে মিতাক্ষরা এবং দায়ভাগ উন্নত আধুনিক সমাজের নিয়ম মানিয়া চলে।

মেইনের মতে, অনুন্নত এবং অতি-প্রাচীন সমাজে পিতামহের সম্পত্তি পৌত্রদের ভিতর ছয় সমান হিষ্টিয়া বাঁটিয়া দেওয়া হইত। “ক” ও “খ” নামক দুই মৃত পুত্রের কোনো ঠাই থাকিত না। প্রাচীনেরা “কাপিতা” বা

মাথা গুণিয়া সকল বংশধরকে সমান ইজ্জৎ দিতে অভ্যস্ত, কিন্তু আধুনিকেরা সকল বংশধরকে সমান বিবেচনা করে না। বংশের “গোড়া”টাকে ধরিবার দিকে নবীন এবং উন্নত সমাজের দৃষ্টি। কাজেই পুত্রের ঠাই এই সকল সমাজের আইনে পৌত্রের ঠাইয়ের চেয়ে উঁচু।

প্রাচীন বা তথাকথিত “অনুন্নত” এবং আধুনিক বা তথাকথিত “উন্নত” সমাজের প্রভেদ সম্বন্ধে মেইন যে মত প্রচার করিয়াছেন, তাহা স্বীকার করা চলে না। ইয়াক্টি নৃতত্ত্ববিৎ লোহ্বি “আদিম সমাজ” নামক গ্রন্থে (নিউ ইয়র্ক ১৯২০) এই তথাকথিত উন্নত সমাজের আইন প্রাচীন নরনারীর বিধানেও আবিষ্কার করিয়াছেন। তথাকথিত অনুন্নত সমাজে ও “স্টিপেন্ড” অর্থাৎ বংশের গোড়া অনুসারে ধনদৌলতের বণ্ডনা হওয়া দেখা যায়।

(৩)

ধনদৌলত বিষয়ক আইনে হিন্দু নরনারীর শাসনদক্ষতা উন্নত শ্রেণীর কি অনুন্নত শ্রেণীর তাহা আলোচনা করা সম্প্রতি অনাবশ্যক। বংশের গোড়ার ইজ্জৎ হিন্দু আইনে বিধিবদ্ধ, এই তথ্যটাই প্রধান কথা।

এই তথ্যটার দাম কি? যৌথপরিবারে পৌত্রেরা আর্থিক হিসাবে পিতামহের অধীন নয়, পিতার অধীন। অথবা প্রত্যেক ব্যক্তি তাহার নিজ সম্পত্তি সম্বন্ধে জনকের এক্টিয়ার মানিয়া চলিতে বাধ্য নয়। ধনদৌলতের ভাগবাটোয়ারায় ব্যক্তিমাত্রেই স্বরাট।

হিন্দু নরনারীর শাসন-দক্ষতা আলোচনা করিবার সময় এই ব্যক্তিত্ব, ব্যক্তি-স্বাতন্ত্র্য বা ব্যক্তিগত স্বাধীনতার কথা সর্বদা মনে রাখিতে হইবে। ধনদৌলতের শাসন বিষয়ে ব্যক্তির উপর পরিবারের, পল্লীর, “শ্রেণী”র অথবা অত্র কোন জনসঙ্ঘের কোন এক্টিয়ার নাই, “মিতাক্ষরা” এবং “দায়ভাগ” এই কথা বলিতেছে।

ব্যক্তি-স্বাতন্ত্র্যে পূর্ব ও পশ্চিম

(১)

হিন্দুসমাজকে খৃষ্টিয়ান বা পাশ্চাত্য সমাজ হইতে পৃথক্ করিয়া রাখিবার চেষ্টা পণ্ডিতমহলে অনেক দিন হইতে চলিয়া আসিতেছে। এই চেষ্টার পশ্চাতে যুক্তির জোর নাই।

কনষ্টান্টিনোপলের “রোমাণ” বাদশা যুক্তিনিয়ান (৫২৬—৫৬৫ খৃঃ অব্দ) কয়েক জন উকীল বাহাল করিয়া তাঁহার পূর্ববর্তী আমলের আইনগুলি একত্রে প্রচার করিয়াছিলেন। সঙ্কলন গ্রন্থ “দিজেস্ত” নামে পরিচিত। তাঁহার নিজের আমলের আইনগুলি স্বতন্ত্র সঙ্কলিত হয়। এই সঙ্কলনের নাম “ইনস্টিটিউৎ”।

“দিজেস্ত” এবং “ইনস্টিটিউৎ” নামক রোমাণ স্মৃতিগ্রন্থের ভিতর পাশ্চাত্য নরনারীর শাসন-দক্ষতা বুঝিতে পারা যায়। এই সকল আইনের চোখে ব্যক্তির ইচ্ছা কিরূপ তাহা পাশ্চাত্য পণ্ডিতেরা আলোচনা করিয়া দেখিয়াছেন। ভারতীয় অথবা অগ্ৰ্য এশিয়ান উকীল-পণ্ডিত এই বিষয়ে বিশেষ মনোযোগী হন নাই। অন্ততঃ পক্ষে “মিতাক্ষরা” এবং “দায়ভাগে”র সঙ্গে “দিজেস্ত” এবং “ইনস্টিটিউৎ”এর দফায় দফায় তুলনা করিয়া দেখা হয় নাই।

সেই তুলনা সাধন বর্তমান গ্রন্থের পক্ষে সম্ভব নয়। কিন্তু তুলনা সূত্র হইলেই দেখা যাইবে যে, রোমাণ স্মৃতি-পণ্ডিতেরা আর হিন্দু আইন-গুণ্ডাদের নরনারীর ব্যক্তি স্বাতন্ত্র্যকে এক চোখে দেখিতেই অভ্যস্ত ছিলেন।

(২)

কিন্তু তাহা বলিয়া “বর্তমান” জগতের ব্যক্তি-স্বাতন্ত্র্য, ব্যক্তিগত স্বাধীনতা বা ব্যক্তির “মিতাক্ষরা” এবং “দায়ভাগ” কর্তৃক শাসিত নরনারীর

সমাজে ছিল কি? কখনই না। বর্তমান যুগের ব্যক্তিত্ব “দিজেস্ত” এবং “ইনস্টিটিউৎ” শাসিত সমাজেও ছিল না।

উনবিংশ শতাব্দীতে বাষ্প-চালিত যন্ত্রপাতি-নিয়ন্ত্রিত শিল্প-কারখানার আবির্ভাব হইয়াছে। তাহার ফলে কি মজুর, কি শিল্পী, কি ধনী, কি কেরাণী, কি কর্ম্মাধ্যক্ষ সকল মহদেই গতিপ্রাণতা দেখা দিয়াছে। বাজারের “খোলামাঠে” দাঁড়াইয়া প্রায় প্রত্যেক নরনারীই কম বেশী স্বাধীন ভাবে সকল বিষয়ে দরদস্তুর করিতে শিখিয়াছে। এই আবহাওয়ায় যে ব্যক্তিত্ব ফুটিয়া উঠিয়াছে, তাহার তুলনা ইয়োরোপের কোনো যুগের কোনো সমাজে পাওয়া যাইবে না। তাহার তুলনা এশিয়ারও কোনো যুগে পাওয়া সম্ভব নয়। এই কথাটা মনে রাখিলে “মিতাক্ষরা” এবং “দায়ভাগ” কর্তৃক প্রচারিত ও প্রতিষ্ঠিত ব্যক্তিত্বের সীমানা হাতে হাতে ধরা পড়িবে।

(৩)

আর একটা কথা মনে রাখা আবশ্যিক। কি রোমাণ ব্যক্তিত্ব, কি হিন্দু ব্যক্তিত্ব, দুইই নরনারীর উপর সমাজশাসনের বিরোধী। গোষ্ঠী, জাতি, পঞ্চায়ৎ, পল্লী, শ্রেণী বা আর কোনো দল আসিয়া ব্যক্তির ধনদৌলত সম্বন্ধে একতিয়ার ষটাইবে, এইরূপ চিন্তা করা যুক্তিনিয়ানের উকীলদের পক্ষে সম্ভবপর ছিল না, —মহু, বাজবন্ধ্য, বিজ্ঞানেশ্বর এবং জীমূতবাহনের পক্ষেও সম্ভবপর ছিল না।

অর্থাৎ হিন্দুদের আইনগুলি “কমুনিজম” বা ধনসাম্য-নীতির বিরোধী। তাহা সত্ত্বেও কি ইয়োরোপে, কি ভারতে ধনসাম্যনীতির বহু দৃষ্টান্ত সামাজিক জীবনে দেখিতে পাওয়া যায়। তাহার কারণ ছুঁটিতে হইবে “চরিত্রে” বা লোকাচারে। এই লোকাচারগুলি “মাকাতার আমলে”র ধনসাম্য-নীতির জের বিশেষ। কিন্তু মৌর্য আমল হইতে সেন-চোল আমল পর্যন্ত ভারতের “আইনে” নরনারীর ধনসাম্য-পন্থী লোক নয়। এই মতের বিরুদ্ধে প্রমাণ বাহির করা কঠিন। কোনো অকাট্য প্রমাণ বর্তমান লেখকের নজরে পড়ে নাই।

দ্বিতীয় পরিচ্ছেদ

হিন্দুশাসনে পুরুষ ও নারী

এইবার আর এক তরফ হইতে হিন্দু রাষ্ট্রে ব্যক্তির মূল্য বৃদ্ধিতে চেষ্টা করিব। আইনের চোখে নারীর কিম্বৎ কতটা? অর্থাৎ পুরুষ ও নারীর পরস্পর সম্বন্ধ বিষয়ে হিন্দুরাষ্ট্রে কিরূপ কানুন মানিয়া চলিত?

পাশ্চাত্য সাহিত্যে নারীজাতির চরম নিন্দা আছে, আবার চরম প্রশংসাও আছে। ভারতীয় সাহিত্যেও ঠিক এইরূপই নারীজাতিকে স্বর্ণে তোলা হইয়াছে, আবার নরককুণ্ডেও পাঠানো হইয়াছে। এই সব “মতামত” ও লোকচার ছাড়াইয়া উঠিলে নিরেট তথ্য,—আইন সম্বন্ধে বিধান—কি দেখিতে পাই? জার্মান পণ্ডিত যোলি তাঁহার “ষ্টাটলিখেন্গ উণ্ড সোৎসিয়ালেস লেবেনইন্ ইণ্ডিয়েন” অর্থাৎ “ভারতের রাষ্ট্রীয় ও সমাজ কথ্য” নামক প্রবন্ধে (ষ্টুটগার্ড ১৯২২) এই সকল মতামত ছাড়াইয়া উঠিতে পারেন নাই।

আবার ধনদৌলত সম্বন্ধে নারীর অধিকার আলোচনা করা যাউক। এই জন্ত আবার বিজ্ঞানেশ্বর এবং জীমূতবাহনকে সাক্ষী ডাকা হউক। এই দুই আইনজ্ঞের বিধান বর্তমান ভারতের উকীলমহলে সুপরিচিত। হিন্দু শাসনে স্ত্রী-ধনের ঠাই সম্বন্ধে দেশী বিদেশী বহু পণ্ডিতই গবেষণা চালাইয়াছেন। গুরুদাস বন্দ্যোপাধ্যায় প্রণীত “বিবাহ ও স্ত্রীধন বিষয়ক হিন্দু আইন” নামক ইংরেজি গ্রন্থ (কলিকাতা, ১৮৯৬) সর্বত্রই ব্যবহৃত হইয়া থাকে।

স্ত্রী-ধন

(১)

“স্ত্রীধন” সম্বন্ধে বিজ্ঞানেশ্বর আর জীমূতবাহন একপ্রকার বিধানই জারি করিয়াছেন। উভয়েরই রায় এক কথার নিম্নরূপঃ— “স্ত্রী-ধনের উপর স্বামীর কোনো এক্টিয়ার খাটে না।”

স্ত্রী-ধন কাহাকে বলে? স্ত্রীর বিশেষ ধনদৌলত। এই ধনদৌলত স্ত্রীর অধিকারে আসে কিরূপে? গৌতমের আইন অনুসারে (১০।১।১৫) স্বস্ত্রে অধিকার জন্মিতে পারে পাঁচ উপায়ে। উত্তরাধিকারের জোরে, দাম দিয়া কিনিবার জোরে, ভাগবাটোআরায় হিষ্সা পাইবার জোরে, দখল করিবার জোরে এবং সৌভাগ্য বশতঃ খুঁজিয়া পাইবার জোরে মানুষ সম্পত্তির অধিকারী বিবেচিত হয়। গৌতম মনুর চেয়ে প্রাচীন লোক। সম্ভবতঃ খৃষ্টপূর্ব ষষ্ঠ শতাব্দীতে গৌতমের “ধর্মসূত্র” নামক আইন-গ্রন্থ সঙ্কলিত হইয়াছিল।

নারীও এই পাঁচ উপায়েই ধনদৌলতে অধিকার লাভ করে। কিন্তু যে উপায়েই স্ত্রী-ধনের উৎপত্তি হউক না কেন,—যাজ্ঞবল্ক্য (১৪৭) এবং তাঁহার ভাষ্যকার বিজ্ঞানেশ্বর (২।১।৩১,৩২) স্বামীর কর্তৃত্ব হইতে তাহার স্বাতন্ত্র্য বাঁচাইয়া রাখিয়াছেন। “দায়ভাগের” বিধানেও (৪।১।১,২) স্ত্রী-ধনের স্বাধীনতা অসীম। আবার কোনো অপুত্রকের মৃত্যু হইলে তাহার সম্পত্তি ভোগের অধিকার পায় তাহার বিধবা পত্নী। স্বামীর ধনদৌলতে স্ত্রীর উত্তরাধিকার “দায়ভাগে” (১।১।১২,৩) এবং “মিতাক্ষরায়” (২।১।২,৩) সুমান ভাবে বিধিবদ্ধ। তবে বিধবা তাহার স্বামীর উত্তরাধিকারে পাওয়া ধন বিক্রী করিতে অধিকারী নয়

(২)

বিজ্ঞানেশ্বর এবং জীমূতবাহনের স্ত্রী-ধন বিষয়ক পীতি দেখিয়া ইংরেজ-পণ্ডিত মেইন যারপরনাই বিস্মিত হইয়াছিলেন। তাঁহার মতে, হিন্দুরাষ্ট্র নারীজাতিকে ধনদৌলত সম্বন্ধে নবীনতম পাশ্চাত্য রাষ্ট্র সমূহ অপেক্ষা অনেক বেশী এক্তিয়ার দিয়াছে। পুরাণে ইয়োরোপীয় আইনে স্ত্রী-ধন-বিষয়ক বিধান স্ত্রীজাতির উপর সুরিচার করে নাই। মেইন-প্রণীত “প্রতিষ্ঠান-বিষয়ক প্রাচীন ইতিহাস” গ্রন্থে এবং গুরুদাস বন্দ্যোপাধ্যায়-প্রণীত গ্রন্থে এই মত প্রচারিত হইয়াছে।

এইখানে স্ত্রী-ধন বিষয়ক পাশ্চাত্য আইন আলোচনা করা আবশ্যিক। রোমাণ স্মৃতিশাস্ত্রে পুরুষ ও স্ত্রীর সম্বন্ধ লইয়া ইংরেজ জজ-পণ্ডিত মাকেঞ্জি ১৮৬২ খৃষ্টাব্দে প্রকাশিত “ষ্ট্যাডিজ ইন্ রোমাণ ল” নামক গ্রন্থে আলোচনা করেন। তাহাতে “পারাকার্ণা” বা যৌতুক-সদৃশ স্ত্রী-ধনের পরিচয় পাওয়া যায়।

যুক্তিনিয়ানের আমলের “দিজেস্ট” এবং “ইনস্টিটিউৎ” আইনে স্ত্রী-ধনকে “দস্” বলা হয়। এই দস্-বিধানই পরবর্ত্তী কালে “দো” নামে ইয়োরোপের নানা দেশে ছড়াইয়া পড়ে। যুক্তিনিয়ানের দেখাদেখি ফরাসী নরপতি নেপোলিয়ান সেকালের প্রচলিত স্মৃতি বা আইনগুলিকে সাজাইয়া গুছাইয়া একত্রে প্রচার করিয়াছেন। নেপোলিয়ানী সংহিতা বা সঙ্কলনকে বলে “কদ্ নাপোলেজঁ”। এই “কদ্ নাপোলেজঁ”ই ঊনবিংশ শতাব্দীতে পাশ্চাত্য সমাজের নানা কেন্দ্রে নানা আইনের জন্ম দিয়াছে।

“দস্” বা “দো” বিষয়ক আইনটা কি? স্ত্রী তাহার “পারাকার্ণা” বা বিবাহের সঙ্গে সঙ্গে পাওয়া যৌতুক-সদৃশ সম্পত্তি মাত্রের উপর এক-চেটিয়া অধিকার ভোগ করে। অত্যাগ্র ধনদৌলত যাহা কিছু স্ত্রীর

হাতে যে-কোন উপায়েই আত্মক না কেন, সবই সে পরিবারের ঘর-কন্না বা গৃহস্থালীর সম্পত্তি বিবেচনা করিতে বাধ্য। যাহা কিছু গোটা গৃহস্থালীর সামিল হয়, তাহারই নাম “দো” (ফরাসী) বা “দস্” (ল্যাটিন)। হিন্দুমতের “স্ত্রী-ধন” বলিলে ইয়োরোপে আবহমান কাল হইতে বুঝা হইয়া আসিতেছে কেবল “পারাকার্ণা” মাত্র।

(৩)

কিন্তু পাশ্চাত্য সমাজ “কদ্ নাপোলেজঁ”র বিধান ভাঙ্গিয়া অগ্রসর হইতে ছাড়ে নাই। ১৮৮৬ খৃষ্টাব্দে বিলাতে জারি হইয়াছে “বিবাহিত নারীর সম্পত্তি বিষয়ক আইন।” এই আইন সম্বন্ধে ফরাসী পণ্ডিত বুংনি তাঁহার “ঊনবিংশ শতাব্দীর ইংরেজ জাতি” নামক গ্রন্থে লিখিয়াছেন যে বিলাতের লোকেরা ইহার বিধানে অত্যাগ্র ইয়োরোপীয় নরনারী হইতে পৃথক হইয়া পড়িল। বিলাতের এই আইনে নারীজাতিকে স্বত্বাধিকার সম্বন্ধে সম্পূর্ণ স্বাধীনতা দেওয়া হইয়াছে। “কদ্ নাপোলেজঁ” অনুসারে নারীজাতি ধনদৌলতের পূরাপূরি মালিক হইতে পারে না।

বুংনির মতে ইংরেজ আইন ফরাসী এবং অত্যাগ্র আইনের চেয়ে অগ্র-গামী। মেইন বলিতেছেন :—“১৮৮৬ সালের ইংরেজ আইনও জীমূত-বাহন এবং বিজ্ঞানেশ্বরের ধাপে উঠিতে পারে নাই। হিন্দুশাসনে স্ত্রী-ধন অপূর্ণ স্বাধীনতার কেন্দ্র। এই ধনে স্বামী হাত দিতে ত পারেই না। স্ত্রীর মৃত্যু হইলে যাহাতে এই ধন পুরুষ আত্মীয়ের উত্তরাধিকারে না আসিয়া নারী-আত্মীয়ের উত্তরাধিকারে আসে তাহার জগুও বিশেষ ব্যবস্থা আছে।” “মিতাক্ষরা” (১৩৩৮, ৯, ১০ এবং ২১১১, ১২, ১৩) স্ত্রী-ধনের উত্তরাধিকার সম্বন্ধে সাক্ষ্য দিবে।

হিন্দুনারী ও স্ত্রী-স্বাধীনতা।

(১)

হিন্দু জাতির শাসন-দফতার খতিয়ান করিতে বসিলে আইনের চোখে নারীর স্বাধীনতার কথা কোনমতেই নিচু ঠাই অধিকার করিবে না। নারীর স্বাধীনতা, স্বাতন্ত্র্য বা ব্যক্তিত্ব হিন্দু আইনে বিবিধ। পুরুষ ও নারীর ধন দৌলত বিষয়ক সম্বন্ধ বিচার করিবার ক্ষেত্রে জীমূতবাহন বা বিজ্ঞানেশ্বর পুরুষের দিকে টানিয়া পাঁতি দেন নাই।

তাহা সত্ত্বেও হিন্দুনারীকে “আধুনিক নারীর” মত স্বাধীন বলা চলে কি? কোনমতেই না। ইংরেজ দার্শনিক জন ষ্টুয়ার্ট মিল উনবিংশ শতাব্দীর মাঝামাঝি “নারী জাতির গোলামী” নামক গ্রন্থ প্রচার করেন। জার্মানীর “সোশ্যালিস্ট” ধনবিজ্ঞানবিৎ বেবেলও প্রায় সেই সময়ে “নারী” নামক গ্রন্থে নারী জাতির দাসত্ব সম্বন্ধে বহু তথ্য প্রকাশ করিয়াছিলেন।

ইঁহারা যে দরের “ফেমিনিজম্” বা স্ত্রী-স্বাধীনতার কল্পনা করিয়া গিয়াছিলেন, তাহা ক্রমে ক্রমে পাশ্চাত্য সমাজে দেখা দিয়াছে। সেই দরের “ফেমিনিজম্” বিজ্ঞানেশ্বর এবং জীমূতবাহনের বিধানে পাওয়া যাইবে না। তবে তাহার প্রাথমিক ভিত্তি হিন্দু স্ত্রী-ধন সম্পর্কিত আইনের ভিতর আছে, এ কথা স্বীকার করিতেই হইবে।

বর্তমান জগতে “শিল্প-বিপ্লবে”র দরুণ স্ত্রীজাতি ক্রমে ক্রমে পুরুষের সঙ্গে টক্কর দিয়া দিয়া অগ্রসর হইতেছে। ধাপে ধাপে পুরুষ ও স্ত্রী প্রায় সমানে সমানে লড়িতে অভ্যস্ত হইয়াছে। আর্থিক জীবনযাপনের এই সকল শক্তি স্ত্রীজাতিকে অস্বাভাবিক সকল বিষয়েও পুরুষের সঙ্গে সমান করিয়া তুলিতেছে। বিংশ শতাব্দীতে স্ত্রী-স্বাধীনতার আন্দোলন এক অভিনব কর্মকাণ্ডের প্রতিমূর্তি। তাহার আলোচনা সম্প্রতি অপ্রাসঙ্গিক। জার্মান

মহিলা গার্ট্রুড্‌ ব্যয়নার প্রণীত “হ্যাণ্ডবুখ ডার ফ্রাওয়েন্ বেহেবগুন্ড্” (বার্লিন, ১৯০১, ১৯০৬) নামক নারী-স্বাধীনতার আন্দোলন বিষয়ক গ্রন্থের প্রথম খণ্ডে এই কর্মকাণ্ডের জন্ম কথা সুবিস্তৃতরূপে আলোচিত আছে।

(২)

“আইনতঃ” সেকালের হিন্দু নারী “বর্তমান” যুগের পাশ্চাত্য নারীর পশ্চাতে নয়। কিন্তু আর্থিক, রাষ্ট্রীয় এবং সামাজিক কর্মক্ষেত্রে পাশ্চাত্য নারী হিন্দুনারীকে পশ্চাতে ফেলিয়া গিয়াছে। “নবানারী” হিন্দুনারী হইতে শ্রেষ্ঠ কি নিকৃষ্ট সে কথা বলা হইতেছে না।

“আধুনিক নারী” কতদূর অগ্রসর হইয়াছে? তাহা জরীপ করা কঠিন নয়। ইয়োরামেরিকার “সাফ্রেজ” বা ভোট-ক্ষমতায় নারীর আজ কি ঠাই তাহা দেখিলেই বর্তমান জগতের দোড় মাপা সম্ভব।

এই বিষয়ে ফরাসী পণ্ডিত জোসেফ-বার্ত্তেমিস “ল’ ফ্রট দে ফ্যাম্” নামক গ্রন্থ রচনা করিয়াছেন (প্যারিস, ১৯২০)। “নারী জাতির ভোট অধিকার” কেতাবের অস্বাভাবিক মর্ম্মকথা এই যে, “ল্যাটিন” রমণীরা ভোটের ক্ষমতা পাইয়াও সেই ক্ষমতা কাজে লাগাইতে শিখে নাই। গ্রন্থকারের “ল্যাটিন” জাতীয় নারী শব্দে ফরাসী, ইতালিয়ান, স্পেনিষ ইত্যাদি নারী বুঝিতে হইবে।

অর্থাৎ পুরুষের সঙ্গে সমান হইবার আন্দোলনে নারীরা ফ্রান্সে, ইতালিতে এবং স্পেনে কার্যতঃ বেশী দূর অগ্রসর হয় নাই। যে সকল পর্য্যটক ও সমালোচক জার্মানি এবং অষ্ট্রিয়া ও সুইটজারল্যান্ড ইত্যাদি জার্মানি বা টিউটনিক জাতীয় মুল্লুকের ঘরের কথা জানেন, তাঁহারাও বলিবেন যে এই সকল দেশের নারী ঘরকন্না এবং গৃহস্থালীকেই আজও স্ত্রীর স্বধর্ম্ম বিবেচনা করিতে অভ্যস্ত।

ইয়াকি যুক্তরাষ্ট্রের নারী বিংশ শতাব্দীতে ইয়োরোপের সকল দেশীয় নারী হইতে বেশী অগ্রসর। এ কথা স্বীকার্য। কিন্তু এই মার্কিন মুল্লুহৈক পঞ্চাশ ঘাট বৎসর পূর্বেও “আধুনিক” নারীর উদ্ভব হয় নাই। বাজারে দাঁড়াইয়া পুরুষের সঙ্গে সর্ববটে সাম্য ভোগ করা মার্কিন নারীর দস্তুর ছিল না।

উনবিংশ শতাব্দীর প্রথম অর্ধে ইয়াকি নারীরা “ঘর-কুনো” ছিল এবং গৃহস্থধর্ম পালনকেই রমণীর নিত্যকর্মপদ্ধতি বিবেচনা করিত। অধ্যাপক কাল্‌হুন প্রণীত তিন খণ্ডে বিভক্ত “আমেরিকান পরিবারের সামাজিক ইতিহাস” নামক গ্রন্থে (ক্লীহ্ল্যাণ্ড, ১৯১৭-১৯১৯) তাহার বহু দৃষ্টান্ত পাওয়া যায়।

বিজ্ঞানেশ্বরের এবং জীমূতবাহনের আইনে শাসিত সমাজে নারীর ক্ষমতা ও অক্ষমতা বুঝিবার জ্ঞান বর্তমান জগতের দোড় কতখানি বা কতটুকু তাহা সর্বদা নজরে রাখা আবশ্যিক। জীবনের সাড়াসমূহ গুণিতে বা মাপিতে শুরু করিলে প্রাচ্য নারীষ্মে আর পাশ্চাত্য নারীষ্মে কোন প্রভেদ মালুম হইবে না।

পারিশিষ্ট নং ১

ধর্মসূত্র ও স্মৃতিশাস্ত্রের ঐতিহাসিক মূল্য

ধনদৌলত আর নারীর ইজ্জৎ এই দুই দফায় হিন্দু জাতির শাসন-দক্ষতা বুঝিবার জ্ঞান বিজ্ঞানেশ্বর এবং জীমূতবাহন এই দুই আইনাচার্যের রচনাকে সাক্ষী মানা হইল। ইহঁদের একাদশ দ্বাদশ শতাব্দীর লোক।

মৌর্য সাম্রাজ্যের রাষ্ট্রিকেরা কোন্ নিয়মে কাজ চালাইতেন? গুপ্ত আমলের জজেরাই বা কোন্ আইন মানিয়া চলিতেন? হর্ষবর্দ্ধন, পুলকেশী ইত্যাদি সম্রাটদের শাসনে ধনদৌলত এবং নারীর কাল্নন কিরূপ ছিল?

এই সকল বিষয়ে খাঁটি জবাব পাওয়া কঠিন। আথেনিয় আইনাচার্য সোলনের সন তারিখ জানা আছে। রোমে কখন কোন্ আইন জারী হইল, কখন কোন্ আইন উঠিয়া গেল, সে সব কথা লইয়াও সাধারণতঃ কোন গোল বাধে না। গ্রীক ও রোমান আইন-সাহিত্যের ঐতিহাসিক মূল্য স্মৃষ্টি ভিত্তির উপর প্রতিষ্ঠিত।

কিন্তু গৌতম, বোধায়ন বা আপস্তম্বের “ধর্মসূত্র” মৌর্য আমলে ভারতবাসীর আইন বিবেচিত হইত এ কথা সপ্রমাণ করা সহজ কথা নয়। সেইরূপ পরবর্ত্তীকালে বশিষ্ঠ অথবা মনু অথবা বিষ্ণু অথবা নারদ অথবা বৃহস্পতি ইত্যাদির নামে প্রচলিত “স্মৃতি” গ্রন্থগুলোকে সম-সাময়িক রাষ্ট্রের “পেনাল কোড”, সম্পত্তি বিষয়ক আইন বা চুক্তির কাল্নন বিবেচনা করা উচিত কিনা তাহা বিচার সাপেক্ষ। এমন কি কোর্টল্যের “অর্থশাস্ত্র”কেই বা আইন বিবেচনা করা চলে কি? আলোচনা আবশ্যিক।

এই সকল সন্দেহ পরিকার না হওয়া পর্যন্ত হিন্দু জাতির শাসন দফতার অনেক কথাই অস্পষ্ট থাকিবে। প্রাচীন ইয়োরোপীয়ানদের তুলনায় প্রাচীন ভারতসন্তান নরনারীর ব্যক্তিত্ব ও সম্পত্তি কি চোখে দেখিত তাহার স্বথাবথ চিত্র পাওয়া কঠিন হইবে।

“ধর্মসূত্র” এবং “স্মৃতিশাস্ত্র” গুলাকে পুরাপুরি আইন সমষ্টিরা লইয়া ফরাদী পণ্ডিত জিব্‌লা সেকালের গ্রীক রোমাণ এবং টিউটন জাতীর নরনারীর শাসন-দফতার সঙ্গে ভারতীয় নরনারীর শাসন-দফতার তুলনা সাধন করিয়াছেন। “এতুদ স্যের ল’ দ্রোআ সিঙ্সিবল দেজ্ ‘আ্যাহ’ (হিন্দুজাতির ব্যক্তি সন্থকীয় আইন) নামে তাঁহার গ্রন্থ দুই ভাগে পৌঁদিশেরিতে প্রকাশিত হইয়াছিল (১৮৪৬)। বাঁহারা পূর্বে পশ্চিমে প্রভেদ চুঁড়িতে ব্যস্ত তাঁহারা এই তুলনামূলক আলোচনায় নিজের মননামাফিক কোন তথ্য পাইবেন না।

তৃতীয় পরিচ্ছেদ

পারিবারিক প্রতিষ্ঠান

যৌন সন্থকের শাসন



ব্যক্তিগুলা আল্গা আল্গা বসবাস করে না। ইহাদের পরস্পর মেলমেশ খাটিতে বাধ্য। এই মেলমেশকে হিন্দুনরনারী শাসন করিয়াছে কোন প্রণালীতে ?

এক শ্রেণীর মেলমেশ যৌনসন্থকের মূর্ত্তি গ্রহণ করে। সোজা কথায় তাহার নাম বিবাহ। পরিবার সৃষ্টি তাহার ফল।

মৌর্য আমল হইতে চোল আমল পর্যন্ত ভারতে পারিবারিক প্রথা কখন কোথায় কিরূপ পরিবর্তিত হইয়াছে ? অথাৎ যুগে যুগে এবং প্রদেশে প্রদেশে ভারতবাসী বিবাহ সন্থকে কিরূপ আইন কায়েম করিয়াছে ?

প্রশ্নটা এত সোজা যে শুনিবামাত্র না হাসিয়া থাকা যায় না। কিন্তু আসল কথা, এই প্রশ্নের জবাব দেওয়া অতি কঠিন। কেননা এইখানেই ভারতীয় রক্ত-সংমিশ্রণের ইতিহাসটা বাহির হইয়া পড়িবার কথা। আর তাহা হইলেই হিন্দুর “জাতিভেদ” বা “বর্ণাশ্রম” প্রথার উপর অপূর্ক আলোক পড়িবার সম্ভাবনা।

উনবিংশ-বিংশ শতাব্দীর দেশীবিদেশী পণ্ডিতেরা সমসাময়িক “জাতিভেদ”কে ভারতের “সনাতন”-কিছু বিবেচনা করিতে অভ্যস্ত। ইহা “ভারততত্ত্ব”-বিদগণের চিন্তায় একটা স্বতঃসিদ্ধ স্বরূপ। এই বুঝিয়া তাঁহারা বৈদিক যুগ হইতে আরম্ভ করিয়া সকল যুগে এবং সর্বত্র জাতিভেদের শিকড় অথবা ষোলকলায় জাতিভেদের নানা অনুষ্ঠান খুঁজিতেছেন। কি ঋগ্বেদে, কি জাতক, কি মহাভারত যেখানেই “বর্ণ” শব্দের ছায়া মাত্র পাওয়া যায়, সেই খানেই “বর্ণাশ্রম” পাকড়াও করিবার বাতিক দেখা যায়।

কিন্তু ত্রয়োদশ শতাব্দীর পূর্বে ভারতের প্রদেশে প্রদেশে যে আজ-কালকার সুপরিচিত “জাতপাত” ছিল তাহার প্রমাণ কি কি? মোর্যকাল হইতে পরবর্তী দেড় হাজার বৎসরের ভারতীয় সাহিত্যে “বর্ণাশ্রম” অথবা “জাতিভেদ” শব্দটা দেখিলামাত্র তাহার ভিতর আধুনিক প্রতিষ্ঠানটী আবিষ্কার করা হয় কিসের জোরে?

আট প্রকার বিবাহ এবং হিন্দুজাতির সামরিক ও আর্থিক ইতিহাস

যৌন সংশ্রব বা রক্ত-সংশ্লিষ্টতার তরফ হইতে হিন্দু জাতির বিবাহ প্রথা আজ পর্যন্ত আলোচিত হয় নাই। “ধর্ম্মসূত্র” এবং “স্মৃতিশাস্ত্র” নামক গ্রন্থগুলায় বিবাহ বিষয়ক যে সকল বিধি নিবেদন আছে সেইগুলি পণ্ডিত মহলে সুপরিচিত সন্দেহ নাই। কিন্তু “নৃতত্ত্বের” কষ্টিপাথরে ফেলিলে এই সমুদয় তথ্য অধিকাংশই অসম্পূর্ণ এবং অনেকটা পরস্পর বিরোধী বিবেচিত হইবে। এই গুলার সাহায্যে বিবাহিত জীবনের বাস্তব আইন আর সেই আইনের পৌরীপার্থ্য বাহির করা কঠিন।

গুরুদাস বন্দ্যোপাধ্যায় প্রণীত “বিবাহ ও স্ত্রীধন” (কলিকাতা ১৮৯৬) গ্রন্থে সেই সব হিন্দু “আইনে”র আলোচনা আছে। নারদধর্ম্মি আট প্রকার বিবাহের ব্যবস্থা বিবৃত করিয়াছেন। তাহাতে হিন্দু নরনারীর শাসন দক্ষতা সম্বন্ধে বৈচিত্র্যপূর্ণ বিবরণ পাওয়া যায়। কোন কোন বিবাহের বিধানে “আধুনিকতার” চরমও দৃষ্ট হয়। কিন্তু তাহার সাহায্যে বর্ণাশ্রম প্রথা পরিষ্কার হয় না।

এইপর্যন্ত বিনা আপত্তিতে বলা চলে যে, যে সকল যুগের কথা বলা হইতেছে সেই সকল যুগে উত্তর ভারতে “জননী-বিধি” ছিল না। জননীর

নামে বংশ চলিত না। বংশ এবং উত্তরাধিকার জনকের অধীন ছিল। সমাজ ছিল মাতৃ-প্রধান নয়, পিতৃ-প্রধান।

কিন্তু “নরাণাং মাতুলক্রমঃ” নামে উত্তর ভারতে যে প্রবাদ প্রচলিত আছে তাহার পশ্চাতে “জননী-বিধির” ধাক্কা কতটা? সেইরূপ আবার “দক্ষিণে মাতুলীকৃত্তা” প্রবাদের “নৃতত্ত্ব” কোথায়?

সামরিক ইতিহাসের সাহায্যে ভারতীয় জনগণের উঠা নামা এবং চলাচল আলোচিত হওয়া আবশ্যিক। তাহার সঙ্গে কৃষি শিল্প ও বাণিজ্যের গতিবিস্তি এবং আর্থিক জীবনের ওলট পালট সম্বন্ধে অনুসন্ধানের ফল জুড়িয়া দেওয়া দরকার। এই দুই তরফ হইতে নৃতত্ত্বের উপর যে আলোক পড়িবে, সেই আলোকে ভারতীয় নরনারীর রক্তমাংস অর্থাৎ যৌনসম্বন্ধ বা বিবাহ আপনি ধরা দিবে। “হিন্দুতোথে চীনাধর্ম্ম” নামক ইংরেজি গ্রন্থে (আপনার ১৯১৬) এই ধরণের কিছু কিছু আলোচনা করা গিয়াছে।

সেই আলোচনার প্রবৃত্ত হইলে এক সুবিস্তৃত “রিসার্চ” গ্রন্থ লেখা হইয়া পড়িবে। আজকালকার বাজারে প্রচলিত হাজার মতের আবহাওয়ান্ন আর একটা মত দেখা দিবে মাত্র। তাহাতে বর্তমান গ্রন্থের উদ্দেশ্য সিদ্ধ হইবে না।

“স্বধর্ম্ম”-নীতির পাশ্চাত্য ধারা।

তবে হু এক কথায় আলোচনা প্রণালীর ইঙ্গিত করিবার অবসর আছে। কোটিল্যের “অর্থশাস্ত্রে” ও পূর্ববর্তী “ধর্ম্মসূত্র” ও “ধর্ম্মশাস্ত্র” এবং পরবর্তী “স্মৃতিশাস্ত্র” ও “নীতিশাস্ত্রে”র মতনই “চাতুর্কর্ণ্যে”র কথা আছে। সঙ্গে সঙ্গে বর্ণাশ্রমের দার্শনিক ভিত্তিস্বরূপ “স্বধর্ম্ম”-র বর্ণিত হইয়াছে। গোটা ভারতীয় সাহিত্যে,—কম সে কম সংস্কৃত সাহিত্যে “স্বধর্ম্ম” বিষয়ক দর্শনের ধারা অতি স্পষ্ট। ইহা স্বীকার করিতেই হইবে।

“স্বধর্ম্মে নিধনং শ্রেয়ঃ” ইত্যাদি মত গ্রীক দার্শনিক প্লেটোর
অতি মামুলি কথা ছিল। তাঁহার “রিপাব্লিক” গ্রন্থের দ্বিতীয় তৃতীয়
চতুর্থ অধ্যায়ে ভারতীয় ধর্ম্ম-স্মৃতি-নীতি-সাহিত্যের দর্শনই পুরাতন্ত্রের
বিদ্যমান। তাহা বলিয়া প্লেটো যে সমাজে জীবিত ছিলেন সেই সমাজে
বর্ণাশ্রমের স্বধর্ম্ম “প্রাতিষ্ঠানিক” আকার গ্রহণ করিয়াছিল
বলা চলে কি?

জার্মান দার্শনিক কার্ট ও হেগেলের ইংরেজ চেলারা ঊনবিংশ ও বিংশ
শতাব্দীতে অনেকটা প্লেটো-পন্থী ভাবুকতার জেরই চালাইতেছেন।
ব্রাডলে প্রচারিত “মাই গ্রেগন অ্যাণ্ড ইট্‌স্ ডিউটিজ” অর্থাৎ “আমার
ঠাই ও তদুপযোগী কর্তব্য” “স্বধর্ম্ম” নীতিরই ভাষ্যমাত্র। বোসাঙ্কে-
প্রণীত “ফিলজফিক্যাল থিয়রি অব্ দি গ্রেট্” (লণ্ডন ১৮৯৯) অর্থাৎ
“রাষ্ট্রের দার্শনিক তত্ত্ব” নামক গ্রন্থে এবং “সাম্ সাজেশ্‌চান্স ইন্
এথিক্‌স্” (লণ্ডন ১৯১৮) অর্থাৎ “কর্তব্য বিজ্ঞান সম্বন্ধে কয়েকটা
ইঙ্গিত” নামক গ্রন্থে মনুসংহিতা বা প্লেটো গ্রন্থেরই বয়েৎ প্রচারিত
আছে।

বিলাতী দার্শনিক গ্রীণ এই মেজাজের লোক ছিলেন। আজকালের
বাট্রাণ্ড-রাসেল ইত্যাদি পণ্ডিতেরাও কিছু কিছু সেই ধারাই বজায় রাখিয়া
চলিতেছেন। এই চিন্তা ধারার জোর কত বেশী তাহা বার্কার প্রণীত
“প্লেটোর রাষ্ট্রনীতি” নামক গ্রন্থের (লণ্ডন ১৯১৮) প্রত্যেক পৃষ্ঠায় ধরা
পড়ে। তবে কি বলিতে হইবে যে, কার্ট-হেগেলের দেশে আর “অক্সফোর্ড-
দার্শনিকদের” সমাজে “স্বধর্ম্ম” প্রতিষ্ঠিত বর্ণাশ্রম চলিতেছে?

বর্তমান ইতালির দার্শনিক ক্রোচে দক্ষিণ ইয়োরোপে এই দার্শনিক
ধারারই প্রতিনিধি। তাহা হইলে ইতালির সমাজকেও কি বর্ণাশ্রমী-
রূপে বর্ণনা করিতে হইবে?

বর্ণাশ্রমের বাস্তব ভিত্তি

এই সকল প্রশ্ন হইতে বুঝা যাইতেছে যে, বর্ণাশ্রমের অস্তিত্ব প্রমাণ
করিতে হইলে ধর্ম্মশাস্ত্র, ধর্ম্মশাস্ত্র, স্মৃতিশাস্ত্র, নীতিশাস্ত্র, পুরাণ, মহাকাব্য
ইত্যাদি ভাবুকতাপূর্ণ আদর্শবাদে ভরা সাহিত্যের উপর নির্ভর করিলে
চলিবে না। সমাজের বাস্তব প্রতিষ্ঠানগুলো এই ধরণের সাহিত্যে ধরা
পড়িতে পারে না। হয়ত বা কিছু কিছু পারে, কিন্তু সেই “কিছু কিছু”
মাপিবার যন্ত্র কোথায়?

হিন্দুনরনারীর বাস্তব সমাজ কিরূপ ছিল তাহা বুঝিবার উপায় বড়
বেশী নাই। অনেক লোকের বহুকাল ব্যাপী পরিশ্রমের ফলে হয়ত
একদিন স্বাধীন হিন্দুসমাজের গড়নটা ধরিতে পারা যাইবে। সম্প্রতি
দেখা যাইতেছে এই যে, ১৯০৫ সালের পূর্বে সমুদ্রগুপ্ত নামক হিন্দু
নেপোলিয়নের নাম পর্য্যন্ত জানা ছিল না। মৌর্য চন্দ্রগুপ্তের বিপুল
সাম্রাজ্য যে কি বস্তু তাহা ঊনবিংশ শতাব্দীর হিন্দুরা কল্পনা পর্য্যন্ত করিতে
পারিত না।

প্রাচীন ভারতের প্রত্যেক শতাব্দী, অর্ধশতাব্দী, পাদ এবং দশক
সম্বন্ধে এই ধরণের নিবিড় অজ্ঞতা আজও ভারততত্ত্বজ্ঞ মহলে স্মৃতিভূত।
যে সমাজের একটা বাদশার বা মন্ত্রী বা সেনাপতির বা ধন-কুবেরের
নাম পর্য্যন্ত জানা নাই, সেই সমাজের বিবাহ পদ্ধতি, যৌনসংশ্রব, কৌলিষ্ঠ-
প্রথা, উচ্চ নীচ স্তরভেদ, শ্রেণী-বিবাদ ইত্যাদি সবই জানা আছে একথা
বলিলে কিরূপ যুক্তিমত্তাব পরিচয় দেওয়া হয়? সন তারিখ সমন্বিত
ভাবে কোনো রাজবংশ বা অথ কোনো সম্রাট বা মামুলি পরিবারের
কোনো খবর পাওয়া যাইতেছে না, অথচ সেই বংশের আগলে নরনারী
কোন “আদর্শে” জীবন যাপন করিত সবই বুঝিতে পারিতেছি, ইহা বলিলে

কে? অথচ পণ্ডিত অপণ্ডিত সকল মহলেই ঘরে বাইরে এইরূপ মতই চলিয়া আসিতেছে।

“দিগ্বিজয়ীর” চিত্ত বিশ্লেষণ

ভারতীয় সামরিক ও আর্থিক ইতিহাসের একদম কিছু জানা নাই, ১৯২৪ সালে একথা অতিমাত্রায় অতুলিত। একটা দৃষ্টান্ত দিতেছি। বাংলার পাল সাম্রাজ্যে বাঙ্গালী সেনাপতি ছিলেন মন্ত্রিপ্ৰধান দর্ভপাণির পুত্র সোমনাথ। জ্ঞাতিতে তিনি ব্রাহ্মণ। নবম শতাব্দীর কথা।

সেনাপতি যখন ব্রাহ্মণ তখন পণ্টন বাছাই করা হইত কি একমাত্র “জ্জেল”, “কৈবর্ত”, “হাঁড়ি”, “চাঁড়াল”, “ডোম” ইত্যাদি জাতি হইতে? মানুষি চিত্তের সাড়া যে সব লোকে বুঝিতে পারে তাহারা এসব কথা বলিবে না। সময়-জীবনের চিত্ত-বিজ্ঞান যাহারা আলোচনা করে তাহারা ত একথা বলিবেই না। কেন না, লড়াই আর প্রেমের মুল্লুকে “কিবা হাঁড়ি কিবা ডোম” নীতিই একমাত্র ধর্মের শাসন, একথা ঠিক বটে,—কিন্তু তাহা বলিয়া কেহই বাছিয়া বাছিয়া “একমাত্র” হাঁড়ি আর ডোমের প্রেমে মজে না। লোকে চায় কাজ হাঁসিল।

এইবার রাজবংশগুলার সম্বন্ধে একটা প্রশ্ন করা যাউক। “মাংশ্রুতায়” চলিত ভারতের যুগে যুগে অহরহ। কোষ্ঠীর দিনক্ষণ গুণিয়া যাহারা তথাকথিত “ক্ষত্রিয়” বংশে জন্মিত তাহাদের প্রায় কেহই নয়া নয়া রাজবংশ কায়েম করিতে পারে নাই। রাজবংশের স্রষ্টা ছিল কাহারো? প্রায় প্রত্যেক ক্ষেত্রেই হুঁইফোঁড় লোকেরা। শক্তিদ্বার পুরুষ অথচ শক্তিদ্বরের সঙ্গে লড়িয়া ছলে বলে কোশলেগদি দখল করিয়া বসিত। ইয়োরোপেও এইরূপ ঘটিয়াছে, ভারতেও এইরূপ ঘটিয়াছে। সর্বত্রই রাজবংশের প্রবর্তকেরা সাধারণতঃ “ছোটলোকের” বাচ্চা।

রাজা হইয়া বসিবা মাত্র প্রত্যেকেরই চাই সেনাপতি, মন্ত্রী, কন্সচারী, গুপ্তচর, পেয়াদা, লাঠিয়াল, শরীর-রক্ষী ইত্যাদি লোক। ইহারাই পরবর্তী কালে এক একটা “কুদীন” বা “অভিজাত” বা “ভদ্রলোক” সমাজের জন্মদাতা। বেশকথা। কিন্তু এই সকল লোক বাছাই করা হইত কোন্ নিয়ম অনুসারে? আবার চিত্তবিজ্ঞানের আলোচনা দরকার,—এইবার শক্তিদ্বার সমরপিপাসু দিগ্বিজয়াকাজী সম্রাটের চিত্ত বিশ্লেষণ করিতে হইবে।

এই ধরণের “বিজয়ী” কোনো কেতাবী কন্সূল বা সূত্র অনুসারে পেটোয়া বাছাই করিবে কি? কখনই না। সেই ছেলে বেলায়, অজ্ঞাত কুলশীল থাকিবার সময়,—জেলে মুচি মুদ্রাকরাস মাঝি ছুতার কাগার কুমোর, হয় ত বা ছ একজন ব্রাহ্মণ ও—যাহারা তাহার সাক্ষোপাঙ্গ ছিল তাহারাই এখন নয়া বাদশার মধুচক্রে মধু পান করিবে। ইহাই স্বাভাবিক।

অর্থাৎ ভারতে যতবার যত বায়গায় রাষ্ট্রবিপ্লব হইয়াছে ততবার তত জায়গায় নয়া নয়া কোলিচ, নয়া নয়া আভিজাত্য, অতএব নয়া নয়া জাতিভেদ বা বর্ণাশ্রম সৃষ্ট হইয়াছে। কিন্তু এই নয়া নয়া জাতিভেদের ছাপ “স্মৃতি” সাক্ষিতে পড়িয়াছে কি?

বর্ণসঙ্কর ও আপদ্বর্ষের “ভিতরকার কথা।”

বর্ণসঙ্কর নামে যাহা কিছু এই সকল গ্রন্থে দেখিতে পাওয়া যায় সেই সবই বাস্তব ইতিহাসের মালমশলা। “আপদ্বর্ষ” নামে ক্ষত্রিয়বৃত্তি, আর ক্ষত্রিয়ের বৈশ্ববৃত্তি ইত্যাদি যে সব বুখনি আছে সেই সবই ভারতীয় ইতিহাসের আসল কথা। অথচ এই বর্ণসঙ্কর আছে আপদ্বর্ষকে স্মৃতি-কারেরা বিশেষরূপে ফুটাইয়া তুলিতে চেষ্টা করিয়াছেন কি? করেন নাই।

“ধর্ম” “স্বতি” এবং “নীতি” ও অত্যাচার সাহিত্যে “অসবর্ণ” বিবাহ, বর্ণসঙ্ঘর আর আপকর্ষের আলোচনা যারপরনাই কম ঠাই অধিকার করে। এত কম যে নেহাৎ পাণ্ডিত্যের খাতিরে যে সকল গবেষক প্রত্নতত্ত্বের অন্তর্ভুক্ত নহয় কাজ করেন তাঁহাদের দৃষ্টিও এড়াইয়া যায়।

তাহা সত্ত্বেও কোটিল্য, মনু, বিষ্ণু, বাজবল্য, ইত্যাদি সকলকেই সাক্ষীর কাঠগড়ায় আনিয়া শ্রীযুক্ত বনমালী বেদান্ততীর্থ হিন্দুসমাজের ভিতরকার কথা কহাইয়া ছাড়িয়াছেন। “হাটে হাঁড়ী ভাঙা” হইয়াছে ১৩২৬ সালের বৈশাখের “প্রবাসী” পত্রিকায় (এপ্রিল ১৯১৯)। শ্রীযুক্ত রাধাকুমুদ মুখোপাধ্যায় প্রণীত “প্রাচীন ভারতে লোকাল গবমেণ্ট (নগুন ১৯১৯) এবং শ্রীযুক্ত রমেশচন্দ্র মজুমদার প্রণীত “প্রাচীন ভারতে সমাজজীবন” (কলিকাতা ১৯১৯) গ্রন্থ দুইটার ব্রাহ্মণ বৈশ্য ও শূদ্র জাতির ক্ষত্রিয় ধর্ম পালনের প্রমাণ সংগৃহীত হইয়াছে। জার্মান পণ্ডিত হিল্লেব্রাণ্ট-প্রণীত “প্রাচীন ভারতীয় রাষ্ট্রনীতি” (বেনা ১৯২৩) এবং ষ্টাইন প্রণীত “মেগাস্থেনিস ও কোটিল্য” (স্বিয়েনা, ১৯২২) ইত্যাদি গ্রন্থেও এই সকল প্রমাণ পাওয়া যায়।

প্রাচীন হিন্দু “সাহিত্যে” এইরূপ “ধর্ম”স্তর গ্রহণ এবং রক্তসংমিশ্রণ আপকর্ষ মাত্র। কিন্তু “বাস্তব ইতিহাসে” এইগুলাই ছিল খাঁটি ধর্ম অর্থাৎ নরনারীর স্বাভাবিক এবং আটপোরে কথা। আর তথাকথিত “স্বধর্ম” পালনটাই ছিল ব্যতিরেক এবং সত্যসত্যই আপদ বিশেষ।

তাহা হইলে বলিব যে, বর্ণাশ্রম বা জাতিভেদ বা চাতুর্য বা স্বধর্ম ইত্যাদির “ফর্মুলা” বা সূত্র একটা দার্শনিক কাঠাম মাত্র। নরনারীর যৌন ও আর্থিক জীবনযাপনের নানাবিধ তথ্যকে “শ্রেণীবদ্ধ” করিবার জন্য হিন্দু সমাজের মাথাওমালা লোকেরা এই শৃঙ্খলা-কৌশল আবিষ্কার করিয়াছিলেন। কৌশলটা যে “দার্শনিক” হিসাবে অতি উচ্চরের তাহার

অগ্রতম প্রমাণ এই যে, ইয়োরোপের ভাবুকতাপন্থী চিন্তাবীরেরা,—প্লেটোর আমল হইতে ব্রাডলে ও ক্রোচে পর্য্যন্ত,—মানবজীবনের জন্ত আর কোনো “আদর্শ” হুঁড়িয়া পাইতেছেন না।

এই সকল কথা মনে রাখিয়া ফরাসী পণ্ডিত সেনার-প্রণীত “লে-কাস্ত-দাঁ-ল্যাঁদ” অর্থাৎ “ভারতের জাতিপ্রথা” নামক গ্রন্থের (প্যারিস ১৮৯৬) তথ্যগুলো সমালোচনা করিতে হইবে। জার্মান পিশেল-প্রণীত “কার্টেন” অথবা ছেবার-প্রণীত “হিষ্টুরিস্‌মুন্স উণ্ড বুডিস্‌মুন্স” অর্থাৎ “হিন্দু ও বৌদ্ধধর্ম” (ট্রিভিনেন ১৯২১) নামক গ্রন্থ দুইটাও এই বাস্তব ইতিহাসের তরক হইতে বাচাই করিয়া দেখা আবশ্যিক।

হাড়মাসের কোষ্ঠী গণনা।

বর্ণাশ্রমের বাস্তবভিত্তি ভারতীয় লোকগণনাবিভাগের ইংরেজ নৃতত্ত্ববিদগণের কার্যক্ষেত্রে অনেকটা পরিষ্কার হইয়া আসিতেছে। এই সঙ্গে শ্রীযুক্ত রমাপ্রসাদ চন্দ্র প্রণীত “ইণ্ডো-আরিয়ান রেসেজ্” (রাজসাহী, ১৯৬) গ্রন্থ সবিশেষ প্রণিধানযোগ্য। রমাপ্রসাদ মাথা, নাক, চোক, মুখ ইত্যাদি মাপিয়া জাতিনির্ধারণ করার পক্ষপাতী। পুরাণা তাম্রশাসন এবং অত্যাচার সাহিত্য হইতেও নৃতত্ত্ব উদ্ধার করিবার দিকে তাঁহার ঝোঁক আছে।

রমাপ্রসাদের কএকটা কথা ভারতীয় বর্ণাশ্রম প্রথার ইতিহাসে বিশেষ মূল্যবান। তথাকথিত “সনাতন” ধর্মের কেন্দ্রস্থান যে সকল বিশেষ তাহার বহির্ভূত মুসুলুকে,—যথা বাংলাদেশে—ব্রাহ্মণরা কোন্ প্রদেশে লোক? ইহাদের “রক্তমাংসে” সনাতনী প্রদেশের ছাপ নাই। জাতীয় আছে “ভোজপুরিয়া” অর্থাৎ বর্কর এবং অহিন্দু বা অ-সনাতন নরনারীর হাড়মাসের।

এক কথায় এই সকল ভারতীয় প্রদেশের ব্রাহ্মণ এবং অ-ব্রাহ্মণ ব্রহ্মের দাগে এক জাতীয় নরনারী। বিবাহের আইন, রক্তসংশ্রমণের স্মৃতিশাস্ত্র, পারিবারিক প্রথার শারীরিক ভিত্তি, চাতুর্ক্য এবং স্বধর্ম তাহা হইলে একদম নতুন চোখে বুঝিতে স্কর করা কঠব্য।

সংস্কৃত ভাষায় বাহা কিছু লেখা আছে তাহাই “ইতিহাস নয়”। শরীরের হাড়মাসের কোষ্ঠীর ভিতর হিন্দু নরনারীর বিবাহ-প্রথা লুকাইয়া আছে। “কুলজি” পুঁথির মায়ায় মুগ্ধ না হইয়া এই নয় কোষ্ঠীর গণনার সময় দিতে পারিলে “বাস্তব” সত্য আবিষ্কৃত হইতে পারিবে।

চতুর্থ পরিচ্ছেদ

জনগণের সমাজ-কেন্দ্র

“গোষ্ঠী”র আখড়া

রকমারি যৌন সংস্কার ব্যবস্থা করা হিন্দু শাসন-দফতার এক পরিচয়। ব্যক্তিতে ব্যক্তিতে নিলামিশার অগ্রাগ্র কেন্দ্রও প্রাচীন ভারতে গড়িয়া উঠিয়াছিল। সেই গুলাকে এক কথায় “সামাজিক” প্রতিষ্ঠান বলা চলে। সামাজিক মেলনেশের ব্যবস্থা সমূহ আলোচনা করিলেও হিন্দুনরনারীর শাসনদফতার নানা পরিচয় পাওয়া বাইবে। পরিবার এবং সমাজ এই দুই কেন্দ্রেই প্রতিষ্ঠানের শক্তিব্যোগ বদ্ধমূল।

বাংলায়নের “কামসূত্র” গ্রন্থে যে যুগ ও যে জনপদের পরিচয় পাই তাহাতে “আড্ডা মারিবার” কেন্দ্র বিশেষভাবে উল্লেখযোগ্য। লোকেরা দল বাধিয়া “গোষ্ঠী” কায়ম করিত। আমোদপ্রমোদ পানাহার ইত্যাদি এই সকল গোষ্ঠীর প্রাণস্বরূপ। সঙ্গে সঙ্গে সাহিত্য, সঙ্গীত, স্ককুমার শিল্প ইত্যাদি বিষয়ক রস-চর্চাও গোষ্ঠীজীবনের এক লক্ষণ। রাষ্ট্রনীতির চর্চাও বাদ পড়িত না। “মুদ্রারাক্ষস” ইত্যাদি নাটক যে যে আড্ডায় সমালোচিত হয়, সেই সকল আড্ডার ইয়ারেরা “কৌটিল্য দর্শনে” ওস্তাদ সন্দেহ নাই।

নগর জীবন ও “নাগরিকে”র নিত্যকর্মপদ্ধতির সঙ্গে গোষ্ঠী-কেন্দ্র অর্থাৎ “ইয়ারের দাঁলের বারোয়ারিতলা” এবং আড্ডা মারিবার জনসম্মুখ বেষণ বনিষ্ঠভাবে জড়িত দেখা যায়। ইয়ারোমেরিকায় বাহাকে “ক্লাব” বলে গোষ্ঠী নামক আখড়াগুলা তাহারই ভারতীয় সংস্করণ। দল বাধিয়া

খানাপিনা করা এবং সঙ্গে সঙ্গে সার্বজনিক খোসগলে যোগ দেওয়া হিন্দু নরনারীর স্বভাবের বহিভূত নয় এইরূপই বুঝা যাইতেছে।

বাৎসর্যর কোন্ যুগের বা কোন্ মূল্যের লোক ঠিক জানা যায় না। খৃষ্টাব্দের ছ'একশ বৎসর এদিকে ওদিকে "কামহৃত্তে"র সঙ্কলন-কাল ফেলা হইয়া থাকে।

ভারতের "সজ্ব"-শক্তি

(১)

দলবদ্ধ জীবনযাপন হিন্দুসমাজে রকমারি রূপে দেখা দিরাছিল রূপগুলো ভিন্ন ভিন্ন নামেও পরিচিত ছিল। অবশ্য প্রত্যেক নামের পশ্চাতে এক একটা বিশেষ উদ্দেশ্য ও কার্যতালিকা থাকিত। বর্তমান কালের বিভিন্ন নামধারী দলগুলার বিশেষত্ব এবং পরস্পর সম্বন্ধ ঠাওরাইয়া উঠা সহজ নয়। তবে বহু সংখ্যক দলে হিন্দু নরনারীর সামাজিক জীবন কেন্দ্রীভূত থাকিত। এই তথ্য হইতেই হিন্দু জাতির প্রাতিষ্ঠানিক দক্ষতা সবিশেষ প্রমাণিত হয়।

পরবর্তীকালে যে ব্যক্ত বুদ্ধ নামে দেবতা হইয়াছেন, শাক্য নামক বংশের বা জাতির সেই গৌতম (খৃঃ পূঃ ৬২৩—৫৪৩) দলবদ্ধ জীবনের আবহাওয়ার লালিতপালিত হইয়াছিলেন। এইরূপ একটা দল গড়িয়া যাওয়া শাক্য-গৌতমের জীবনের অত্যন্ত কাজ। সেই কর্ম-কেন্দ্র "সজ্ব" নামে জগৎপ্রসিদ্ধ হইয়াছে।

অত্যাশ্র দলের পরিচায়ক প্রতিশব্দের মতন "সজ্ব"ও একটা পারিভাষিক শব্দ। পানিনি (৩৩,৪২,৫১৩,১১২—১১৪) "সজ্ব" শব্দের আলোচনা করিয়াছেন। পানিনি শাক্য-গৌতমের আগেকার লোক কি পরেকার লোক অথবা সমসাময়িক সে বিষয়ে সন্দেহ আছে। মোটের উপর ধরিয় লইতে

পারিলে, খৃষ্টপূর্ব পঞ্চম বর্ষ ও সপ্তম শতাব্দীতে সজ্ব নামক প্রতিষ্ঠান হিন্দু নরনারীর সমাজে সুপ্রচলিত ছিল।

বোধ হয় যে কোনো সার্বজনিক কর্মকেন্দ্র সজ্ব বলিয়া পরিচিত হইত। জীবন দলবদ্ধ হইবা মাত্র সজ্ব নামের দাবী করিত। আজকালকার দিনে পাশ্চাত্য রাষ্ট্রীয় বিদ্যায় যাহাকে "কর্পোরেশন" বলে সজ্বকে তাহার প্রতিশব্দ বিবেচনা করিতেছি। "কর্পোরেশন" রোমাণ আমলের প্রতিষ্ঠান।

প্রাচীন গ্রীসের এইরূপ দলবদ্ধ কেন্দ্রীকৃত সামাজিক জীবন "পোলিস" নামে পরিচিত হইত। "পোলিস" শব্দে প্রধানতঃ জনপদ-গত কেন্দ্র—যথা নগর বা পল্লী বুঝিতে হইবে। কিন্তু সাধারণ হিসাবে পোলিসকে জনসমষ্টি বা দলবদ্ধ নরনারী বিবেচনা করা চলিতে পারে।

(২)

পানিনির আলোচনায় হিন্দু নরনারীর যে সমাজ দেখিতে পাই তাহাতে সজ্ব নামওয়াল কমে কমে তিন প্রকার দল প্রসিদ্ধ। "পুগ" নামক প্রতিষ্ঠান ছিল এক প্রকার সজ্ব। "নানা জাতির" লোক এই প্রতিষ্ঠানের অন্তর্গত। এই সকল নরনারীর "বৃত্তি" কাজকর্ম বা ব্যবসা নানাবিধ এবং বিচিত্র। ইহারা দলবদ্ধ হইত কিসের জন্ত? "আর্থিক" এবং সম্পর্কিত অর্থাৎ নানা প্রকার সামাজিক লেনদেন ও খাওয়াপন্নায় "কাম" সহজে হাঁসিল করা ছিল "পুগ" নামক দল গঠনের উদ্দেশ্য।

এই "পুগ" তাহা হইলে কি চিজ? পানিনির ব্যাখ্যায় যদি কোনো জনপদ পুগ-গঠনের কেন্দ্র বলিয়া প্রচারিত থাকিত তাহা হইলে সর্টান বলিতে পারা যাইত যে পুগ পল্লী বা নগর ছাড়া আর কিছু হইতে পারে না। অর্থাৎ গ্রীক ইয়োরোপের "পোলিস" আর রোমাণ ইয়োরোপের

“ম্মানসিপিয়ুম” বা, পাণিনি ভারতের পুণ্য কেন্দ্র তা। কিন্তু পাণিনির ব্যাখ্যা এই হিসাবে অস্পষ্ট, কাজেই নরনারীর ঠিক কোন্ ধরণের মেলামেশার কেন্দ্রকে পুণ্য ধরিয়া লইতে হইবে অনুমান করা সহজ নয়। তৎপরবর্তী কালে মিত্র মিশ্রের “পুণ্য” নগরই বটে।

পাণিনির ভারতে “ব্রাত”দের সজ্ব ছিল। এই সজ্ব ও নানা, “জাতীয়” লোকের কৰ্ম কেন্দ্রীকৃত হইত। ইহাদের ব্যবসা ছিল “উৎসেধ” করা। অর্থাৎ গুণ্ডামি করিয়া খাওয়া, লুটপাটের উপর জীবন ধারণ করা, এবং দরকার হইলে কোনো মাতব্বর লোকের পেটোআ হইয়া এপক্ষে ওপক্ষে লড়াইয়ে যোগ দেওয়া ছিল ব্রাতদের কাজ।

ব্রাত জাতীয় জীব ভারতেরই একচেটিয়া নয়। মধ্য যুগের জার্মানিতে “রিটার” এবং ইরোরোপের অন্যান্য দেশে ‘নাইট’ যোদ্ধা, বীর ইত্যাদি নামে ডাকাইতের প্রসিদ্ধ ছিল। গুণ্ডামি আর লুটপাট ছিল তাহাদের ব্যবসা। সমাজে তাহাদের ইজ্জদও কম ছিল না।

জার্মান সাহিত্যবীর গ্যেটে “গ্যেট্‌স্” নামক গ্রন্থে এইরূপ দস্যুবীরের রোমাটিক কাহিনী বিবৃত করিয়াছেন। শিলারের “রয়বার” নাটক ব্রাত-জীবনেরই চিত্র। বর্তমান ভারতে বঙ্কিমচন্দ্রের “আনন্দ মঠ” পাণিনি ভারতের ব্রাতসজ্বকে নবজীবন দান করিয়াছে।

তৃতীয় এক সজ্ব পাণিনি সাহিত্যে দেখিতে পাই। “আয়ুধজীবী” অর্থাৎ লড়াই ব্যবসায়ী লোকেরা দল বাধিয়া জীবন ধারণ করিত। ইহা-দিগকে ব্রাত নামক গুণ্ডামির দল বা সজ্ব ধরিয়া লইতেছি। অথচ জাতি হিসাবে ইহাদিগকে ক্ষত্রিয়ের দল বা সজ্ব ধরিয়া লইতেছি। অথচ জাতি বা বর্ণশ্রমের তরফ হইতে বাহাদিগকে ক্ষত্রিয় বলে, পাণিনির “আয়ুধজীবী” দল সে চিহ্ন নয়। তাহািস্তন বিবৃত জার্মান সমাজেও এই ধরণের লোক দেখা যায়।

(৩)

শাক্য-গৌতম যে “সজ্ব” কায়েম করিয়া যান, তাহার রূপ বা গড়ন বুঝিতে কোনো বেগ পাইতে হয় না। পালি ভাষায় রচিত “বিনয়” সাহিত্যে তাহার পুরাপুরি বিবরণ আছে।

“বিনয়” শব্দের অর্থ শিক্ষা, শাসন বা শৃঙ্খলা। শাক্য-গৌতমের মত অনুসারে যে সকল লোক জীবন ধারণ করিত তাহাদের নিয়ম কানুন যে সকল গ্রন্থে বিবৃত সেই সব বিনয় সাহিত্যের সামিল। তথাকথিত বস্মাধর্ম, পাপপুণ্য, স্বর্গনরক, দেবদেবী ইত্যাদির কথা বিনয়-সাহিত্যের আলোচ্য বিষয় নয়। সামাজিক কৰ্মকেন্দ্র বা প্রতিষ্ঠান কোন প্রণালীতে চালাইতে হইবে সেই সকল কথাই বিনয়-সাহিত্যের প্রাণ। শাসনপ্রণালী বিষয়ক সাহিত্য হিসাবে পালি “বিনয়” হিন্দু নরনারীর অগ্রতম উৎকৃষ্ট সৃষ্টি।

বিনয়-সাহিত্য সম্ভবতঃ খৃষ্ট পূর্ব চতুর্থ শতাব্দীতে সঙ্কলিত হইয়াছিল। শাক্য-গৌতমের চেলারা কোন্ নিয়মে প্রাতিষ্ঠানিক জীবনধাপন করিত, তাহার বিশদ আলোচনা এক পরবর্তী পরিচ্ছেদের জন্ত রাখিয়া দেওয়া যাইতেছে।

“অর্থ শাস্ত্রে”র “সজ্ব”

(১)

সজ্ব-নামওয়াল নরনারীর কেন্দ্র সেকালে আরও অনেক ছিল। কৌটিল্যের “অর্থশাস্ত্র” যে সমাজের পরিচয় দেয় সেই সমাজে একাধিক দলবদ্ধ জীবনের সাদা পাই।

এক দল “বার্তী-শাস্ত্রে”র চর্চা করিয়া জীবন ধারণ করিত। এই সজ্বকে কৃষি, শিল্প, বাণিজ্য ইত্যাদি আর্থিক লেনদেনের কেন্দ্র

বিবেচনা করা যাইতে পারে। “শাস্ত্র” চর্চা করা পণ্ডিতের কাজ। কিন্তু কোটিল্যের এই সজ্ব বোধ হয় পণ্ডিতের দল নয়। কৃষক শিল্পী ও বণিকের সজ্বই বুদ্ধিতে হইবে।

কোটিল্য-সাহিত্যে আর এক দল “ক্ষত্রিয়-শ্রেণী” নামে পরিচিত। কাষোজ, সুরাষ্ট্র ইত্যাদি প্রদেশে এই সকল সজ্বের ঘাঁটি। ইহাদিগকে পাণিনির “আয়ুধজীবী” বিবেচনা করিলে দোষ হইবে না।

অত্র এক দলের সজ্ববদ্ধ জীবন সম্বন্ধে “অর্থশাস্ত্রে” উল্লেখ আছে। এই সজ্বের লোকেরা “রাজশব্দে”র জ্বরে জীবন ধারণ করিত। “রাজা” এই উপাধিটা জীবিকার উপায় কিরূপে হইতে পারে? দৃষ্টান্ত স্বরূপ বলা হইয়াছে যে লিম্বিক, বুজিক ইত্যাদি জাতীয় লোক এইরূপ সজ্বের অন্তর্গত নরনারী।

তাহা হইলে এই সজ্বকে “গণতন্ত্রী” সমাজের জীবন-কেন্দ্র ধরিয়া লওয়া সম্ভব। কেননা গণ-তন্ত্রের শাসনে এক হিসাবে রাজা কেহই নয়, আবার আর এক হিসাবে সমাজের প্রত্যেক ব্যক্তিই ঘটনাচক্রে দলের মোড়ল বা প্রেসিডেন্ট নির্বাচিত হইয়া রাজা উপাধি পাইতে অধিকারী।

বস্তুতঃ এই ধরণের গণতন্ত্রশীল রাষ্ট্র গড়িয়া তোলা হিন্দু নরনারীর শাসন-দক্ষতার অগ্রতম পরিচয়। এই বিষয়ে স্বতন্ত্র আলোচনা করা যাইবে এক পরবর্তী অধ্যায়ে।

কোটিল্যের “অর্থশাস্ত্র” কোন্ যুগের রচনা বা সঙ্কলন? অত্রাণ্ড প্রাচীন ভারতীয় গ্রন্থের মতন এই গ্রন্থের জন্মকথাও অনিশ্চিত।

এই বিষয়ে ছুনিয়ার পণ্ডিত মহলে, বিশেষতঃ জাঙ্গাণিতে অনেক তর্ক বিতর্ক চলিতেছে। “অর্থশাস্ত্রে”র প্রণেতা বা সঙ্কলন কর্তাকে মৌর্য সম্রাট চন্দ্রগুপ্তের অমাত্য বিবেচনা করিবার বিরুদ্ধে যুক্তি আছে একাধিক। জাঙ্গাণি পণ্ডিত যাকোবির মতে সেই যুক্তি গুলার কোনো

নাম নাই। অর্থাৎ ইহনি “অর্থশাস্ত্র”কে খৃষ্টপূর্ব তৃতীয় চতুর্থ শতাব্দীর রচনা বা সঙ্কলন বলিয়া গ্রহণ করিতে রাজি।

যাকোবির প্রধান বিরোধী এতদিন ছিলেন য়োলি। ভারতীয় চিকিৎসা এবং আইন গ্রন্থের সঙ্গে “অর্থশাস্ত্রে”র তুলনা চালাইয়া য়োলি বলেন যে, খৃষ্ট পূর্ব তৃতীয় চতুর্থ শতাব্দীর সমাজ কোটিল্যের গ্রন্থে পাওয়া যায় না।*

য়োলি যে সকল সন্দেহ তুলিয়াছেন, তাহার উপর আর এক তরফ হইতে অত্র কতকগুলি সন্দেহ আসিয়া জুটয়াছে। চেকো স্মোল্‌স্কাভার জাঙ্গাণি পণ্ডিত ষ্টাইন “মেগাস্থেনিস এবং কোটিল্য” নামে একগ্রন্থ রচনা করিয়াছেন (স্বিয়েনা, ১৯২২)। মেগাস্থেনিস ছিলেন মৌর্য দরবারে এসিয়া মাইনরের গ্রীক (“হেলেনিষ্টিক”) রাজার দূত বা প্রতিনিধি (খ্রীঃ পূঃ ৩০২)। প্রথম এই, মেগাস্থেনিসের ভারতবিষয়ক গ্রন্থ বা গ্রন্থাংশ সমূহ আর “অর্থশাস্ত্র” সমসাময়িক কি না।

ষ্টাইন এই দুই রচনার খুঁটিনাটি তুলনা করিয়া দেখিয়াছেন। তাহার মোটা সিদ্ধান্ত নিম্নরূপ। মেগাস্থেনিসের প্রত্যেক কথাকে ভারত সম্বন্ধে চাক্ষুষ প্রমাণ বা সাক্ষ্য বিবেচনা করা চলে না। অধিকন্তু কোটিল্যের অথবা “অর্থশাস্ত্রে”র ভারতবিবরণের সঙ্গে “ইন্ডিকা” নামক মেগাস্থেনিসের রচনার মিল নাই বহুক্ষেত্রে।

* ১৮৯৬ সালে ষ্ট্রাসবুর্গ হইতে প্রকাশিত “রেখট্ট উও মিটে” (অর্থাৎ “আইন ও লোকচার” বা “ধর্ম ও নীতি”) নামক গ্রন্থে য়োলি হিন্দুর শাসন-সাহিত্য তন্ন তন্ন করিয়া আলোচনা করিয়াছিলেন। পরে ১৯০৫ সালে “অর্থশাস্ত্রের” আবিষ্কার অবধি য়োলি গ্রন্থের সমালোচনার নিযুক্ত আছেন। তাহার মতামত জাঙ্গাণির “মর্গেনল্যোগিশে এই শার্ট” বা প্রাচ্যতত্ত্ব পরিষদের পত্রিকায় বাহির হইয়াছে। অধিকন্তু “আন্তর্জাতিক গেজেল মূলক আইন-বিজ্ঞান সম্মেলনে”র বার্লিন অধিবেশনেও (১৯১১) এই বিষয়ে য়োলির গবেষণা প্রচারিত হইয়াছে।

সম্প্রতি অধ্যাপক হিল্লিব্রাণ্ট প্রণীত “আন্ট-ইণ্ডিশ পোলিটিক” অর্থাৎ “প্রাচীন ভারতীয় রাষ্ট্রনীতি” নামক গ্রন্থ বাহির হইয়াছে। (যেনা, ১৯২৩) স্লোলি এবং ষ্টাইনের আপত্তি সমূহ খণ্ডন করিতে চেষ্টা না করিয়াও হিল্লিব্রাণ্ট বলিতেছেন :—“অর্থশাস্ত্র” অতি প্রাচীন সমাজেরই আইন কানুন চিত্রিত করিতেছে। খৃষ্টীয় চতুর্থ শতাব্দীর পূর্বেকার কথা ইহার ভিতর পাওয়া যায় এইরূপ বিশ্বাস করিতেই হইবে।” কৌটিল্য * সম্বন্ধে ইরোরোপে সর্বপ্রথম আলোচনা করেন হিল্লিব্রাণ্ট (১৯০৮, ব্রেসলাও)।

“সমূহ”-প্রতিষ্ঠান

বাহ্য হউক সজ্ব শব্দ এবং এই প্রতিষ্ঠান সম্বন্ধে ভারতের প্রাচীন সাহিত্যে আলোচনা আছে। এই পর্যন্ত পরিষ্কার বুঝা যাইতেছে। কিন্তু এই গুণার দেশ ও কাল সম্বন্ধে যথার্থ বিবরণ প্রচার করা এখনো সম্ভব নয়। পরিবার বা যৌন সম্বন্ধের কথা লইয়া যে সকল সন্দেহ উল্লেখ করা গিয়াছে, সজ্ব নামক প্রতিষ্ঠান সম্বন্ধেও সেই সব উঠিবে।

ব্যক্তিতে ব্যক্তিতে লেনদেনের সম্বন্ধ “সজ্ব” ছাড়া আরও অনেক নামের জনকেন্দ্র সৃষ্টি করিয়াছিল। “সমূহ” শব্দের দ্বারা হিন্দুনরনারী কোনো কোনো দলবদ্ধ জীবনের পরিচয় দিতে অভ্যস্ত ছিল। অনেক সময় “সমূহ” “সজ্ব” শব্দেরই প্রতিশব্দ রূপে ব্যবহৃত হইত।

যাজ্ঞবল্ক্যের “স্মৃতি” গ্রন্থে (খঃ অঃ ৩৫০) কয়েক প্রকার “সমূহ” দেখিতে পাই। আর্থিক লেনদেনের জগৎ লোকেরা “শ্রেণী” গড়িয়া তুলিত।

* বর্তমান গ্রন্থের স্থানে স্থানে কৌটিল্য-সমগ্র আলোচিত হইয়াছে। কোনো নির্দিষ্ট সনতারিখের স্বপক্ষে বিপক্ষে মতামত না দিয়া এক কথায় বলিব যে জাম্বাণ পণ্ডিতদের আলোচনা প্রণালী সর্বথা গ্রহণীয় নয়। বিশেষতঃ ষ্টাইনের প্রত্যেক বৃষ্টির বিরুদ্ধে বৃষ্টি দেখানো সম্ভব। তিনি যে সব অমিলের কর্দ দিয়াছেন সেগুলো মারাত্মক নয়।

যাবদায়ীদের “সমূহ”কে “নিগম” বা “নৈগম”ও বলা হইত। বৌদ্ধ, জৈন ইত্যাদি অ-সনাতন ধর্মের লোকেরা “পাণ্ডি” নামে সমূহ বদ্ধ ছিল। “গণ” নামক জন-“সমূহ”র দ্বারা নগর বুঝানো হইত। এই সকল “সমূহ”র অস্তিত্ব হইতে প্রাচীন ইরোরোপের “পোলিস” এবং “কর্পোরেশন” জাতীয় প্রতিষ্ঠানের আবহাওয়াই হিন্দু সমাজে স্পর্শ করা যায়।

যাজ্ঞবল্ক্যের এক ভাষ্যের নাম “বীরমিত্রোদয়”। ভাষ্যকার মিত্রমিশ্র তাঁহার রচনায় “সমূহ” ব্যবহার করা হইয়াছে প্রতিষ্ঠানের “জাতি”-বাচক শব্দ হিসাবে,—অর্থাৎ ব্যাপক ভাবে। সমূহ-জাতির অন্তর্গত এক দলবদ্ধ জীবন-কেন্দ্রের নাম “পুগ”।

মিত্রমিশ্রের ব্যাখ্যায় “পুগ” পাণ্ডির “পুগ” হইতে অভিন্ন। তবে জনপদের সঙ্গে সংশ্রব আছে। কাজেই এই “পুগ”কে নগর বা পল্লী-কেন্দ্রে দলবদ্ধ নরনারীর “সমূহ” বুঝিতে আর আপত্তি নাই।

একাদশ শতাব্দীর বিজ্ঞানেশ্বর ও যাজ্ঞবল্ক্যের ভাষ্যে (“মিতাক্ষরা”র) “সমূহ” শব্দকে “জাতি”-বাচক রূপে ব্যাপক অর্থে গ্রহণ করিয়াছেন। “গণ” নামক প্রতিষ্ঠান তাঁহার মতে একটা “সমূহ” গ্রাম ইত্যাদি জনপদ “গণ” নামে পরিচিত। অর্থাৎ মিত্রমিশ্র যে সামাজিক প্রতিষ্ঠানকে “পুগ” বলিয়াছেন, সেই প্রতিষ্ঠানই বিজ্ঞানেশ্বরের পরিভাষায় “গণ”। হুই শব্দেই “মুনিসিপিয়াম” জাতীয় কেন্দ্র বুঝিতে হইবে।

ভারতীয় সমাজের ধ্বংসাবশেষ

“সজ্ব” বা “সমূহ” নামক প্রাচীন ভারতীয় সমাজ-কেন্দ্র গুলা বর্তমান ভারতের নরনারীর নিকট,—বিশেষতঃ “উচ্চশিক্ষিত” মহলে হর্বোধ্য হইয়া পড়িয়াছে। কেননা ঊনবিংশ ও বিংশ শতাব্দীতে এই সকল প্রতিষ্ঠান এক প্রকার উঠিয়াই গিয়াছে বলা চলে।

বস্তুতঃ কিন্তু এই সমুদয় এখনো মরে নাই। সামাজিক লেনদেনে, আর্থিক জীবনের নানা স্তরে, উৎসব উপলক্ষে, ধর্মকর্মের পালা পার্বণে,— এক কথায় লোকাচারে এবং জনসাধারণের নিত্যনৈমিত্তিক আচার ব্যবহারে সজ্জ্ব সমূহ ইত্যাদি কর্ম-কেন্দ্র আজও সজাগ রহিয়াছে। আইনতঃ এই গুলার কোনো কিম্বৎ এক প্রকার নাই,—রাষ্ট্রীয় জীবনেও এই সমুদয়ের কোনো পরিচয় পাওয়া যায় না। এই কারণে প্রতিষ্ঠানগুলাকে নিজ্জীব প্রিয়মাণ এবং অবজ্ঞের অবস্থায় দেখিতে পাই।

বর্তমান ভারতে ভারতীয় “সজ্জ্ব” বা “সমূহ” প্রতিষ্ঠানের ইচ্ছা কতখানি বা কতটুকু? ত্রীযুক্ত রাধাকমল মুখোপাধ্যায় প্রণীত “প্রাচ্যজগতের স্বরাজ”, “তুলনামূলক ধন-বিজ্ঞান” এবং “ভারতীয় ধনবিজ্ঞানের ভিত্তি” নামক তিনখানা বিলাতে প্রকাশিত গ্রন্থে (১৯১৫-১৯২৩) এই বিষয় বিশদরূপে বিবৃত হইয়াছে। গ্রন্থকারের প্রচারিত আদর্শ, ভাবুকতা এবং ভবিষ্যতের জ্ঞান কল্পনাকল্পব্যাপ্তি গ্রহণীয় কি না সে কথা স্বতন্ত্র। অধিকন্তু পাশ্চাত্য সমাজের অনুষ্ঠান প্রতিষ্ঠান সম্বন্ধে তিনি প্রত্যেক গ্রন্থে যে সব মতামত ছড়াইয়াছেন, সে সব টেক-সই কি না তাহাও আলোচনা করিতেছি না।

রাধাকমলের গ্রন্থাবলীতে ভারতীয় “সজ্জ্ব” বা “সমূহ” প্রতিষ্ঠানের যে বাস্তব ও প্রত্যক্ষ বিবরণ আছে, তাহা যারপরনাই মূল্যবান। এই বিবরণের সাফ্য সর্বদা সঙ্গে রাখিলে প্রাচীন ভারতের দলবদ্ধ জীবন কেন্দ্র সমূহের এবং হিন্দু নরনারীর সজ্জ্বশক্তির কিছু কিছু আন্দাজ করা সম্ভব। সেকালে হিন্দু রাষ্ট্রের গড়ন ও শাসন এবং হিন্দু জাতির শাসন-দক্ষতা বুঝিবার জন্ম প্রত্যেক গবেষককেই হুই একবার এই কেতাবগুলি বাঁটমা দেখিতে হইবে।

“গণ”—কেন্দ্র

(১)

প্রাচীন ভারতের সামাজিক প্রতিষ্ঠানসমূহ সম্প্রতি ধ্বংসাবশেষ বা “সাক্সারাইল্যান্ড” রূপে নামে মাত্র পরিচিত। ইহাদের দাম কষিয়া বাহির করা এখনো বহু গবেষণা-সাপেক্ষ।

নাম গুলায়ও গণ্ডগোল কম নাই। “গণ” শব্দটাই ধরা যাইউক। মিত্রমিশ্র যে প্রতিষ্ঠানকে “পুগ” বলিতেছেন, বিজ্ঞানেশ্বর তাহাকে বলেন “গণ”, উভয়েই কিন্তু যাজ্ঞবল্ক্যের ভাষ্যকার মাত্র। যাজ্ঞবল্ক্য (২৮, ১৮৭-১৯২, ৩৬৯) স্বয়ং “গণ” শব্দে নগর অর্থাৎ জনপদগত লোকসমূহ বুঝিতেন।

নারদের স্মৃতিতে (খৃঃ অঃ ৪৫০) “গণ” শব্দে যাজ্ঞবল্ক্যের প্রতিষ্ঠানই ধরিয়া লাওয়া হইয়াছে। নারদ আর মিত্রমিশ্রের মাঝামাঝি এক স্মৃতিকার কাব্যায়ন “গণ” কে কুল বা পরিবারের “সমূহ” বিবেচনা করিয়াছেন। পরিবারের “সমূহ” কে মিত্রমিশ্রের “পুগ” অথবা বিজ্ঞানেশ্বরের “গণ” অর্থাৎ নগর বিবেচনা করা সম্ভব।

দেখা যাইতেছে যে, একই নামে নানা প্রতিষ্ঠান পরিচিত হইত। আবার একই প্রতিষ্ঠান বহু নামে প্রচলিত ছিল। কাজেই স্মৃতি-বর্ণিত প্রতিষ্ঠান গুলি বর্তমান যুগের পক্ষে ধাঁধাঁ স্বরূপ।

বাহা হউক,—মোটের উপর “গণ” শব্দে গ্রীক “পোলিস” বা রোমান “মুনিসিপিয়াম” জাতীয় জীবন-কেন্দ্র বুঝা যাইতেছে। জাতি-বাচক অর্থাৎ ব্যাপক ভাবে এই শব্দের প্রয়োগ হইত কিনা সন্দেহ। “সজ্জ্ব” বা “সমূহ” যেমন যে-কোনো “কর্পোরেছন” বা দলবদ্ধ জনসমষ্টি বুঝাইবার জন্ম ব্যবহৃত হইত, “গণ” বোধ হয় সেইরূপ ব্যবহৃত হইত না।

(২)

আবার আর এক সমস্তা উপস্থিত। “পোলিস” বলিলে গ্রীকেরা নগর বা পল্লী বুঝিত। একটা গোটা দেশ কখনই বুঝা যাইত না। তবে নগর বা পল্লীই ছিল গোটা রাষ্ট্র, কাজেই “পোলিস” ছিল রাষ্ট্রেরও প্রতিশব্দ। জার্মান পণ্ডিত শ্রেমান প্রণীত গ্রীক পুরাতত্ত্ব বিষয়ক বিপুল গ্রন্থে (ইংরেজি অনুবাদ, লণ্ডন, ১৮৮০) পোলিস প্রতিষ্ঠানের ব্যাপক অর্থও খানিকটা ধরিতে পারা যায়। অর্থাৎ “কর্পোরেশন” বলিলে মধ্য যুগে এবং বর্তমান কালে যে ধরণের দলবদ্ধ জীবন বুঝায়, পোলিস বলিলেও অনেক সময়ে সেইরূপ বুঝা সম্ভবপর হইত। কিন্তু একটা গোটা দেশ অর্থাৎ একাধিক পল্লী বা নগর সমন্বিত ভূখণ্ড কোনো দিনই বুঝা যাইত না।

রোমান আমলের এবং মধ্য যুগের “মুনিসিপিয়াম” ও নগর বা পল্লী মাত্র ইংরেজ রামজে প্রণীত “রোমের প্রত্নতত্ত্ব” গ্রন্থে (লণ্ডন, ১৮৯৮) অথবা ফরাসী ব্রিসো প্রণীত “ফরাসী শাসননীতির ইতিহাস” গ্রন্থে (মার্কিন অনুবাদ, বস্টন, ১৯১৫) “মুনিসিপিয়াম” অথ কোনো প্রতিষ্ঠানের জ্ঞাত কায়েম হয় নাই। যে কোনো “কর্পোরেশন” মুনিসিপিয়াম নয়। আবার বহু পল্লী বা নগর সমন্বিত জনপদ বুঝাইবার জ্ঞাতও মুনিসিপিয়ামের নাম ভাঙা হইত না।

(৩)

কিন্তু “গণ” শব্দে একটা গোটা দেশ,—অথবা একটা গোটা জাতি বা সমাজ বুঝানো হইত। মহাভারতের শান্তি পর্বে (১০৭৩১, ৩২) যে সকল “গণের” উল্লেখ আছে সেই সব প্রতিষ্ঠানকে কোনো দেশের টুকরা-স্বরূপ কতকগুলো “পুর” বা “গ্রাম” বিবেচনা করা অসম্ভব। “গণ” শব্দের দ্বারা সমগ্র “দেশ” বুঝানো হইয়াছে। বস্তুতঃ, “দেশ” বা “জাতি” এই

ভূইয়ের একটা বৃত্তিতে হইবে, কেননা দেশের সঙ্গে জনপদের যোগ অচ্ছেদ্য। কিন্তু শান্তি পর্বের বর্ণনায় জনপদের উল্লেখ নাই।

মহাভারতের “গণ” গুলার প্রথম বিশেষত্ব এই যে এইসমুদয় গোটা সমাজ। দ্বিতীয় বিশেষত্ব হইতেছে ইহাদের নরনারীদের পরস্পর সাম্য। একের সঙ্গে অত্রের “সাদৃশ্য” সুস্পষ্ট। কাজেই “গণ” গুলাকে রাজহীন স্বরাজতন্ত্রী সমাজ সমঝিয়া লইলে চলিতে পারে। ইয়োরোপীয় রাষ্ট্রিক পরিভাষায় যাহাকে “পাব্লিক” বলে, “গণ” শব্দে সেই সাম্যধর্মী প্রতিষ্ঠানই বুঝা যাইতেছে।

“স্বতি”—গ্রন্থের এখানে ওখানে পূরাপুরি স্বাধীন—স্বরাজী গণতন্ত্রশীল সমাজের পরিচয় স্বরূপ “গণে”র ব্যবহার আজও আবিস্কৃত হয় নাই। কিন্তু খৃষ্টীয় দ্বিতীয় তৃতীয় ও চতুর্থ শতাব্দীর আন্ধ্র, কুষাণ এবং গুপ্ত সাম্রাজ্যের আমলে যে সকল মুদ্রা প্রচলিত ছিল, তাহার গায়ে “গণ”—প্রাচীনের ছাপ আছে। সেই সময়কার তাম্রলিপিতে ও “গণ” সমাজের অস্তিত্ব দেখিতে পাই। যৌধেয়, মালব ইত্যাদি জাতীয় নরনারী “গণ”—রিপাব্লিকের লোক। এই হিসাবে “গণ” কৌটিল্যের “রাজশকোপজীবী” “সঙ্ঘ”র প্রতিশব্দ মাত্র।

হিন্দু সঙ্ঘের সীমানা

(১)

হিন্দু নরনারীর সঙ্ঘজীবনে যে এতদূর জটিলতা ও বৈচিত্র্য প্রবেশ করিয়াছিল, তাহা ঊনবিংশ শতাব্দীতে ধারণাই করা সম্ভবপর হয় নাই। ১৮৪৬ সালে ফরাসী পণ্ডিত জিব্রাঁ-প্রণীত “হিন্দুদের ব্যক্তিবিষয়ক আইন” প্রকাশিত হইয়াছিল। তাহার প্রথম ধণ্ডে “সোসিয়েতে” অর্থাৎ দল

সমূহ বা সজ্ব সম্বন্ধে অন্বেষণা আছে। নারদের “স্মৃতি” ছিল গ্রন্থকারের প্রধান সাক্ষী।

তাহার পর ১৮৯৭ সালে গ্যেট্টিঙ্গেনের জার্মান অধ্যাপক ফিক্ শাক্য-গোতমের সময়কার ভারতীয় “সোৎসিগালে গ্লিডাকুং” অর্থাৎ সামাজিক অঙ্গপ্রত্যঙ্গ বিষয়ক গ্রন্থ প্রচার করেন। তাহাতে শিল্পী ও বণিকদের “গিল্ড্” সজ্ব, শ্রেণী বা ঐ জাতীয় প্রতিষ্ঠানের বিবরণ আছে। ফিকের বিবরণ দাঁড়াইয়া আছে, “জাতক” সাহিত্যের উপর।

ইয়াক্টি পণ্ডিত হপকিন্স তাহার “নবীন ও প্রাচীন ভারত” নামক গ্রন্থে (নিউ ইয়র্ক, ১৯০২) আর্থিক লেনদেনের সজ্ব সম্বন্ধে স্রবিস্তৃত আলোচনা করিয়াছেন। ইংরেজ রিদ ডেব্লিওস্ প্রণীত “বৌদ্ধ ভারত” গ্রন্থে (লণ্ডন, ১৯০৩) ও এই সকল আর্থিক প্রতিষ্ঠান এবং রাজহীন রিপাব্লিক পন্থী সজ্ব সম্বন্ধে গবেষণা আছে।

এই সকল তথ্যের সঙ্গে “স্মৃতি শাস্ত্রের” এবং তান্ত্রশাসনের প্রমাণ গুল্লা জুড়িয়া দিয়া ভারতীয় পণ্ডিতেরা হিন্দুনরনারীর সজ্বশক্তি সম্বন্ধে অনেকটা বিশদ চিত্র ফুটাইতে পারিয়াছেন। ১৯১৯ সালে শ্রীযুক্ত রাধাকুমুদ যুবোপাধ্যায়ের “প্রাচীন ভারতে লোকাল গবমেণ্ট” গ্রন্থ লগুনে এবং শ্রীযুক্ত রমেশ চন্দ্র মজুমদারের “প্রাচীন ভারতে সজ্বজীবন” গ্রন্থ কলিকাতায় বাহির হইয়াছে। প্রাচীন ভারতের সামাজিক, আর্থিক এবং অস্থায় প্রতিষ্ঠান অনেকটা স্পষ্ট হইয়া আসিয়াছে।

(২)

গবেষণা গুল্লার ফলে বুঝ ভারতে একটা “উচ্চপন্থির” সজ্ববন্দন দেখা যাইতেছে। সজ্ব গড়িয়া তোলাকে ভারতীয় “আয়ার” এক

অতি-বিশেষত্ব রূপে প্রচার করা যাইতেছে। কাজেই সাবধান হওয়া দরকার।

শ্রেমানের গ্রীক তথ্যগুলা, রামজের রোমান তথ্যগুলা, আর ব্রিসোর ফরাসী তথ্য গুলা ভারতীয় “সমূহ”-প্রতিষ্ঠানের সঙ্গে সঙ্গে আলোচিত হওয়া আবশ্যিক। এই সঙ্গে নাম্‌প্রথ টু-প্রণীত “ডায়বেস স্টিট্’ শাফ্‌ট্‌স্ লেবেন ইম মিট্টেলান্টার” অর্থাৎ “মধ্যযুগের জার্মান আর্থিক জীবন” নামক গ্রন্থও (লাইপৎসিগ, ১৮৮৬) ভারতীয় গবেষকদিগকে পাশ্চাত্য সজ্ব, সমূহ, গণ, পূগ ইত্যাদি জীবন-কেন্দ্রের “সেকলে” দৌড় বুঝাইয়া দিবে।

আর এক কথা। রাষ্ট্রীয় দৈব ছর্কিপাকের প্রভাবে অথবা ভারতীয় নরনারীর জীবনবৃত্তার অভাবে পুরাণ “কপোরেগন” বা সজ্ব গুলা নব যুগে নবীন গড়ন দেখাইতে পারিতেছে না। কিন্তু পশ্চিমাদের “সজ্ব”-সমূহ দিন দিন ফুলিয়া উঠিয়াছে। পুরাণ স্তর-বিছাস ভাঙিয়া গিয়াছে। ঊনবিংশ ও বিংশ শতাব্দীতে ইয়োরামেরিকায় সজ্বশক্তির জোয়ার ছুটিতেছে বিলকুল এক নয়া ধাপের উপর।

নবযুগের সজ্ব-জীবন

এইখানে মনে রাখা দরকার যে, আজ কালকার বিপুল লণ্ডন শহর একটা “পূগ” মাত্র। এই ধরণের আর একটা “পূগ” হইতেছে পঁচিশ মাইল লম্বা শিকাগো। বর্তমান জগতের একটা “গণের” নাম “আমেরিকার যুক্তরাষ্ট্র”, একটা “সজ্বের” নাম “প্যারিস বিশ্ববিদ্যালয়”! আজকালকার একটা “সজ্বের” জার্মানির ৩০ লাখ পরিবার কেন্দ্রীকৃত। তাহার নাম “কোনজুম ফারাইন” বা “খরিদদার-সজ্ব”।

নিউ ইয়র্কের “ষ্ট্যাণ্ডার্ড অয়েল কোম্পানী” নামক কেরোসিন তেলের ব্যাপারীদের একটা সজ্ব আছে। আর একটা সজ্ব বা সমূহের নাম

জার্মানির “হগোষ্টিয়েন গেজেল শাফট”। ইহা কয়লা, লোহা আর জাহাজের শিল্প-পতি ও বণিকদের কর্মক্ষেত্র। এই সন “সমূহ” কি চিহ্ন ভারতবাসীর অজানা নয়।

মজুর মহলের সম্বন্ধে জগতে সুবিদিত। “ট্রেড ইউনিয়ন”, “লেবার পার্টি”, “সোশ্যালিষ্ট” দল ইত্যাদি প্রতিষ্ঠানগুলি বর্তমান ইয়োরামেরিকার অগ্রতম “সমূহ” ছাড়া আর কিছু নয়। এই ধরণেরই এক “সমূহে”র তাঁবে বোলশেভিক রুশিয়া ধরাখানাকে সরা জ্ঞান করিতে শিখিয়াছে।

অথচ এই সকল বিপুল কর্মক্ষেত্র নেহাৎ মামুলি “শ্রেণী”, “পুং” “গণ” ইত্যাদি হইতেই বিকাশ লাভ করিয়াছে। একশ’ দেড়শ’ দুশ’ তিনশ’ বৎসর পূর্বেকার পশ্চিমা “সমূহ” হিন্দুনারনারীর “সমূহের”ই “মাসতুত তাই” ছিল। কি জাতি হিসাবে কি গড়নের হিসাবে প্রাচ্যে পাশ্চাত্যে প্রাতিষ্ঠানিক প্রভেদ হুঁড়িয়া পাওয়া যাইত না।

এই সকল তথ্য ঐতিহাসিক সন তারিখের সহিত হজম করিয়া লইলে ঠাণ্ডা মাথায় প্রাচীন ভারতের শাসনমহলে প্রবেশ করা সম্ভব হইবে। হিন্দু সম্বন্ধ-শক্তির দৌড় ও সীমানা জরীপ করিতে যাইয়া গোলাক ধাঁধার পড়িতে হইবে না।

পরিশিষ্ট নং ২

সন্দেহ-মূলক প্রশ্ন

হিন্দুসমাজের যৌন সংশ্রব এবং দলবদ্ধ কর্মক্ষেত্র সম্বন্ধে কতকগুলি সন্দেহ মূলক প্রশ্ন তোলা হইল। কিন্তু সেগুলার জবাব দিবার চেষ্টা করা হইল না। বর্তমান গ্রন্থের প্রায় প্রত্যেক পরিচ্ছেদেই এইরূপ অসম্পূর্ণতা লক্ষিত হইবে।

সমস্যায় মীমাংসা সম্ভব একমাত্র যুক্তিতর্ক এবং নথী পত্রের সাহায্যে। তাহার জন্ম চাই অতি বিস্তৃত আলোচনার ক্ষেত্র। ভারতীয় প্রাচীন জীবনের প্রায় প্রত্যেক খুঁটিনাটিই এইরূপ সুবিস্তৃত তর্ক বিতর্কের মল্ল ভূমি। সেদিকে প্রলুব্ধ হওয়া এই কেতাবের উদ্দেশ্য নয়।

যে সকল তথ্য বিনা বাক্যব্যয়ে গৃহীত হইবার সম্ভাবনা, একমাত্র সেই সবই বর্তমান প্রশ্নে স্থান পাইবে। স্থানাভাবে সেই সমুদয়েরও চূষকমাত্র প্রদত্ত হইতেছে।

ভারতীয় বিবাহপদ্ধতির ধারা বুঝিবার জন্ম মার্কিন নৃতত্ত্ববিৎ লোহ্লি প্রণীত “প্রাচীন (বা আদিম) সমাজ” (নিউ ইয়র্ক, ১৯২০) নামক গ্রন্থের আলোচনাপ্রণালী কার্যকরী হইবে। জার্মান, ফ্রিড্রিশ-এঙ্গেলস্ প্রণীত “পরিবার, গোষ্ঠী ও রাষ্ট্র” এই হিসাবে বিশেষ কাজে লাগিবে।

শ্রীযুক্ত রমেশচন্দ্র মজুমদারের “প্রাচীন ভারতে সম্বন্ধজীবন” নামক ইংরেজী গ্রন্থে (কলিকাতা, ১৯১৯) জাতিভেদ সম্বন্ধে পাণ্ডিত্যপূর্ণ আলোচনা আছে। সেইটার সহিত প্রত্যেক গবেষকেরই পরিচিত হওয়া আবশ্যিক। ফরাসী এবং জার্মান গ্রন্থকারদের মতামত এই গ্রন্থে আলোচিত

হইয়াছে। রমেশচন্দ্রের পূর্বে বোধহয় কোনো ভারতীয় পণ্ডিত ফরাসী ও জার্মান ভাষায় নিবন্ধ মতামতের স্পর্শে আসেন নাই। যাহারা ফ্রান্সে অথবা জার্মানিতে ছাত্রভাবে আসিয়া পরীক্ষার জন্ত প্রবন্ধ রচনা করিয়াছেন, তাঁহাদের প্রবন্ধাবলীতে অবশ্য ফরাসী ও জার্মান ভাষায় জ্ঞানের পরিচয় আছে। রমেশচন্দ্রের গ্রন্থের অষ্টাংশ অধ্যায়ে প্রচুর পরিশ্রম, শৃঙ্খলা-জ্ঞান এবং সতর্ক বুদ্ধি-প্রয়োগের পরিচয় পাওয়া যায়।

পঞ্চম পরিচ্ছেদ ।

লোকহিতকর প্রতিষ্ঠান ।

হিন্দু নরনারী বহুবিধ লোকহিতকর প্রতিষ্ঠান কায়েম করিয়াছিল। সমাজ জীবনের কর্মক্ষেত্র বলিয়া এই গুণায়ণও সমস্ত শক্তির বিকাশ দেখিতে পাই। শাসনদক্ষতার পরিচয় হিসাবে এই সকল প্রতিষ্ঠান বর্তমান গ্রন্থে উল্লেখ যোগ্য।

দানখৈরাতের শাসন ।

মারাঠা পণ্ডিত রামকৃষ্ণ গোপাল ভাণ্ডারকার প্রণীত “ডেক্কানের প্রাচীন ইতিহাস” নামক ইংরেজী গ্রন্থে (বোম্বাই, ১৮৮৪) গুজরাতি সেনাপতি উষভদাতের অসামান্য দাণ্ডকাণ্ড বিবৃত আছে। তিনি তিনলাখ গরু দান করিয়াছিলেন। ঘাটে ঘাটে সিঁড়ি তৈয়ারি করা, মফঃস্বলে শহরে শড়ক, পুকুর ও বাগ বাগিচা তৈয়ারি করা, নদীর উপর খেয়া পারের ব্যবস্থা করা উষভদাতের দানখৈরাতের অন্তর্গত। তিনি একলাখ ব্রাহ্মণ পণ্ডিত এবং ব্রহ্মচারী ছাত্রের খোরপোষও বহন করিতেন।

সেই দানাবলীর মহিমা বর্তমান গ্রন্থের আলোচ্য বিষয় নয়। কেবল এই কথাটা জানিয়া রাখা দরকার যে উষভদাতের নিজ দানকাণ্ডের জন্ত স্মৃশাসনের ব্যবস্থা করিতে ভুলেন নাই। গুজরাতের নাসিক জেলায় গোবর্দ্ধন নামক পল্লী বাঁ সহর বোধ হয় সকালে বড় গোছের একটা “পুগ” ছিল। সেই পুগের হাতে সমস্ত দান খৈরাত ছাড়িয়া দেওয়া হয়। কোনো ব্যক্তি বিশেষের খেয়ালের অধীনে দানগুলি চাপা পড়ে নাই।

গোবর্ধনের “নিগম-সভা” দাস্তি গ্রহণ করিয়াছিল। “নিগম” শব্দে “বণিক” বুঝিলে অবশ্য গোটা শহর বা পল্লী দানগুলার শাসন করিত একথা বলা চলে না। তাহা হইলে বুঝিতে হইবে যে, ব্যবসায়ীদের সঙ্ঘ বা “শ্রেণী” ছিল উষভদাতের “ট্রাষ্ট” বা ভারপ্রাপ্ত শাসক। দানের পরিমাণ এবং শর্তগুলো সবই গোবর্ধনের বিহারের দর্জায় খোদা আছে। বর্তমান জগতে যে সকল দলিলকে “ট্রাষ্ট-ডীড” বলে, সেই দলিলই উষভদাত মন্দিরের কপাটে খুদিয়া গিয়াছিলেন।

উষভদাত ছিলেন ক্ষত্রপ নহপানের সেনাপতি,—খৃষ্টীয় দ্বিতীয় শতাব্দীর লোক।

তামিল “সঙ্গম”।

সাহিত্য, দর্শন, স্কমার শিল্প এবং বিজ্ঞানের রাজ্যে দলবদ্ধ কৰ্ম-প্রচেষ্টা হিন্দু নরনারীর অভ্যাস। এই কারণে অনেক সময়ে গ্রন্থকারদের ব্যক্তিগত নাম পর্য্যন্ত জানা যায় না। অধিকন্তু প্রায় সকল গ্রন্থই “সংহিতা” বা সঙ্কলন মালা নামে পরিচিত হইয়া আসিতেছে। সমবেত মস্তিষ্কের ফলস্বরূপ রচনাগুলোও সঙ্ঘশক্তিরই সাক্ষ্য বহন করিতেছে। মোটের উপর বিদ্যা বিষয়ক সঙ্ঘ গুলাকে “পরিষৎ” নামে বিবৃত করা চলে।

এই ধরনের একটা পরিষদের সন তারিখ-সমন্বিত বিবরণ পাওয়া গিয়াছে। খ্রীষুক্ত কৃষ্ণস্বামী আয়্যাক্সার তাঁহার “প্রাচীন ভারত” নামক ইংরেজি গ্রন্থে (মাদ্রাজ, ১৯১১) মাদুরা নগরে “তামিল সঙ্গম” বিবৃত করিয়াছেন। মাদুরা ছিল সেকালে পাণ্ড্য রাজাদের শাসন কেন্দ্র।

সঙ্গমে বসিয়া সভ্যের সাহিত্যের সূ—কু চর্চা করিতেন। উনপঞ্চাশ জন সাহিত্য-সেবী, স্বধী ও সমালোচক এই পরিষদের মাতঙ্গর ছিলেন।

তাঁহাদের বিচারে পাশ হওয়া ছিল তামিল সাহিত্য-রথীদের জীবনের চরম সাধ।

তিরু বল্লুবর-প্রণীত জগৎ প্রসিদ্ধ “কুরাল” গ্রন্থ এই সঙ্গমের পরীক্ষাধীন হইয়াছিল। গ্রন্থকার স্বয়ং উনপঞ্চাশ পরীক্ষকের অন্ততম ছিলেন না। “মনিমেথলাই” ইত্যাদি তামিল সাহিত্যের অগ্রাগ্র শ্রেষ্ঠ গ্রন্থও সঙ্গমের বিচারে আসিয়াছিল। সাহিত্যের আসর হইতে আবর্জনা ঝাঁটাইয়া ফেলা ছিল সঙ্গমের প্রধান কাজ।

বহুকাল ধরিয়া সঙ্গমের কাজকর্ম চলিয়াছিল। খৃষ্টাব্দের প্রথম দুইতিন শতাব্দের কোনো সময়ে ইহার প্রভাব খুব বেশী ছিল। তারিখ সম্বন্ধে এখনো গোলযোগ আছে। কিন্তু সপ্তদশ শতাব্দীতে ফরাসী মন্ত্রী রিশলিয়ো যে “আকাদেমি ফ্রান্সেস্” কায়েম করিয়া যান, তাহারই এক অগ্রজ হিসাবে দক্ষিণ ভারতের সঙ্গমটা শাসনপ্রণালীর ইতিহাসে স্মরণীয়। আজকালকার দিনেও “ফরাসী-পরিষৎ” বাঁচিয়া আছে। এই পরিষদের চল্লিশ সভ্যকে বলে “চল্লিশ অমর”। সেই হিসাবে মাদুরার “উনপঞ্চাশ অমর”দের কাহিণী শিক্ষাপ্রদ সন্দেহ নাই।

আরোগ্যশালা

লোকহিতকর কৰ্মকেন্দ্র হিসাবে আরোগ্যশালা “ভৈষজ্যগৃহ” বা হাসপাতাল হিন্দু নরনারীর অগ্রতম প্রতিষ্ঠান। খৃষ্টপূর্ব তৃতীয় শতাব্দীতে এই সব সুপ্রতিষ্ঠিত ছিল। অশোকের শিলালিপিতে তাহার প্রমাণ পাওয়া যায়। খৃষ্টীয় পঞ্চম শতাব্দীর প্রারম্ভে চীনা সাধু ফাহিয়ান ভারতে আসিয়াছিলেন বুদ্ধ-তীর্থে। তিনি পাটলিপুত্রের সার্কজনিক হাসপাতাল সম্বন্ধে বৃত্তান্ত লিখিয়া গিয়াছেন।

আরোগ্যশালাগুলো চলিত “জনসাধারণের” খরচে। দেশের পয়সা-ওয়াল লোকেরা এই সব প্রতিষ্ঠান কায়েম করিবার জন্তে অর্থ ব্যয় করিতে অভ্যস্ত ছিল। দেশবিদেশের রোগীরা বিনা পয়সায় চিকিৎসা এবং ওষুধপথ্য পাইত। ভারতীয় চিকিৎসা-বিজ্ঞান এবং সমাজ-সেবার ইতিহাস বর্তমান গ্রন্থের আলোচ্য বিষয় নয়। হাসপাতাল চালাইতে যে শাসন-দফতর প্রয়োজন হয়, সেইটুকু বুঝিতে পারাই সম্প্রতি একমাত্র উদ্দেশ্য।

খৃষ্টীয়ান মুল্লুকে হাসপাতাল প্রতিষ্ঠান শুরু হইয়াছে খৃষ্টীয় চতুর্থ শতাব্দীতে,—বাদশা কনষ্টান্টিনের আমলে (৩০৬-৩৩৭)। অর্থাৎ কমসে কম ছয়শ বৎসর পূর্বে ভারতের লোকেরা আরোগ্যশালা কায়েম করিতে সুরু কিয়াছিল।

বিশ্ববিদ্যালয়

বড় গোছের শিক্ষা-কেন্দ্র চালাইতে শাসনদফতর দরকার হয়। হিন্দু নরনারী এই লাইনেও সজ্জশক্তির পরিচয় দিয়াছে। বর্তমান বিহার প্রদেশের এক পল্লী প্রাচীন বিশ্ববিদ্যালয়ের ধুলি ও বালুকণা বহন করিতেছে। নালন্দার নাম যবে বাইরে সর্বত্র পরিচিত।

খৃষ্টীয় পঞ্চম শতাব্দীতে গুপ্ত সম্রাট বালাদিত্যের আমলে নালন্দার কাজ-কর্মী শুরু হইয়া থাকিবে। সাড়ে তিন, চার বা পাঁচহাজার ছাত্র ও অধ্যাপক এক সঙ্গে এই শিক্ষা সঙ্ঘে সেকেলে “বিশ্বকোষ” আলোচনা করিতেন। অন্ততঃপক্ষে সাত শ’ বৎসর ধরিয়া এই প্রতিষ্ঠান বাঁচিয়া ছিল।

বিশ্ববিদ্যালয়ের খরচ চলিত কোথা হইতে? “দেবোত্তর” সদৃশ “শিক্ষোত্তর” সম্পত্তি ছিল শিক্ষাকেন্দ্রের আর্থিক ভিত্তি। রাজরাজ্যাদের দানের সঙ্গে সঙ্গে বণিক এবং অন্যান্য ধনী গৃহস্থদের দানও বিদ্যালয়ের সেবার

আসিত। চীনা পণ্ডিত ই-চিঙ ৬৭৫ হইতে ৬৮৫ সাল পর্যন্ত এই সঙ্ঘের চিকিৎসা ও তর্কশাস্ত্রের অধ্যয়নে ব্যাপৃত ছিলেন। তাঁহার সময়ে আটটা বিপুল সৌধ এবং তিন শ’ মামুলি ঘর বিশ্ববিদ্যালয়ের ইমারতের সামিল ছিল। প্রায় দুই শত গ্রাম এই সকল ছাত্র অধ্যাপক ও ইমারতের ভরণ-পোষণের জন্ত রসদ জোগাইত।

পরবর্তী কালে চীনে এবং জাপানে যে সকল বিশ্ববিদ্যালয় স্থাপিত হইয়াছিল, সেই সমুদয়ের আদর্শই ছিল ভারতের নালন্দা। এই ভারতীয় শিক্ষাকেন্দ্রের অবসান কাল পর্যন্ত ইয়োরোপের কোথাও ইহার সমান দরের প্রতিষ্ঠান ছিল না। প্রাচীন গ্রীক এবং রোমান সাম্রাজ্যের বিদ্যালয়-সমূহ কোনো দিন নালন্দার বিপুলতা লাভ করে নাই।

পরে দ্বাদশ ও ত্রয়োদশ শতাব্দীতে ইতালির বোলোগ্নায়, ফ্রান্সের প্যারিসে এবং বিলাতের অক্সফোর্ডে নালন্দার মতন মঠ-বিদ্যালয় কায়েম হয়। কিন্তু বহু শতাব্দী ধরিয়া এই সমুদয়ের ধন-গৌরব শাসন-গৌরব এবং বিদ্যা-গৌরব নালন্দাকে হঠাইতে পরিত না।

বিলাতী শিক্ষা-প্রতিষ্ঠান সমূহের দলিল-পত্র ধারাবাহিক রূপে আলোচনা করিলে নালন্দার তুলনায় এইগুলার ঠাই কবে কিরূপ ছিল বুঝিতে পারা যায়। ইংরেজি পণ্ডিত লীচ প্রণীত “শিক্ষা-সনদ ও শিক্ষা-দলিল (৫৯৮-১২০৯ খৃঃ অঃ)” নামক গ্রন্থে (কেম্ব্রিজ ১৯১১) শিক্ষা-শাসন বিষয়ক মূল্যবান তথ্য আছে।

ষষ্ঠ পরিচ্ছেদ ।

ধর্ম-প্রতিষ্ঠানের শাসন প্রণালী ।

ধর্ম-প্রতিষ্ঠান গুলা সামাজিক জীবন-কেন্দ্রের অন্ততম । এই সনুদের পরিচালনার সজ্বশক্তি এবং শাসনদক্ষতা কম লাগে না । কাজেই ধর্ম-প্রতিষ্ঠানের কথা শাসন-প্রণালী বিষয়ক আলোচনার কথঞ্চিৎ পরিধান যোগ্য ।

ধর্ম-কেন্দ্র ও রাষ্ট্র ।

মধ্যযুগের ইয়োরোপে ক্যাথলিক ধর্মের প্রভাবে চার্চ, গির্জা বা ধর্ম-প্রতিষ্ঠান অনেক সময়েই পাকাপাকি রাষ্ট্রের ঠাই অধিকার করিয়া বসিত । তিব্বত এবং মঙ্গোলিয়া দেশে ও বৌদ্ধ সজ্বকে এই ধরণেরই ব্রাহ্ম বিশেষ বিবেচনা করা চলে । অর্থাৎ ধর্ম-প্রতিষ্ঠানগুলা এই সকল ক্ষেত্রে ধর্ম-জীবনের শাসন-কেন্দ্র মাত্র নয় । নরনারীর সমগ্র জীবনের সকল প্রকার আইন কাহ্ননই চার্চ বা বৌদ্ধ সজ্বের তাঁবে পরিচালিত হয় ।

কিন্তু প্রাচীন ভারতে কোন দিন এইরূপ ঘটয়াছিল কি? বোধ হয় না । সপ্তদশ শতাব্দীর শিখশাসনকে এক সঙ্গে ধর্মের শাসন এবং রাষ্ট্রের শাসন বলা চলে সন্দেহ নাই । কিন্তু খৃষ্টপূর্ব চতুর্থ পঞ্চম ও ষষ্ঠ শতাব্দী হইতে খৃষ্টীয় ত্রয়োদশ শতাব্দী পর্য্যন্ত প্রায় দেড় হই হাজার বৎসরের ভিতর হিন্দু নরনারীর সমাজে কোন প্রতিষ্ঠান একসঙ্গে ধর্ম-কেন্দ্র ও রাষ্ট্র-কেন্দ্র বিবেচিত হয় নাই । ঐতিহাসিক প্রমাণের জোরে এই সময়কার কোন ভারতীয় প্রতিষ্ঠানকে ইয়োরোপীয় মধ্যযুগের চার্চ-কেন্দ্রের জুড়িদার বিবেচনা করা সম্ভব নয় ।

অথচ ধর্ম-প্রতিষ্ঠানকে একটা খাঁটি রাষ্ট্রের মতনই চালানো হইতেছে, এরূপ দৃশ্য প্রাচীন ভারতের ইতিহাসে বিরল নয় । ধর্ম-কেন্দ্রের প্রত্যেক ষষ্ঠাবসায় ও চলাফেরায় যে সবল বিধি নিষেধ পালিত হইত, তাহার ভিতর "আইন" পদবাচ্য বস্তুই দেখিতে পাই । এই জগুই পরিবার, দানধৈর্য, বিশ্ব-বিজ্ঞান ইত্যাদি ব্যক্তিতে ব্যক্তিতে পরস্পর-সম্বন্ধের মিলন-কেন্দ্রের মতন ধর্ম-কেন্দ্র ও ভারতীয় শাসন-বিজ্ঞানের অন্তর্গত ।

মহাবগ্গ ও চুল্লবগ্গ ।

শাক্য গৌতমের চেলারা যে ধর্ম-কেন্দ্র গড়িয়া তুলেন তাহার নাম "সজ্ব" । এই প্রতিষ্ঠানের শাসন-প্রণালীর দিকে বিহারী ব্যারিষ্টার-পণ্ডিত শ্রীযুক্ত কাশী-প্রসাদ জয়সওয়াল সর্ব প্রথম গবেষকগণের দৃষ্টি আকর্ষণ করেন । কলিকাতার ইরেজি "মডার্ন রিভিউ" পত্রিকার ১৯১৩ সালের মে-জুলাই সংখ্যায় তথ্যগুলা প্রকাশিত হয় ।

বৌদ্ধধর্ম-কেন্দ্রের শাসনবিষয়ক সাহিত্যের নাম "বিনয়" । এই সাহিত্যের দুই গ্রন্থ "মহাবগ্গ" এবং "চুল্লবগ্গ" নামে পরিচিত । পালি ভাষায় সংস্কৃত "বর্গ" হইয়াছে "বগ্গ", আর "ক্ষুদ্র" দেখা দেয় "চুল্ল" রূপে । সহজে প্রথম গ্রন্থটাকে বলা চলে "বৃহৎসংহিতা" আর দ্বিতীয়টাকে "ক্ষুদ্রসংহিতা" ।

সজ্বের লোকেরা কোন নিয়মে জীবন ধারণ করিবে তাহার তালিকা এই দুই গ্রন্থের আলোচ্য বিষয় । আইন কাহ্ননের সঙ্কলন হিসাবে বই দুইটাকে "কন্ঠিটিউশনে"র অর্থাৎ শাসন-প্রণালীর দলিল দস্তাবেজের "বড়" ও "ছোট" সংগ্রহ বলিতে পারি । যে সকল গবেষক ধর্মকর্ম পাপপুণ্য ইত্যাদির খোঁজে মোতায়েন নন, তাঁহারাও একমাত্র আইনসম্বন্ধত বিধি-ব্যবস্থা এবং সমাজ-কেন্দ্রের গড়ন ও শাসনপ্রথা চুচিবার জন্ত এই দুই পালি "বগ্গ" খাঁটিয়া দেখিতে বাধ্য হইবেন ।

“বিনয়”-সাহিত্যে শাক্য-গৌতমের (খৃঃপূঃ ৬২৯-৫৪৩) “উপদেশামৃত” বা কথামৃত সঙ্কলিত হইয়াছে। কাজেই খৃষ্ট পূর্ব ষষ্ঠ শতাব্দীর সমাজ-কথা এই সাহিত্যের আলোচ্য। কিন্তু সঙ্কলন কর্তারা বোধ হয় খৃষ্ট পূর্ব তৃতীয় ও চতুর্থ শতাব্দীর লোক। শাক্য-গৌতম তখন বুদ্ধ নামে দেবতা হইয়াছেন, অথবা হয় হয় হইতেছেন। তবে এই দেবত্ব আরও দুই তিনশ বৎসর পরে যে কোঠায় উঠিয়াছিল, “বিনয়”-সাহিত্যে সেই মাত্রা দেখা যায় না। “মহাবগ্গ” এবং “চুল্লবগ্গ”কে মোটের উপর মোক্ষ-ভারতের শাক্য-পন্থীদের আইন-সাহিত্য বিবেচনা করা চলিতে পারে।

সঙ্ঘের পরিচালনা।

(১)

শাসন-বিষয়ক নতামত বর্তমান গ্রন্থের আলোচ্য বিষয় নয়। শাক্য-গৌতম সঙ্ঘের উন্নতি অবনতির কারণ সম্বন্ধে যে সকল কথা বলিয়া গিয়াছেন, তাহা “মহাপরিনির্বাণ সূত্রান্ত” গ্রন্থে জানিতে পারা যায়। সেই সকল উপদেশে সঙ্ঘজীবনের দার্শনিক ভিত্তি বা “পোলিটিক্যাল থিয়োরি”টা বঝিতে পারি। কিন্তু সেই আলোচনায় সময় ফেপ করা হইবে না। শাক্যপন্থীদের সঙ্ঘ-কেন্দ্রটা পরিচালিত হইত কোন্ নিয়মে একমাত্র সেই দিকেই নজর দেওয়া হইতেছে।

“চুল্লবগ্গ” (৯।১।৪) গ্রন্থে একটা সভার চিত্র প্রদত্ত আছে। মহা-কস-সপ সঙ্ঘের নিকট একটা প্রস্তাব পেশ করিবার সময় বলিতেছেন :— “সঙ্ঘের সভ্যগণ, আমার কথায় কান দিন। পাচ শ’ ঝিখু-বর্ষাকালে রাজসহে গিয়া বসবাস করিতে চাহিতেছেন। এই বিষয়ে আপনাদের প্রত্যেকের কি মত? যাহারা এই প্রস্তাবের সপক্ষে তাঁহারা নীরব

থাকুন। আর যাহারা বিপক্ষে তাঁহারা আপত্তিগুলা নির্দেশ করুন। ইত্যাদি।” সঙ্ঘগুলাদের ব্যক্তিত্বজ্ঞান ছিল টনটনে।

“মোনং” ছিল সঙ্ঘের নিয়মে “সম্মতিলক্ষণম”। আজকালকার ইয়োরোপে “হাঁ”, “না” বলা দস্তুর। প্রাচীন ইয়োরোপে লোকেরা হাত তুলিয়া অথবা জয় ধ্বনি করিয়া ভোট দিত। হোমারীয় সাহিত্যে এবং তোসিতুস-প্রণীত জার্মান জাতির বিবরণে তাহার পরিচয় পাই।

(২)

রঙিন “শলাকা” বা কাঠি ব্যবহার করা হইত ভোট গুণিবার জন্ত। “চুল্ল বগ্গে” তিন প্রকার ভোট বিবৃত আছে (৪।১৪।২৬)। এক প্রকারকে বলে “গুপ্ত” এবং আর এক প্রকারের নাম “খোলা”। কাণে কাণে ফিস্ ফিস্ করিয়া কথা বলিয়া ভোট দিবার প্রথাও প্রচলিত ছিল।

এক এক রঙের কাঠিতে এক এক প্রকার মত বুঝা যাইত। কাঠিগুলা সভ্যদের ভিতর বিতরিত হইত। পরে গণনা করিয়া মতামতের দাম কথা হইত। এই সকল বিষয়ের কর্তাকে বলে “শলাকা-গাহক”।

কাঠিগুলা ব্যবহার সম্বন্ধে কড়া নিয়ম প্রচলিত ছিল। “বে-আইনি” বাচাইয়া সকলকে ভোট দিতে হইত। “চুল্ল বগ্গ” (৪।১০) পাঠ করিলে দশ প্রকার বে-আইনির কথা জানিতে পারি। তাহার ফলে ভোট “পচিয়া” যাইত।

(৩)

সঙ্ঘের পরিচালনার আইনসম্বন্ধ বিধানের ইচ্ছা ছিল খুব বেশী। যা-খুসী তা করিবার জো ছিল না। প্রত্যেক সভ্যকে খুঁটি-নাটি মানিয়া চলিতে হইত। কোনো বিষয়ে ক্রটি ঘটলে “বে-আইনি” দোষে কাজকর্ম গুণ হইয়া যাইত।

আজকালকার দিনের সম্বন্ধীভাবে দস্তুর এই যে, সভ্যদের এক নির্দিষ্ট সংখ্যা সশরীরে উপস্থিত না থাকিলে সভার কাজ মঞ্জুর হইতে পারে না। এইরূপ নির্দিষ্ট সংখ্যাকে “কোরুম” বলে। বিনা “কোরুমে” যে কাজ সম্পন্ন হয় সেই কাজ কাজের মধ্যে গণ্য নয়।

এই “কোরুম”-নীতি “মহা বগ্গে” (৯৩২) বিবৃত আছে। কোরুম-হীন সভাকে অসম্পূর্ণ সভা বলে। এইরূপ অসম্পূর্ণ সভায় যাহা কিছু অনুষ্ঠিত হইত, সবই “বে-আইনি,”—এই ছিল শাক্যপন্থীদের সম্বন্ধে গোড়ার কথা।

সভাস্থলে কতপ্রকার “বে-আইনি” ঘটনা ঘটিতে পারে তাহার বিশদ আলোচনা আছে “মহাবগ্গে” (৯২১,২,৩)। আইন মানিয়া সভার কাজ চালাইবার দিকে দৃষ্টি ছিল খুব বেশী।

(৪)

খৃঃ পূঃ ৪৪৩ সালে বেসালি নগরে ভিখুদের এক সম্মেলন বসিয়া ছিল। সেই সম্মেলনে “কোরুম”-নীতির কড়াকড়িকে খানিকটা মোলায়েম করিবার চেষ্টা হয়।

সভায় যদি কোরুম-অনুযায়ী লোক সংখ্যা না থাকে তাহা হইলে সভার কাজ কি একদম পচিয়া যাইবে? বেসালিতে এই প্রশ্নের আলোচনায় ঠিক হয় যে,—“সভার কাজ আইন সঙ্গতই বিবেচিত হইবে। তবে অগ্ৰাণ ব্যক্তির যখন উপস্থিত হইবে তখন তাহাদের সম্মতি লইয়া লইলেই চলিবে।” বেসালির এই নিয়মকে “অনুমতি-কল্প” বলা হইত।

কিন্তু অগ্ৰাণ কেন্দ্রের ভিখুরা আইনের বিধানকে নরম করিতে দিতে সক্ষম হয় নাই। তাহার বেসালি-সম্মেলনের বিধানের বিরুদ্ধে নালিশ করিয়াছিল। বিচারে “অনুমতি-কল্প” বে-আইনি বলিয়া পরিত্যক্ত হয়।

(৫)

এই ধরণের অসংখ্য কথা “বিনয়”-সাহিত্যে জানিতে পারি। আইনের ধারার চুল-চেরা বিশ্লেষণ “মহাবগ্গে” এবং “চুল্লবগ্গে” প্রচুর। লেখকেরা বা সঙ্কলন-কর্তারা পুরাদস্তুর তর্ক-বাগীশ পণ্ডিত এবং আইন-বিজ্ঞানের ওস্তাদ।

“বিনয়”-সাহিত্য শাক্য গৌতমের বাণীরূপে প্রচারিত হইয়াছে। আগা গোড়া সবই তাঁহার “কথামৃত” এরূপ বিশ্বাস করা হয়ত সহজ নয়। আইনগুলা হয়ত শাক্য গৌতমের জন্মের পূর্বেই সমাজের নানাস্থানে কিছু কিছু প্রচলিত ছিল। কিছু কিছু হয়ত তাঁহার নিজ মাথারই সৃষ্টি। আবার পরবর্তী কালেও সম্বন্ধে কাজ চালাইতে চালাইতে নূতন নূতন অভিজ্ঞতা মার্কিন নূতন নূতন বিধি নিষেধও কায়ম হইয়া থাকিবে।

তবে শাক্য-গৌতমের কৃতিত্ব “বিনয়”-সাহিত্যে যথেষ্টই আছে। এই হিসাবে পরবর্তী কালের রোমাণ সমাজের উকীল-পণ্ডিতেরা তাঁহার সঙ্গে আইনের আখড়ায় পাঞ্জা কষিয়া আনন্দিত হইতেন সন্দেহ নাই। “সম্ব”-প্রতিষ্ঠাতার মাথা ছিল পরিষ্কার। রচনাকৌশলে কোনো গোঁজামিল নাই।

(৬)

এই সঙ্গে আর একটা বিধানের কথা উল্লেখ করা আবশ্যিক। ছনিয়ার অতি প্রাচীন সমাজে মতামত সম্বন্ধে সহজ প্রথা প্রচলিত ছিল। লোকেরা হয় প্রস্তাবটা গ্রহণ করিয়া বলিত “হাঁ,” না হয় সেটার বিরুদ্ধে সটান বলিত “না”। প্রস্তাব সম্বন্ধে একাদিক মত থাকা প্রাচীন সমাজে বড় একটা দেখা যায় না। এই বিষয়ে নৃতত্ত্ব-সেবীরা চিত্তাকর্ষক অনুসন্ধান চালাইতে পারেন। কিন্তু “বিনয়”-সাহিত্যে যে সমাজ চিত্রিত আছে সেই সমাজে

“আধুনিকতা”ই লক্ষ্য করিতে হইবে। “চুল্লবগ্গে”র বিধান (৪১১৪২৪) নিম্নরূপ :—“সলাকাগাহক কাঠিগুলা সংগ্রহ করিয়া গুণিয়া দেখিবে। বেশী লোক যে রঙের কাঠি নিয়াছে সেই রঙেরই জয় বুঝিতে হইবে।

পাশ্চাত্য পারিভাষিকে ইহাকে বলে “ল অব দি মেজরিটি” বা “বেশীর জয়।” এই বিধানকে পাশ্চাত্য পণ্ডিতেরা মানব সমাজের এক অতি উন্নত ব্যবস্থা বিবেচনা করিতে অভ্যস্ত। মজার কথা এই যে, এই প্রথা ইয়োরোপীয়ানদেরই আবিষ্কার এইরূপ বুঝিয়া তাঁহারা গৌরবান্বিত বোধ করিয়াও থাকেন।

বিলাতের দার্শনিক বোসাঙ্কে তাঁহার “রাষ্ট্রের দার্শনিক তত্ত্ব” (লণ্ডন ১৮৯৯) গ্রন্থে বলিতেছেন :—“প্রাচীন গ্রীসের দৈনন্দিন জীবনে ‘বেশীর জয়’ নীতি সর্বপ্রথম কায়েম হইয়াছিল।” এইরূপ তথ্যের উপর ভর করিয়াই দার্শনিক মহাশয় প্রাচ্যে পাশ্চাত্যে বিপুল প্রভেদ আবিষ্কার করিয়াছেন!

সমাজ ও ধর্মশাসন।

বৌদ্ধ সঙ্ঘের নিত্য নৈমিত্তিক কাজকর্মে যে সকল নিয়ম পালন করা হইত সে সব কি এক মাত্র বৌদ্ধদের সমাজকেন্দ্রের একচেটিয়া? না জৈন, “সনাতন” এবং অন্যান্য ভারতীয় দলবদ্ধ জীবনেও এই ধরণের আইন চলিত? সকল প্রকার ধর্ম-প্রতিষ্ঠানেই এক প্রকার বিধিনিষেধের প্রভাব ছিল এইরূপ ধরিয়া লওয়া যাইতে পারে। তবে খাঁটি ঐতিহাসিক প্রমাণের অভাব আছে।

আর এক কথা। এই আইনগুলি কি ধর্ম-প্রতিষ্ঠানেরই বিশেষ বিধান? না সামাজিক জীবনের অন্যান্য কর্মকেন্দ্রেও এই ধরণের আইন মানিয়া কাজ চালানো হইত।

ফরাসী পণ্ডিত গীজো প্রণীত “ইয়োরোপীয় সভ্যতার ইতিহাস” গ্রন্থে দেখা যায় যে ইয়োরোপের চার্ক-প্রতিষ্ঠান রাষ্ট্রের শাসনপদ্ধতি হইতে অনেক কিছু গ্রহণ করিয়াছে; আবার রাষ্ট্রও চার্কের পরিচালনা-প্রণালীর নিকট কোনো কোনো বিষয়ে ঋণী। জার্মান পণ্ডিত মোলারের “চার্কের ইতিহাস” গ্রন্থে ও ধর্ম-কেন্দ্র ও রাষ্ট্রের এইরূপ আদান-প্রদান স্পষ্ট ধরিতে পারি।

ভারতীয় শাসন প্রণালীর ইতিহাসেও সমাজ-জীবনের সকল কেন্দ্রেই এক প্রকার আইন কানুন চলিত এইরূপ “স্বীকার” করিয়া লওয়া সম্ভব বটে। কিন্তু যেখানে যেখানে বাস্তব প্রমাণ পাওয়া যায়, সেই সকল ক্ষেত্রেই জোরের সহিত মত প্রকাশ করা কর্তব্য।

সপ্তম পরিচ্ছেদ

আর্থিক জীবনের গড়ন ও শাসন

ব্যক্তিতে ব্যক্তিতে সমাজ-সম্বন্ধের ভিতর আর্থিক লেনদেনের ঠাই বিশেষ বিস্তৃত ও গভীর। কৃষি, শিল্প ও বাণিজ্যের ব্যবস্থা রাষ্ট্রের উপর মস্ত প্রভাব বিস্তার করে। আবার রাষ্ট্রের প্রত্যেক কাজেই কিছু না কিছু ধনদৌলতের অঙ্গ স্পর্শ করিতে হয়। হিন্দু নরনারীর আর্থিক প্রতিষ্ঠান বিষয়ক কথা এই কারণে শাসন-দক্ষতার বৃত্তান্তে যারপরনাই আবশ্যিক।

পাশ্চাত্য সমাজে আর্থিক দলিল

ইয়োরোপের মধ্যযুগে কিবাণ, মজুর, শিল্পী, বণিক, স্বেচ্ছাসেবক, মহাজন ইত্যাদি শ্রেণীর লোক কিরূপ আর্থিক জীবনযাপন করিত, তাহার যথাযথ বৃত্তান্ত পাওয়া কঠিন নয়। জার্মান অধ্যাপক হেপ্কে-প্রণীত “স্বিট্‌শাফট্‌স্‌-গেশিফ্টে” অর্থাৎ “আর্থিক ইতিহাস” নামক গ্রন্থে (লাইপৎসিগ ১৯১২) এই বিষয়ে বহুসংখ্যক পুরাণা দলিল উল্লিখিত আছে। ত্রয়োদশ শতাব্দীর চুক্তিপত্র, দোকানদারির হিসাব, পল্লীবাসী বা নাগরিকদের তালিকা, কোতায়ালের হুকুম-বহি, শাসনকর্তাদের আদেশ বা আইন সবই পাওয়া যায়। পরবর্ত্তী যুগ সম্বন্ধেও এই ধরনের তথ্য অনেক।

অষ্ট্রিয়ার ইন্সব্রুক নগরের “আর্থিও” বা “পুথি-খানায়” হাজার হাজার লেখা কাগজ পত্র দেখিতে পাই। এইগুলি অতি প্রাচীন কালের সমসাময়িক সাক্ষী। ইংল্যান্ড, ফ্রান্স ইত্যাদি দেশেও পল্লীতে পল্লীতে এবং নগরে নগরে সেকালের আর্থিক প্রতিষ্ঠানগুলোকে সমসাময়িক দলিল-দস্তাবেজের সাহায্যে পাকড়াও করিতে পারি। এই সকল প্রমাণের জোনেই লাম্পরেথট্‌ লিখিয়া গিয়াছিল, “মধ্যযুগের জার্মান আর্থিক

জীবন” (লাইপৎসিক ১৮৮৬)। আর কাল’ বিশ্বয় প্রণীত “ডি এন্ট্‌ ষ্টেয়ুড ডার ফোলক্‌স্‌ স্বিট্‌ শাফট্‌” (লাইপৎসিগ ১৯২২) নামক জার্মান গ্রন্থেও এই ধরনের সাক্ষী অতীত সম্বন্ধে কথা কহিতেছে।

“শ্রেণী” গৌরবে ইয়োরোপ ও ভারত

এই ধরনের সাক্ষ্য ভারতের অতীত সম্বন্ধে পাওয়া যায় কি? একদম যায় না বলিলেই ঠিক বলা হইত। তবে সাবেক কালের তাম্রলিপি এবং প্রস্তর-শাসন গুলার ভিতর প্রায় এই দরেরই আর্থিক জীবন-বিষয়ক প্রমাণ কিছু কিছু আবিষ্কৃত হইয়াছে। সেই সকল প্রমাণ ছাড়া অথ কোনো সাক্ষীর জমানবন্দি এই গ্রন্থে লওয়া হইবে না। তাহার জোরেই হিন্দু জাতির আর্থিক প্রতিষ্ঠান সম্বন্ধে কথঞ্চিৎ চিত্তাকর্ষক চিত্র-প্রদান-করা সম্ভব।

জার্মান সমাজে বাহাকে “ইন্স্‌টু” বা “ইন্স্‌টু” বলে, ইতালিতে ফ্রান্সে এবং ইংল্যান্ডে বাহাকে “গিল্ড্‌” বলে, সেই ধরনের আর্থিক দল, সমিতি বা সঙ্ঘ হিন্দুজীবনে দেখা দিয়াছিল। সাধারণতঃ এই প্রতিষ্ঠান “শ্রেণী” নামে পরিচিত। পাশ্চাত্য সমাজে “শ্রেণী”র উদ্ভব হয় দ্বাদশ ও ত্রয়োদশ শতাব্দীতে। চতুর্দশ ও পঞ্চদশ শতাব্দীতে ইয়োরোপীয় “শ্রেণী”র চরম বিকাশ সাধিত হইয়াছিল।

বর্ত্তমান গ্রন্থে ত্রয়োদশ শতাব্দীর পরের কথা আলোচিত হইতেছে না। তবে পরবর্ত্তী কালে ইয়োরোপের আর্থিক দলগুলো যে সকল কাজকর্ম করিত, প্রাচীন ভারতের প্রতিষ্ঠান সমূহের কাজকর্ম সেইরূপই ছিল বুঝিতে পারা যায়। প্রাচীন গ্রীসে “গিল্ড্‌” প্রথা সবিশেষ পুষ্টি হয় নাই। কিন্তু রোমান সাম্রাজ্যের এখানে ওখানে এই আর্থিক প্রতিষ্ঠানের বিকাশ দেখিতে পাওয়া যায়।

কাল হিসাবে রোমাণ সাম্রাজ্যের অন্তর্গত প্রতিষ্ঠান বর্তমান গ্রন্থের সামিল। কিন্তু “শ্রেণী”-গৌরবে ইয়োরোপের মধ্যযুগ “রোমাণ কাল” অপেক্ষা শ্রেষ্ঠ। কাজেই হিন্দু জাতির আর্থিক প্রতিষ্ঠান গুলা বুদ্ধিবাহার সময় ইংল্যান্ড, ফ্রান্স, ইতালি ও জার্মানির ত্রয়োদশ হইতে পঞ্চদশ শতাব্দীর আর্থিক ইতিহাস আলোচনা করাই সম্ভব।

কিষ্ণাণ শ্রেণী

ইয়োরোপের কিষ্ণাণ সমাজে “গিল্ড” বা “ইনক্লু” গড়িয়া উঠে নাই। ভারতের কৃষকদেরও “শ্রেণী”র কথা শুনিতে পাই। কোনো তাম্রশাসন বা প্রস্তর লিপি এই বিষয়ে সাক্ষ্য দেয় না। কোনো সমসাময়িক স্বদেশী গ্রন্থকার বা বিদেশী পর্যটকের রচনারও তাহার প্রমাণ নাই।

কিন্তু গৌতম (খৃঃ পূঃ ষষ্ঠ শতাব্দী), মহু (খৃঃ অঃ দ্বিতীয় শতাব্দী), এবং বৃহস্পতি (খৃঃ অঃ সপ্তম শতাব্দী) ইত্যাদির সঙ্কলিত “ধর্ম্ম” বা “স্মৃতি” শাস্ত্রে কৃষক “শ্রেণী”র উল্লেখ আছে। গুরু-সঙ্কলিত অথবা গুরুর নামে প্রচারিত “নীতি-শাস্ত্রে”ও কৃষকদিগকে শ্রেণীবদ্ধ রূপে আন্দাজ করিতে পারি।

কিন্তু বর্তমান গ্রন্থে “ধর্ম্ম” “স্মৃতি” ও “নীতি” বিষয়ক গ্রন্থ গুলাকে প্রতিষ্ঠান সম্বন্ধীয় ইতিহাসের ইজ্জৎ দেওয়া হইতেছে না। প্রধানতঃ প্রতিষ্ঠান বিষয়ক মতামত, তত্ত্ব বা “থিয়োরি” হিসাবে এই গুলার দাম নির্দ্ধারিত করা হইতেছে। কোনো প্রকার “থিয়োরি” এই কেতাবের আলোচ্য বিষয় নয়।

রাখাল-শ্রেণী

দল বাধিয়া জানোয়ার চরাণো সম্বন্ধে মাল্ধাজ হইতে সাক্ষ্য পাওয়া গিয়াছে। বাদশা রাজক্স চোলের আমলে—একাদশ শতাব্দীতে—

দক্ষিণ ভারতের এক পল্লীতে মেঘ-পালকেরা শ্রেণী-বদ্ধ ভাবে ব্যবসায় চালাইত। এরাণ সওন নামক তাহাদের একজন এক পল্লী-মন্দিরের রাখাল নিযুক্ত হয়। চৌপার দিনরাত ঘিয়ে একটা বাতি জ্বালাইয়া রাখা ছিল তাহার মন্দির-সেবার প্রধান অঙ্গ। এই জন্ত মন্দিরের সম্পত্তি হইতে তাহাকে দেওয়া হয় ২০টা মেঘ।

ভেঁড়ার পরিবর্তে ঘি “বাবচ্ছ দিবাকরো”,—এই গেল চুক্তির গোড়ার কথা। কিন্তু চুক্তিটা রক্ষা করার ভার পড়িয়াছিল গোটা রাখাল-দলের উপর। এরাণ সওন যদি পলাইয়া যায় অথবা জেলে যায় তাহা হইলে বাতিটা জ্বালাইবে কে? তাহার “শ্রেণী”,—এইরূপই ছিল চুক্তিপত্রের মোসাবিদা। গোটা “শ্রেণী” দলবদ্ধ ভাবে এক জন সভ্যের দায়িত্ব লইল,—এইটুকু তথ্য ছাড়া তাম্রশাসনে আর কিছু বর্তমান প্রসঙ্গের উপযোগী বস্তু নাই।

বণিক-শ্রেণী

ইংরেজ পণ্ডিত গ্রোস প্রণীত “গিল্ড মার্চ্যান্ট” বা “শ্রেণীবদ্ধ বণিক” নামক দুই খণ্ডে বিভক্ত গ্রন্থে (অক্সফোর্ড ১৮৯০) বিলাতী বণিক সম্প্রদায়ের “সেকলে” প্রতিষ্ঠান সম্বন্ধে প্রচুর তথ্য আছে। তাহার ভুলনায় হিন্দু ব্যবসায়ীদের প্রাতিষ্ঠানিক শক্তিব্যোগ বিষয়ে অতি সামান্য ঐতিহাসিক উপকরণ পাওয়া যায়।

গুপ্ত সাম্রাজ্যের আমলে (খৃঃ অঃ ৩২০-৫৫০) পাটলিপুত্র ছিল ভারতের রোম বিশেষ। এই নগরে বণিকদিগের “সমূহ”, “সঙ্ঘ” বা “শ্রেণী” ছিল একাধিক। সকলগুলা মিলিয়া একটা কেন্দ্র-“সমূহ” বা কেন্দ্র-“শ্রেণী” গড়িয়া তুলিয়াছিল। সাম্রাজ্যের মফঃস্বলেও—নানা

ছোটশহরে এবং পল্লীতে,—বোধ হয় এই কেন্দ্র-শ্রেণীর শাখা-প্রশাখা ছড়াইয়া পড়িয়াছিল।

“শ্রেষ্ঠী” নামে বোধ হয় সে যুগে টাকার তোড়াওয়াল মহাজন বা ব্যাঙ্কারগণ পরিচিত ছিল। “সার্থবাহ” এবং “কুলিক” বলিলে হাটুয়া দোকানদার ব্যবসায়ী ইত্যাদি বণিক বুঝা যাইত। ১২০৩-০৪ সালের “আর্কিওলজিক্যাল সার্ভে”র বার্ষিক বিবরণীতে দেখিতে পাই যে গুপ্ত আমলের বণিকেরা মাটির মুদ্রা দিয়া চিঠি-পত্রের সীলনোহর লাগাইত।

এই গেল উত্তর ভারতের কথা। দক্ষিণ ভারত সম্বন্ধে দ্বাদশ শতাব্দীর বিক্রম চোলের (১১১৮) যুগ একটা সাক্ষ্য দেয়। পাঁচশ’ জন বণিক কোনো “শ্রেণী”র সভ্য ছিল। সমগ্র চোল সাম্রাজ্যে এই শ্রেণীর কারবার এবং লেনদেন চলিত।

কারিগর-শ্রেণী

(১)

শিল্পী বা কারিগরদের “শ্রেণী” সম্বন্ধে খৃষ্টীয় প্রথম ও দ্বিতীয় শতাব্দীর “দলিল” আছে। গুজরাত প্রদেশের তথ্যই বেশী পাওয়া যায়। নাসিক অঞ্চলে প্রাপ্ত তাম্রশাসন বা প্রস্তরলিপি এই যুগের আর্থিক প্রতিষ্ঠানের একমাত্র সাক্ষী।

তাঁতী, গান্ধিক এবং কনু ইত্যাদি শিল্পীদের “শ্রেণীর” কথা জানিতে পারি। “শ্রেণী”রা জনগণের টাকা কড়ি জমা রাখিত। অনেক সময়ে শতকরা নয় টাকা হইতে বার টাকা পর্যন্ত সুদ পাইয়া গৃহস্থরা “শ্রেণীর” ব্যাঙ্কে টাকা মজুত রাখিত।

সেনাপতি উষভদাতের দানের কথা পূর্বে বলা গিয়াছে। ইনি খৃষ্টীয় দ্বিতীয় শতাব্দীর লোক। গোবর্দ্ধন নগরের এক তাঁতী-“শ্রেণী” উষভদাতের

২০০ কাঁধাপণ জমা রাখিয়াছিল। আর এক তাঁতী-শ্রেণীর হাতে ১,৫০০-কাঁধাপণ গচ্ছিত রাখিয়া সেনাপতি নিশ্চিত ছিলেন। ১২০ খৃষ্টাব্দের ঘটনা।

তৃতীয় শতাব্দীতে গোবর্দ্ধন নগরের কয়েকটা শ্রেণী সম্বন্ধে কিছু কিছু জানা গিয়াছে। কুমোর “ওদ-যাত্রিক” (জলের কলওয়াল), এবং কনু এই তিন জাতীয় শিল্পীর “শ্রেণী”রা কতকগুলি দান পাইয়াছিল। এই সকল দানের সুদ হইতে তাহারা কোনো বৌদ্ধ সঙ্ঘের সাধু সম্ভদিগকে ওষুধ পত্র জোগাইত।

(২)

গুপ্ত সাম্রাজ্যের শিল্পীরা শ্রেণী-বদ্ধ ভাবে ব্যবসা চালাইত। কুমার গুপ্ত যে সময়ে সম্রাট (খৃঃ অঃ ৪১৩-৪৫৫) সেই সময়ে দশ-পুর নগরে রেশম-তাঁতীদের একটা “শ্রেণী” গড়িয়া উঠে। তাঁতীরা গুজরাত হইতে আসিয়া এইখানে বাস্তুভিটা গড়িয়া ছিল।

দশপুরে যে সকল গুজরাতী তাঁতী উঠিয়া আসে তাহাদের সকলেই তাঁতের শিল্পে লাগে নাই। পৈতৃক ব্যবসা ত্যাগ করিয়া কেহ কেহ লড়াইয়ের ব্যবসায় মন দিয়াছিল। কেহ বা জ্যোতিষ শাস্ত্রের চর্চায় লাগিয়া যায়। আবার সন্ন্যাস ধর্ম্মেও কাহারও কাহারও মতি বুঁকিয়াছিল। বাপ দাদাদের “জাতি”গত ব্যবসা ছাড়িয়া দেওয়া সেকালে অসম্ভব ছিল না।

৪৬৫ খৃঃ অব্দে সম্রাট স্কন্দগুপ্তের আমলে ইন্দ্রপুর নগরে কনুদের এক “শ্রেণী” একটা এককালীন দান পাইয়াছিল। দানের সুদ হইতে কোনো মন্দিরের বাতি জ্বালানো ছিল শ্রেণীর দায়িত্ব। ইন্দ্রপুর নগর ত্যাগ করিয়া গেলেও “শ্রেণীর” এক্টিয়ার ও জিন্মা পচিয়া বাইবে না; তবে “শ্রেণী”টা যদি উঠিয়া যায়, একমাত্র তাহা হইলেই সম্পত্তির উপর অধিকার এবং

বাতি দেওয়ার দায়িত্ব লুপ্ত হইবে। এইরূপ ছিল দানপত্রের চুক্তি কথা।

ভারতের “শ্রেণী” সাহিত্য

কি বণিক-“শ্রেণী”, কি কারিগর-“শ্রেণী” উভয় প্রতিষ্ঠান সম্বন্ধেই ভারতের প্রাচীন সাহিত্যে অল্পবিস্তর খবর পাওয়া যায়। পালি “জাতকে”র কাহিনীতে পাঁচশ’, সাতশ’ সওদাগরের দল উল্লিখিত আছে। তাহা ছাড়া স্বর্ণকার, চর্মকার ইত্যাদি “আঠারো” শিল্পের “শ্রেণী”র কথাও শুনিতে পাই। সে খৃষ্ট পূর্ব বর্ষ ও সপ্তম শতাব্দীর সমাজ।

কোটিস্যের “অর্থশাস্ত্রে” যে সমাজ চিত্রিত আছে তাহাতেও কারিগর এবং বণিক উভয় সম্প্রদায়েরই “শ্রেণী” দেখিতে পাওয়া যায়। ধর্ম, স্মৃতি এবং নীতি বিষয়ক আইন-গ্রন্থেও শ্রেণী বিষয়ক বিধিনিষেধ আলোচিত আছে।

কিন্তু “জাতকে”র গল্প অথবা “শাস্ত্রে”র বিধানগুলার সাহায্যে সন-তারিখ সমন্বিত প্রতিষ্ঠানের ইতিহাস রচিত হইতে পারে না। বড় জোর এইগুলো ব্যবহার করিয়া ঠাণ্ডে ঠাণ্ডে হিন্দু নরনারীর সমাজ ব্যবস্থার চিত্র প্রদান করা যাইতে পারে। বর্তমান বঙ্গে ঐতিহাসিক অনুসন্ধানের ক্ষেত্রে এইরূপ চিত্রেরও মূল্য আছে। কিন্তু তাহার জন্ম এই কৈতাব প্রণীত হইতেছে না।

পাশ্চাত্য পণ্ডিতেরা নিজ নিজ দেশ সম্বন্ধে আর্থিক ইতিহাস রচনা করিয়াছেন। তাঁহাদের রচনাপ্রণালী ভারত সম্বন্ধে প্রয়োগ করিলে আমাদের দেশের মূর্তি কিরূপ দাঁড়ায় তাহা দেখাই বর্তমান গ্রন্থের উদ্দেশ্য। খ্রীষুত্বে রাধাকুমদ মুখোপাধ্যায় তাঁহার “লোকাল গবর্নেন্ট” বিষয়ক গ্রন্থে “লিপি” এবং “সাহিত্য” উভয় তরফ হইতেছে “শ্রেণী”-বিষয়ক তথ্য

একত্র করিয়াছেন। খ্রীষুত্বে রমেশচন্দ্র মজুমদারের “সত্যজীবন” বিষয়ক গ্রন্থেও এই দুই তরফের উপকরণই সংগৃহীত হইয়াছে। ভবিষ্যতের লেখকগণকে এই সব উপকরণ অনেক ঝাড়িয়া বাছিয়া কাটিয়া ছাঁটিয়া অগ্রসর হইতে হইবে।

শ্রেণী-প্রতিষ্ঠানের কর্মগণ্ডী

“শ্রেণী” সম্বন্ধে ‘যে সকল তথ্য পাওয়া গেল, তাহাতে এইমাত্র বুঝা যায় যে, পল্লী বা নগরে লোকেরা এই সকল প্রতিষ্ঠানকে ব্যাক স্বরূপ ব্যবহার করিত। তাহা ছাড়া, দাতারা “শ্রেণী”কে ট্রাস্টী করিয়া দেবোত্তর ইত্যাদি সম্পত্তি দান করিতে অভ্যস্ত ছিল। এই দুই তথ্যে সমাজে শ্রেণীর প্রভাব বুঝিতে পারি। শ্রেণীগুলো যে নরনারীর বিশ্বাসভাজন ছিল, সেই বিষয়ে কোনো সন্দেহ নাই।

জাতকের কথা, মহাভারতের কথা, এবং ধর্মশাস্ত্র ও নীতি শাস্ত্রের কথা এই সঙ্গ জুড়িয়া দিলে শ্রেণী-প্রতিষ্ঠানের “আর্থিক” এবং “রাষ্ট্রীয়” কর্ম-গণ্ডী ও ধরিতে অন্ততঃ পক্ষে আন্দাজ করিতে পারা যাইত। প্রত্যেক “শ্রেণী” নিজ নিজ আইন সৃষ্টি করিতে অধিকারী ছিল। আবার বিচারের কাজেও প্রত্যেক “শ্রেণী”র স্বারাজ্য এই সকল সাহিত্যে বিবৃত আছে। কিন্তু কোন্ রাজরাজড়ার আমলে এবং কোন্ মুহুর্তে শ্রেণীগুলো বাস্তবিক পক্ষে আইন-শ্রষ্টা এবং বিচারক রূপে কার্য্য করিয়াছে তাহা এখনো প্রমাণিত করা সম্ভব নয়। কাজেই সম্প্রতি সেই সকল কথা আলোচনা করিবার প্রয়োজন নাই। ইয়াক্সি পণ্ডিত হপকিন্স এবং জার্মান হিল্লেব্রাণ্ট ইত্যাদির রচনায় এই বিষয়ে “শাস্ত্রের” নজির উদ্ধৃত হইয়াছে।

বৃহস্পতির “শ্রেণী”-বিধান

তবে “থিয়োরি” বা দার্শনিক মতবাদের তরফ হইতে এই সঙ্গে একটা আলোচনার ইসারা করিতেছি। জার্মান পণ্ডিত গিয়ের্কে প্রণীত “মধ্যযুগের রাষ্ট্রীয় মতবাদ” নামক গ্রন্থে “দল” “সমূহ”, “সজ্জ” “শ্রেণী” ইত্যাদি বিভিন্ন রকমের “কর্পোরেশন” লইয়া দার্শনিক তর্ক-বিতর্ক আছে। মেইটল্যান্ডের ইংরেজি তর্জমায় সেই গ্রন্থ (কেম্ব্রিজ ১৯০০) সকলের বোধগম্য।

প্রশ্নটা এই:—“সজ্জ” কাহাকে বলে? কতকগুলো লোক কোনো ঘরে বা মাঠে বসিয়া কেনো বিষয়ে বাদানুবাদ করিতেছে দেখিলেই কি বলিব যে উহার দলবদ্ধ, সজ্জবদ্ধ, শ্রেণী-বদ্ধ? বর্তমান ভারতে যাহারা আইনের ব্যবসা করেন তাঁহারা বলিবেন, “না”। এক সঙ্গে “একাধিক” লোকের কাজ চলিতেছে অথচ কাজটাকে কোনো “এক ব্যক্তির”ই কাজ বলিয়া যখন ধরিয়া লওয়া হয়, তখনই বলাচলে যে, এ একটা “কর্পোরেশন” বা “সজ্জ” বটে।

সেকালের হিন্দুসমাজে মাথাওয়াল লোকেরা “সজ্জ”, “শ্রেণী” ইত্যাদি প্রতিষ্ঠানকে এই রূপ “আধুনিক” চোখে দেখিতেই অভ্যস্ত ছিল। সেকালের পশ্চিমারা ও এইরূপ “আধুনিক”ই ছিল।

হিন্দু নরনারীর সাক্ষী বৃহস্পতির “ধর্মশাস্ত্র”। গ্রন্থটা সপ্তম শতাব্দীর সঙ্কলন বলিয়া ধরিয়া লওয়া হয়। এই গ্রন্থের সপ্তদশ অধ্যায়ে “সমূহ” বিষয়ক যে সকল বিধান আছে সেই সব যে-কোনো আর্থিক প্রতিষ্ঠান সম্বন্ধে খাটে এইরূপ ধরিয়া লইতেছি। তবে সেই বিধান অনুসারে হর্ষবর্ধন অথবা গুলকেশীর আদালতে মামলা মোকদ্দমা চলিত সে কথা বলিতেছি না। সমূহ, সজ্জ, শ্রেণী ইত্যাদি প্রতিষ্ঠান কাহাকে বলে এই সম্বন্ধে সেকালের একটা মত বৃক্ষিয়া দেখিবার জন্ত বৃহস্পতির এই অধ্যায়ের দিকে দৃষ্টিপাত করা যাইতেছে।

“সজ্জ-ব্যক্তি” বা ঐক্যবিশিষ্ট লোক-সমষ্টি

(১)

এই সকল প্রতিষ্ঠানের প্রথম “লক্ষণ”ই এই যে, বিনা “সভায়” কোনো কাজ নিপন্ন হইতে পারে না। সভায় দুইজন, তিনজন বা পাঁচজন লোক থাকি দরকার। এই কয়জন লোক লইয়া সজ্জের কার্যনির্বাহক কমিটি গঠিত হয় বৃক্ষিতে হইবে।

একটা দল বা শ্রেণী অপরাপর দল বা শ্রেণীর সঙ্গে চুক্তিবদ্ধ হইতে অধিকারী। কোনো ব্যক্তি বিশেষ ও দলের বা শ্রেণীর সঙ্গে “সম্বন্ধ” বা চুক্তি কয়েম করিতে পারে। এই সকল “সম্বন্ধ” দেশের ভিতরকার অগ্রাঙ্গ সম্বন্ধদের মতনই আইনের চোখে স্বীকার্য। এই হইতেছে “সমূহ” সম্বন্ধে বৃহস্পতির দ্বিতীয় কথা।

“সমূহের” তৃতীয় লক্ষণ এই যে, যে-কোনো ব্যক্তি ইহার প্রতিনিধি-স্বরূপ সরকারী বা সার্বজনিক কর্মকেন্দ্রে হাজির হইতে পারে। এই প্রতিনিধির যে-কোনো কাজ “সমূহের”ই কাজ স্বরূপ গৃহীত হইবে। কাজেই প্রতিনিধির হাতে যে সকল টাকা কড়ি বা অগ্র কোন দায়িত্ব আসিয়া জুটে সেই বিষয়ে “সমূহের” একুতির সম্পূর্ণ। আবার প্রতিনিধি যে-সকল দেনা করিবে তাহার জন্ত “সমূহ”ই যোল আনা দায়ী।

এই গেল বৃহস্পতির বিধান। যাজ্ঞবল্ক্যের স্মৃতিতে ও (খৃঃ অঃ ৩৫০) এই ধরণের “সমূহ”-নীতির কিছু কিছু পরিচয় আছে।

কিষণ, শিল্পী বা বণিক যখন এইরূপ লক্ষণওয়াল দলের সভ্য হয় তখন তাহাদিগকে “কতকগুলো লোকের ভিড়” মাত্র বলা চলে কি? গোটা “সজ্জ” বা “শ্রেণী” তখন “একটা ব্যক্তির” মতন কাজ করিতেছে। এই

ধরণের দলকে পাশ্চাত্য পারিভাষিকে “গুপ-পার্সন” বা “সজ্ব-ব্যক্তি” বলে। কিছু সহজে তাকে “ঐক্যবিশিষ্ট লোক-সমষ্টি” বলিতে পারি।

(২)

এই বিষয়টা আর ও স্পষ্ট রূপে বুঝিতে পারি কাত্যায়নের কথায়। কাত্যায়ন বৃহস্পতির পরবর্তী স্মৃতিকার। মিত্রমিশ্রের “বীরমিত্রোদয়” এবং চণ্ডেশ্বরের “বিবাদ রত্নাকর” নামক বাঙ্গলবন্দ্য-স্মৃতির দুই ভাষ্যে কাত্যায়নের স্তমত আলোচিত আছে।

কাত্যায়ন বলেন যে, “শ্রেণী” ইত্যাদি “সমূহ” গঠিত হইয়া যাইবার পরেও নতুন নতুন লোককে শ্রেণীর সভ্য করা সম্ভব। এই নতুন সভ্যের “শ্রেণী”র সকল সম্পত্তি এবং অধিকার ভোগের দাবী করিতে পারে। আবার “শ্রেণী”র পুরাণা দেনা শুধিবার দায়িত্বও ইহার গ্রহণ করিতে বাধ্য। তবে একমাত্র “সর্বসম্পত্তি” ছাড়া নয়া মেম্বর “শ্রেণীতে” প্রবেশ করিতে অনধিকারী। অর্থাৎ “শ্রেণী”তে সভ্যসংখ্যা বাড়িলে কমিলে ইহার স্বরূপ বদলাইয়া যায় না। শ্রেণীর “ব্যক্তিত্ব” যে-কে-সেই থাকে। কাত্যায়ন “শ্রেণী”কে “সজ্ব-ব্যক্তি” বুঝিতেন বেশ পরিষ্কার রূপেই।

মিত্রমিশ্র “গুপ-পার্সন”-তত্ত্বের চরম মত দিয়াছেন। নতুন সভ্যেরা “শ্রেণীর” আর্থিক লাভালাভ ভোগ করিতে অধিকারী ত বটেই। তাহার “শ্রেণী”র পুরাণা “আধ্যাত্মিক পুণ্য” ভোগেরও দাবী রাখে। অর্থাৎ দান ঐশ্বর্য, লোকসেবা ইত্যাদি সংকল্পের জন্ত “শ্রেণী”র প্রতিষ্ঠাতারা “পরলোকে” যে পদ পাইবে সেই পদে ইহার ভবিষ্য সভ্যদেরও অধিকার। “শ্রেণী”র অতীত, বর্তমান আর ভবিষ্যৎ একই ব্যক্তিত্বের বিভিন্ন স্তর বা বয়স মাত্র।

পাশ্চাত্য পারিভাষিকে এই অবস্থাকে বলে,—“কর্পোরেশন অমর।” কাত্যায়ন এবং মিত্রমিশ্র “শ্রেণীর বা সজ্বের মরণ নাই” তত্বই প্রচার করিয়াছেন। বতই নতুন লোক ভর্তি হউক না কেন,—“শ্রেণী” তাহার ব্যক্তিত্ব, স্বাভাব্য ও ঐক্য রক্ষা করিয়া যুগে যুগে অগ্রসর হইতেছে।

“শ্রেণী” ও নগরশাসন

নগরশাসনের সঙ্গে শ্রেণী-প্রতিষ্ঠানের কিরূপ যোগাযোগ ছিল? ত্রিসো-প্রণীত “ফরাসী রাষ্ট্রীয় প্রতিষ্ঠান” বিষয়ক গ্রন্থে জানিতে পারা যায় যে “শ্রেণী”গুলি নগরে খুব প্রতাপশালী ছিল বটে। কিন্তু “শ্রেণী”র “মুখ্য”রাই একমাত্র নগরশাসক ছিল না। নগরের “স্বরাজ” হইতে শ্রেণীর “স্বরাজ” স্বতন্ত্র রূপে রক্ষিত হইত। শ্রেণীগুলি আর্থিক কেন্দ্র,—কিন্তু নগর একমাত্র আর্থিক কেন্দ্র নয়।

এই ধরণের আলোচনায় যোগ দেওয়া ভারতীয় ঐতিহাসিকদের পক্ষে সম্প্রতি অসম্ভব। কেননা মালমসলার খাঁকৃতি যৎপরোনাস্তি।

আর এক প্রশ্ন। “শাস্ত্র”-গ্রন্থে “শ্রেণী”গুলিকে “স্বরাট্”—প্রায় বোল কলায় পূর্ণ স্বরাট্-রূপে বিবৃত করা হইয়াছে। কিন্তু “সার্কভোম,” “চক্রবর্তী” ইত্যাদি স্থানীয় মোর্ধ্য, গুপ্ত, পাল, চোল, ইত্যাদি বাদশাহের আমলে রাজধানীর “বড় কর্তারা” “মফঃস্বলের” স্বরাজ-কেন্দ্রগুলার কতখানি মুগ্ধপাত করিয়া ছাড়িয়াছিলেন? রাজধানীর “শ্রেণী”গুলিও সরকারী আদালতের ছায়ায় নিজ নিজ স্বরাজ্য কতখানি সামলাইয়া চলিতে পারিত?

এই সকল প্রশ্নের জবাব দিবার সময় গৌতম, কোটিল্য, মল্ল বা শুক্রেয় “বিধিলিঙ্” ওয়ালি ক্রিয়াপদ বিশিষ্ট কর্তব্যাকর্তব্য বিধান আওড়াইলে চলিবে না। চাই খাঁটি ঐতিহাসিক তথ্য। যাহা ঘটয়াছে তাহার বৃত্তান্ত। এই ধরণের বৃত্তান্তই পাই ইংরেজ অধ্যাপক আলুইন-প্রণীত “লণ্ডনের গিল্ড” নামক গ্রন্থে (১৯০৮)

পরিশিষ্ট নং ৩

“বিনয়” সাহিত্য এবং “ধর্ম”, “স্মৃতি” ও “নীতি” শাস্ত্র

“বিনয়”-সাহিত্য ও শাসনসাহিত্য আবার “ধর্ম”-“স্মৃতি”-এক “নীতি”-শাস্ত্র ও শাসন-সাহিত্য। আর এই দুই প্রকার “আইন”-গ্রন্থেরই সন তারিখ জানা নাই। তথাপি বর্তমান গ্রন্থে শাসন-প্রণালীর তরফ হইতে “বিনয়”কে যে পদ দেওয়া হইল “শাস্ত্র” গুলাকে সেই পদ দেওয়া হইল না। এই পক্ষপাতের কারণ কি?

গৃহত্যাগী সাধুসন্তদের জীবন শাসন করা “বিনয়ে”র উদ্দেশ্য। সজ্জের বাহিরের নরনারীর সঙ্গে সজ্জগোলাদের লেনদেন “বিনয়ে”র “আইনে” শাসন করা সম্ভব নয়। কিন্তু “শাস্ত্র”গুলার ফকীর ভিখারী ভিখখু মোহন্তদের জন্ত আইনই একমাত্র আইন নয়। ব্রহ্মচারী, গৃহস্থ, মজুর, ধনী, দরিদ্র, ছোড়া, বুড়া, স্বপথোর, কেরাণী, স্ত্রী, পুরুষ, রাজা, প্রজা, কিষাণ, কারিগর ইত্যাদি সকল প্রকার মানুষের জন্ত এবং মানুষের “দলের” জন্ত স্বত রকমের আইন সম্ভব, প্রায় সবই “শাস্ত্র”-সাহিত্যের অন্তর্গত।

“বিনয়” মানিয়া চলিত দুশ, পাঁচশ, ছ হাজার, পাঁচ হাজার ব্যক্তি। “শাস্ত্র” বাহাদের জন্ত রচিত তাহাদের সংখ্যা লাখ লাখ, কোটি কোটি।

কাজেই “বিনয়ের” আইন গুলাকে রাষ্ট্র মানিয়া চলুক বা না চলুক তাহাতে কিছু যায় আসে না। রাষ্ট্র চলিতে পারে আপন মনে, আর সজ্জও চলিতে পারে আপন মনে। কিন্তু শাস্ত্রের আইন যদি রাষ্ট্র না মানিয়া চলে তাহা হইলে “শাস্ত্র” গুলো শাস্ত্রই নয়, অথচ তাহাতে রাষ্ট্রের ইজ্জৎ কোনো মতেই খাটো হয় না। কেননা রাষ্ট্র নিজের মতনব মাফিক নিজ নিজ আইন কায়েম করিয়া অগ্রসর হইতে পারে।

এই জন্তই প্রতিপদে জিজ্ঞাসা করিতে হয়,—শাস্ত্রগুলার কোন্ কোন্টা, আবার কোন্ কোন্টার কোন্ কোন্ ধারা রাষ্ট্র কর্তৃক স্বীকৃত হইয়াছিল? কোন্ যুগের কোন্ রাষ্ট্র কর্তৃক?

আর এক কথা। “বিনয়ে”র স্রষ্টা কে বা কাহারো জানা আছে। শাক্য গোতম নামক ব্যক্তি বিশেষের উপদেশের উপর ভর করিয়া তাঁহার চেলারা নিজেদের আখড়া সামলাইবার জন্ত ওকালতী বুদ্ধি খাটাইয়া কতকগুলো বিধিনিষেধ কায়েম করিয়াছিল। “সজ্জ”র ইতিহাসে জানা যায় যে এই সকল বিধিনিষেধ প্রতিপালিত হইত ও। তবে “আদর্শ” হইতে চ্যুত হইয়াছিল কত জন ভিখখু কবে কবে তাহার “ষ্টাটিষ্টেক্স” হয়ত পুরা মাত্রায় পাওয়া যাইবে না।

কিন্তু মৌর্য, পাল বা চোল রাজারা যে সকল আইন কায়েম করিয়া ছিলেন সেগুলো টুঁটিতে হইবে কোথায়? “শাস্ত্র”-সাহিত্যে, না আর-কোথাও? অথবা কিছুকিছু “শাস্ত্র”-সাহিত্যে এবং কিছু কিছু আর কোথাও?

দ্বিতীয় অধ্যায়

হিন্দুরাষ্ট্রে স্বরাজ

প্রথম পরিচ্ছেদ

রাষ্ট্র-শাসন

প্রথম অধ্যায়ে যে সকল কথা আলোচিত হইল সে সব পরিভাষিক হিসাবে “শাসন-নীতি” বা “রাষ্ট্র-শাসনে”র অন্তর্গত নয়। কিন্তু হিন্দুরাষ্ট্রের “গড়ন” এবং শাসন-প্রণালী বুঝিবার জন্ত এই সকল তথ্য জানা দরকার।

ব্যক্তিবিশয়ক বা ব্যক্তি-গত আইন।

হিন্দু নরনারীর “শাসন-দক্ষতা” আলোচনা করিতে গিয়া হিন্দুজাতির সাংসারিক চরিত্রের বনিয়াদ বুঝিতে পারা গেল। সমাজ গড়িয়া তুলিবার প্রয়াসে তাহারা কোন্ পথে অগ্রসর হইতেছিল তাহার পরিচয় পাওয়া গেল। রাষ্ট্রের রং, রাষ্ট্রের রূপ, রাষ্ট্রের ভিত্তি,—রাষ্ট্রের অনেক জীবন-কথাই এই সকল প্রতিষ্ঠানের অঙ্গপ্রত্যঙ্গের ভিতর চুঁটিতে হইবে। অর্থাৎ “শাসন-নীতি” বা “রাষ্ট্র-শাসন” বলিলে যাহা বুঝা যায়, তাহা এই সর্বের শাসনে এবং এই সব-ঘটিত আইনে পাইবার জো নাই।

ব্যক্তির সঙ্গে ধনদৌলতের কি সম্বন্ধ এই কথা আলোচনা করিবার জন্ত একবার পুরুষের আইন আর একবার নারীর আইন আলোচনা করা

হইয়াছে। তাহার পর যাহা কিছু আলোচনা করা হইয়াছে তাহার মোটা কথা ব্যক্তিতে ব্যক্তিতে সম্বন্ধ-নির্ণয়। বিবাহ, যৌন সংশ্রব, জাতিভেদ, পরিবার, পাঠশালা, আরোগ্য-শালা, ধর্ম-সম্বন্ধ, কিমাণ-শিল্পী-বণিকদের “শ্রেণী” প্রত্যেকেরই আবহাওয়ায় ব্যক্তিতে ব্যক্তিতে লেনদেনের তথ্য বিবাজ করিতেছে।

ব্যক্তিগত বিধিনিষেধ, ব্যক্তিগত আইন, ব্যক্তিগত “ধর্ম” একমাত্র এই সবই এই পর্যন্ত আলোচিত হইয়াছে। সম্বন্ধ, শ্রেণী ইত্যাদি দলগুলাও “ব্যক্তিই”। ইহাদিগকে “সম্বন্ধ-ব্যক্তি” বা “ত্রৈক্যবিশিষ্ট লোক সমষ্টি” বলা হইয়াছে।

ইংরেজিতে যাহাকে “প্রাইভেট ল,” ফরাসীতে যাহাকে “দ্রোআ সিভিল” বলে, তাহাকেই বলিতেছি “ব্যক্তিবিশয়ক বা ব্যক্তিগত আইন।” যে-কোনো দেশের যে কোনো উকীলকে এই “দ্রোআ সিভিল” লইয়া ব্যবসা চালাইতে হয়।

“পাবলিক ল” বা শাসন-নীতি

“রাষ্ট্র-শাসন” বা “শাসন-নীতি” তাহা হইলে কি চিজ? ফরাসীতে তাহার নাম “দ্রোআ পাবলিক”। ইংরেজি নাম “পাবলিক ল”। পাশ্চাত্য “জুরিস্ প্রভেন্স” বা অনুল্লাসন-বিজ্ঞানে “আইন,” “ল” বা “ধর্ম” নানা প্রকার। তাহার ভিতর কতকগুলো পড়ে “ব্যক্তি-গত বা ব্যক্তিবিশয়ক” আইনের শ্রেণীর ভিতর। “পাবলিক ল” বলিলে যে শ্রেণীর আইন বা “ধর্ম” নজরে আসে সে গুলাকে সাধারণতঃ আইন বলিয়া বুঝা হয় না।

উকীলদের ব্যবসায় অন্ততঃ “পাবলিক ল” কখনো কাজে লাগে না। ইংরেজি-ফরাসী ইতালিয়ানে তাহাকে সহজ কথায় “কন্সটিটিউশন” বলে।

এই শব্দের উচ্চারণ এক এক ভাষার এক এক প্রকার। জার্মানে তাহার নাম “ফার্কাস্‌জুন্ট”। তাহার বাংলা নাম দেওয়া গেল “শাসন-নীতি” বা “রাষ্ট্র-শাসন” বা “শাসন-বিষয়ক আইন।”

মণ্টেগু-চেল্‌মস ফোর্ডের মোসাবিদা অনুসারে ১৯১৯ সালে যে “গবমেন্ট অব ইণ্ডিয়া অ্যাক্ট” জারি হইয়াছে, সেই “অ্যাক্ট” টা “পাবলিক ল” বা “কনস্টিটিউশন” অর্থাৎ রাষ্ট্র-শাসন। বর্তমান ভারতে রাষ্ট্রীয় আন্দোলন চলিতেছে তাহা “পাবলিক ল”-ঘটিত আন্দোলন। তাহার ভিতর “দ্রোআ সিভিল” আন্দোলন প্রকাশ করে না।

“স্বরাজ” “শাসন-নীতির” কথা, “ব্যক্তিগত আইনের” কথা নয়। বিধবাদের বিবাহ আইনসম্বন্ধে করিবার জ্ঞান অথবা জমিদারি প্রথা তুলিয়া দিবার জ্ঞান যে সকল আন্দোলন ঘটে, তাহা “স্বরাজ” আন্দোলনের কথা নয়। সে সব “ব্যক্তি-গত” বা ব্যক্তিবিশয়ক আইনের অন্তর্গত।

হিন্দু কনস্টিটিউশ্যন

এইবার হিন্দুরাষ্ট্রের “শাসন-নীতি” আলোচনা করা যাউক। ভারতে ইয়াঙ্কি পণ্ডিত উল্লেগে স্টিলসন প্রণীত “ষ্টেট” বা “রাষ্ট্র” নামক গ্রন্থ সুপরিচিত। সেই গ্রন্থে যুক্তরাষ্ট্র, ইংল্যান্ড, ফ্রান্স, জার্মানি ইত্যাদি দেশ সম্বন্ধে যে শ্রেণীর তথ্য সঙ্কলিত হইয়াছে, সেই শ্রেণীর তথ্যই প্রাচীন ভারতের রাষ্ট্রপুঞ্জ সম্বন্ধে সঙ্কলিত হইবে। ফরাসী পণ্ডিত ব্রোসেফ-বার্থেলেমি-প্রণীত “লেজ অ্যা-স্টিউইসিয়োঁ পোলিটিক দ’ লাল্‌মাঞ-কোঁতেপোরেণ” (প্যারিস ১৯০৫) গ্রন্থে বর্তমান জার্মানি সম্বন্ধে এবং “ল’ গুবর্ণামাঁ দ’লা ফ্রান্স” (প্যারিস ১৯২০) গ্রন্থে ফ্রান্স সম্বন্ধে এই শ্রেণীর “দ্রোআ পিবলিক”-ঘটিত কথাই পাওয়া যায়। মার্কিন স্টিলসন-প্রণীত “বর্তমান জগতের রাষ্ট্রশাসন” (নিউইয়র্ক ১৯১৯) ও এই শ্রেণীর গ্রন্থ।

স্টিলসন এবং জোসেফ-বার্থেলেমি উভয়েই প্রতিষ্ঠানগুলি বিবৃত করিবার সঙ্গে সঙ্গে সেই সমুদয়ের স্খ-কু সমালোচনাও করিয়াছেন। বর্তমান গ্রন্থে ঐ ধরণের সমালোচনার সময় এক প্রকার দেওয়া হইবে না। কেবল মাত্র প্রতিষ্ঠান গুলার দর বুঝিবার জ্ঞান সমসাময়িক গ্রীস, রোম ও ইয়োরোপীয়ান মধ্যযুগের কথা মাঝে মাঝে ইসারায় ইঙ্গিতে তোলা হইবে।

রাষ্ট্র ও রাজ্য

একটা কথা প্রথমেই বলিয়া রাখা দরকার। আজকালকার বাংলার “রাষ্ট্র” শব্দ যে অর্থে গৃহীত হইয়া থাকে সেই অর্থই বর্তমান গ্রন্থে ব্যবহার করা হইতেছে। কিন্তু প্রাচীন ভারতে “রাষ্ট্র” শব্দের অর্থ ছিল অত্যন্ত্র। “রাষ্ট্র” বলিলে সেকালের হিন্দু নরনারী বৃষিত “জন” বা “জনপদ”। দেশের “লোক” অথবা “দেশ” এই অর্থে “রাষ্ট্রে”র ব্যবহার দেখা যায় কোটিল্যো, মনুসংহিতায়, যাজ্ঞবল্ক্যে, শুক্রনীতিতে, মহাভারতে এবং অত্রাণ সাহিত্যে। এই অর্থেই আজকাল হিন্দী ভাষায়ও “রাষ্ট্র” শব্দের কায়েম হইয়া থাকে। বাঙালীরা যে সব বস্তুকে “জাতীয় আন্দোলন” “জাতীয় শিক্ষা,” “জাতীয় ভাষা” বলে, যুক্তপ্রদেশ এবং বিহারের লোকেরা সেই সবকে “রাষ্ট্রীয়” উপাধি দিতে অভ্যস্ত।

বাঙালীরা আজকাল যাহাকে “রাষ্ট্র” বলিতেছে, তাহা বিদেশী “ষ্টেট” “ষ্ট্যাট” অথবা “এতা”র প্রতিশব্দ। প্রাচীন হিন্দু নরনারী যাহাকে “ষ্টেট” বলিত, তাহার নাম ছিল “রাজ্য”। “সপ্তাঙ্গং রাজ্যম্”,-এই বুখনি “শাস্ত্র”-সাহিত্যের মার্কামারা, পেটেন্ট-করা মাল। “দ্রোআ পিবলিক” বলিলে সেকালের ভারতবাসীরা বৃষিত “রাজ্য-শাসন”। সেকালের চিন্তায় “রাষ্ট্র” অর্থাৎ লোক বা দেশ ছিল “রাজ্যের” সাত অঙ্গের এক অঙ্গ।

রাষ্ট্র-“লক্ষণ”

(১)

“রাষ্ট্র” (ব. রাজ্য) কাহাকে বলে ? কোন্ অর্থে বর্তমান গ্রন্থে “রাষ্ট্র” অর্থাৎ “ষ্টেট” শব্দ ব্যবহৃত হইবে ? কোনো ব্যক্তি “রাষ্ট্র” নয় । কোনো পরিবার “রাষ্ট্র” নয়, কোনো “ধর্ম-সঙ্ঘ” “রাষ্ট্র” নয়, কোনো বণিক-সঙ্ঘও “রাষ্ট্র” নয় ? যদিও কি পরিবার, কি ধর্ম-সঙ্ঘ, কি বণিক-সঙ্ঘ প্রত্যেকের আভ্যন্তরীন শৃঙ্খলাবিধানের জন্য আইনসম্মত কাজ করা হইয়া থাকে ।

প্রত্যেকের শাসনেই রাষ্ট্র-সদৃশ “গড়নে”র ইঙ্গিত পাই । হয়ত কোনো কোনো যুগে কোনো কোনো দেশে পরিবার ধর্মসঙ্ঘ, বণিকসঙ্ঘ ইত্যাদি দলবদ্ধ নরনারী প্রায় বোল আনা রাষ্ট্রের গড়ন বা রূপ পাইয়া থাকিতেও পারে । তথাপি এই সকল রূপ বা গড়নকে বর্তমান আলোচনায় “ষ্টেট”-বা “রাষ্ট্র” উপাধি দেওয়া হয় নাই ।

ভিন্ন ভিন্ন রক্তের, ভিন্ন ভিন্ন পরিব্বারের, এবং ভিন্ন ভিন্ন দলের একত্র বসবাসের ঠাই বা দেশ থাকা চাই । তাহা হইলে জন-কেন্দ্রকে রাষ্ট্র বলা চলে । দেশ-বদ্ধ বিভিন্ন ব্যক্তি বা লোক সমষ্টির সমবায় রাষ্ট্র ।

এই ব্যাখ্যায় “রাষ্ট্রের” সংখ্যা যাবতনাই কমিয়া যাইবে । প্রাচীন ইয়োরোপের এবং প্রাচীন ভারতের অনেক সামাজিক গড়নই,—অনেক দলবদ্ধ জীবন-কেন্দ্রই,—রাষ্ট্র নামের দাবী করিতে অনধিকারী । সেই সকল সমাজ-কেন্দ্রে লোকেরা স্মৃতি ছিল কি ভ্রুংখি ছিল, তাহার ব্যবস্থার স্মশাসন চলিত কি কুশাসন চলিত সে কথা আলোচনার বহির্ভূত । শাস-প্রণালী

সম্বিত যে কোনো লোক-সমষ্টিই “রাষ্ট্র” নয় এই পর্য্যন্ত ধরিয়া লইতেছি মাত্র ।

(২)

লোক-সমষ্টির ভিতর রক্তবৈচিত্র্য এবং বংশবিভিন্নতা না থাকিলে তাহাকে রাষ্ট্র বলা হইবে না । তাহার সঙ্গে একটা দেশের ঘনিষ্ঠ যোগ না থাকিলেও তাহার নাম রাষ্ট্র নয় । এই দুই রাষ্ট্র-“লক্ষণে”র সঙ্গে আর একটা “লক্ষণ” জুড়িয়া দিতেছি । রাষ্ট্রের শাসনে যাহারা মোতামেন তাহার “সমাজ” হইতে আলাদা হইয়া পড়ে । তাহার ফলে একটা স্বতন্ত্র শাসন-বদ্ধ গড়িয়া উঠে । শাসন-বদ্ধটার স্ম-কু অত্র কথা । কিন্তু শাসন-বদ্ধের স্বাতন্ত্র্য সমাজে লক্ষ্য করিবার বস্তু ।

মানবজাতির ইতিহাসে এই তিন লক্ষণওয়ালী লোকসমষ্টি গুণুতিতে বড় বেশী নয় । অত্যাগ লোকসমষ্টির গড়ন গুলা অ-রাষ্ট্রীয় বা প্রাক্-রাষ্ট্রীয় । কিন্তু ঐতিহাসিক ভাবে রাষ্ট্রীয় গড়ন গুলা আলোচনায় প্রবৃত্ত হইলে এই সব অ-রাষ্ট্রীয় এবং প্রাক্-রাষ্ট্রীয় লোকসমষ্টির গড়ন এবং শাসন-প্রণালীও আলোচনা করিতে হয় ।

“রাষ্ট্র” এক অতি নবীন প্রতিষ্ঠান । চিরকাল “রাষ্ট্র” নামক লোক-সমষ্টি জগতে ছিল না । ভবিষ্যতেও যে চিরকাল “রাষ্ট্র” থাকিবে তাহা কেহ বলিতে পারে না । কাজেই রাষ্ট্র-বিজ্ঞানের আসরে রাষ্ট্রীয় অ-রাষ্ট্রীয় এবং প্রাক্-রাষ্ট্রীয় প্রত্যেক গড়নেরই ইজ্জৎ আছে । তবে কখন কোন্ লোকসমষ্টিকে রাষ্ট্র বলা হইতেছে এবং কোন্ লোকসমষ্টিকে রাষ্ট্র বলা হইতেছে না, তাহা যথা সময়ে পরিষ্কার করিয়া দেওয়া আবশ্যিক । পারি-ভাষিকের ব্যবহারে সতর্ক না হইলে হিন্দুনরনারীর রাষ্ট্রীয় প্রতিষ্ঠান গুলা “কুলশীল” লইয়া গোলে পড়িতে হইবে ।

হিন্দু শাসননীতির সাক্ষী

হিন্দু “কনস্টিটিউশন” বিবৃত করা সহজ নয়। ১৯১৯ সালের “গরমেন্ট অব ইণ্ডিয়া অ্যাক্ট” অর্থাৎ “ভারত শাসন-বিধি” যে ধরণের দলিল, সেই ধরণের দলিল প্রাচীন ভারতের কোনো যুগ সম্বন্ধে পাওয়া যায় না। কিন্তু রোমের নানা যুগ বিষয়ক “পাব্লিক ল” পাওয়া যায়।

বাদশা যুক্তিনিয়ানের আমলে (৫২৬-৫৬৫) তাঁহার পূর্ববর্তী-চারশ’ বৎসরের “কনস্টিটিউশন” বা শাসন-প্রণালী “কোড” নামে একত্র সংগৃহীত হইয়াছিল। এই “কোড” অবশ্য তাঁহার সঙ্কলিত “দিজেস্ট” এবং তাঁহার প্রচারিত “ইনস্টিটিউশ” হইতে স্বতন্ত্র। কেন না সেই দুইটা সংগ্রহে ব্যক্তি বিষয়ক বা “সিভিল” আইনেরই পরিচয় পাওয়া যায়।

মোর্ফ্য আমল বর্তমান গ্রন্থের প্রাচীনতম খুঁটা। আর শেষ খুঁটা হইতেছে সেন ও চোল আমল। এই ষোল সতের শ’ বৎসরের রাষ্ট্রশাসন বুঝিবার জন্য তাম্রশাসন, প্রস্তর লিপি, মুদ্রা এবং পর্ষটকদের ভ্রমণ কাহিনী হইতে প্রমাণ সংগ্রহ করা হইতেছে।

“ধর্ম”, “স্মৃতি” এবং “নীতি”-শাস্ত্রের সাক্ষ্য লওয়া হইবে না। এমন কি, কোটিল্যাকেও কালেভদ্রে এক আধবার মাত্র সাক্ষী ডাকা যাইবে। রামায়ণ মহাভারত ইত্যাদি সাহিত্যের ডাক পড়িবে না।

এই সকল সাহিত্যের জোরে হিন্দুজাতির রাষ্ট্র-চিন্তা বা রাষ্ট্র-দর্শন প্রকাশ করা সম্ভব। শ্রীযুক্ত উপেন্দ্রনাথ ঘোষাল প্রণীত “হিন্দু রাষ্ট্র-চিন্তার ইতিহাস” নামক ইংরেজি গ্রন্থে (কলিকাতা ১৯২৩) এই কার্য-সাধনের চেষ্টা দেখিতে পাই। বর্তমান লেখকের “হিন্দু সমাজের বাস্তব ভিত্তি” নামক গ্রন্থের দ্বিতীয় ভাগেও (এলাহাবাদ ১৯২১) এই প্রয়াস আছে। কিন্তু বাস্তব রাষ্ট্রশাসনের বৃত্তান্ত হিসাবে এই দুই গ্রন্থ চলিবে না।

১৮৯৫ সালে লাইপসিগে প্রকাশিত হইয়াছিল ফ্রয়-প্রণীত “ক্যে’নিগ-লিখে গেহ্‌লান্ট” বা “রাজশক্তি”। এই জার্মান গ্রন্থে আছে একমাত্র হিন্দু “সাহিত্য”র প্রমাণ। সংস্কৃত ভাষায় যাহা কিছু পাওয়া যায় তাহাই ইতিহাস ধরিয়া লওয়া হইয়াছে। এই রীতি দেখিতে পাই হপ্কিন্স হইতে হিল্লেব্রাণ্ট পর্যন্ত অত্যন্ত দেশী বিদেশী লেখকের গ্রন্থে। বর্তমান গ্রন্থকার এই আলোচনা-প্রণালীর সম্পূর্ণ বিরোধী। *

* এক কথায় বলা যাইতে পারে যে,—আজ পর্যন্ত ভারত-তত্ত্ববিদেরা যে সকল প্রমাণকে একমাত্র প্রমাণরূপে গ্রহণ করিয়াছেন সেই সব বর্তমান গ্রন্থে পুরাপুরি বাত দেওয়া হইয়াছে। শাসন সম্বন্ধে বাস্তব তথ্য আবিষ্কার করিবার দিকে গবেষণা প্রবর্তিত হওয়া আবশ্যিক।

দ্বিতীয় পরিচ্ছেদ

পল্লী কেন্দ্রের শাসন-প্রথা

মোর্ঘ্য আমল (খৃঃ পূঃ ৩২৩-১৮৫) হইতে চোল আমল (খৃঃ অঃ ৮৫০-১৩১০) পর্যন্ত ভারতে পল্লীকেন্দ্রকে কোথাও কখনও সম্পূর্ণ স্বাধীন রাষ্ট্ররূপে দেখা যায় না। বস্তুতঃ পল্লীশাসন সম্বন্ধে প্রমাণ একপ্রকার পাওয়াই যায় না। যেটুকু পাওয়া যায় তাহাতে বুঝি যে, পল্লী বড় একটা রাষ্ট্রের অন্তর্গত অগ্রতম অঙ্গ মাত্র।

পল্লী বা গ্রাম এই শব্দ “শাস্ত্র” এবং অত্যাচার সাহিত্যে পাওয়া যায় সন্দেহ নাই। কিন্তু পল্লীর শাসনে কিরূপ প্রতিষ্ঠান প্রচলিত ছিল তাহার ইঙ্গিত পর্যন্ত “ধর্ম,” “স্মৃতি” এবং “নীতি”-শাস্ত্রে আছে কিনা সন্দেহ। পল্লীর জন্ম সাম্রাজ্যের সদর কর্মকেন্দ্রের অধীনস্থ একজন কর্মচারীর নাম করিয়াছেন কোটিল্য (৩১০)। পল্লীর “গোপ”কে ছাড়া এইসকল “শাস্ত্র” আর কার্যকে বোধ হয় জানে না।

পল্লী-শাসন সম্বন্ধে বা কিছু খবর সবই দক্ষিণ ভারত এবং লক্ষা হইতে পাওয়া গিয়াছে। তাহাও আবার খৃষ্টীয় নবম হইতে ত্রয়োদশ শতাব্দীর কথা। সবই “লিপির” প্রমাণ।

দক্ষিণ ভারতে পল্লী-স্বরাজ

(১)

চোল সম্রাট প্রথম রাজরাজের আমলে (৯৮৫-১০১৩) পল্লীবাসীরা “সার্বজনিক সভা” ডাকিয়া জনপদের সমবেত মতলব হাঁসিল করিতে অভ্যস্ত ছিল। একটা “মহাসভার” কথা শুনিতে পাই। তাহাতে “যুবা বুড়া” সকলেরই ঠাই ছিল।

মহাসভায় আসিত পল্লীর সকল লোকই। কিন্তু আসল কাজ চলিত মহাসভার অন্তর্গত বা অধীনস্থ কয়েকটা ছোট খাটো সভার সাহায্যে। বাগবাগিচার তদ্বির করিত এইরূপ এক সভা। “খাল বিল পুকুর” থাকিত দ্বিতীয় এক সভার আওতায়। এক সভার তাঁবে ছিল সোণা-রূপার চলাচল। বিচার চলিত অপর এক সভার অধীনে। “পঞ্চবর” নামক সভার বোধ হয় একটা কোনো বিশেষ কর আদায়ের ব্যবস্থা করা হইত। এই পাঁচটা সভাছাড়া প্রত্যেক বৎসর একটা করিয়া সকলের মিলিত সভা বসিত।

(২)

সভায় আসিত কিরূপ লোক? “যুবা বুড়া” বা বয়স নির্বিশেষে “মহাসভা”য় আসিয়া তর্কবিতর্কে যোগ দিত। কিন্তু আসল কার্যকরী সভার ঠাই ছিল কিরূপ লোকের?

ত্রিশ বৎসরের কম যাহাদের বয়স তাহারা ছিল “নাবালক”। আর পঁচাত্তরের কোঠা যাহারা পার হইত তাহারা সভায় মাতব্বরির করিতে পাইত না।

এই গেল বয়সের সীমানা। ধনদৌলতের সীমানাও আছে। প্রথমতঃ, কম সে কম ‘সিকি “বেলি” অর্থাৎ পাঁচ বিঘা জমির মালিক হিসাবে সরকারকে খাজনা দেওয়া চাই। তাহার উপর যে বাস্তু ভিটায় বসবাস তাহার মালিক হওয়া চাই। “হাভাতে” “হাষরে” লোকেরা পল্লীর কার্যকরী সভার মেম্বর হইতে পারিত না। চোল আমলে মান্দ্রাজীর “ধন-তন্ত্র” স্বীকার করিয়া চলিত।

তাহার উপর ব্রাহ্মণ অত্রাহ্মণ ভেদ ত ছিলই। “ব্রাহ্মণ্য” শব্দে “বিদ্বাতন্ত্র” বুঝিলেও চোল স্বরাজের সীমানাটা নজরে আসিতে ছাড়ে না।

পল্লীশাসনে সভার মাহাত্ম্য্য চোলনগলের এক বড় কথা। আর স্বরাজ্যটা যে “রামাশ্রামার” রাজ্য নয়, এই কথাও সেই যুগের আর এক বড় কথা।

(৩)

মাদ্রাজীরা আরও কতকগুলো নিয়ম কায়েম করিয়া শাসন-দক্ষতার পরিচয় দিয়াছে। টাকা পয়সার হিসাব লইয়া যে সকল সভ্য একবার গাণ্ডগোলে পড়িয়াছে, তাহাদিগকে আর “সভামুখো” হইতে দেওয়া হইত না। “মহাপাতকে” দোষী যে সব লোক, তাহারাও সভার বাছাইয়ে দাঁড়াইতে পাইত না।

এই ছই নিবেধ সহজেই বোধগম্য। আর একটা নিবেধের নিয়ম শিক্ষাপ্রদ। তিন বৎসর উপরাউপরি কোনো লোক সভার ঠাই পাইয়া থাকিলে তাহাকে চতুর্থবার সভায় যাইবার স্মরণ দেওয়া হইত না। এই নিবেধটা শাসনপ্রণালীকে কোনো ব্যক্তিবিশেষের অতিবৃদ্ধি হইতে বাঁচাইবার উপায়।

(৪)

দক্ষিণ ভারতে যে সকল “লিপি” পাওয়া গিয়াছে, তাহার কোনো কোনোটার নারী সভ্যের নাম দেখিতে পাই। কাজেই সভায় নারীর ঠাই আইন-সঙ্গত ছিল, এইরূপ বুঝিয়া লওয়া সম্ভব। কিন্তু নারী সম্বন্ধে বিশেষ করিয়া কোনো কথা স্বতন্ত্র ভাবে কোনো সভার নিয়মে বলা নাই। “মহাসভা”য়ও নারীরা হাজির থাকিত, এইরূপ অনুমান করা অত্যাশ হইবে না। কাব্যকরী সভায় যখন নারীদের উপস্থিতি সম্ভব, তখন সার্বজনিক বাকবিতণ্ডার মেলায়ও নারীর ঠাই সহজেই স্বীকার করা যাইতে পারে। লোকসভা-প্রণীত “আদিমসমাজ” নামক গ্রন্থে (নিউইয়র্ক ১৯২০) নারীর

ইজ্জৎ উচুই দেখিতে পাওয়া যায়। “সভ্যতা” বাড়িবার সঙ্গে সঙ্গে নারীর রাষ্ট্রীয় ইজ্জৎ ছনিয়ার সর্বত্রই কমিয়াছে।

পল্লী-স্বরাজের বাছাই-মঙ্গল

(১)

চোল ভারতের পল্লী-ক্ষেত্রে মহাসমারোহের সহিত সভ্য-বাছাই অনুষ্ঠিত হইত। উত্তর মল্লুর জনপদে আবিষ্কৃত “লিপি”টা প্রাচীন মাদ্রাজীদের স্বরাজ প্রথা সম্বন্ধে সাক্ষী।

পল্লীতে ত্রিশ জন সভ্য দরকার হইত। এই কারণে পল্লীকে ত্রিশ পাড়ায় ভাগ করিয়া লওয়া হইত। প্রত্যেক পাড়ার প্রত্যেক লোক এক এক জনের নাম লিখিয়া দিত। নামগুলো পল্লীর বিভিন্ন পাড়া হিসাবে পৃথক পৃথক রাখিয়া দেওয়া হইত। নামের গোছার উপর নিজ নিজ পাড়ার নম্বর আঁটিয়া দিবার ব্যবস্থাও ছিল।

তাহার পর “মহাসভার” ভিড়। যুবা বৃদ্ধার আনা গোনা। পুরোহিতেরা হাজির থাকিতে বাধ্য। এই মেলায় এক হাঁড়ির ভিতর গোছা ত্রিশটা রাখিয়া দেওয়া হইত। পুরোহিতদের মধ্যে বয়সে যে সবসে প্রবীণ সে আসিয়া আকাশের দিকে তাকাইয়া হাঁড়িটা ধরিত। তাহার হুকুমে সভার এক ছোকরা কিছু না দেখিয়া হাঁড়ি হইতে একটা গোছা তুলিয়া লইত।

সেই গোছাটার উপর যে সব লোকের নাম আছে সেইগুলো পরে আর এক হাঁড়িতে ফেলা হইত। নাম গুলো হাঁড়ির ভিতর এলোমেলো ভাবে “চেল” ছোকরা একটা একটা করিয়া নাম তুলিয়া দিত। নামটা পাঠ করিবার ভার থাকিত একজন কর্মচারীর হাতে। শুনিবা মাত্র পুরোহিতেরা সভাস্থলে জানাইয়া দিত।

(২)

“লিপি”টা যদি জাল না হয় তাহা হইলে এই বিবরণকে অসত্য বলি
কঠিন। তাহা হইলে বিশ্বাস করিতে হয় যে, চোল আমলে পল্লীর
“প্রত্যেক লোক” লিখিতে পারিত।

পল্লীতে নরনারীর “প্রতিনিধিরা” শাসনের দায়িত্ব পাইত। অর্থাৎ
সকল নরনারীই শাসনকর্তা ছিল একরূপ বুঝা যায় না। তাহাদের
বাছাই-করা নির্দিষ্ট সংখ্যক লোক শাসনের ভার পাইত। বৃদ্ধিতে
হইবে, পল্লীর লোক সংখ্যা নেহাৎ কম নয়।

তাহা ছাড়া, পল্লীবাসীরা সকলেই “ভোট” দিতে অধিকারী।
নাম লিখিয়া দেওয়ার এক্টিয়ারই তাহার প্রমাণ। কিন্তু শেষ পর্যন্ত
“লটারি” করিয়া নাম-বাছাই হইত। কাজেই “কপালের জোর” না
থাকিলে পল্লী-স্বরাজে কর্তামি করা সম্ভব পর হইত না।

প্রতিবৎসরই এইরূপ ভোট ও লটারি চলিত। কাজেই কোন
লোকের কপালে বড় বেশী দিন স্বরাজ-“যোগ” থাকিত না। পল্লীর
বহু লোকই “ত্রিশের একজন” হইবার সুযোগ পাইত। সার্বজনিক রাষ্ট্রীয়
শিক্ষার কেন্দ্র হিসাবে চোল পল্লীগুলি মানব জাতির অগ্রতম শ্রেষ্ঠ সৃষ্টি।

পল্লীবাসীর রাষ্ট্রীয় এক্টিয়ার

(১)

পল্লীকেন্দ্রের শাসন বোল আনাই পল্লীবাসীর তাঁবে ছিল। সভার
বাছাই হইবার পর সভ্যেরা বা খুসী তা করিতে পারিত না। তাহাদিগকে
শান্তি দিবার ক্ষমতাও সভার হাতে ছিল। পল্লীর কর্মচারীরা পল্লীর
বাহিরের কোনো উপরওয়ালার ধার ধারিত না এইরূপ বুঝা যায়।

পল্লীবাসীরা সকল প্রকার কর বা খাজনা পল্লী-সভাকে বুঝাইয়া দিত।
কোনো কোনো জনপদকে খাজনা হইতে রেহাই দিবার এক্টিয়ারও
পল্লী-সভার ছিল। ব্যক্তিবিশেষও পল্লীসভার অনুগ্রহে খাজনা হইতে
রেহাই পাইত। কখনো বা পল্লীসভার ভারপ্রাপ্ত কোনো কোনো “সভ্য”
বা “সমূহ” নির্দিষ্ট পরিমাণ সম্পত্তির তদারক করিতে পারিত। পল্লীসভার
কর্তৃত্ব এই বিষয়ে ছিল একপ্রকার অসীম।

কোনো কোনো জমিজমায় পল্লী-সভার স্বত্বাধিকার নির্দিষ্ট ছিল।
নতুন নতুন জমিন সৃষ্টি হইলে তাহাও পল্লী-সভার দখলে আসিত।
সাম্রাজ্যের সদর খাজনা দিতে যে সকল পল্লীবাসী অপারগ, তাহাদের
সম্পত্তি দখল করিয়া বেচিবার এক্টিয়ারও ছিল পল্লী-সভার হাতে।

পল্লীর মামলা মোকদ্দমা নিষ্পন্ন হইত পল্লী-সভায়। খুসী আসামীদের
বিচারও পল্লী-সভায়ই অনুষ্ঠিত হইত। এমন কি মৃত্যু দণ্ড দিতে হইলে ও
পল্লী-সভা সদর আদালতের মতামত চাহিয়া পাঠাইত না। আসামী
যদি অজ্ঞানে বা দৈবক্রমে কোনো লোককে খুন করিয়া থাকে, তাহা হইলে
তাহার শাস্তি হইত জরিমানা মাত্র। মৃত্যুদণ্ড রদ করিয়া জরিমানার
হুকুম করা পল্লী-সভার মামুলি ক্ষমতার অন্তর্গত বিবেচিত হইত।

(২)

সাম্রাজ্যের এক কর্মচারী পল্লীতে মোতায়েন থাকিত বটে। কিন্তু
পল্লী-স্বরাজে হস্তক্ষেপ তাহার পক্ষে একপ্রকার নিষিদ্ধই ছিল। খুনাখুনির
মামলায়ও পল্লী-সভার বিচারকেরা এই কর্মচারীর মুখের দিকে চাহিয়া
থাকিত না।

এই সকল রাষ্ট্রীয় ক্ষমতার অতিরিক্ত অগ্রাগ্র ক্ষমতাও পল্লী-সভার
ছিল। কারিগর-“শ্রেণী”রা যেমন লোকের টাকা জমা রাখিত, চোল-

মণ্ডলের পল্লী-সভাগুলোও সেই রূপ জনগণের দানভাণ্ডার বা ধনভাণ্ডার রক্ষা করিতে অভ্যস্ত ছিল। ভূসম্পত্তি এবং টাকাকড়ি দুই প্রকার ধনই পল্লী-সভা জমা লইত। বাহারা জমা দিত, তাহাদের ইচ্ছা অনুসারে টাকা খরচের ব্যবস্থা করাও পল্লী-সভার অগ্রতম কাজ ছিল। এই জন্ত বৎসর বৎসর কর্মচারী বাহাল করিয়া গচ্ছিত টাকার সদ্যবহার করা হইত।

আত্ম-কর্তৃত্বে চোলমণ্ডল

চোলমণ্ডলের নরনারী রক্তের হিসাবে “দ্রাবিড়” জাতীয় লোক। তথাকথিত “আর্য” রক্ত (?) তাহাদের শিরায় বহিত না। লিপিশিলা তামিল ভাষায় রচিত। এই সকল রচনায় পালি বা সংস্কৃতের গন্ধ নাই। কিন্তু হিন্দু নরনারীর আত্মকর্তৃত্ব, ব্যক্তিত্ব জ্ঞান এবং শাসন-দক্ষতা তামিল ভারতের পল্লী-বিধানে যেরূপ দেখিতে পাই, তাহা অপেক্ষা বেশী কিছু “বিনয়”-সাহিত্যের সজ্ব-শাসনে অথবা বৃহস্পতির “সমূহ”-কানুনে পাওয়া যায় না।

তামিল শাসন-বিধিতে পল্লী-কেন্দ্রের অনেক কথা জানা গিয়াছে। সকল কথা আলোচনা করিবার অবসর নাই। কয়েকটা তথ্য লক্ষ্য করিবার বিষয়।

প্রথমতঃ, নরনারীর জনপদ হিসাবে এই শাসন-কেন্দ্র গড়িয়া তুলিয়াছিল। রক্তের টান, বংশের কথা, বা যৌন সম্বন্ধের আত্মীয়তা এই কেন্দ্রের বন্ধন-রজ্জু নয়। পল্লী, পল্লীর পাড়া, এক কথায় “দেশ” ছিল তাহাদের স্বরাজ, আত্ম-শাসন এবং স্বভাগ্যগঠনের বাহন। এই শাসন-কেন্দ্রকে একটা “বৃহদাকার পরিবার” অথবা “পরিবার-সমবায়” বা সমরক্তজ বংশের বিস্তার রূপে দেখিলে ভুল বুঝা হইবে। চোল পল্লীগুলোকে কোনো মতেই হোমারীয়-গ্রীক, বৈদিক-হিন্দু অথবা তাসিতুস-

বর্ণিত আত্মীয় পল্লীর জুড়িদার বিবেচনা করা অসম্ভব। এমন কি শাক্য-গৌতমের সমসাময়িক বিহার প্রদেশের “গণ”-তন্ত্রী সমাজগুলো ও এই দ্রাবিড় শাসন-কেন্দ্রের অনুরূপ নয়।

দ্বিতীয়তঃ, কেন্দ্রগুলো কোনো সুবিস্তৃত রাষ্ট্র-কলেবরের “অল্প” বিশেষ। রোমাণ সাম্রাজ্যের “মুনিসিপিয়ুম” নামধারী স্বরাজশীল জনপদ যে বস্তু, চোল পল্লীসমূহ ঠিক তাই। অর্থাৎ ঊনবিংশ শতাব্দীর রাষ্ট্র-ব্যবহার পল্লী বা নগর যে ছাঁচের স্বায়ত্তশাসন বা স্বরাজ ভোগ করে, চোল আমলে দক্ষিণ ভারতের এই সকল জনপদও সেই ছাঁচের স্বরাজই ভোগ করিত।

তৃতীয়তঃ, চোল নরনারীর আত্মকর্তৃত্বের খতিয়ান করিতে গেলে প্রথমই নজরে আসে সমাজের “অধিকারী”-“অনধিকারী”ভেদ। ধন-তন্ত্র এবং বিদ্যা-তন্ত্র যে স্বরাজের গোড়ার কথা সেই সমাজে সাম্য নাই, ব্যক্তি মাত্রের হাতে আত্মভাগ্য নির্ণয় নাই, এক কথায় ষোল আনা স্বাধীনতা নাই। এইখানে জিজ্ঞাস্য, পুরাপুরি সাম্য ও স্বাধীনতা হনিয়ার কোথায় এবং কবে ছিল বা আছে? “অধিকারী” আর “অনধিকারী” আজ কালকার স্নাইস এবং মার্কিন গণতন্ত্রী স্বরাজেও দেখিতে পাই। সেকালের আথেনিয় রাষ্ট্রের (খৃঃ পূঃ ৪৩০) চরম সাম্য-যুগেও “অধিকারী”দের অধীনে জনপ্রতি বিশ জন করিয়া “অনধিকারী” ছিল। রোমেও রাজ-তন্ত্রের আমলে সার্কিবুস তুলিয়ুস (খৃঃ পূঃ ৪২০) যে শাসন-প্রথা কায়েম করেন, তাহাতে “অনধিকারীরা” অধিকারীদের আইন-কানুনকেই “স্বরাজ” বলিয়া গিলিতে বাধ্য থাকিত।

চতুর্থতঃ, তামিল ভারতের পল্লী বিধানে “অধিকারী”রা বতদিকে বতখানি আত্মকর্তৃত্ব ভোগ করিয়াছে, ততদিকে ততখানি আত্মকর্তৃত্ব-ভোগের সুযোগ বর্তমান জগতে “পাবলিক ল” কোনো দেশেই দেয় না।

উনবিংশ ও বিংশ শতাব্দীর শাসন-বিষয়ক আইন “মুনিসিপালিটিয়াম” না নগর ও পল্লীগুণাকে সদর-কেন্দ্রের আওতার ঐক্যবদ্ধ এবং শৃঙ্খলা-রূত রাখিতে প্রয়াসী। স্বাস্থ্যরক্ষার তদবির করা, গাঁয়ের পাঠশালা চালানো ইত্যাদি কাজ ছাড়া বর্তমান জগতের পল্লী, শহর “কর্পোরেশন” গুণা আর কিছুই উপর হাত দিতে অধিকারী নয়।

কিন্তু চোল পল্লা-বিধানে নরনারীর স্বরাজ-গণ্ডী বিস্তৃততর। এইখানে ইয়োরোপীয় ত্রয়োদশ ও চতুর্দশ শতাব্দীর “নগর”-শাসন, “লিবার বুগুন্ড” বা নাগরিকদের স্বাধীনতা ইত্যাদির চিত্র মনে আসা স্বাভাবিক। বর্তমান জগতের “শাসনালিঙ্গম” বা এক-রাষ্ট্রীয়তা অর্থাৎ রাষ্ট্রীয় ঐক্যের খাতিরে পল্লী ও নগর হইতে মধ্যযুগের আত্মকর্তৃত্বকে খর্ব করা হইয়াছে।

পল্লী-বিজ্ঞান

(১)

পল্লী-শাসনের আলোচনায় জমিজমা এবং টাকাকড়ির আইন কানুন সবিশেষ আলোচ্য। জগতের নানা দেশে পল্লীর গড়ন কবে কিরূপ ছিল তাহার আলোচনায় বহু পণ্ডিত সময় দিয়াছেন। পল্লীজীবনের আর্থিক এবং রাষ্ট্রীয় ধারা ধাপে ধাপে বৃদ্ধিবার সুযোগ সৃষ্ট হইয়াছে।

ভোপশ-প্রণীত “স্বিট্‌শক্ট্‌ লিখে উণ্ড্‌ সোৎসিরালে পুণ্ড্‌ লাগে ড্যর অররোপেরিশেন কুণ্টুর” (স্বিয়েনা, ১৯১৮) নামক গ্রন্থে প্রাচীন ও মধ্যযুগের ইয়োরোপীয় জীবনের আর্থিক ও সামাজিক ভিত্তি বিবৃত আছে। ফরাসী পোল লাফার্গ-প্রণীত “ধনদৌলতের রূপান্তর” গ্রন্থ আর্থিক ইতিহাসে পল্লীর ঠাই নির্দারিত করিয়াছে। রুশ পণ্ডিত স্বিনোগ্রানোক তাঁহার “ইংলিশ সোসাইটি ইন দি ইলেভেই সেঞ্চুরি”

(অক্সফোর্ড, ১৯০৮) গ্রন্থে নরমান আমলের ইংরেজ সমাজের পল্লীব্যবস্থা এবং আর্থিক লেনদেন বিবৃত করিয়াছেন। ধনবিজ্ঞানবিৎ আশ্লে-প্রণীত “নাস্বের্জ্‌ হিষ্টরিক অ্যাণ্ড ইকনমিক” (লণ্ডন ১৯০০) নামক গ্রন্থমালায় পল্লী-বিধানের ধনদৌলত আলোচিত আছে। তাহা ছাড়া তথাকথিত “স্বিলেজ কমিউনিটি” (বা যৌথ-পল্লী অর্থাৎ পল্লী-সাম্য) সম্বন্ধে ছুনিয়ার অলি গলি হইতে তথ্য সংগৃহীত হইয়াছে নানা দেশীয় নানা নৃত্যবিদের গ্রন্থাবলীতে।

(২)

কিন্তু ভারতীয় পল্লীর “বিকাশ-ধারা” বৃদ্ধিবার দিকে বিশেষ চেষ্টা হয় নাই। একটা সামান্য প্রশ্ন করা যাউক?—“চোলমণ্ডলের পল্লী-স্বরাজ কত লোকের কত যুগের সংগ্রাম ও সাধনার ফল?” এই “দ্রোআ পিব্লিক” বা শাসন-বিষয়ক আইন-কানুন কি খপ্‌ করিয়া হঠাৎ এক দিন কোনো মহাপুরুষ রাজা বা পল্লী-সদস্যদের মগজ হইতে বাহির হইয়াছিল? না, তামিল ভাষাভাষী জাবিড নরনারী এখানে আজ একটা অধিকার, ওখানে কাল একটা ক্ষমতা লাভ করিতে করিতে অনেক কষ্ট কছরতের পর এই অপূর্ব আত্মকর্তৃত্ব দখল করিয়াছিল? না, মাদ্রাতার আমলের “ধন-সাম্য” এবং “জাতি-গত” সমাজের স্বরাজ খর্ব হইতে হইতে এই অবস্থায় আসিয়া নামিয়াছিল?

এই ধরণের প্রশ্ন পশ্চিমা পণ্ডিতেরা নিজ নিজ দেশের প্রত্যেক প্রতিষ্ঠান সম্বন্ধে জিজ্ঞাসা করিয়া থাকেন। শতাব্দীর পর শতাব্দী হিসাবে জেলা ধরিয়া ধরিয়া গা খুঁটিয়া খুঁটিয়া তথ্য বাহির করা তাঁহাদের দস্তুর। “মধ্যযুগের পল্লী” এই ধরণের সহজ-সরল শব্দ প্রয়োগ করিয়া তাঁহারা নিশ্চিত থাকেন না। মধ্যযুগের ভিতরও স্তর-বিভাগ আছে, যুগ-পরম্পরা

আছে। পল্লীজীবনের প্রত্যেক খুঁটিনাটি সেই সকল স্তর-বিভাগের কাঠামে না ফেলিতে পারা পর্যন্ত তাহাদের কার্য শেষ হয় না।

পল্লী বিধানে ধনদৌলত

ভারতীয় পল্লীর আর্থিক বিকাশ-ধারা বৃদ্ধি রাষ্ট্রীয় বিকাশ-ধারার মতনই কঠিন। কেননা চোল পল্লী-বিধানে যে সকল আইন-কানুন দেখিতে পাই তাহাতে তথাকথিত “মধ্যযুগের” বা “আদিম” সভ্যতার বা “বার্কার” জীবনের চিহ্ন নাই। প্রায় পুরাদমে “আধুনিক” ব্যবস্থাই দেখিতে পাই।

(১)

চোল আইনে পল্লীবাসীরা জমী “কেনা বেচা” করিতে অধিকারী। পল্লী-সভার কর্তৃত্ব সর্বত্রই দেখিতে পাই সন্দেহ নাই। কিন্তু জমি ব্যক্তি বিশেষের সম্পত্তি। নবসভ্যতার যে যুগে জমিজমা পল্লীর “যৌথ” সম্পত্তি, সে যুগে তামিল অনুশাসনে চিত্রিত নয়।

দ্রাবিড়েরা নিজ নিজ জমীর জন্ত “খাজনা” দিত। খাজনা না দিতে পারিলে জমি “বাজেআপ্ত” হইত। ইহাও “ধনসাম্যশীল” “যৌথ”-নীতি-শাসিত সমাজের কথা নয়।

দ্রাবিড় সমাজে “বাস্তভিটা”র উপর অধিকারও ব্যক্তিগত। এই জোরেই সভায় বসিবার দাবী চলিত। বাস্তভিটাগুলি অধিকারের কোনো পরিবার-সমবায় বা যৌথপল্লীর সমবেত সম্পত্তি নয়।

অধিকন্তু ধন-তন্ত্র এবং বিভ্রান্ত যে পল্লী-সমাজের স্বরাজে বনিয়াদ, সেই সমাজে পল্লী-সাম্য, ধন-সাম্যশীল আইনকানুন অথবা “বস্তুধর্মের কুটুম্বকং”-নীতি চলিত না এ কথা সহজেই অনুমেয়। তবে পল্লী-সভা

নামক শাসনকর্তাদের “সজ্জ-শক্তি” কতকগুলো জমির মালিক ছিল, ইহা কল্পনা করা যে-কোন যুগে সম্ভবেই সম্ভব।

(২)

খৃষ্টীয় দশম একাদশ শতাব্দীর কথা বলা হইতেছে। এই সময়ে ইয়োরোপে, বিশেষতঃ ফ্রান্সে এবং জার্মানিতে শাল্য মৈত্রের বংশধরদের যুগ চলিতেছিল। ইহাকে মধ্যযুগের প্রথম স্তর বলা হয়।

এইযুগে নানা অঞ্চলে খাঁটি যৌথ সম্পত্তিশীল সমাজের জের চলিতেছিল। ব্যাশ্র-প্রণীত “এন্ট ষ্টেয়ুঙ্ ডার ফোল্‌ক্‌স্-হিটশাফ্‌ট” (ট্যাবিল্ডেন ১৯১৩) নামক আর্থিক জীবন-ধারার ইতিহাস-গ্রন্থে অথবা গের্ডেন-প্রণীত “গেশিষ্টে ডেস ডায়চেন বাওনার্ণটুম্‌স” অর্থাৎ “জার্মান কিবাণ সমাজের ইতিহাস” নামক গ্রন্থে জানিতে পারা যায় যে, খৃষ্টীয় ষষ্ঠ শতাব্দীতেও জমিজমার কেনাবেচা বহু পল্লীতে প্রচলিত হয় নাই। পল্লী-সভার তাঁবে জনপদের জমিগুলি নির্দিষ্ট কালের জন্ত পরিবারে পরিবারে বাঁটরা দেওয়া হইত মাত্র।

পূর্ববর্তী কালের যে আর্থিক চিত্র পাওয়া যায় রোমাণ সেনাপতি তামিড়ুসের “জার্মানিয়া” গ্রন্থে তাহা হইতে এই ব্যবস্থা অনেক দূরে সরিয়া আসিয়াছে। কিন্তু দশম একাদশ শতাব্দীর চোলপল্লীর বহু পশ্চাতে এই সকল ইয়োরোপীয় পল্লীর স্থিতি। তবে অল্পকালের ভিতরেই চোল পল্লী-বিধানের ব্যক্তিত্বই ফ্রান্সে এবং জার্মানিতেও আত্মপ্রকাশ করিয়াছিল।

তথা কথিত “যৌথপল্লী” বা “হিলেজ কমিউনিটি”

“হিলেজ কমিউনিটি” শব্দটা নানা অর্থে ব্যবহৃত হয়। কিন্তু লেখকেরা সর্বদা বিশদ করিয়া দেন না বলিয়া কোন প্রতিষ্ঠানকে কখন “হিলেজ কমিউনিটি” বলা হইতেছে বুঝিতে গোল বাঁধে।

চাষবাসের কাজে চোল আমলের পল্লীবাসীরা পরস্পর-পরস্পরকে সাহায্য করিত। এই টুকু স্বীকার করিয়া লওয়া সহজ। ইহার নাম যদি “যৌথ” ব্যবস্থা, পল্লী-“সাম্য,” বা “সমবেত” পল্লী-বিধান হয়, তাহা হইলে বর্তমান ইয়াক্সি যুক্ত রাষ্ট্রের “কার্শার” বা কিষাণ-মালিকেরাও “স্বিলেজ কমিউনিটি”তে বসবাস করিয়া থাকে। ব্যাহেরিয়ায়ও পল্লী-সমবায় চলিতেছে।

সামাজিক লেনদেন, পূজাপার্করণ, খেলা ধূলা, অতিথি সংকার ইত্যাদি অনুরূপে “ভাই ভাই এক ঠাই, ভেদ নাই ভেদ নাই” নীতি, কি মধ্যযুগে কি বর্তমান যুগে,—হুনিয়ার সর্বত্রই পল্লী-বিধানে দেখা যায়। ইহাকেই কি “স্বিলেজ কমিউনিটির” “ধন-সাম্য” নীতি বলা হইবে? তাহা হইলে “কমিউনিজম্” মানব রক্তের স্বধর্ম। প্রত্যেক নৃতত্ত্ব-সেবীর গবেষণায় এই সাক্ষ্য পাওয়া যাইবে।

তাহা ছাড়া, গোচারণের মাঠ “খড়কুটা” কুড়াইবার বন জঙ্গল ইত্যাদি “খাশমহাল”—শ্রেণীর জমি পল্লী-সভার সম্পত্তিরূপে নেহাৎ আধুনিক কালেও জগতের সর্বত্র দেখা যায়। দশম একাদশ দ্বাদশ শতাব্দীর চোল-ভারতেও এই ধরণের খাশমহাল পল্লীর “যৌথ সম্পত্তি” ছিল একরূপ বিশ্বাস করা কঠিন নয়। এই জন্তই যদি ডাবিড হিন্দু নরনারীকে “কমিউনিষ্ট” বা ধন-সাম্যপন্থী বলিতে হয় তাহা হইলে কথটা পরিষ্কার করিয়া বলাই আবশ্যিক।

প্রাচ্য ও পাশ্চাত্য পল্লী

দেখা গেল, কি—রাষ্ট্রীয় হিসাবে, কি আর্থিক হিসাবে পল্লী-কেন্দ্র ভারতীয় নরনারীর বিশেষত্ব নয়। জগতের অত্রাণ দেশেও নানা যুগে পল্লী নামক জনপদ শাসন-কেন্দ্র রূপে ব্যবহৃত হইয়াছে। আজও হুনিয়ার পল্লী নামক রাষ্ট্রীয় “অধুর” সংখ্যা কম নয়।

পল্লী-স্বরাজে ভারতীয় নরনারী যে দরের আত্মকর্তৃত্ব ভোগ করিয়াছে তাহা গ্রীসে এবং রোমে অজানা ছিল না। ইয়োরোপের মধ্যযুগেও এই দরের “লিবার বৃগু’স” সর্বত্র সুপ্রচলিত ছিল। এইখানে পল্লী আর নগরকে “জনপদগত” কেন্দ্র হিসাবে সমশ্রেণীভুক্ত করা হইল।

চোল অনুশাসনে “খাটি” “যৌথ সম্পত্তির” বিধান পাওয়া যায় না। সেই বিধান যে-প্রাচীনতর সমাজের সাক্ষী, সেই সমাজ দক্ষিণ-ভারতের চোল আমলে কোথাও ছিল কিনা এই প্রশ্ন সহজে আলোচনা করা সম্ভব নয়। তবে “যৌথ সম্পত্তি”র লাগাও ব্যবস্থা অর্থাৎ যৌথনীতির জের বা চিল্লোং এই যুগের ভারতে খুঁটিয়া খুঁটিয়া বাহির করা কঠিন হইবে না। কিন্তু কি খাটি যৌথ সম্পত্তি কি “নিম্” যৌথনীতি ছই-ই ইয়োরোপেও যুগে যুগে প্রচলিত ছিল।

ভারত সম্বন্ধে পল্লীশাসন বিষয়ে বাহা কিছু বলা সম্ভব, সবই ইয়োরোপের প্রত্যেক দেশ সম্বন্ধেই কোনো না কোনো যুগে খাটে। ১৮৩২ খৃষ্টাব্দে বিলাতী প্যার্যাঁমেন্টে মেটকাফ সাহেব ভারতীয় “পল্লী-স্বরাজ” সম্বন্ধে এক দলিল পেশ করিয়াছিলেন। সেই দলিলটা পঞ্চাশ ষাট বৎসর ধরিয়া ভারতীয় পণ্ডিত ও রাষ্ট্রিকেরা যেখানে সেখানে যখন তখন ব্যবহার করিয়া আসিতেছেন। “ভারতের পল্লী-প্রতিষ্ঠানগুলি অমর” আর “পল্লা-স্বরাজ ভারতীয় শাসনদক্ষতার অগ্রতম (অথবা বোধ হয় একমাত্র?) বিশেষত্ব”, এই হইতেছে তাঁহাদের রচনার বা বক্তৃতার ধূতা।

এই সঙ্গে ইংরেজ নৃতত্ত্ববিৎ গম তাঁহার “প্রিন্সিপল্‌স অব লোক্যাল গভর্নেন্ট” (লণ্ডন ১৮৯৭) নামক গ্রন্থে বিলাতী পল্লী-কেন্দ্র সম্বন্ধে কি বলিয়াছিলেন তাহা দেখিলেই চোখ ঠাণ্ডা হইবে। তাঁহার মতে “ইংল্যান্ডের পল্লীগুলি যুগযুগান্তর ধরিয়া নানা বাধা বিপত্তি বিপ্লব সত্ত্বেও আত্ম রক্ষা করিতে সমর্থ হইয়াছে। হাজার রাষ্ট্রীয় পরিবর্তন ঘটিলেও এই

সকল কেন্দ্রের মার নাই। ইংলণ্ডের মানচিত্রে গোটা দেশটার মতনই স্বরাজ-কেন্দ্রের পল্লী-জনপদগুলাও অটুট রহিয়াছে।

বিলাত যে বিলাত,—যে বিলাত “কন্সটিটিউশন”, “পাব্লিক ল,” শাসন-বিষয়ক আইন, রাষ্ট্রশাসন ইত্যাদি বিষয়ে ইয়োরামেরিকার সকল দেশের গুরু,—সেই বিলাতেও ঊনবিংশ বিংশ শতাব্দীর সমাজে পল্লী-কেন্দ্রের ঠাই জবরদস্ত। প্রাচ্যই বা কোথায়, আর পাশ্চাত্যই বা কোথায়?

সাম্রাজ্য বনাম স্বরাজ

(১)

দক্ষিণ ভারতের পল্লী-গুলা পুরাপুরি স্বাধীন রাষ্ট্র কেন্দ্র নয়। এই গুলা একটা বিস্তৃত দেশের—চোল সাম্রাজ্যের “অণু” বিশেষ। কাজেই প্রশ্ন উঠে,—বিরাতের সঙ্গে অণুর সম্বন্ধ কিরূপ ছিল? সাম্রাজ্যের অঙ্গ বা অংশ রূপে পল্লীগুলা কি ঠাই ছিল? তামিল ভাষী দ্রাবিড়েরা যে একটা সাম্রাজ্যের প্রজা তাহার পরিচয় কি?

পূর্বে বলা হইয়াছে যে সাম্রাজ্যের একজন প্রতিনিধি কর্মচারী রূপে পল্লীতে নোতানে থাকিত, কিন্তু প্রায় কোনো শাসন কাজেই পল্লীসভার মাতব্বরেরা এই কর্মচারীর তোআক্লা রাখিত না। এই তোআক্লা রাখা না রাখা ব্যাপারটা কিছু তলাইয়া বুঝা আবশ্যিক। কেন না এইখানেই সদর বনাম পল্লী অর্থাৎ সাম্রাজ্য বনাম স্বরাজ সমস্যা ঘনাইয়া রহিয়াছে।

পল্লীবাসীরা যে স্বরাজ ভোগ করিত, তাহার বিধান দিত কে? পল্লী-গুলা যদি স্বাধীন দেশ হইত, তাহা হইলে এই প্রশ্ন উঠিত না। কেন না তাহা হইলে পল্লীস্বরাজের স্রষ্টা পল্লীর নরনারী নিজেই। কিন্তু পল্লী যেখানে অস্থায় পল্লী-নগর-বন-পাহাড়-খাল-দরিয়া সমন্বিত সাম্রাজ্যের মফঃস্বল-কেন্দ্র

মাত্র, সেখানে পল্লীর “বাহিরে”, পল্লীর “উপরে” একটা মাথা আছে। সেই উপরওয়ালার নাম সদর; রাজধানী বা সাম্রাজ্যের বড় দপ্তর।

(২)

চোল ভারত সম্বন্ধে ইহা সপ্রমাণ করা কঠিন নয়। পল্লী-স্বরাজের একটা আইন পূর্বে উল্লেখ করা হইয়াছে। তাহার জোরে তিন বৎসরের বাজনা না পাইলে পল্লী-সভা জমির মালিকদিগকে জমিহীন করিয়া দিতে পারিত। সেই জমি বেচিয়া ফেলিবার ক্ষমতাও সভার ছিল। অতি উঁচু এক্টিয়ার সন্দেহ নাই। কিন্তু এই এক্টিয়ার আসিল কোথা হইতে?

১৮৬ খৃষ্টাব্দে বাদশা প্রথম রাজরাজ তাজোরে বসিয়া এই মর্মে কাশ্মীর জারি করিয়াছিলেন। রাজার হুকুম, সাম্রাজ্যের আদেশ, সদরের অনুশাসনই পল্লী-স্বরাজের জন্মদাতা। আজকালকার দিনে ভারতে বাহাকে “লোক্যাল সেন্স-গবর্নেন্ট অ্যাক্ট” বা স্থানীয় স্বায়ত্ত শাসন বিধি বলে, চোল আমলের দ্রাবিড়েরা সেইরূপ শাসন-বিধির জোরেই পল্লী-স্বরাজে আত্ম-কর্তৃত্ব ভোগ করিত।

আবার জিজ্ঞাসা করা হউক,—“অধিকারিন্” নামক সাম্রাজ্যের কর্মচারী মহাশয় পল্লীতে বসিয়া কি কেবল প্রাকৃতিক দৃশ্য উপভোগ করিতেন? পল্লী সমাজের মাতব্বরেরা কি তাহাদের আত্মকর্তৃত্বের “চার্টার”-দাতার ইঙ্গিত অগ্রাহ করিয়া চলিতে পারিত? সাম্রাজ্য তাহা হইলে কিসের?

(৩)

এই বিষয়েও একটা প্রমাণ আছে। ১২৩০ খৃষ্টাব্দের একটা ঘটনা উল্লেখ করা চলে। কোনো পল্লীতে “রাজদ্রোহ” দেখা দিয়াছিল। রাজদ্রোহীদের “ভিটেমাটি” উচ্ছন্ন করা ছিল ছায়ের বিধান। জমিজমা

নিনামে উঠিয়াছিল। কিন্তু এই নিনাম কাণ্ডের কর্তা ছিল কাহারো পল্লী-সভার মাতব্বরের নয়। সদর হইতে আট আটজন কর্মচারী আসিয়াছিল। যথা স্থানে উপস্থিত হইয়া তাহারাই সম্পত্তির নিনাম ও দাম ঠিক করিবার ব্যবস্থা করিয়াছিল।

আর একটা পল্লী সম্বন্ধেও তামিল লিপির সাক্ষ্য আছে। “রাজদ্রোহিন্” দিগকে কাবু করিবার জন্ত একজন বিশেষ কর্মচারী বাহাল হইয়াছিল। এই কর্মচারী সাধারণ “অধিকারিন্” হইতে স্বতন্ত্র।

দেখা বাইতেছে যে, “রাজদ্রোহ” বিষয়ক শাসনের ভার পল্লী-স্বরাজের হাতে ছিল না। অর্থাৎ “পোলিটিক্যাল” বা রাষ্ট্রনৈতিক ঘটনার জন্ত পল্লী বাসীরা সাম্রাজ্যের ক্ষমতা সর্বদাই সহিতে অভ্যস্ত ছিল। এই খানেই পল্লী এক বৃহত্তর সমষ্টির অঙ্গ মাত্র। পল্লী বাহাতে হাত ছাড়া না হইয়া পল্লী এক বৃহত্তর সমষ্টির অঙ্গ মাত্র। পল্লী বাহাতে হাত ছাড়া না হইয়া পল্লী এক বৃহত্তর সমষ্টির অঙ্গ মাত্র। পল্লী বাহাতে হাত ছাড়া না হইয়া পল্লী এক বৃহত্তর সমষ্টির অঙ্গ মাত্র।

অত্যাচারী মামুলি বিষয়েই বা পল্লী স্বরাজ সদরের “অধিকারিন্”কে অগ্রাহ করিতে পারিত কি? একটা দৃষ্টান্ত এই বিষয়ে শিক্ষাপ্রদ। কোনো পল্লীসভার তাঁবে একটা মন্দিরের কিছু টাকা গচ্ছিত ছিল। সভার মাতব্বরেরা টাকাটা আয়সাৎ করে। সভার বিরুদ্ধে মন্দির ওয়ালাদের নালিশ রুজু হয়। মোকদ্দমাটা চলিয়াছিল কোথায়? পল্লীতে নয়, একদম রাজধানীর হইতে হইয়াছিল। সভার মাতব্বরেরদের সাজা হয়। মন্দির-ওয়ালার দোষীদের নিকট টাকা হইতে টাকা ফিরাইয়া পায়।

আর একটা বিষয়ে সাম্রাজ্যের ক্ষমতা পল্লী সমাজে বেশ মালুম হইত। পল্লী সভার খরচ পত্রের খাতাগুলো পল্লীক্ষা করিত সদরের কর্মচারীরা। চোল রাজাদের “অধিকারিন্”দের একতিয়ার পল্লী স্বরাজে নেহাৎ নিন্দনীয়

ছিল না। পল্লীর নরনারী বৃদ্ধিত যে, সাম্রাজ্য নামক একটা জ্যান্ত পদার্থ আছে। তাহার নিকট কুর্গিশ না করিয়া চলা পল্লীর পক্ষে সম্ভবপর ছিল না।

৪

এই পর্যন্ত বুঝা গেল যে, পল্লী স্বরাজে হস্তক্ষেপ করা সাম্রাজ্য নিজ কর্তব্য বিবেচনা করিত। স্বরাজের সীমানা ই ছিল এই হস্তক্ষেপের গণ্ডীর ভিতর। নিত্য নৈমিত্তিক হিসাবে দশম ত্রয়োদশ শতাব্দীর চোল মণ্ডলে “সদর মফঃস্বলের” সম্বন্ধ এইরূপ ধরিয়া লওয়া যাউক। এই ব্যবস্থায় নরনারীর আত্মকর্তৃত্ব বোধ হয় বড় বেশী খর্ব হয় না। ইহা স্পষ্টই বুঝা বাইতেছে। অপর দিকে সাম্রাজ্যের ইচ্ছা ও বজায় থাকে।

দেখিতেছি পল্লীগুলো স্ব স্ব প্রধান ভাবে “আপুসে আপু” চলিতে পারিত না। মফঃস্বলের জনকেন্দ্রগুলোকে পরস্পর বিচ্ছিন্ন বিবেচনা করা সম্ভব নয়। সদরের সঙ্গে নিয়মিত লেন দেনের ব্যবস্থা থাকায় মফঃস্বলের তামিল নরনারী “বিশ্বশক্তির সদ্যবহার” করিবার সুযোগ পাইত। পল্লী স্বরাজকে নেহাৎ “পাড়া গেয়ে” বিবেচনা করিলে সাম্রাজ্যের প্রভাবকে অস্বীকার করা হইবে।

সে বাহা হউক, “স্বরাজের” দৌড়টা আরও সতর্কভাবে জরীপ করা আবশ্যিক। “সিডিগ্গন” বা রাজদ্রোহের কাণ্ডে সাম্রাজ্য পল্লীসভাকে বিশ্বাস করিত না। না করাই হয়ত স্বাভাবিক। পল্লী সভার সঙ্গে কোনো ব্যক্তি বা সম্ভ্রমের মামলা বাধিলে একজন উপরওয়ালার হাতেই বিচারের ভার থাকাতো যুক্তি সঙ্গত। সেই পরিমাণে কম স্বরাজ পল্লীবাসীদের দখলে থাকিবে,—কিন্তু তাহা অনিবার্য।

তবে পল্লীস্বরাজের হিসাব পত্র সবই সাম্রাজ্যের কর্মচারীর তদারকক ছিল। এই তথ্য বিশেষ গুরুতর। ধরা যাউক বেন,—আজকালকার

কলিকাতা বিশ্ববিদ্যালয় নামক সজ্জের হিসাবপত্র নিয়মিত রূপে নাট-সাহেবের প্রতিনিধিস্বরূপ কোনো মন্ত্রী অথবা ম্যাজিস্ট্রেটের আফিস কর্তৃক পরীক্ষিত হয়। তাহা হইলে এই সজ্জের “স্বরাজ” বাঁচবে কতখানি? চোল ভারতের “লোক্যাল সেন্স্ গবর্নেন্ট” সম্বন্ধেও এই প্রশ্নই উঠিবে।

স্বরাজের দৌড়

পল্লী স্বরাজের সীমানা ঠাওরাইবার জন্ত এই ধরণের আরও অত্যাশ্রিত তথ্য জানা আবশ্যিক। অনেক গুলা বড় বড় কারবারে নরনারী আত্মকর্তৃত্ব ভোগ করিত সন্দেহ নাই। কিন্তু সাম্রাজ্যের নজর এবং শাসন তাহাদের উপর বেশ কড়া এইরূপ না বুলিলে খাঁটি অবস্থা বাহির হইতে পারে না। হয়ত এই কারণেই সাম্রাজ্যের বিরুদ্ধে মাঝে মাঝে “বিদ্রোহ” দেখা দিত। চোলমণ্ডলের “রাজদ্রোহিণী”রা কি উদ্দেশ্যে তাহাদের ব্যক্তিত্ব এই উপায়ে ফুটাইয়া তুলিত তাহা সম্প্রতি পরিষ্কার রূপে বুলিবার জো নাই। কিন্তু স্বরাজে সাম্রাজ্যে ঠোঁকাঠুকি এই ধরণের বিদ্রোহের কারণ হওয়া হয়ত অসম্ভব নয়।

সাম্রাজ্যের বিরুদ্ধে স্বরাজের লড়াই অতি স্বাভাবিক ঘটনা। সাম্রাজ্য চায় স্বরাজগুলাকে সদরের তাঁবে আনিতে। চোল মণ্ডলের “সার্কভোম” “চক্রবর্তী” বাহাদুরেরা নিজ নিজ শক্তিব্যোগের পরিচয় দিয়াছেন। পল্লীর নরনারীকে যথেষ্ট ভাবে চলিতে দেওয়া তাঁহাদের স্বধর্ম ছিল না। কিন্তু ঠিক কতখানি শাসন চালাইলে সাম্রাজ্যের ইজ্জৎ, সাম্রাজ্যের ঐক্য, সাম্রাজ্যের শৃঙ্খলা রক্ষিত হয়? এই সম্বন্ধে নানা “সার্কভোমের” নানা মত থাকিতে পারে। হয়ত ছিল। এই জন্ত ভারতে নানা কৌশল উদ্ভাবিত হইয়াও থাকিবে।

বতদিন সাম্রাজ্যের কোমরে জোর ছিল, ততদিন স্বরাজকে তাঁবে রাখিতে তামিল সাম্রাজ্যেরা কল্পন করেন নাই। এইরূপ বুলিতেছি। কিন্তু সাম্রাজ্যের সকল যুগই শক্তিব্যোগের যুগ নয়। চোল বাদশারা সকলেই “সার্কভোম” নেপোলিয়ান ছিলেন না। সাম্রাজ্যের পায় পায় যখন ছর্ব্বল পল্লী-সভাগুলি তখন “অধিকারিণী” মহাশয়ের একতিয়ার কতখানি স্বীকার করিত? পল্লীগুলা তখন পরম্পর ঐক্যবদ্ধ ভাবে কাজ কর্ত্ব চালাইত কি? সদরের সঙ্গে মফঃস্বলের যোগাযোগ সেই অবস্থায় সুদৃঢ় ছিল কি? বিশ্ব-শক্তির স্রোত হইতে পল্লী-স্বরাজগুলা তখন খানিকটা দূরে সরিয়া পড়িত না কি? পল্লী-স্বরাজ তখন প্রায় বোলকলার পরিপূর্ণ স্বাধীন রাষ্ট্রের মূর্ত্তি-গ্রহণ করিত না কি? এই সকল প্রশ্নের জবাব চাই সাম্রাজ্যের সাক্ষীদের নিকট হইতে।

কৌটিল্যের “গোপ”

সাম্রাজ্য প্রবল থাকিলে পল্লীর অবস্থা কিরূপ হয়, তাহা “আন্দাজ” করিবার একটা উপায় উল্লেখ করা যাইতেছে। মৌর্য-ভারতের “সার্কভোম শান্তি” বা সাম্রাজ্যিক ঐক্য সম্বন্ধে নানা প্রমাণ বাহির হইয়াছে। প্রমাণগুলা সবই “লিপি”র প্রমাণ নয়। তবে কৌটিল্যের “অর্থশাস্ত্র”কে যদি সেই সাম্রাজ্যের নিদর্শন বিবেচনা করা সম্ভব হয়, তাহা হইলে পল্লী-সম্বন্ধে কি দেখিতে পাই?

“অর্থশাস্ত্রে” পল্লীর “গোপ” নরনারীর গরু বাছুর পর্য্যন্ত মাথা গুণিয়া দেখিয়াছেন। কিন্তু পল্লীসভা নামক কোনো প্রতিষ্ঠানে নরনারীরা আত্ম-কর্ত্ব চালায় কিনা সে কথা উল্লেখ করা তাঁহার খেয়ালে মুক্তিসঙ্গত বিবেচিত হয় নাই। কৌটিল্যে পল্লী-স্বরাজের খবর পাই না। তাই বলিয়া মৌর্যসাম্রাজ্যে মফঃস্বলের লোকের স্বাধীনতা বা আত্মভাগ্যানির্গমসম্বন্ধে

তথাকথিত “স্বিলেজ কমিউনিটি” অর্থাৎ যোথপল্লীর অস্তিত্ব স্বীকার করিয়া
নইয়াছেন। গ্রন্থকার “ভারতবন্ধু” সাজিয়া কেতাব লিখিয়াছেন বটে,
কিন্তু তিনি ভারতসত্ত্বানের সপক্ষে যে যে বিষয়ে উকীলী করিয়াছেন,
সেই সকল বিষয়ে প্রমাণের জোর বেশী নাই। হাঙ্কেন প্রধানতঃ
“শাস্ত্র” সাহিত্যের নজির দিয়াছেন।

(২)

প্রাচীন ভারতের পল্লী-স্বরাজ্য বিষয়ক আলোচনা সম্বন্ধে একটা গুরু-
তর সমস্যা উপস্থিত। “লিপি” সাহিত্যের ব্যবহার সুরু হওয়া অবধি
“শাস্ত্র” সাহিত্যের ইচ্ছা লইয়া খানিকটা টানাটানি পড়িয়াছে।

তামিল তান্ত্র শাসনে ভারতীয় নরনারীর স্বাধীনতা, আত্মকর্তৃত্ব,
ব্যক্তিত্ব জ্ঞান এবং স্বরাজসাধনা যে মূর্ত্তিগ্রহণ করিয়াছে, সেই মূর্ত্তির
ছায়া পর্য্যন্ত “শাস্ত্র” সাহিত্যে নাই কেন? “ধর্ম্ম”, “স্মৃতি”, এবং
“নীতি” (ও “অর্থ”) শাস্ত্রের এপিঠ ওপিঠ তন্ন-তন্ন করিয়া ছুঁড়িলেও
বোধ হয় “পঞ্চায়ৎ” “পল্লীসভা” ইত্যাদি প্রতিষ্ঠানের সন্ধান পাওয়া
যাইবে না। ছুঁড়িয়া দেখা গিয়াছে অনেক। “বোধ হয়” বলিতেছি এই
জন্ত যে, অল্পসন্ধানের অসম্পূর্ণতা থাকা খুবই সম্ভব। পল্লীবিষয়ক
“বুদ্ধ”দের সম্বন্ধে যাহা কিছু এই সকল সাহিত্যে পাওয়া যায় তাহাতে
চোলমণ্ডলের দ্রাবিড় ভারতের স্বাধীন ধরণ ধারণ কোনো মতেই
আন্দাজ করা সম্ভব নয়।

কেন এরূপ ঘটিল? “শাস্ত্র”-সাহিত্যকে কি তাহা হইলে হিন্দু-
নর-নারীর বাস্তব জীবন সম্বন্ধে সাক্ষী বিবেচনা করা উচিত নয়?
উচিত হইলে, কতখানি, কোন্ কোন্ বিষয়ে?

“শাস্ত্র”-সাহিত্যের রচয়িতারা কি দ্রাবিড় ভারতের খোঁজ রাখিতেন
না? দ্রাবিড় ভারতের নরনারী কি এই সকল গ্রন্থে কোন ছাপ মারিতে
পারে নাই? এই সকল বিষয়েও জিজ্ঞাস্য,—কতখানি, কোন্ কোন্
বিষয়ে?

“লিপি”-সাহিত্যে চোলমণ্ডলের দশম হইতে ত্রয়োদশ শতাব্দীর পল্লী-
স্বরাজ্য বিবৃত আছে। “শাস্ত্র”-সাহিত্য কি তাহার পূর্ববর্ত্তী অথবা
ভারতের অন্যান্য প্রদেশের তথ্য লইয়া রচিত? তাহা হইলে চিন্তা-
সাহিত্য ও দর্শনের তরফ হইতে “আর্য্যাবর্ত্তে আর দাক্ষিণাত্যে” হিন্দু-
নরনারীর যোগাযোগ এবং লেনদেন কতটুকু ছিল?

“লিপি”-সাহিত্যের স্বাধীনতা ও স্বরাজপ্রয়াস “শাস্ত্র”-সাহিত্যে না
থাকিবার কারণ কি? লেখকেরা পল্লীর খবর রাখিতেন না বলিয়া?
লেখকদের চিন্তায় স্বরাজ্য একটা জ্যান্ত বস্তু ছিল না বলিয়া?
লেখকেরা “রাজার লোক,” খোসামুদে, “শহরে” জীব বলিয়া? এক কথায়
শাস্ত্রকারগণ “ইম্পিরিয়ালিষ্ট”, সাম্রাজ্যবাদী, “সার্কভোম শাস্ত্রের” ধুরন্ধর
বলিয়া?

“শাস্ত্র”-সাহিত্যে স্বরাজ উল্লেখযোগ্য ঠাই পায় নাই। উল্লেখ
নাই বলিয়াই “শাস্ত্র”-লেখকগণকে স্বরাজ সম্বন্ধে একদম অজ্ঞ বা
অনভিজ্ঞ বিবেচনা করা যুক্তিসঙ্গত নয়। যে-যে যুগের অথবা যে-যে
দেশের বিবরণ এই সকল সাহিত্যে পাই, সেই সকল যুগ এবং দেশকে
একমাত্র এই কারণেই “স্বরাজহীন” বিবেচনা করাও উচিত হইবে না।

তৃতীয় পরিচ্ছেদ।

নগর শাসন।

পল্লী ও নগর।

১

শাসনের তরফ হইতে পল্লী নামক জনকেন্দ্র আর নগর নামক জনকেন্দ্র প্রায় এক গোত্রেরই অন্তর্গত। ছইয়ের শাসনেই এক প্রকার দক্ষতার দরকার। স্বাধীনতার কথা, স্বরাজের কথা, “অধিকারী” “জনধিকারী” প্রভেদ, সাম্রাজ্যের একুতিরার, এই সকল প্রশ্ন উত্তর জনপদ সম্বন্ধেই সমান ভাবে উঠে। নরনারীর রাষ্ট্রীয় জীবনে, জন-গণের ব্যক্তিত্ব বিকাশের আলোচনায় এবং সামাজিক শক্তিবোধের বিচার-ক্ষেত্রে পল্লীর যে ঠাঁই, নগরেরও সে ঠাঁই।

এই দুয়ে প্রভেদ কোথায়? প্রধানতঃ আর্থিক কক্ষক্ষেত্র হিসাবে পল্লী ও নগর ছই স্বতন্ত্র জন-সমষ্টি। পল্লী-ক্ষেত্রে চাষ আবাদ এবং জানোয়ার চরানো আসল কথা। নগরের আসল কথা শিল্প ও ব্যবসা বাণিজ্য।

পল্লীতেও কামার ছুতার কুমোর চামার বসবাস করে। পল্লীতেও হাট বাজার মেলা বসে। আবার নগরবাসীরাও গরু পুষে, ছাগল পুষে। নগরের লোকেরাও বাগানে তরীতরকারী জন্মায়। ফলফুলের গাছ নগরের নরনারীদেরও আর্থিক জীবন নিয়ন্ত্রিত করে। কিন্তু প্রাধান্য পল্লীতে কৃষি ও পশুপালনের, আর নগরে শিল্প ও ব্যবসা-বাণিজ্যের। কি ভারত, কি ইয়োরোপ, সর্বত্রই এই প্রভেদ।

(২)

বে দেড় ছই হাজার বৎসরের কথা এই গ্রন্থে আলোচিত হইতেছে, সেই সকল যুগে পল্লীই ভারতীয় নরনারীর একমাত্র জীবনকেন্দ্র ছিল না। হিন্দুজাতির রাষ্ট্রীয় ক্ষমতা এবং সামাজিক লেনদেন নগরক্ষেত্রেও প্রচুর পরিমাণে বিকাশ প্রাপ্ত হইয়াছিল। নগরজীবনের বৈচিত্র্য এবং উৎ-কর্ষ সাধন ভারতবাসীর কৃতিত্বের অগ্রতম সাক্ষী।

ইতিহাসের রঙ্গক্ষেত্রে পল্লী বনাম নগর সমস্তা ভারতে ছিল না। ইয়োরোপেও ছিল না। তবে রাষ্ট্রীয় ও আর্থিক লেনদেনের কক্ষক্ষেত্রে পল্লীতে নগরে এবং কিসাণে আর শিল্পী-বণিক-“জমিদারে” টক্কর চলিত কিনা তাহা আলোচনার বিষয়। ইয়োরোপে এইরূপ টক্কর চলিত। করাসী পণ্ডিত গীজো প্রণীত “ইয়োরোপীয় সভ্যতার ইতিহাস” গ্রন্থে সদর মফঃস্বলের লড়াই আর শহরের প্রতাপ চিত্রিত আছে। গেডেস প্রণীত “জার্মান কিসাণ সমাজের ইতিহাস” গ্রন্থে জানিতে পারা যায় যে, এই লড়াইয়ে চাষীদের চরম ছর্গতি ঘটয়াছিল।

অষ্টাদশ শতাব্দীর শেষ পর্যন্ত ফ্রান্সে এবং অগ্রাগ্র দেশে কিসাণরা পুরাদস্তুর গোলাম ছাড়া আর কিছু ছিল না। কিন্তু ভারতে পল্লীবাসীর সঙ্গে নগরবাসীর বিরোধ ঘটিত কি না, ঘটিলে তাহার আকার প্রকার কিরূপ ছিল, সেই সকল বিষয়ে সন তারিখ সমন্বিত প্রত্নতত্ত্বের গবেষণা আবশ্যিক।

তবে জীবনের গুড়ন হিসাবে পল্লীকে বিশেষ ভাবে ভারতীয় প্রতিষ্ঠান বিবেচনা করা ভ্রামাঙ্ক একদেশদর্শিতার ফল। আর নগরক্ষেত্রে পাশ্চাত্য রাষ্ট্রীয় জীবনের বিশেষত্ব বিবেচনা করাও সেইরূপই অনৈতিহাসিক কল্পনামূলক “দার্শনিক” আলোচনার সাক্ষী। এইখানে মনে রাখিতে

হইবে যে, লাখলাখ নরনারী ও রানী বিপুল নগরকেন্দ্র উনবিংশ শতাব্দীর পূর্বে ইয়োরোপের কোথায়ও ছিল না। এই গুলির অধিকাংশই বিগত পঞ্চাশ বৎসরের ভিতর গড়িয়া উঠিয়াছে। “ষ্টাটিষ্টিক্‌সের” তথ্য ও অঙ্কের সাহায্যে একথা প্রমাণিত করা সহজ। সেকালের ভারতীয় নগরে যত লোক বাস করিত তাহার তুলনার সমসাময়িক পাশ্চাত্য নগরগুলি অতিকিছু বিবেচিত হইবে না।

বিদেশী সাহিত্যে ভারতীয় নগর।

ভারতের নগর-সম্পদ দেশবিদেশে সুপরিচিত ছিল। রোমান ঐতিহাসিক প্লিনি প্রণীত “ন্যাচার্যাল হিস্টরি” নামক “বৃহৎ সংহিতা” ধরণের বিশ্বকোষে খৃষ্টীয় প্রথম শতাব্দীর ভারতীয় নগরাবলীর চিত্র পাওয়া যায়। সেই যুগেই নিশরের এক গ্রীক সওদাগর আরব সাগরের ব্যবসাবাণিজ্য আলোচনা করিতে গিয়া ভারতীয় বন্দর ও নগর সমূহের আর্থিক অবস্থা বিবৃত করিয়াছেন। গ্রীক ভৌগোলিক টলেমির “ভূগোল” গ্রন্থ ১৪০ খৃষ্টাব্দে এবং কস্মাস প্রণীত “খৃষ্টিয়ান টপোগ্রাফি বা প্রাকৃতিক সংস্থান” গ্রন্থ ৫৩৫ খৃষ্টাব্দে প্রচারিত হয়। এই সকল কেতাবেও ভারতবাসীর নগর-জীবন কথা রহিয়াছে।

সিন্ধুর মোহনা ও বদ্বীপ হইতে গঙ্গার মোহনা ও বদ্বীপ পর্যন্ত কোনো নগর ও বন্দর বোধ হয় এই সকল রচনায় বাদ পড়ে নাই। সঙ্গে সঙ্গে সমুদ্রের কিনারা হইতে কথঞ্চিৎ দূরে অবস্থিত নগরের ছাপও পড়িয়াছে।

এই গেল পশ্চিমাদের বিবরণ। ভারতের চীনা ছাত্রেরা দলে দলে ভারতীয় নগর দেখিয়া গিয়াছেন। পঞ্চম শতাব্দীর প্রারম্ভে আসিয়াছিলেন “ভুক্তিযোগী” ফাহিয়ান। “কর্শযোগী” য়়ান-চুয়াও সপ্তম শতাব্দীর মাঝামাঝি (৬২৯—৬৪৫) ভারতে বুদ্ধতীর্থ করিয়াছিলেন। সেই

শতাব্দীরই শেষের দিকে (৬৭১—৬৯৫) “জ্ঞানযোগী” ইনচিঙ ছিলেন ভারতবাসীর অতিথি।

চীনারা ভ্রমণ বৃত্তান্ত লিখিতে ওস্তাদ। ইহারা সকলে নিজ নিজ ডায়েরিতে ভারতীয় নগরের বৃত্তান্ত লিখিয়া গিয়াছেন। ভারতের বহুপ্রদেশ সম্বন্ধেই অনেক ভিতরকার কথা চীনা সাহিত্যে প্রচুর। চীনা পর্যটকেরা ভারতীয় নরনারীদিগকে কেবল পল্লীবাসী সম্বন্ধিত না। ভারতীয় নগর চাখিয়া দেখিবার স্ববোগ তাহাদের অনেক জুটিয়া ছিল।

নগর সভ্যতায় হিন্দু নরনারী।

“নমোনমঃ” করিয়া কয়েকটা ভারতীয় নগরের সংক্ষিপ্ত আলোচনা করা যাইতেছে। অত্যাশ্চর্য বিষয়ের মতন এই বিষয়ে একটা স্বতন্ত্র গ্রন্থ রচনা করা সম্ভব।

তক্ষশিলা ছিল মোর্ধ্য সাম্রাজ্যের আফগান রাজধানী। এই কেন্দ্রের কেন্দ্র হইতেই হিন্দু সেনাপতিরা ভারতীয় উত্তর পশ্চিম সীমানায় গ্রীক ও অত্যাশ্চর্য বিদেশী রাষ্ট্রের গতিবিধি পর্যবেক্ষণ করিতেন। তক্ষশিলার বিশ্ববিদ্যালয়ে আয়ুর্কর্ষদ এক বড় বিদ্যা ছিল।

পাণ্ড্যদেশের রাজধানী মাছুরার কথা জানিতে পাই প্লিনির কেতাবে। মালাবার উপকূলের বন্দরের মারফৎ মাছুরার ব্যাপারীরা রোমান সাম্রাজ্যের নগরে নগরে সওদা পাঠাইত। এই নগরেই সুপ্রসিদ্ধ “তামিল সঙ্গম” সাহিত্যের উপর জজিয়তি করিত।

মাছুরা যেমন দক্ষিণ ভারতে, তেমনি উত্তর ভারতের মালব প্রদেশে উজ্জয়িনী ছিল এক বিপুল বাণিজ্যকেন্দ্র। এই পথেই আঘ্যাবন্তের সওদা বোম্বাই উপকূলে পৌঁছিত এবং পরে সাগর ডিঙাইয়া নিশার পারশ্ব, রোম, এবং ভূমধ্যসাগরের অত্যাশ্চর্য ঘাটে হাজির হইত। এই

নগরেই খৃষ্টীয় ষষ্ঠ শতাব্দীতে (৫০৫) বরামিহির পৃথিবীর মাপজোক চালানিয়াছিলেন।

অজন্তাগুহার চিত্রশিল্প স্মবিদিত। এই জনপদেই আজকালকার বিজাপুর জেলার বাতাপি নগর।

চালুক্য (মহারাষ্ট্রীয়) দের রাষ্ট্রকেন্দ্র ছিল। পারশ্বের সামান্যবংশীয় সম্রাট দ্বিতীয় খুশ্র (৫৯১-৬২৮) এই শহরের দরবারে দূত পাঠাইয়াছিলেন।

গঙ্গার উপরকার কনোজ আখ্যাবর্তের সমাজে ও রাষ্ট্রে চিরপ্রসিদ্ধ। এই ভূর্গ-রক্ষিত নগরের বহু অন্তর্ধান-প্রতিষ্ঠান যুয়ান-চুয়াঙের বিবরণে জানিতে পারা যায়। দশহাজার বিঘার্থীর কথা ইনি উল্লেখ করিয়াছেন। চার মাইল ছিল সহরের বিস্তার। সপ্তম শতাব্দীর ইয়োরোপে এই বিস্তার নিন্দনীর বিবেচিত হইত না।

সপ্তম শতাব্দীতেই তাম্রলিপ্ত বন্দর ছিল ধনী ব্যবসাদারদের জীবন-কেন্দ্র। বাংলার সঙ্গে এসিয়ার এবং ইয়োরোপের যোগাযোগের অন্ততম “জাহাজ-ঘাটা” হিসাবে এই শহর প্রাচীন জগতের ইতিহাসে প্রসিদ্ধ।

পাটলিপুত্রের কথা গোড় লেখমালার কিছু কিছু জানিতে পারা যায়। পাল আমলে, খৃষ্টীয় নবম শতাব্দীতে এই সহরের গৌরব তাহার শেষ অধ্যায় প্রকটিত করিয়াছিল। ১৩২৩ সালের বৈশাখ মাসের “সাহিত্য” পত্রিকার

শ্রীযুক্ত অক্ষয়কুমার মৈত্র “বঙ্গালী আদর্শ” সম্বন্ধে আলোচনা করিতে বাইয়া পাটলিপুত্রের সামরিক চিত্র প্রদান করিয়াছেন।

“ছনিয়ার রাজরাজড়ারা” বঙ্গালী সম্রাটকে অগণিত ঘোড়া দান করিতেন। ঘোড়ার খুরে ধুলা উঠিত এত বেশী যে ছপুর বেলায়ও সূর্য্য দেখা যাইত না। এই সহরে পদানত রাজরাজড়াদের পটন আসা

যাওয়া করিত ঘন ঘন। ইহাদের চলাফেরার চাপে ধরিত্রী গভীরভাবে নামিয়া পড়িত। এই সব কথা লিপিসাহিত্যে খোদা আছে।

বলা বাহুল্য, লিপি সাহিত্যের কবির বোধহয় কালিদাস ঘাঁটিয়া বাদসাহী মেজাজ লাভ করিবার পর “প্রশস্তি” লিখিতে বসিতেন। অথবা কি সেকালে পাটলিপুত্রের আবহাওয়ায়ই আপনা আপনি এইরূপ সামরিক ও সাম্রাজ্যিক নেশা দেখা দিত ?

ভারতীয় নগরের গড়ন।

রামায়ণের “বালকাণ্ডে” অযোধ্যার বিবরণ আছে। মহাভারতের দ্বারকা বন্দর দেখিয়াও হিন্দুনগরের গড়ন সম্বন্ধে আনন্দ করা যায়। সুবন্ধুর “বাসবদত্তায়” পাটলিপুত্রের চূর্ণকাম করা দেওয়ালওয়াল ঘরবাড়ীর কথা জানিতে পারি। ভাস্কর্যের নিদর্শনও ঘরে ঘরে বিরাজ করিত। গুপ্ত সাম্রাজ্যের অবসানকালের এই চিত্র। বাণ-প্রণীত “হর্ষচরিত” গ্রন্থে কনোজের চিত্তাকর্ষক কাহিনী আছে।

এই সকল কাব্যের ও উপস্থাপন বা আখ্যানিকার বিবরণকে “রিয়ালি-স্টিক” অর্থাৎ বাস্তব বলা যাইতে পারে কি ? অথবা আজকালকার সাহিত্য সমালোচনার পরিভাষায় এই সবকে কি “ইম্প্রেশ্যনিস্টিক” বলিতে হইবে ? অর্থাৎ সমগ্র নগর লেখকের চিত্তে যে ছাপ বসাইত, সেই ছাপের একটা ছবি এই সাহিত্যে পাই কি ? তাহা হইলে কবিদের এই স্মরণ-শক্তির উনিশবিশ অনুসারে দৃশ্যাবলীর কাটাছাঁটা সব বিবরণে যত পাইবার কথা, সঠিক খুঁটিনাটি তত পাইবার কথা নয়।

আর যদি কাব্য, গল্প, নাটক ইত্যাদি শ্রেণীর সাহিত্যে “এক্সপ্ৰেশ্য-নিষ্টিক” বোঁক বেশী থাকে, তাহা হইলে কি বাস্তবিকী, কি বাণ সকলের চেতনায়ই হৃদয়ের অনুভূতি, জীবনের আবেগ, অন্তঃকরণের সাদা, আদর্শ, ভারুকতা, ইত্যাদি বস্তুই বেশী পরিমাণে পাই। এই গুলিও বাস্তব কম নয় সত্য, কিন্তু নরনারীর আর্থিক অবস্থা বুঝিবার পক্ষে

অথবা নগর নির্মাণের কৌশল বুঝিবার পক্ষে এই সাহিত্যে সাহায্য পাওয়া যায় না।

“বাস্তু-শাস্ত্র” নামক এক প্রকার সাহিত্য আছে। তাহাতে নগরের গড়নই প্রধান আলোচ্য বিষয়। শুক্র-নীতি, যুক্তিকল্পতরু, ইত্যাদি নীতি-শাস্ত্রবিষয়ক গ্রন্থাবলীতেও শহরের সড়কগুলি ঘরবাড়ী দোকান পাট বাগ বাগিচা নির্মাণ করিবার কায়দা বিবৃত আছে। নগর নির্মাণ বিষয়ক হিন্দু মত হিসাবে এই সাহিত্যের দাম খুব বেশী। কিন্তু ভারতের কোন-কোন যুগে কোন কোন নগর এই সকল শাস্ত্রের মাপজোক অনুসারে গড়া হইয়াছিল? তাহা না জানা পর্যন্ত নগর বিকাশের ইতিহাসে এই সাহিত্যের ব্যবহার যুক্তিসঙ্গত নয়। অন্ততঃ বর্তমান গ্রন্থে তাহার ঠাই নাই।

ক্রাইবার—প্রণীত “ডি গুণ্ড্‌বিস্‌বিল্ডুণ্ড্‌ ড্যর ড্যরচেন ষ্টাট্‌ ইম্‌ মিটেলান্টার” অর্থাৎ “মধ্যযুগের জার্মান নগরের গড়ন ভঙ্গী” (বার্লিন ১৯১২) ইত্যাদি গ্রন্থে জার্মানীর শহরগুলো সে কালে ঠিক যেমন ছিল, সেইরূপ বিবৃত দেখিতে পাই। বাস্তুশিল্পীরা এঞ্জিনিয়ারিং বিচার প্রয়োগ করিয়া উত্তর, দক্ষিণ, পূর্ব, পশ্চিম অঞ্চলের নানা নগর যথাযথরূপে চোখের সম্মুখে ধরিতে পারিয়াছেন। এই সকল ক্ষেত্রে বাস্তব প্রত্নতত্ত্ব কথা কহিতেছে।

তামিল নগরের পথঘাট

ভারতীয় নগর সম্বন্ধে সেরূপ বাস্তব-বিবরণ এখনো সম্ভব নয়। তবে দক্ষিণ ভারতের তামিল সাহিত্যে কোনো কোনো নগরের যথাযথ বিবরণ পাওয়া যায় বলিয়া বিশ্বাস করি। “প্রাচীন দাক্ষিণাত্যের নগর-নির্মাণ” নামক ইংরেজী গ্রন্থে (মাস্‌জ ১৯১৬) শ্রীযুক্ত আয়ার যে বৃত্তান্ত প্রকাশ

করিয়াছেন, তাহার সঙ্গে খাঁট ইতিহাসের খানিকটা যোগ আছে মনে হইতেছে।

মাহুরা নগরের রাজবাড়ী ছিল শহরের কেন্দ্রস্থল। রাস্তাগুলি সোজা বাঁকা ছোট বড় মাঝারি সব রকমের। প্রত্যেক সড়কে গলিতে “পুরিমম্” থাকিত। জঞ্জাল ফেলিবার জায় এই ব্যবস্থা। “পুরিমম্” গুলা ইটের তৈয়ারি চূণকাম করা আধার। শহরের চারিদিকে ছিল দেওয়াল। দেওয়াল ঘিরিয়া ছিল পগার বা নর্দমা। এই নর্দমায় আসিয়া পড়িত শহরের সকল নর্দমার জল। শহরের এক নির্দিষ্ট পল্লীতে বেঞ্জারা ঠাঁই পাইত। সাধারণ নরনারীর বাগ বাগিচা স্নানাগার ইত্যাদি হইতে বেঞ্জাদের আরাম-বিহারের স্থান গুলা স্বতন্ত্র ছিল।

কাবেরী-পুণ্ড্রপুণ্ড্রনম্ নগরে রোমাণ বণিকদের জায় সমুদ্রের কিনারায় ঘরবাড়ী তৈয়ারি করা হইয়াছিল। জাহাজের স্থবিধার জায় কূলে আলোক-গৃহের ব্যবস্থা ছিল।

দক্ষিণ ভারতের পশ্চিম উপকূলে চেররাজের রাজধানী ও বন্দর অবস্থিত ছিল। নাম তাহার বজ্জি বা করুর। মাহুরার মতন বজ্জি সহরের দেওয়াল ঘিরিয়াও পগার ছিল। “তুধু” বা নলের সাহায্যে সহরের জল এই পগারে বহিয়া আসিত। রাজবাড়ী, সার্বজনিক ভবন এবং ধনীদের বসতবাড়ীতে “কলের জলের” ব্যবস্থা ছিল। পয়সা খরচ করিতে পারিলেই লোকেরা ঘরে ঘরে কলের জল পাইত। কল টিপিয়া জলের চলাচল নিয়ন্ত্রিত করা সম্ভবপর ছিল।

আয়ার যে সকল পুঁথি ব্যবহার করিয়াছেন, তাহার প্রমাণে ভর করিলে ড্রাবিড় দেশের নগরগুলোকে সাধারণতঃ নয় মাইল লম্বা বলিতে হয়। এ কথা বিশ্বাসযোগ্য কিনা আলোচনার বিষয়। স্বাস্থ্যরক্ষার দিকে নগরশাসকদের দৃষ্টি ছিল তীক্ষ্ণ।

নগরকেन्द्रের শাসন প্রথা ।

কি দেশী কি বিদেশী সাহিত্যে ভারতীয় নাগরিকদের “পাবলিক ল” বা শাসন বিষয়ক আইন সম্বন্ধে কিছুই জানা যায়না। ইয়োরোপের প্রায় প্রত্যেক নগর হইতেই মধ্যযুগের এবং প্রাচীনকালের নগর শাসকদের দলিল, হিসাবপত্র, ডায়েরি ইত্যাদি সাহিত্য পাওয়া গিয়াছে। কয়ট গেন প্রণীত “উরকুন্ডেন ৭সুর স্ট্যাটিশেন কার্কাস্‌স্‌ গেশিষ্টে” অর্থৎ “নগরশাসন বিষয়ক প্রমাণ পঞ্জী” নামক গ্রন্থে (বার্লিন) ১৯০৭ পাশ্চাত্য দলিলের বস্তু দেখিতে পাই। বলা বাহুল্য ভারতীয় নগর সম্বন্ধে এইরূপ শাসন প্রণালী বিষয়ক “চার্টার,” ফার্মান বা অথ কোন সরকারী কাগজপত্র পাওয়া যায়না।

খৃষ্টীয় প্রথম শতাব্দীর গোবর্দ্ধন নগর আন্ধ্রনরপতিদের এক বড় শহর ছিল। গুজরাতের নাসিক জেলায় ইহার অবস্থান। সেনাপতি উষভদাত ছুই “শ্রেণী” হাতে কিছু টাকা লাগাইয়া রাখিয়াছিলেন। দান খৈরাতের বৃত্তান্তে এই তথ্য পূর্বে উল্লেখ করা গিয়াছে। তাহাতে জানিতে পারা যায় যে, এই দান কাণ্ডে “নিগমসভা”কে সাক্ষী মানা হইয়াছিল।

“নিগম সভা”টা কি? “নিগম”কি নগর বা পুর শব্দের জুড়িদার? তাহা হইলে বলিতে হইবে যে নগরের লোকেরা “সভা” কায়েম করিয়া কাজ কর্তব্য চালাইত। পল্লীশাসনে যেমন সভার প্রভাব দেখা গিয়াছে নগরের বেলায়ও সেই রূপই বুঝিতে হইবে। বর্তমান ক্ষেত্রে দেখিতেছি, পল্লীস্বরাজের মতন নগর-সভাও দানখৈরাতের জন্ত স্হাসনের দায়িত্ব লইত। একটা নগরের কথা সামান্য মাত্র শুনিতে পাই। দশম শতাব্দীতে গোয়ালিয়র নগরের শাসনকর্তার ছুই টুকরা “খাসমহাল”

জমি ছুই দেবতার উদ্দেশ্যে দান করিয়াছিল। তদবিরের ভার নগর নিজের হাতে রাখে নাই। ছুই “শ্রেণী”র হাতে দায়িত্ব ছাড়িয়া দিয়া নগরশাসকেরা নিশ্চিন্ত ছিল। গোবর্দ্ধনে ছিল নগর কোন নাগরিকের দানের স্হাসনের জন্ত দায়ী। গোয়ালিয়রে দেখিতেছি “শ্রেণী” নগরের দানের অভিভাবক।

নগরশাসনের বিশেষত্ব ।

শাসন-বিজ্ঞানের তরফ হইতে পল্লীকে নগরের গোত্রের ফেলিয়াছি। কিন্তু তাহা বলিয়া পল্লী সম্বন্ধে যে ছ’চারটা স্বরাজ বিষয়ক প্রমাণ পাওয়া গিয়াছে, সেই গুলা বিনা বাক্য-ব্যয়ে নগর সম্বন্ধেও কায়েম করা সম্ভব নয়। লোকসংখ্যা হিসাবে নগরে পল্লীতে প্রভেদ প্রচুর। আবার নরনারীর ভিতর সামাজিক বৈচিত্র্য এবং বিভিন্নতা নগরে যত বেশী, পল্লীতে তত নয়। অধিকন্তু নগরের শিল্পবাণিজ্যের প্রধান ধাক্কাই কেনা-বেচা এবং দেশ-বিদেশের সঙ্গে মালবিনিময়। অপরপক্ষে, পল্লীর আর্থিক জীবন অনেকটা প্রধানতঃ আত্মনির্ভর এবং স্বকেন্দ্রী।

কাছেই পল্লীর শাসন কার্যে বতটা সহজ সরল প্রণালী চলে, নগরের শাসনে সেরূপ সম্ভব নয়। নগর-শাসনের সমস্তাগুলি বিশেষত্বপূর্ণ। সমস্তাগুলির কিনারায় আসিতে চেষ্টা করিয়া ভারতীয় নরনারীরা “নগর স্বরাজ” গড়িয়া তুলিতে পারিয়াছিল কি?

কারিগর আর বণিকদের “শ্রেণী” ছিল। ভাল কথা। এই সকল শ্রেণীতে কলু, কামার, মুচী, তাঁতী, হাটুয়া, দোকানদার, আড়তদার ইত্যাদি ব্যবসার লোকেরা “নিজ নিজ কোঠের ভিতর” স্বরাজ ভোগ করিত। বেশ কথা। কিন্তু এই সকল গণ্ডা গণ্ডা স্বরাজের বাহিরে যে সব নরনারী বসবাস করিত, তাহাদের সঙ্গে ইহাদের লেনদেন চলিত কোন কাহন

অনুসারে? “শ্রেণী” “শ্রেণী”তে পরস্পর সম্বন্ধ নিয়ন্ত্রিত হইত কিসের জোরে?

নগর ত কেবল কারিগর আর বণিকদের একচেটির কৰ্মস্থল নয়। প্রত্যেক নগরে একটা করিয়া সভা ছিল এই রূপ ধরিয়া নইলেও প্রশ্ন উঠিবে—সভায় শ্রেণীগুলার ঠাঁই কিরূপ ছিল, আর শ্রেণীর বহির্ভূত লোকদের, স্বদেশী বিদেশী সকল প্রকার নরনারীর ঠাঁই বা কিরূপ ছিল? “শ্রেণী”দের আর্থিক প্রভাবে এবং সামাজিক ক্ষমতায় নগরের অত্যাশ্রয় লোক উৎপীড়িত হইত না কি? “শ্রেণী স্বরাজ্য”র অত্যাচার এবং যথেষ্টাচার হইতে “নগর স্বরাজ্য”কে বাঁচাইবার কোন কৌশল আবিষ্কৃত হইয়াছিল?

যদি বলা যায় যে এই সকল বিষয়ে রাষ্ট্রের প্রতিনিধিরা অর্থাৎ সাম্রাজ্যের কর্মচারীরা নগরের শান্তি রক্ষা করিত, তাহা হইলে “নগর স্বরাজ্য”র ইচ্ছা থাকে কোথায়? আর তাহা হইলে শ্রেণী-স্বরাজ্যের দামই বা কত খানি? শ্রেণীর সঙ্গে নগরের সম্বন্ধ এবং উভয়ের সঙ্গে রাষ্ট্রের সম্বন্ধ এই দুই বিষয়ে তথ্য না পাওয়া পর্যন্ত ভারতের নগর জীবন সম্বন্ধে কোন কথা বলা অসম্ভব। “ড্যুরচে স্ট্র্যাটে উণ্ড-বিয়ার্গার ইন্সটিটিউট” অর্থাৎ “মধ্যযুগের জার্মান নগর ও নাগরিক” নামক গ্রন্থে ইয়োরোপ সম্বন্ধে এই ধরনের প্রশ্নেরই জবাব পাওয়া যায়। এই আদর্শ চোখের সম্মুখে রাখিয়া ভারতীয় গবেষকদিগকে নগর-শাসনের আলোচনায় প্রবেশ করিতে হইবে।

পাটলিপুত্রের ত্রিশ মাতব্বর

(১)

হিন্দু নরনারীর নগর-জীবন এবং নগরশাসন সম্বন্ধে কথা উঠিলে পাটলিপুত্রের নাম মনে না আসিয়া যায় না। খৃষ্টপূর্ব পঞ্চম শতাব্দীতে

শিবনাগ বংশের রাজা উদয়ের আমলে বোধ হয় এই নগরের গোড়া পত্তন হইয়াছিল। পাল সাম্রাজ্যের আমলেও এই নগরের রাষ্ট্রগৌরব বজায় ছিল।

উত্তর ভারতে যখনই “সার্কভোম সাম্রাজ্য” স্থাপিত হইয়াছে, তখনই পাটলিপুত্র হইত রাজধানী। হর্ষবর্দনের আমল ছাড়া বোধ হয় আর কখনো এই নগর তাহার সাম্রাজ্যকেন্দ্র সম্বন্ধীয় গৌরব হইতে বিচ্যুত হয় নাই।

অর্থাৎ প্রায় দেড় হাজার বৎসর ধরিয়া যুগে যুগে পাটলিপুত্র হিন্দুনরনারীর রাষ্ট্রীয় শক্তিযোগ দেখিয়াছে। ইয়োরোপের জীবন-ধারণ রোম যুগের নগর, এসিয়ার সভ্যতা বিকাশেও পাটলিপুত্রের ইচ্ছাৎ সেইরূপ।

(২)

৩০২ খৃষ্টপূর্বাব্দে এসিয়া মাইনরের গ্রীক (হেলেনিষ্টিক) রাজ সেলিউকস মৌর্য সম্রাট চন্দ্রগুপ্তের নিকট মেগাস্থেনিসকে প্রতিনিধি বা দূতরূপে পাঠাইয়াছিলেন। মেগাস্থেনিস পাটলিপুত্রেই বসবাস করিয়াছিলেন। তাহার তিন বৎসরের অভিজ্ঞতা “ইন্ডিকা” নামক গ্রন্থের কয়েক ইকরাই দেখিতে পাওয়া যায়।

এই কেতাবের ভিতর অনেক বাজে কথা স্থান পাইয়াছে। তবে কাজের কথাও কিছু কিছু আছে। তাহার কতকগুলো বিশ্বাসযোগ্যও বটে। গ্রীক অথবা ইয়োরোপীয়ান বলিয়া মেগাস্থেনিস ভারত সম্বন্ধে বাহা কিছু লিখিয়াছেন, তাহাই সত্য নয়। প্রত্যেক তথ্যই বিচার করিয়া দেখা আবশ্যিক।

পাটলিপুত্রের খবর মেগাস্থেনিসের মুখে খানিকটা পাওয়া যায়। ত্রিশ জন নগর শাসকের কথা শুনিতে পাই। তাহার সজ্ববদ্ধ ভাবে নগরের

সকল প্রকার শাসন তদবির করিতেন। এই সত্বে ছয়টা ভিন্ন ভিন্ন কমিটিতে বা উপ-সভায় বিভক্ত ছিল। প্রত্যেক উপ-সভায় পাঁচজন করিয়া বাহাল থাকিত। এই হিসাবে উপসভা গুলি ছিল এক একটা “গঞ্চায়ৎ” বা “পাঁচের রাজ্য” বিশেষ।

ষ্টাইন দেখাইয়াছেন যে, কোটল্যা-বিবৃত নগর শাসনের সঙ্গে মেগাস্থেনিসের পাটলিপুত্র কথার মিল নাই। প্রভেদ খুব গুরুতর। বস্তুতঃ, “অর্ধ-শাস্ত্রে” নগর শাসন সম্বন্ধে বেশী কিছু জানা যায় না। অর্থাৎ কোটলের বিবরণ “আংশিক” ও অসম্পূর্ণ।

(৩)

এক বিভাগের অধীনে কারিগরদের ব্যবসা অর্থাৎ শিল্পকর্মের তদবির করা হইত। বিদেশী পর্য্যটক ও ব্যবসাদারদের সঙ্গে লেনদেন চালানো ছিল দ্বিতীয় বিভাগের কাজ। বিদেশীদের উপর গোয়েন্দাগিরি করা বোধ হয় এই বিভাগের এক উদ্দেশ্য ছিল। ইহার ব্যবস্থায় বিদেশীদের সুরবিধাও জুটত অনেক। তাহাদিগকে বসতবাড়ি হুঁড়িয়া বাহির করিবার জন্ত বেগ পাইতে হইত না। এই বিভাগ তাহার ব্যবস্থা করিত। মারা গেলে অন্ত্যেষ্টিক্রিয়ার ব্যবস্থা করা হইত এই বিভাগ হইতে। টাকাপয়সা আত্মীয়দের নিকট পাঠাইয়া দিবার জন্ত দায়িত্বও এই বিভাগ লইত।

তৃতীয় বিভাগ লোক গণনার জন্ত দায়ী ছিল। খাজনা আদায় করা অবশ্য প্রধান উদ্দেশ্য। তবে নাগরিকদের জন্ম এবং মৃত্যু সংবাদ যথাযথ ভাবে টুকিয়া রাখিবার দিকেও নগরশাসকদের ঝোঁক ছিল খুব বেশী। ব্যবসা বাণিজ্যের তত্ত্বাবধান ছিল চতুর্থ বিভাগের আওতায়। কেনাবেচা, হাটবাজার, দাঁড়িপাল্লা, ওজনের বাটখারা ইত্যাদি সবই দস্তুর মতন আইন-মারফিক শাসিত হইত।

সরকারী সার্বজনিক নিলামে চড়াইয়া নগরের শিল্প-জাত দ্রব্য বিক্রী করা হইত। এই নিলাম ও বিক্রয়ের ভার ছিল অগ্রতম বিভাগের। নয়া আর পুরাণা মাল কোন মতেই মিশাইতে দেওয়া হইত না। মিশাইলেই শিল্পীরা দণ্ডার্থ বিবেচিত হইত। দণ্ড ছিল জরিমানা।

নগর-শাসক-সঙ্ঘের ষষ্ঠ বিভাগ বিক্রয়ের উপর কর উত্তোল করিত। প্রত্যেক বেচার জন্ত দোকানদারেরা দামের দশমাংশ নগরকে দিতে বাধ্য থাকিত। এই দশমাংশ করের দেনাপাওনার জুয়াচুরি করিলে দোকানদারদের প্রাণদণ্ড পর্য্যন্ত হইত।

(৪)

ইয়াক্বি পণ্ডিত গুড্‌নো প্রণীত “মিউনিসিপ্যাল গভর্নেন্ট” (নিউ ইয়র্ক ১৯০৯) ইত্যাদি গ্রন্থে বর্তমান জগতের নগর-শাসন বিবৃত আছে। তাহার সঙ্গে তুলনায় পাটলিপুত্রকে “আধুনিক” বলিয়াই মনে হইবে। মোক্ষ্য আমলের হিন্দু নরনারীর মাথার গৌঁজামিল আর বুজরুকির ঘর ছিল না।

দেখা যাইতেছে যে, পাটলিপুত্রের নগর-সভার চার বিভাগ আর্থিক কাণ্ডকারখানায় ব্যস্ত থাকিত। অত্যাচ্ছ দুই অংশে বিদেশী লেনদেন এবং আদমশুমারি পরিচালিত হইত। নগরশাসনে শিল্প-বাণিজ্যের প্রভাব কত বেশী, তাহা এই বৃত্তান্ত হইতে সহজেই মালুম হয়।

তথাকথিত ধর্ম-কর্ম এবং আধ্যাত্মিক জীবন মোক্ষ সমাজে কিরূপ ছিল, তাহার বাস্তব প্রমাণ অশোকের বৃত্ততায়ও পরিষ্কার রূপে পাওয়া যায় না। কিন্তু সে যুগের নরনারী “ভাতকাপড়ের ধাক্কা”কে জীবনে উঁচু ঠাই দিত। রাষ্ট্রকেন্দ্রের শাসন প্রথা হইতে তাহা হাতে হাতে ধরা পড়িতেছে। হিন্দু জাতির চরিত্র ও দর্শন বুঝিবার সময় পাটলিপুত্রের এই আবহাওয়াটা স্মরণ রাখা কর্তব্য।

রকমারি নগর-স্বরাজ ।

(১)

এখন জিজ্ঞাস্য, চোলমণ্ডলের “পল্লী-সভা” যে বস্তু এবং গোবর্দ্ধনের “নিগম-সভা” হয়ত বা যে বস্তু, পাটলিপুত্রের এই ত্রিংশ-সভ্য কি সেই বস্তু? এই ত্রিংশ মাতব্বরের শাসনব্যবস্থাকে নরনারীর স্বরাজ বলা চলিবে কি? ইয়োরোপের ত্রয়োদশ চতুর্দশ শতাব্দীতে “ষ্টাট-রেখট” বা “লিবার বুর্গুস” অর্থাৎ নাগরিক স্বাধীনতা যে বস্তু আর দক্ষিণ ভারতের “পল্লী স্বরাজ” যে বস্তু, পাটলিপুত্রের এই ব্যবস্থা সেই বস্তু কিনা এই বিষয়ে সন্দেহ করা চলে।

পাটলিপুত্রে “স্বরাজ” ছিল কি? এই নগরের নরনারীর আত্মকর্তৃত্ব ভোগ করিত কি? কারিগরদের এবং বণিকদের “শ্রেণী”গুলা হয়ত কিছু কিছু স্বরাজ ভোগ করিত। কিন্তু এই “ত্রিংশ-সভ্য” লোক বাছাই হইত কোথা হইতে? “শ্রেণী”রা কোনো কোনো মাতব্বর পাঠাইত কি? আজকালকার কলিকাতা কর্পোরেশনে “মাড়ওয়ারি ব্যবসায় সভ্য” প্রতিনিধি পাঠায়। সেইরূপ কোনো প্রতিনিধি ত্রিংশের বৈঠকে বসিতে পাইত কি?

চোল পল্লীর বিভিন্ন পাড়া হইতে লোক বাছাই করিয়া সভায় “মহাজন” পাঠানো হইত। পাটলিপুত্রের পাড়ায় পাড়ায় এইরূপ লোক বাছাইয়ের ব্যবস্থা ছিল কি? নগরের নরনারীরা এই ত্রিংশের কার্যাবলী সমালোচনা করিতে স্বেচ্ছা পাইত কোথায় এবং কিরূপে? শাসন-যন্ত্রের ভিতর সহজেই বিনা বিদ্রোহে এবং বিনা রক্তপাতে, নরনারীর সঙ্গে ত্রিংশ-সভ্যের সংযোগ সাধনার কি কি উপায় ছিল?

(২)

মার্কিং-পণ্ডিত ফেরারি’র “মিউনিসিপ্যাল অ্যাডমিনিস্ট্রেশন” বা “নগর-শাসন” গ্রন্থে (নিউ ইয়র্ক ১৯০১) বর্তমান জগতের যে-স্বরাজ দেখিতে পাই, মধ্যযুগের নগর-স্বরাজ হইতে তাহা স্বতন্ত্র। এই যুগে উত্তর জার্মানির “হান্সা” নগরপুঞ্জের অথবা মেকালের ইতালিয়ান নরানারীর স্বাধীনতা নরনারীরা ভোগ করিতে পায় না।

উনবিংশ ও বিংশ শতাব্দীতে “দেশ”-রাষ্ট্র গড়িয়া উঠিয়াছে। কেন্দ্রী-করণ, ঐক্যবন্ধন বা “জাতীয়তা” (জাতিশাসিত্ব) এই যুগের প্রধান কথা। তাহার ফলে “মফঃস্বলের” স্বাধীন এক্তিয়ার সদরের তাঁবে অনেক পরিমাণে চাপা পড়িয়াছে। স্বরাজ-হরণ “জাতীয়তার” অন্ততম লক্ষণ।

তবে এই যুগে মফঃস্বলের,—অর্থাৎ পল্লীর এবং ছোট খাট নগরের, এক কথায় জেলার ও প্রদেশের—লোকেরা “প্রতিনিধি” পাঠাইয়া সমগ্র দেশ বা গোটা রাষ্ট্রকে শাসন করিবার এক্তিয়ার পায়। বর্তমান জগতের সদর বা রাজধানী মফঃস্বলের উপর যে সকল এক্তিয়ার খাটায়, সেই সকল এক্তিয়ার প্রকারান্তরে—প্রতিনিধি-স্বত্রে—মফঃস্বল-বাসীদেরই এক্তিয়ার। কিন্তু মধ্যযুগে মফঃস্বল কোনো মতেই সদরের শাসনে অধিকার পাইত না।

পাটলিপুত্রের ত্রিংশ-সভায় কতখানি স্বরাজ ছিল, এই কথা আলোচনা করিবার সময় বর্তমান যুগের নগর-স্বরাজের অধিকার অনধিকার গুলাও ভাবিয়া দেখিতে হইবে। সমগ্র সাম্রাজ্যশাসনের কাজে পল্লী নগরের লোকদের বাছাই-করা প্রচলিত ছিল কিনা, তাহার উপর এই সকল সমস্তার মীমাংসা নির্ভর করিতেছে।

রোম ছুওনে পাটলিপুত্র

(১)

এই ত্রিশ মাতব্বের প্রজার লোক কি রাজার লোক এই বিষয়ে প্রশ্নটা খোলা থাকুক। কিন্তু তাঁহাদের শাসন-দক্ষতা সম্বন্ধে কোন প্রশ্ন উত্থিবার কথা নয়। পাটলিপুত্র-সভার অধীনে জিম্মাদারি ছিল বিপুল। নগরের চৌহদ্দিটা দেখিলেই তাহা বেশ বুঝা যায়।

খৃষ্টপূর্ব তৃতীয় ও চতুর্থ শতাব্দীতে পাটলিপুত্রের সমান বিশাল নগর হুনিয়ার আর কোথাও ছিল না। খৃষ্টপূর্ব পঞ্চম শতাব্দীর মাঝামাঝি আথেস তাহার চরম বিস্তার লাভ করে। সেই আথেস ছিল পাটলিপুত্রের চার ভাগের একভাগ মাত্র। সম্রাট অণ্ডস্তসের আমলে খৃষ্টীয় প্রথম শতাব্দীতে রোম সর্ব প্রথমে সাম্রাজ্য-নগর পদ লাভ করে। এই অবস্থার রোম ছিল আথেসেরই মতন, মৌর্য পাটলিপুত্রের চারআনা।

রামজে প্রণীত “রোমের প্রবৃত্তি” নামক গ্রন্থে (লণ্ডন ১৮৯৮) রোম নগরের চতুঃসীমা যুগ হিসাবে বিবৃত আছে। বাদশা অরেলিয়ানের সময়ে (খৃঃ অঃ ২৭০-২৭৫) রোমের চরম বিস্তৃতি ঘটয়াছিল দেখিতে পাই। তখনকার রোম দেওয়ালের পরিধিতে ছিল সাড়ে দশ মাইল। দেওয়ালটা ১৬ ফটকে হুঁড়িয়া বাহির হওয়া যাইত। ৩৮৩ টা শিখর বা চূড়া ছিল দেওয়ালের পর্য্যবেক্ষণ-কেন্দ্র।

এইখানে মৌর্য-পাটলিপুত্রের মাপজোক ফেলা বাউক। মেগাস্থেনিসের কথায় বুঝিতে পারি যে, সহরের চারিদিকে পরিখা বা খাল কাটা হইয়াছিল। বিস্তারে সেটা ২০০ গজ আর গভীরতায় ১০ গজ। এ এক বিশাল সাগর সন্দেহ নাই।

দেওয়ালটা ছিল কাঠের তৈয়ারী। ইহার ভিতরকার ছেদার ভিতর দিয়া ধনুক চালানো যাইত। ৫৭০টা পর্য্যবেক্ষণ কেন্দ্রের চূড়া আকাশ হুঁড়িয়া উঠিত। সহরে বাওয়া আসার জন্য ফটক ছিল গুণতিতে ৬৪।

সহর ছিল লম্বায় ৯ মাইল উভয় দিকেই। চওড়ায় উহার বিস্তার ছিল উভয় দিকেই ১৩ মাইল করিয়া। অর্থাৎ পাটলিপুত্রের দেওয়াল ঘিরিয়া হাঁটিতে হইলে ২১৥ মাইল হাঁটা দরকার হইত। সহজে বুঝা যাইতেছে যে, বাদশা অরেলিয়ানের রোম যত বড় সহর, চন্দ্রগুপ্ত অশোকের পাটলিপুত্র তাহার দ্বিগুণ। ভারতীয় রোমের পেটের ভিতর ছুই ছুইটা ইরোরোপের রোমকে ঠাই দেওয়া সম্ভব হইত।

এই বিশাল জনকেন্দ্রের শাসনভার ছিল যে ত্রিশ মাতব্বেরের ঘাড়ে, তাহাদের শক্তিবোণ, সাংসারিক জ্ঞান আর শাসন-দক্ষতা কি দরের চিজ, তাহা সহজেই অনুমান করা চলে। এই ধরণের কস্মবীর লোককেই বলে “বুঢ়োরস্ক” “বুস্কস্ক,” “শালপ্রাংগু” আর “মহাভূজ”। যে ভারতে পাটলিপুত্রের মতন ডবল রোমসহর নরনারীদের হাঙ্গের অন্তর্গত, সেই ভারতের লোকগুলো নাকি পল্লীজীবী, শাসনেতি-আর শহর-বিমুখ নরনারী!

মৌর্য নগরের আইন কাহ্নন

কৌটিল্যের “অর্থশাস্ত্র” তৃতীয় চতুর্থ খৃষ্ট পূর্বাব্দের তথ্য দেয় সন্দেহ আছে। কিন্তু একদম দেয় না এ কথাও বলা চলে না। কিনা মেগাস্থেনিসের বৃত্তান্তকে কৌটিল্যের তথ্যে খানিকটা পূর্ণ করিয়া বসাইতে পারে।

মৌর্য নগরবলীর আইন কাহ্নন কিছু কিছু এই গ্রন্থে পাওয়া যায়। বলিয়া ধরিয়া লইলে ত্রিশ মাতব্বেরের কস্মগণীর খানিকটা নতুন পরিচয়

পাওয়া যায়। দেখিতে পাই যে,—“নগরবিধিতে” স্বাস্থ্যরক্ষার দিকে নজর খুব বেশী। সড়কে, স্থানের ঘাটে, মন্দিরাদি বাস্তব নিকটে মলমূত্র ত্যাগের দোষে নাগরিকের দণ্ড হইত একপণ বা বারগণ্ডা বৃটিশ ভারতীয় পয়সা। রাস্তায় ধূলা ময়লা ফেলিলে গৃহস্থদের এই পরিমাণ জরিমানা দিতে হইত। মড়া জানোয়ার বড় সড়ক দিয়া লইয়া গেলে দণ্ডের ব্যবস্থা ছিল আজকালকার সাড়ে চার মুদ্রা। নির্দিষ্ট বাধা পথ ছাড়া অন্য পথে মৃতদেহ লইয়া গেলে ৩০০০ পণ (২২৫০) জরিমানা হইত। তাহা ছাড়া গৃহস্থেরা ঘর বাড়ির নর্দমা এবং গলিঘোঁচ পরিষ্কার না রাখিলে দণ্ডিত হইতই।

বাজার হাটের নিয়মগুলো উল্লেখযোগ্য। * ত্রিংশ-সভ্যের অন্ততম পঞ্চায়ৎ নগরবাসীদিগকে কসাইদের জুয়াচুরি হইতে রক্ষা করিত। মাংস বেচিবার সময় কসাইরা হাড়ের পরিমাণ মাংস দিতে বাধ্য থাকিত। ওজনে কম দিলে কসাইদের জরিমানা হইত উঁচু হারে। যে পরিমাণ মাংস বেচা হইয়াছে জরিমানা হইত তাহার আটগুণ।

পাটলিপুত্রের গৃহস্থরা ঘরের ভিতর রান্নাবাড়ি করিতে পাইত না। আশুণ লাগার ভয় ছিল খুব বেশী। প্রত্যেক ঘরের সামনে পাঁচটা ঘড়ায় জল ভরিয়া রাখিবার আইন কায়েম হইয়াছিল। আশেপাশে খড়কুটা কাঠ ইত্যাদি রাখিতে দেওয়া হইত না।

ঘরে অতিথি আসিবা মাত্র গৃহস্থ পুলিশ আফিসে খবর দিতে বাধ্য ছিল। আজকালকার জার্মানি, ফ্রান্স, অস্ট্রিয়া, জাপান ইত্যাদি দেশেও এই দস্তুর। এই বিষয়ে ক্রটি ঘটিলে গৃহস্থ'র জরিমানা হইত ২।০।

ত্রিংশ-সভ্যের আফিসে প্রত্যেক গৃহস্থের জীবনযাত্রা বিষয়ক সকল খবর টুকিয়া রাখা হইত। পুরুষনারীর সংখ্যা, গরুভেড়ার সংখ্যা, আয়-ব্যয়ের পরিমাণ কিছুই বাদ পড়িত না। কোন্ লোকটা বেশী খরচ

করিতেছে তাহাও জানিয়া রাখা হইত। সাধু সন্ন্যাসীদের গতিবিধি যারপরনাই কড়া নজরে দেখা হইত।

এই ধরণের গণ্ডা গণ্ডা তথ্য “অর্থ শাস্ত্রে” পাওয়া যায়। সকল কথাই জ্ঞাত এই গ্রহে অবসর নাই। অধিকন্তু অর্থশাস্ত্রের প্রত্যেক বিধান বাস্তবিকই “আইন” কিনা কে বলিতে পারে? বিশেষতঃ, পাটলিপুত্রের নগর-কথাই যে কৌটল্য বিবৃত করিয়াছেন সেই বিষয়ে তর্ক এখনো থাকে নাই।

তবে ষ্টাইনের প্রদর্শিত প্রভেদগুলো সম্বন্ধে “ইন্দিকা” এবং “অর্থ-শাস্ত্র”কে একই যুগ ও সমাজের বৃত্তান্তরূপে গ্রহণ করা সম্ভব। কোনো কোনো ভিতর এমন কোনো তথ্য নাই যাহার জোরে কেননা তথ্যগুলোকে মিথ্যা বা অসম্ভব সপ্রমাণ করা যায়।

চতুর্থ পরিচ্ছেদ

“দেশ”-সভা

হিন্দু ও ইয়োরোপীয়ান “দেশ”

মোর্ধ্য আমল হইতে চোল আমল পর্যন্ত হাজার দেড়েক বৎসরের ভিতর ভারতে যতগুলো রাষ্ট্র উঠিয়াছিল নামিয়াছিল, তাহার কোনটাই পল্লী-রাষ্ট্র বা নগর-রাষ্ট্র মাত্র নয়। প্রত্যেক রাষ্ট্রেই একাধিক পল্লী এবং একাধিক নগর হিন্দু নরনারীর জীবন-কেন্দ্ররূপে পরিচিত ছিল। এইরূপ বহুসংখ্যক পল্লী, নগর, দুর্গ, বন, ইত্যাদির সমষ্টিকে সহজে “দেশ” বলিতেছি।

সমসাময়িক ইয়োরোপেও এইরূপ “দেশ”ই রাষ্ট্র বিবেচিত হইত। পরবর্তী কালে ইংল্যান্ড, ফ্রান্স, জার্মানি, ইতালি ইত্যাদি জনপদে নানা নগর প্রচুর স্বরাজ ভোগ করিয়াছে। উত্তর জার্মানির “হান্সা” নগরবলী প্রায় পূরাপুরি স্বাধীন রাষ্ট্রই ছিল। এইটুকু স্বীকার করিয়া লইলে কি ত্রয়োদশ শতাব্দীর পূর্বে, কি তাহার পরে, ইয়োরোপেও যুগে যুগে রাষ্ট্রের উত্থান পতনে “দেশ”কেই কেন্দ্ররূপে দেখিতে পাই।

ভারতীয় রাষ্ট্রগুলার সীমানা কিরূপ ছিল? মোর্ধ্য সাম্রাজ্য আজকালকার বৃটিশ ভারতের চেয়ে বড় ছিল বিস্তারে। চোল সাম্রাজ্যের চৌহদ্দি দক্ষিণ ভারতের তিন পোআ অধিকার করিত। গুপ্ত সাম্রাজ্য উত্তর ভারতের আধকাংশে হাত পা ছড়াইয়াছিল। এইসকল ঐতিহাসিক কথা আলোচনা করিবার সময় সম্প্রতি নাই।

তবে ভারতীয় “দেশ”গুলার চতুঃসীমার কথা রাষ্ট্র-বিজ্ঞানের চর্চার মনে রাখা আবশ্যক। ইংরেজ পণ্ডিত ফ্রীম্যান-প্রণীত “হিষ্টরিক্যাল জিওগ্রাফি অব ইয়োরোপ” অর্থাৎ “ইয়োরোপের ঐতিহাসিক ভূগোল”

গ্রন্থের (লণ্ডন ১৯০৩) মানচিত্র এবং চৌহদ্দির বিবরণ গুল্য এই সঙ্গে চোখের সম্মুখে রাখা দরকার। বুঝা যায় যে, “দেশ” গঠনে ইয়োরোপীয় নরনারী কোনো দিনই হিন্দু নরনারীকে পশ্চাতে ফেলিয়া যাইতে পারে নাই।

ভুলনা মূলক ইতিহাস।

ইয়োরোপে “মাংশু খায়” নিত্য নৈমিত্তিক জীবনের আট-পোরে কথা। কোনো রাষ্ট্র বেশী দিন জীবিত ছিল না। রাষ্ট্রগুলো পরস্পর কামড়াকামড়ি করিয়া মরিত। বৃটিশ ভারতের এক একটা “সব-ডিস্ট্রিক্ট”, জেলা, বা “ডিস্ট্রিক্ট” যতটুকু জনপদ, ততটুকু জন-পদের সীমানা ছাড়াইয়া ইয়োরোপীয়ান নরনারী সাধারণতঃ কোনো রাষ্ট্র গড়িয়া উঠিতে পারে নাই। আর যখনই বা একটা প্রবল-প্রতাপ রাজ্য বা সাম্রাজ্য গড়িয়া উঠিয়াছে, তখনও গুপ্ত, চোল ইত্যাদি ভারতীয় সাম্রাজ্যের মাপকাঠি ছাড়াইয়া উঠা সম্ভবপর হয় নাই।

হিন্দু সমুদ্রগুপ্ত, ধর্ম্মপাল, রাজেন্দ্র চোল ইত্যাদি শক্তিয়োগী দিগ্-বিজয়ী কশ্মীরের সমান সাম্রাজ্য প্রতিষ্ঠাতা নরপতি ইয়োরোপের ইতিহাসে বেশী নয়। আর, বিস্তার হিসাবে মোর্ধ্য সাম্রাজ্যের সমান সাম্রাজ্য ইয়োরোপে একবার মাত্র গঠিত হইয়াছিল। সে খৃষ্টীয় দ্বিতীয় তৃতীয় শতাব্দীর রোমান সাম্রাজ্য।

আজ কালকার ফ্রান্স, জার্মানি ইতালি, ইংল্যান্ড ইত্যাদি দেশের মানচিত্র চোখের সম্মুখে রাখিলে ইয়োরোপীয় নরনারীর রাষ্ট্রীয় জীবন-কথা বুঝা যাইবে না। এই সব চৌহদ্দি পঞ্চাশ পঁচাত্তর, দেড়শ, দুইশ বৎসরের কথা। ইয়োরোপ যুগের পর যুগ ধরিয়া অসংখ্য টুকরায় খণ্ডীকৃত ছিল। ছোট ছোট পরস্পর-বিরোধী দেশে বসবাস করাই পশ্চিমা

জাতিপুঞ্জের স্বধর্ম। “শ্রাশ্রাণালিটি” ছিল ডুমুর ফুলের মতনই অজ্ঞাত বস্তু। জোর যার মুল্লুক তার, এই নীতির কায়েম করিয়া যে ব্যক্তি যখন যতখানি জনপদ দখল করিতে পারিয়াছে সে তখন ততখানি “দেশ” বা তথাকথিত “জাতি” গড়িয়া তুলিয়াছে।

ভাবার সীমানা হিসাবে অথবা ধর্মের সীমানা হিসাবে “দেশের”, “রাষ্ট্রের” অথবা “জাতির” সীমানা কায়েম করা ইয়োরোপে কোনো দিনই সম্ভবপর পর হয় নাই। এই দিকে বাহা কিছু ঘটিয়াছে, সবই “কালকার কথা” মাত্র।

হিন্দু নরনারীর “দেশ” বলিলেও ঠিক এই রূপই বৃষ্টিতে হইবে। কয়েকটা “সার্ক-ভৌম” সাম্রাজ্য ভারতের রঙ্গমঞ্চে দেখা গিয়াছে সত্য। রাজ “চক্রবর্তী”দের আমলে সুবিস্তৃত ভূখণ্ডে শান্তি, শৃঙ্খলা, সামঞ্জস্য এবং ত্রিক্য স্থাপিত হইয়াছে একথাও সত্য। কিন্তু হিন্দু রাষ্ট্রীয় জীবনের মোটা কথা ছোট ছোট রাজ্য এবং এই সমুদয়ের পরস্পর টক্কর অর্থাৎ “মাংস গ্রাণ”।

প্রাচ্যে পাশ্চাত্যে তফাৎ করিতে বসিলে ঐতিহাসিক ভূগোলে বিচার অজ্ঞতা প্রকাশ করা হইবে মাত্র। দফার দফার জরীপ করিয়া তুলনা করিতে বসা কর্তব্য। এই দিকে দেশী বিদেশী কোনো পণ্ডিত যুক্ত খেলাইয়া মাথা ঘামান নাই। প্রায় একশত বৎসর ধরিয়া বিদেশী পণ্ডিতেরা এই সকল বিষয়ে বাহা কিছু লিখিয়াছেন সবই ভ্রমাত্মক, কুসংস্কারপূর্ণ এবং এশিয়ার উপর বিদ্রোহে ভরপুর। খাঁটি বিজ্ঞানের মুল্লুক এই সমুদয়ের কিম্বৎ এক দামড়িও নয়। অথচ প্রাচ্যের লোকেরা এই সকল পশ্চিমা “দার্শনিকের”র বুলি বেদবাক্য রূপেই স্বীকার করিয়া লইয়াছেন।

তামিল দেশে “মহাসভা”।

“দেশ” শাসনে হিন্দু নরনারী কতখানি স্বরাজ বা আত্মকর্তৃত্ব ভোগ করিয়াছে এইবার তাহার আলোচনা করিব। মালদ্বীপ পণ্ডিত শ্রীযুক্ত কনকসভাই পিল্লেই প্রণীত “তামিল্‌স্ এইটিন হাণ্ডে ড্ ইয়াস এগো” অর্থাৎ “আঠারশ বৎসর পূর্বেকার তামিল জাতি” নামক ইংরেজি গ্রন্থে বৃষ্টিয় প্রথম-দ্বিতীয় শতাব্দীর তামিল সমাজ বিবৃত আছে। এই বিবরণে চের, চোল এবং পাণ্ড্য এই তিন রাষ্ট্রের শাসন প্রণালী কিছু কিছু জানিতে পারি। অবশ্য পরবর্তী কালের চোল সাম্রাজ্যের অনুষ্ঠান প্রতিষ্ঠান এই চোল রাষ্ট্রের বিবরণে ঠাঁই পাইবে না।

চের, চোল এবং পাণ্ড্য এই তিন দেশ ছিল সেকালে দক্ষিণতম ভারতের তিন ভিন্ন ভিন্ন স্বাধীন রাষ্ট্রের জনপদ। প্রত্যেক দেশেই পাঁচ পাঁচটা করিয়া “মহাসভার” কথা জানিতে পারি।

এক মহাসভায় জনগণের একতিয়ার ও অধিকার সুরক্ষিত হইত। এই সজ্জকে বলিত “জনগণের প্রতিনিধি” সভা। ধর্মকর্ম তদবিবর করিবার জন্ত পুরোহিতদের এক মহাসভা ছিল। চিকিৎসকেরা অথ এক মহাসভায় সজ্জবদ্ধরূপে রাজা ও জনগণের স্বাস্থ্য-সেবা করিত। দিন ক্ষণ পাজীপুঁথি তিথি নক্ষত্র ইত্যাদি হিসাব করা ছিল জ্যোতিষী মহাসভার কাজ। সেকালে ইয়োরোপের রোমেও এই ধরণের দিনক্ষণ গুণিবার জন্ত “কলেজ” বা সজ্জ ছিল। পঞ্চম মহাসভার ঠাঁই ছিল অমাত্য বা মন্ত্রীদের। ইঁহারা বিচারের কাজ তত্ত্বাবধান করিবার জন্ত মোতায়েন থাকিতেন। নরকারী আয়ব্যয়ের খবরাখবর রাখাও এই মহাসভার অগ্রতম ধাক্কা ছিল।

প্রত্যেক দেশেই রাজধানীতে পাঁচ পাঁচটা ভবন নির্মিত হইয়াছিল। এক এক ভবনে এক এক মহাসভার কক্ষকেন্দ্র ছিল। মহাসভাগুলি পরস্পর স্বাধীন ভাবে কাজ চালাইবার সুযোগ পাইত।

ষ্টাইন বলিয়াছেন,—“কোল্ডে গিরালিটেট্” অর্থাৎ সভায় বসিয়া সমবেত দায়িত্বের সহিত সার্বজনিক কাজ চালানো ভারতবাসীর শাসন অভিজ্ঞতার দেখা যায় না। খৃষ্টীয় প্রথম দ্বিতীয় শতাব্দীর দক্ষিণ ভারত তাঁহার মতের বা কুসংস্কারের বিরুদ্ধে অচ্যুতম সাক্ষী।

ভারতে “প্রতিনিধি তন্ত্র”

এই মহাসভা গুলাকে পল্লী-সভা বা পল্লী-পঞ্চায়ৎ হইতে স্বতন্ত্র বুঝিতে হইবে। সমগ্র রাষ্ট্রের কেন্দ্র বলিয়া এই সমুদয় প্রতিষ্ঠানকে “দেশ-সভা” বলা চলে।

পাঁচ মহাসভার একটার নাম “প্রতিনিধি-সভা। “জনগণের প্রতিনিধি” বলিলে কি বুঝা যাইবে? চের, চোল আর পাণ্ড্য দেশের ভিন্ন ভিন্ন পল্লী এবং নগর হইতে লোক বাছাই হইয়া আসিত? না একমাত্র রাজধানীর নরনারীই এই প্রতিনিধি-সভায় লোক পাঠাইত? তাহা হইলে এই সভাকে নগর-সভা বলিতে হইবে।

কিন্তু বোধ হয় বর্তমান ক্ষেত্রে নগর-সভা মাত্র বুঝা উচিত নয়। গোটা দেশের সভা বুঝাইবার জগ্ৰই “মহাসভা” শব্দ ব্যবহৃত হইয়াছে। এখন জিজ্ঞাস্য, পল্লীসভা এবং নগর-সভার সঙ্গে এই মহাসভার সম্বন্ধ কিরূপ ছিল? “প্রতিনিধিরা” কাহাদের প্রতিনিধি? পল্লী-সভার এবং নগর-সভার? না পল্লীবাসীদের এবং নগরবাসীদের?

এই প্রশ্নটা মারাত্মক কিছু নয়! তবে পরিষ্কার জানিতে পারিলে হিন্দু “পাবলিক ল” বা শাসন-প্রণালী বিষয়ক আইনের ঝাঁক ও গতি খানিকটা গভীরতর রূপে জানিতে পারিতাম। বাহা হউক, ডাবিড ভারতের নবনারী “প্রতিনিধি-তন্ত্র” কায়ম করিয়াছিল। হিন্দু রাষ্ট্রের বিকাশ ধারায় এ এক নিরেট তথ্য।

আর এক প্রশ্ন। এইসকল দেশে আইন-কাহন তৈয়ারি করিত কে বা কোন মহাসভা? বোধ হয় “প্রতিনিধি-সভার” হাতে এই দায়িত্ব ছিল এইরূপ ধরিয়া লইতে পারি। “মন্ত্রী-মহাসভা”র সঙ্গে “প্রতিনিধি-মহাসভা”র কোনদেয় কিরূপ চলিত? ঠোকাঠুকি বটবার কথা। বাজার সঙ্গেই বা এই সকল “মহাসভা”র যোগাযোগ কিরূপ ছিল? সে সকল কথা পরিষ্কার জানা যায় না।

এই সকল মহাসভার আওতায় পল্লীকেন্দ্রের এবং নগর-কেন্দ্রের “লোক্যাল” বা স্থানীয় সভা বা পঞ্চায়ৎ গুলার অবস্থা কিরূপ ছিল? তাহাও জানিবার উপায় নাই।

তবে পরবর্তী কালে,—নবম হইতে ত্রয়োদশ শতাব্দীর ভিতর চোল-বুৎলের পল্লী-সভায় জনগণের “প্রতিনিধি”রা “মহাসভা”রূপে “নির্বাচিত” হইত, সে কথা পূর্বে আলোচনা করা গিয়াছে। অতএব “প্রতিনিধি-তন্ত্র”কে ডাবিড অঞ্চলের “দেশ” এবং “পল্লী” উভয় কেন্দ্রেরই রাষ্ট্রীয় প্রতিষ্ঠান রূপে বিবৃত করা সম্ভব।

মন্ত্রি-পরিষৎ

(১)

হিন্দু রাষ্ট্রের “দেশ-সভা,” “মহাসভা,” “সুপ্রিম কাউন্সিল” ইত্যাদি প্রতিষ্ঠান সম্বন্ধে আর কোনো অকট্য প্রমাণ আজ পর্যন্ত আবিষ্কৃত হয় নাই। “সভায়” বসিয়া নানালোকের মতামত আলোচনা করিয়া “সমষ্টি”র কার্য সিদ্ধি করা প্রাচীন ভারতে সুপরিচিত ছিল। বিশ্ববিদ্যালয়, স্বতন্ত্রসভা, শ্রেণী, পল্লী, নগর ইত্যাদি সামাজিক ও রাষ্ট্রীয় কক্ষকেন্দ্রের শাসনে এইরূপ সভার অস্তিত্ব সম্বন্ধে কম বেশী সাক্ষ্য পাওয়া যায়।

কিন্তু গোটা দেশের কাজ সামলাইবার জন্ত সদরে কোনো প্রকার সভা কয়েম হইত কিনা তাহা জানিতে পারা যায় না। তামিল দেশের “মহাসভা” গুলাই এই ধরনের একমাত্র প্রতিষ্ঠান।

তবে এক প্রকার “দেশ”-“সভার” কথা মহাভারতে, রামায়ণে, অম্বি-পুরাণে এবং “শাস্ত্র”-সাহিত্যে সর্বত্রই শুনিতে পাই। এই “সভা” গুলি সমগ্র দেশের জন্তই গঠিত এইরূপও বুঝিতে পারি। খ্রীযুক্ত নরেন্দ্রনাথ লাহা তাঁহার “আস্পেক্ট্‌স্ অব এন্‌শ্চেন্ট ইণ্ডিয়ান পলিটি” অর্থাৎ “প্রাচীন ভারতীয় রাষ্ট্রের নানা কথা” নামক গ্রন্থে (লণ্ডন ১৯২১) এই সকল কাব্য, নীতি এবং পুরাণ সাহিত্যের সাক্ষ্যগুলা একত্র করিয়া দেখাইয়াছেন। জার্মান পণ্ডিত ফর প্রণীত “ক্যোনিগ লিখে গেহ্বার্ট” বা “হিন্দু রাজশক্তি” গ্রন্থে (লাইপৎসিগ, ১৮৯৫) ও কিছু কিছু তথ্য আছে।

কিন্তু এই সকল সভা বর্তমান গ্রন্থের অন্তর্গত কোন্ কোন্ বংশের রাজ-সভা তাহা ঠাওরাইয়া উঠা যায় না। এই কারণে “সাহিত্য”-ঘটিত প্রমাণ গুলা গ্রহণ করা কঠিন। বস্তুতঃ এইসব প্রায় সর্বত্রই বাদ দিয়া চলা বাইতেছে।

(২)

এই সকল সভাকে “মন্ত্রি-সভা” বা “অমাত্য-সভা” বলা হইয়া থাকে। কোটিল্য এই ধরনের দুই সভার উল্লেখ করিয়াছেন। একটার নাম সামুলি “সভা”, অপরটা “মন্ত্রি-পরিষৎ” নামে পরিচিত।

কোটিল্যের “অর্থশাস্ত্র” লইয়া গোল আছে। কিন্তু মাঝে মাঝে “বেনিফিট অব ডাউট” অর্থাৎ “সন্দেহের অন্তকূল তরফটা” কোটিল্যের স্বপক্ষে রাখিয়াই বর্তমান গ্রন্থের কোনো কোনো অধ্যায় প্রণীত হইতেছে। এই ক্ষেত্রে কোটিল্য বিবৃত দেশ-সভা দুইটার সংক্ষিপ্ত বিবরণ দিতেছি।

“সভার” কাজ ছিল চার বা পাঁচ প্রকার। প্রথম ধাক্কা কাজকর্ম হ্রাস করিবার উপায় উদ্ভাবন করা। লোকজন আর মালগত্রের ব্যবস্থা করা দ্বিতীয় ধাক্কা। তৃতীয় ধাক্কা “দেশ কালপাত্রের” ব্যবস্থা করা। আপদ বিপদ ঘটিলে তাহার প্রতীকার করা অশ্রুতম কাজ। আর সকল প্রকার ধাক্কার “শেষ রক্ষা” করাও ছিল আর এক কাজ।

“মন্ত্রি-পরিষৎ” নামক প্রতিষ্ঠানের কার্য তালিকায় চার প্রকার ধাক্কা দেখিতে পাওয়া যায়। প্রথম ধাক্কা নয়া কাজ “সুরু” করা। দ্বিতীয় ধাক্কা পুরাণা বা সাবেক কাজ “খতম” করা। খতমকরা কাজগুলার বিষয় মাজিয়া উন্নতি বিধান বা সংশোধন করা ইত্যাদিও এক ধাক্কা মধ্যে পরিগণিত। চতুর্থ ধাক্কার নাম “হুকুম তামিল করা।”

“মন্ত্রিপরিষদের” সভেবা সাধারণতঃ “সভার” কোনো অধিবেশনে বসিতে পাইত না। বিশেষ জরুরি পড়িলে তাহাদিগকে ডাকিয়া “সভা”য় ঠাই দেওয়া হইত।

(৩)

কোটিল্যের বিবরণ এমন “সাধারণ” ভাবে প্রদত্ত যে সহজেই প্রশ্ন উঠে—এই প্রতিষ্ঠান দুইটা কি কোনো নির্দিষ্ট রাজার আমলে কামেম ছিল? না, রাজনীতি আলোচনা করিতে গিয়া লেখক বা আচার্য্য মহাশয় দুই প্রকার মন্ত্রিসভার উল্লেখ করিয়াছেন মাত্র? এইখানে কি ভবিষ্যৎ সম্বন্ধে কোনো ব্যক্তিবিশেষের মত বা আদর্শ পাওয়া বাইতেছে? না অতীত বা বর্তমানের তথ্যও এই বৃত্তান্তে প্রকাশিত হইয়াছে?

কোনো দার্শনিক পণ্ডিত সার্কজনিক রাষ্ট্রীয় ধাক্কার বিশ্লেষণ করিতে বসিলে যে ধরনের বিবরণ বাহির হইতে পারে, “অর্থশাস্ত্রে”র এই বিবরণ প্রায় সেইরূপ। ঠিক যেন চুল-চেরা তর্ক-প্রণালীর প্রয়োগক্ষেত্র হিসাবে

সভা দুইটার কার্য-তালিকা প্রদর্শিত হইয়াছে। কাজেই মোক্ষ সাত্রাজ্যের দেশ-সভা হিসাবে এই দুই সভাকে গ্রহণ করিতে প্রযুক্তি হয় না।

কামন্দকীনীতি, শুক্রনীতি অথবা রামায়ণ এবং মহাভারতের সভা-মহাত্ম্য যে চিজ, “অর্থশাস্ত্রে”র “সভা-পর্ক”ও তাহারই লাগালগি মান। এই গুলাকে মোটের উপরে রাষ্ট্র-বিষয়ক “মত” রূপে চালানো যাইতে পারে। “প্রতিষ্ঠানে”র ইতিহাসে ইহাদের ঠাই এখনো নাই। এই সকল প্রভেদ স্বীকার না করার ফলে শ্রীযুক্ত প্রমথ নাথ বন্দ্যোপাধ্যায়ের “প্রাচীন ভারতে রাষ্ট্রশাসন” (লণ্ডন ১৯১৭) বিশেষ দোষগ্রস্ত হইয়া পড়িয়াছে।

হিন্দুমন্ত্রীর এক্টিয়ার

যখন প্রাতিষ্ঠানিক কল্পকেন্দ্র হিসাবে এই সকল সভা বা মন্ত্রিসভা বা মন্ত্রিপরিষদের ইচ্ছাং দেওয়া সম্ভব নয়, তখন এই সকলের বিধানে জনগণের আত্মকর্তৃত্ব বা স্বরাজ কতখানি ছিল তাহা আলোচনা করিতে বলা অনাবশ্যক। তবে হিন্দু রাষ্ট্রাবলীর কোনো কোনো মন্ত্রীর নাম এবং প্রভাব সম্বন্ধে খাঁটি ঐতিহাসিক অথবা “নিম্ন” ঐতিহাসিক প্রমাণ কিছু কিছু পাওয়া যায়। “শাস্ত্র” সাহিত্যে অমাত্যবর্গ সম্বন্ধে যে সব উপদেশামৃত আছে, তাহা কিন্তু বর্তমানে ধর্ষব্য নয়।

(১)

কাঠিয়াবাড় প্রদেশের গির্গার জনপদের “সুদর্শন সাগর” নামে হ্রদ বা সরোবর প্রাচীন লেখমালায় অর্থাৎ “লিপি”-সাহিত্যে বিবৃত দেখিতে পাই। খৃষ্টীয় দ্বিতীয় শতাব্দীর একটা ঘটনা বর্তমান প্রসঙ্গে উল্লেখ যোগ্য। ব্রহ্মদামন নামক কুশাণ সাম্রাজ্যের অধীনস্থ এক ক্ষত্রপ এই সরোবর

মেরামত করিতে চাহিয়াছিলেন। কিন্তু মন্ত্রীদের তরফ হইতে আপত্তি আসে। সরকারী ধরচে মেরামত করানো সম্ভবপর হয় নাই। ক্ষত্রপ মহাশয় নিজের গাঁট হইতে টাকা খরচ করিতে বাধ্য হইয়াছিলেন। হিন্দু রাষ্ট্রে মন্ত্রীর এক্টিয়ার এই ঘটনায় কিছু কিছু আন্দাজ করা চলে।

মন্ত্রীর প্রভাব এইখানে দেখিতেছি লিপিতে খোদা। এই বিষয়ে একটা “কাহিনী” শুনিতে পাওয়া যায় আর এক যুগ সম্বন্ধে। কাহিনী-টার প্রচারক হইতেছেন সপ্তম শতাব্দীর চীন পর্যটক য়ুয়ান-চুআঙ। খৃষ্টপূর্ব তৃতীয় শতাব্দীর মৌর্য সম্রাট অশোক নাকি খুব “খরচে” লোক ছিলেন। রাধাশুশ্র নামক অমাত্যের “শাসনে” অশোকের হাত অনেকটা সংযত হইয়াছিল বলিয়া জনশ্রুতি আছে।

এই ধরণেরই আর এক “কিস্সা” বা জনশ্রুতি য়ুয়ান-চুআঙ অবগত ছিলেন। তাঁহার “সি-য়ু-কি” গ্রন্থে জানা যায় যে, শ্রাবস্তির এক বিক্রমাদিত্য ছিলেন দানখৈরাতে মুক্তহস্ত। মন্ত্রীর সঙ্গে তাঁহার বচসা চলিত খুব। মন্ত্রী মহাশয় কোনো উপলক্ষ্যে নাকি বলিয়াছিলেন— “মহারাজ, আপনি ত দান অল্পস্থান করিয়া যশস্বী হইতেছেন। কিন্তু মন্ত্রী বেচারার অবস্থা কি ভাবিয়া দেখুন ত? রাজ্য চালাইবার জন্ত খরচপত্র করা চলিবে কোথা হইতে? তাহার জন্ত আবার কর তুলিতে হইবে। তাহা হইলে মন্ত্রীকে প্রজার বিরাগ সহিতে হইবে। অপর দিকে প্রজারাও রাষ্ট্রের উপর নারাজ হইতে থাকিবে।” ইত্যাদি

য়ুয়ান-চুয়ান্ডের বৃত্তান্তে ভারতবাসীর পক্ষে গৌরবের জিনিষ অনেক আছে। কিন্তু তাঁহার প্রচারিত সকল গল্পই “ইতিহাস” কিনা সন্দেহ।

(২)

“রাজতরঙ্গিণী” যদি ইতিহাস হয়, তাহা হইলে এই গ্রন্থের সাঙ্খ্য অনুসারে কাশ্মীর দেশে মন্ত্রীর অনেক সময়ে বড় বড় কাজ করিয়াছিলেন

বলিতে হইবে। এই রাষ্ট্রে মন্ত্রীরা ছিলেন রাজ-শ্রুতা। কার্কোট বংশের উৎপত্তিই হয় মন্ত্রী খণ্ডের প্রভাবে। খণ্ড একজন মামুলি লোককে গদ্বিতে বসাইয়াছিলেন। সপ্তম শতাব্দীর প্রথম পাদের কথা। সক্রিমতি নামক একজন মন্ত্রী অত্যাচার মন্ত্রীদের সাহায্যে আর্ধ্য-রাজ নামে রাজ হইয়া বসেন। প্রথম প্রতাপাদিত্য নামক রাজা মন্ত্রীদের ডাকে বিদেশ হইতে আসিয়া কাশ্মীরের রাজতন্ত্র দখল করিয়াছিলেন।

(৩)

তামিল ভারতের মন্ত্রীদের ইচ্ছাও উচ্চদের বলিয়া বোধ হয়। রাজরাজ এবং রাজেন্দ্র চোল ইত্যাদি নরপতির পত্নী স্বরাজ বিষয়ক ফার্মাণ পূর্বে বিবৃত হইয়াছে। এই উপলক্ষে মন্ত্রীদের নাম উল্লেখ দেখিতে পাওয়া যায়। “ওলাই নামকম” অর্থাৎ প্রধান অমাত্য এবং আর একজন মন্ত্রী বা বড় গোছের কর্মচারী এই দুই ব্যক্তির মতামত না লইয়া বাদশারা কোন “শাসন” জারি করিতেন না। কিছু বাড়াবাড়ি না করিয়া মন্ত্রীদিগকে এই ক্ষেত্রে “পাবলিক ল”র তরফ হইতে রাজার প্রায় সমান বিবেচনা করা চলে।

চোল মণ্ডলের ফার্মাণ, চার্টার বা শাসন গুলো সদরের সরকারী দলিলের দপ্তরখানায় জমা করিয়া রাখিবার নিয়ম ছিল। কাগজপত্র দপ্তরখানায় পাঠাইবার পূর্বে পত্নী-সভার এবং রাজ প্রতিনিধির মতামত লওয়া হইত। এই ক্ষেত্রেও সদরের বড় অফিসে জনগণের আশ্রয়কর্তৃত্ব কিছু কিছু আশ্রয় প্রকাশ করিতেছে।

“এপিগ্রাফিকা জেলানিকা” নামক লক্ষ্য বিষয়কতন্ত্রশাসনসংগ্রাহ-বলীতে মন্ত্রীদের এক্টিয়ার বেশ স্পষ্টই দেখিতে পাই। চোলমণ্ডলের মতন সিংহলেও পত্নী-স্বরাজ সম্বন্ধীয় আইনগুলায় রাজার সঙ্গে মন্ত্রীদের

নাম সংযুক্ত আছে। প্রত্যেক ফার্মাণেই “স-মন্ত্রিপরিষৎ মহারাজ” এইরূপ বিবরণ পাওয়া যায়।

(৪)

৬০৬ খ্রীষ্টাব্দে হর্ষবর্ধন উত্তর ভারতে রাজা হইয়াছিলেন। যুমান-হুআওর “সি-য়ু-কি” গ্রন্থ অনুসারে এই রাজা মন্ত্রীদের নির্বাচিত লোক। জন সাধারণের “সম্মতি”ও ছিল।

এই ধরনের গল্প গুজব কিম্বা বা ইতিহাস ভারতের নানা “দেশ” হইতে আরও অনেক সংগ্রহ করা অসম্ভব নয়। কিন্তু কোনো ক্ষেত্রেই মন্ত্রী-দিগকে জন-সাধারণের “প্রতিনিধি” বিবেচনা করা সম্ভব নয়। তাঁহারা “রাজার লোক”। তবে তাঁহাদের ব্যক্তিগত চরিত্র, কর্তব্যনিষ্ঠা অথবা কর্মপটুত্বের প্রভাবে বাদশারা অনেক সময়ে হ্রস্ব থাকিতেন এইরূপ বিশ্বাস করা চলে। “মুদ্রারাক্ষসে”র “সচিবায়ত্ত” রাজবিষয়ক কথা বোধ হয় অনেকটা এই বাস্তবেরই ইঙ্গিত করিতেছে।

দেশ স্বরাজে হিন্দুকৃতিত্ব

চোল মণ্ডল হইতে এবং সিংহল হইতে “মন্ত্রি পরিষদে”র ইঙ্গিত পাওয়া যাইতেছে। নবম-ত্রয়োদশ শতাব্দীর সাক্ষ্য। এই ইঙ্গিতকে খাঁটি ঐতিহাসিক বলিয়া গ্রহণ করাও চলিতে পারে। অত্যাচার কোনো বা জনশ্রুতিতে এইরূপ “রাজার মন্ত্রিতে সম্মিলিত হইয়া” শাসন জারি করিবার খবর পাওয়া যায় না।

তাহা সত্ত্বেও ধরিয়া লওয়া যাউক, বেন, মৌর্য আমল হইতে খৃষ্টীয় ত্রয়োদশ শতাব্দী পর্যন্ত ভারতের দেশে দেশে এবং যুগে যুগে “মন্ত্রি-পরিষৎ” ছিল। এখন বিচার করিতে হইবে, এই মন্ত্রি-পরিষদের দ্বারা কি?

মন্ত্রি-পরিষৎটা বাদশাহর সহকারী সজ্ব হিসাবে গোটা দেশের কর্মক্ষেত্র। এইটাই প্রকৃত প্রস্তাবে হিন্দু নরনারীর “দেশ-সভা”। কিন্তু “পাবলিক ল” বা রাষ্ট্রশাসন বিঘ্নক আইনের চোখে এই পরিষদের সঙ্গে “দেশের” অর্থাৎ নরনারীর সংযোগ কিছুই নাই।

সম্ভবর শাসনে, শ্রেণীর শাসনে, পল্লীর শাসনে, নগরের শাসনেও হয়ত কিছু কিছু—হিন্দু নরনারী স্বরাজ বা আত্মকর্তৃত্ব ভোগ করিত। কিন্তু এই মন্ত্রি পরিষদে বা “দেশ”সভার জনগণের কোনো আইন সত্ত্ব যোগাযোগ ছিলনা। অর্থাৎ “সমগ্র দেশ” নামক সভা হিন্দু স্বরাজের বহির্ভূত ছিল।

হিন্দু নরনারী “লোক্যাল” বা স্থানীয় ধাক্কায় আত্মকর্তৃত্ব ভোগ করিয়াছে। কিন্তু “সাম্রাজ্য” নামক লোকসমষ্টির ধাক্কায় পল্লী বা নগরের নরনারীর কোনো এক্তিয়ার ছিল না। ঐতিহাসিক প্রমাণ যতদিন আবিষ্কৃত না হয়, ততদিন পর্যন্ত হিন্দু স্বরাজের সীমানা এইখানে টানিয়া রাখা দরকার।

অবশ্য চের, চোল এবং পাণ্ড্য এই দেশের “প্রতিনিধি-তন্ত্র” সম্বন্ধে এই কথা খাটেন। এই তিন জনপদ ছাড়া “দেশ-স্বরাজ” ভারতের আর কোথায়ও ছিল না। কিন্তু এই তিন দেশের রাষ্ট্রীয় প্রতিষ্ঠান পরবর্তী কালে পূর্ণতর বিকাশ লাভ করে নাই। এই জন্ত হুনিয়ার লোক “দেশ-স্বরাজের” ইতিহাসে এই তিন জনপদের নাম করিতে অভ্যস্ত নয়।

ইয়োরোপীয় স্বরাজের বিকাশ-ধারা।

কথাটা খোলসা করিয়া বলিতেছি।

“দেশ” “রাজ্য,” “সাম্রাজ্য” ইত্যাদি জীবনকেন্দ্রে জনসাধারণের অন্তর্ভুক্ত স্বরাজ বা আত্মকর্তৃত্ব ঊনবিংশ বিংশ শতাব্দীরই আবিষ্কার।

ঊষ্টাদশ শতাব্দীর শেষ পর্যন্ত ইয়োরোপের নরনারী স্বরাজ বা স্বাধীনতা বলিলে একমাত্র “লোক্যাল” অর্থাৎ পল্লী-গত বা নগর-গত (এবং শ্রেণী-গত) অধিকার বুঝিত।

(১)

প্রাচীন গ্রীক রাষ্ট্রগুলি মাসিদোনীয়রাজ ফিলিপের হাতে গুঁড়া হইয়া যায়। সে খৃষ্ট পূর্ব চতুর্থ শতাব্দীর কথা তখন হইতে রোমাণ সাম্রাজ্যের অবসানকাল পর্যন্ত ইয়োরোপীয়ানরা যে ধরণের অধিকার বা একতিরার ভোগ করিত, তাহার পরিচয় পাওয়া যায় জেফস্ প্রণীত “রাষ্ট্র-নীতির ইতিহাস” (লণ্ডন ১৯০০) এবং সিজুয়িকের “ডেফেন্সপ্লেমেন্ট অব ইয়োরোপীয়ান পলিটি” অর্থাৎ “ইয়োরোপীয় রাষ্ট্রের ক্রমবিকাশ” (লণ্ডন ১৯০৩) ইত্যাদি গ্রন্থে। নিজ নিজ পল্লী, নিজ নিজ “কোঠা” ছাড়া “দেশ” নামক বৃহত্তর লোকসমষ্টির ধাক্কা সেকালের কোনো পশ্চিমার মাথায় ছিল না।

রোমাণ সাম্রাজ্যের মফঃস্বলের লোকেরা সাম্রাজ্যের ধার ধারিত না। একালের ইংরেজ পণ্ডিত আর্নল্ড প্রণীত “রোমাণ প্রোবিন্সিয়াল এ্যাডমিনিষ্ট্রেশন” বা “রোমের প্রাদেশিক শাসন” (অক্সফোর্ড, ১৯১৫) অথবা সেকালের ফরাসী পণ্ডিত গীজো-প্রণীত “প্রতিনিধি তন্ত্রের ইতিহাস” ইত্যাদি গ্রন্থে ইয়োরোপীয় স্বরাজের দৌড় স্পষ্ট দেখিতে পারি।

(২)

হুন্সের কোনো কোনো নরপতি মাঝে মাঝে খোলা মাঠে সার্বজনিক সভা ডাকিয়া লোকজনের সঙ্গে যোগাযোগ স্থাপন করিত। “শাঁ দ’ মাস্” এবং “শাঁ দ’ না” অর্থাৎ “মার্চের মাঠ” এবং “মে মাসের মাঠ” নামে এই প্রতিষ্ঠান অষ্টম নবম শতাব্দীতে পরিচিত ছিল।

রোমাণ সাম্রাজ্য ভাঙ্গিয়া “বর্কার” জাতিগণেরা ফ্রান্সের মতন ইতালিতে এবং স্পেনেও নয়া নয়া রাষ্ট্র কায়েম করে। এই সকল দেশেও রাজারা জনসাধারণকে পল্লীর বাহিরে স্বরাজহীন করিয়াই রাখিয়াছিল। স্পেনের রাজারা তোলেন্দো সহরে এক প্রকার সভা কায়েম করে। তাহার ইচ্ছা হিন্দুদের মস্তি-পরিষদের কোঠা ছাড়াইয়া যায় না।

ত্রয়োদশ শতাব্দী পর্যন্ত ইয়োরোপের কোথাগও “প্রতিনিধি-তন্ত্র” আশ্রয় প্রকাশ করে নাই। এই সময়ে বিলাতে এই প্রতিষ্ঠানের স্বত্রপাত হয়। ছুনিয়ায় দেশ-স্বরাজ নামক সত্তার জন্মদাতা ইংরেজ জাতি। সাত শ বৎসর ধরিয়া ইংরেজরা সেই ধারা রক্ষা করিয়া চলিতেছে। কিন্তু ইয়োরোপের অত্যাশ্রয় মূল্যকে “দেশ-স্বরাজ” মধ্য যুগের শেষের দিকেও সর্বত্র দেখা বাইত না। ফরাসী বিপ্লবের সমসম কাল পর্যন্ত বাদশা বা রাজা একাকীই সমগ্র মূল্য এই ছিল ইয়োরোপীয় রাষ্ট্রনীতির বাস্তব আইন সঙ্গত কথা। সপ্তদশ শতাব্দীর ফরাসী বাদশা চতুর্দশ বই বলিতেন :—“লেতা সে মোআ” অর্থাৎ আমিই রাষ্ট্র।”

তথা কথিত হিন্দু পাল’গামেন্ট।

বাহা হউক, ত্রয়োদশ শতাব্দী পর্যন্ত ছুনিয়ার কোথাগও “দেশ-স্বরাজ” গড়িয়া উঠে নাই। কি এশিয়ায় কি ইউরোপে সর্বত্রই বাদশার হুকুম বা মস্তিই ছিল নরনারীর আইন। হিন্দুদের “মস্তি-পরিষৎ” অথবা ফরাসীদের “মার্চ মাসের মাঠ” অথবা স্পেনিরাদের “তেলেন্দো-সভা,” এই সকল প্রতিষ্ঠানকে জনগণের আশ্রয়কর্তৃদের তরফ হইতে উল্লেখ করা চলিবে না। তবে এইগুলার প্রভাবে রাজশক্তি সর্বত্রই খানিকটা খর্ব হইত সন্দেহ নাই। কিন্তু সম্প্রতি প্রাচীন ভারত সম্বন্ধে এক অদ্ভুত আবিষ্কার প্রচারিত হইয়াছে।

১৯২০ সালের ফেব্রুয়ারি মাসে বিহারের ব্যারিষ্টার-পণ্ডিত শ্রীযুক্ত কাশীপ্রসাদ জয়সওয়াল কলিকাতার “মডার্ন-রিভিউ” পত্রিকায় হিন্দুজাতির “পাল’গামেন্টের” পরিচয় দিয়াছেন। তাঁহার মতে “পোর-জানপদ” শব্দটা বিলাতী “পাল’গামেন্ট” অর্থাৎ “দেশ-সভার” সঙ্গে একার্থক। “পোর” শব্দে তিনি বুঝিয়াছেন “পুরসভা” এবং “জানপদ” শব্দে “জনপদ”-সভা। অতএব “পোরজানপদ” তাঁহার মতে “পুরবাসীদের এবং নগরবাসীদের সমবেত-মহাসভা”।

এই মত প্রতিষ্ঠিত করিবার জন্ত তিনি প্রায় একশ নজির দিয়াছেন পাদটীকায়। বর্তমান গ্রন্থকারের বিবেচনায় তাহার একটাও যুক্তিসঙ্গত নয়। “পোর-জানপদ” শব্দের অর্থ “সহরের লোক আর পাড়াগাঁয়ের লোক”। ইহা ছাড়া আর কিছু নয়।

এই স্বত্রে কাশীপ্রসাদ ১৬৫ খৃঃ পূর্বাব্দের হাথিগুম্ফা-লিপির যে ব্যাখ্যা প্রচার করিয়াছেন, তাহাও গ্রহণীয় নয়। তাঁহার মতে নরপতি “থারবেল পোর-জানপদকে অর্থাৎ পাল’গামেন্টকে কতকগুলি অন্তর্গত শাস্ত্র প্রিন্সিপাল্‌স্ বা অধিকার ও এক্টিয়ার প্রদান করিয়াছিলেন। “অন্তর্গত”কে বিলাতী “কন্সটিটিউশনে”র বা রাষ্ট্র-শাসনের দৃষ্টান্তে আইন-সঙ্গত জনগণের অধিকার বিবেচনা করা চলিবে না। “জানপদ” ও একটা জনগণের স্বরাজ-প্রতিষ্ঠান নয়।

রাজাবাহাদুর “প্রকৃতি-রঞ্জক” ছিলেন। আর “দেশের লোক” (পোরজানপদ) রাজার কাজকর্মে খুব স্মৃথী বা খুসী ছিলেন। বাস্ ! ইহার অতিরিক্ত বাহা কিছু বুঝিবার চেষ্টা করা বাইবে, তাহাই গাজুরি এবং যুক্তিহীনতার সাক্ষ্য দিবে মাত্র। “মডার্ন রিভিউ”র প্রবন্ধ দফায় দফায় সমালোচনা করা বর্তমান গ্রন্থে পোষাইবে না।

পঞ্চম পরিচ্ছেদ।

বিচার-ব্যবস্থায় জনসাধারণের আত্মকর্তৃত্ব।

ইউরোপে জুরির বিচার।

জার্মান ধনবিজ্ঞানবিৎ ফ্রেড্রিক শিষ্ট- তাঁহার “স্বদেশী ধনবিজ্ঞান” গ্রন্থে ইংরেজ সমাজে স্বরাজ-প্রতিষ্ঠানের আলোচনা করিতে গিয়া বলিয়াছেন যে, ইংরাজেরা “জুরি” প্রথা কায়ম করিয়া বিচার ব্যবস্থায় জনগণের আত্মকর্তৃত্ব প্রতিষ্ঠিত করিয়াছে। জুরির বিচারের স্বপক্ষে বিপক্ষে অনেক কথা বলা চলে। হোল্ডস হ্বার্থ প্রণীত “ইংরেজ আইন-কানূনের ইতিহাস” গ্রন্থে (লণ্ডন ১৯০৩) বর্তমান ব্যবস্থার খুঁটিনাটি বিবৃত আছে। সকল দিক দেখিয়া শুনিয়া জুরি-প্রথাকে স্বরাজের এক বড় খুঁটা স্বীকার করিতেই হয়। ইহার প্রভাবে বিচার-ব্যবস্থা জনগণের তরফ হইতে খানিকটা “ডেমোক্রেটিক” অর্থাৎ প্রজারত্ত হইতে বাধ্য।

জুরির বিচার ইউরোপে দেখা দেয় ত্রয়োদশ শতাব্দীতে। হ্বাল্শ-প্রণীত “জুনিয়ার সর্ক্সপ্রধান শতাব্দী,—ত্রয়োদশ শতাব্দী” নামক গ্রন্থে (নিউ ইয়র্ক ১৯০৭) জানিতে পারা যায় যে, রাইন এবং হ্বেজার দরিয়ার মধ্যবর্তী জনপদে অর্থাৎ আজকালকার হ্বেষ্টফেলিয়া প্রদেশে “ফেম”—আদালতের সূত্রপাত হয়। এই সব আদালত পল্লীবাসীদের আপোষে শালিশীর বিচার-কেন্দ্র।

বিলাতেও ত্রয়োদশ শতাব্দীতে দ্বিতীয় হেনরির “অ্যাসাইজ” কাশুন জারি হয়। এক কানূনের নিয়মে, জমিজমার দখল বা স্বত্বাধিকার লইয়া তর্কভাৱ উপস্থিত হইলে পল্লী হইতে চারজন “নাইট” শ্রেণীর “বাবু” বা স্বত্বজাত ব্যক্তির মতামত জানা অবশ্যকর্তব্য বিবেচিত হইত। আর

একটা কানূনে ঠিক এই প্রণালীতেই উত্তরাধিকারীদের হিস্তাও নিরীকৃত হইবার ব্যবস্থা করা হইয়াছিল।

হিন্দু জুরি।

(১)

হিন্দু নরনারীর বিচার-ব্যবস্থায় এইরূপ আত্মকর্তৃত্ব জনসাধারণের অভিজ্ঞতার ভিতর দিয়া দেখিতে পাই। শুক্রনীতি (৪৫৪৪-৫৬ পংক্তি) গ্রন্থে এই বিষয়ে যে সকল কথা আছে তাহা সম্প্রতি আলোচনা করিব না। জমিজমার সীমানা লইয়া ঝগড়া বাধিলে পল্লী-“বুদ্ধ”দের ডাক পড়িত, কোটিল্যের “অর্থশাস্ত্রে” (৩১০) একথা বুঝিতে পারি।

১৯১৩ সালের জুন মাসের “মডার্ন রিহিউ” পত্রিকায় শ্রীযুক্ত কাশীপ্রসাদ জয়সওয়াল “অর্থ-শাস্ত্রের” নজির উদ্ধৃত করিয়াছেন। এই নজিরে বুঝা যায় যে, পল্লী-বুদ্ধদের ভিতর মতে অমিল হইলে “বহবঃ শুচরঃ” অর্থাৎ “বেশী ভাল লোক” বে দিকে, সেই দিকেই রায় দিতে হইত। কোটিল্যের বিধানে বিলাতী “অ্যাসাইজ”ই দেখিতেছি,—তবে কম সে কম বার চোদ্দশ বৎসর পূর্বেকার কথা “অর্থশাস্ত্রে” পাওয়া যায়।

শুক্রনীতিকে কোনো যুগে ফেলা এখনো সম্ভবপর নয়। তাহা ছাড়া কোনো রাজবংশের সঙ্গে ইহার যোগাযোগ ঘটানো আরও কঠিন। কোটিল্যকে মৌর্যভারতের সঙ্গে জড়াইয়া রাখিবার সপক্ষে বিপক্ষে এখনো তর্ক চলিতেছে। কাজেই সন্দেহমূলক হইলেও জুরি-বিষয়ক কোটিল্যের বচনটা এইখানে উদ্ধৃত করা গেল। তবে মৌর্যভারতের জজেরা বাস্তবিক পক্ষে বিচার কার্যে জুরির সাহায্য লইতেন কিনা কে বলিতে পারে ?

জুরির কথা খাঁটি রাষ্ট্রশাসনের বাহিরেও ভারতে শুনিতে পাই। শাক্যগোতম-পন্থীদের সজ্জ্বর ইতিহাসে ৪৪৩ খৃষ্ট পূর্বাব্দের এক ঘটনা এখানে উল্লেখ করা চলে। বেসালির “দশ বিধান” গোড়াদের বিচারে “নতুন কিছু” বিবেচিত হইতেছিল। এই সকল নব বিধানের বিরুদ্ধে মোকদ্দমা রুজু হয়। মোকদ্দমাটা “উক্বহিক”দের সাহায্যে নিষ্পত্তি করা হইয়াছিল। ১২০৮ খৃষ্টাব্দের “ইণ্ডিয়ান আর্টিকোয়ারি” পত্রিকায় ফরাসী পণ্ডিত পুঁসার আলোচনার সজ্জ্বর বিচারে জুরি-ব্যবস্থার কথা বাহির হইয়া পড়িয়াছে। “উক্বহিক” সম্বন্ধে “চুল্লবগ্গে” (৪১১৪, ১৯, ২০) অনেক কথা আছে।

সজ্জ্বওয়ালারা যে-সে লোককে জুরিতে বসিতে দিত না। শত্রু মিত্র উভয়পক্ষের স্বার্থ ভাল করিয়া বুঝিবার ক্ষমতা বাহার নাই সে উক্বহিক হইতে পারিত না। তাহা ছাড়া বগড়া চুক্লির কারণ ঠাওরাইতে পারা উক্বহিক হওয়ার জন্ম আবশ্যিক। আইনকানুননের ধারাগুলা বুঝিবার ক্ষমতা থাকিও অতাবশ্যক বিবেচিত হইত। উক্বহিক-ব্যবস্থা স্বয়ং শাক্য-গোতমেরই প্রচারিত বলিয়া “চুল্লবগ্গে” উল্লিখিত আছে। কথাটা সত্য হইলে খৃষ্টপূর্ব ষষ্ঠ সপ্তম শতাব্দীর রাষ্ট্রীয় আবহাওয়ায় জুরি-প্রথা ভারতে জানা ছিল এইরূপ বিশ্বাস করিতে হয়।

ষষ্ঠ পরিচ্ছেদ।

রাজ-সিংহাসন ও জনসাধারণ।

রাজশক্তির খর্ব্বতা সাধন।

এ পর্য্যন্ত হিন্দু নরনারীর স্বরাজ বা আত্মকর্তৃত্ব সম্বন্ধে যে সকল তথ্য বিবৃত হইল তাহার সবগুলাই দেশের উপর জনগণের ক্ষমতা এবং প্রজায় প্রজায় লেনদেনের অন্তর্গত। বাদশার নিকট হইতে জনসাধারণ যে সকল এক্টিয়ার, অধিকার বা স্বাধীনতা লাভ করিয়াছিল, তাহারই আলোচনা করা হইয়াছে। প্রজার দাবী এবং রাজার দান এই দুই কথাই আলোচনার মুখ্য কথা ছিল।

এইবার স্বয়ং রাজার উপর প্রজার অধিকার কতখানি তাহার আলোচনা করিব। কি পল্লী-স্বরাজ, কি শ্রেণী-স্বরাজ, কি নগর-স্বরাজ, কি দেশ-স্বরাজ, কি মন্ত্রী-পরিষৎ, প্রত্যেক প্রতিষ্ঠানের প্রভাবেই রাজশক্তি সঙ্কুচিত হইত। পূর্বেই এইরূপ বুঝা গিয়াছে। যে পরিমাণে নরনারী বা “দেশের লোক” অল্প বিস্তর স্বাধীনতা ভোগ করিতেছে, সেই পরিমাণেই “দেশের রাজাও” অধিকারচ্যুত হইতেছে, এক্টিয়ার হীন হইতেছে, ক্ষমতা হারা হইয়া বসিতেছে। ইহা সহজেই ধরিয়া লওয়া যায়। প্রাচীন ভারত সম্বন্ধে এই কথাই এতক্ষণ বলা হইল। অবশ্য এই সকল কারণে হিন্দু রাজতন্ত্রকে আজকালকার পারিভাষিক মাফিক “লিমিটেড্” অর্থাৎ “সীমানায় বাধা” সম্বন্ধিতে গেলে বাড়াবাড়ি করা হইবে। মৌর্য মন্ত্রীর এক্টিয়ার লইয়া এইরূপ বাড়াবাড়ি করিয়াছেন প্রমথ নাথ বন্দ্যোপাধ্যায়।

রাজশক্তিকে আরও গুরুতররূপে খর্ব্ব করা সম্ভব। সেইরূপটাও হিন্দু নরনারীর জানা ছিল। বাদশার গদিটাকে লইয়া ভারতীয় জনসাধারণ অনেক সময়ে ছেলেখেলা করিয়াছে। রাজতন্ত্রটা আজ অনুক লোকের তাঁবে, কাল

অমূকের খেলালে,—এইরূপে “দেশের লোকে”র ভিতর লুকানুকি হইতেছে,—এই দৃশ্য ভারতীয় রাষ্ট্রের ইতিহাসে একাধিক দেখিতে পাই ; জন-সাধারণ রাজসিংহাসনের উপর কখন কিরূপ একুতিরার ভোগ করিয়াছে, সে কথা কাজেই “হিন্দুরাষ্ট্রে স্বরাজ” ব্যবস্থার আলোচনায় স্থান পাইবার যোগ্য।

রাজ-নির্বাসন।

রাজাকে সিংহাসন হইতে খেদাইয়া দেওয়া হিন্দু নরনারীর শক্তিবোধের অগ্রতম পরিচয়। মহাভারতের গল্প এখানে পাড়িব না। ইতিহাস পরিচিত রাজাদের ভাগ্যই আলোচনা করা বাইবে।

বিলাতে তিন রাজার গদি-চ্যুতি ঘটয়াছিল। দ্বিতীয় এডোয়ার্ডের দোষ, তিনি “অভিবেককালের প্রতিজ্ঞা রক্ষা করেন নাই।” দ্বিতীয় রিচার্ডকে তাড়ানো হইয়াছিল “আহামুক, অকর্মণ্য, ও অপদার্থ” বলিয়া। দ্বিতীয় জেমসের নির্বাসনের অনেক লম্বা লম্বা কারণ দেওয়া হইয়া থাকে ! একটা কথা এই যে, তিনি নাকি “প্রাথমিক চুক্তি”টা ভাঙ্গিয়াছিলেন।

হিন্দুজাতির অভিজ্ঞতায় দুই নরপতির নির্বাসন সুপরিচিত। নির্বাসনের কথা “সাহিত্য” ছাড়া অল্প কিছু প্রমাণে প্রতিষ্ঠিত করা সম্ভব নয় যদিও। খৃষ্টপূর্ব সপ্তম শতাব্দের শেষদিকে নাগদসকো নামক রাজাকে তাড়াইয়া দেওয়া হইয়াছিল। লোকটাকে পিতৃহস্তা বলিয়া দেশের লোক স্বর্ণা করিত। শিশুনাগ বংশের উৎপত্তির সঙ্গে এই নির্বাসন কাণ্ড জড়িত। “সুহাবংশ” নামক সিংহলী পালী গ্রন্থে এই গল্প পাওয়া যায়।

দ্বিতীয় নির্বাসিত রাজার নাম বৃহদ্রথ (খৃঃ পূঃ ১১১-১৮৫)। ইনি ছিলেন মৌর্য বংশের শেষ নরপতি। সপ্তম শতাব্দির বাণ-প্রণীত “হর্ষ-চরিত” গ্রন্থে প্রসঙ্গক্রমে উল্লিখিত আছে যে বৃহদ্রথকে তাড়ানো হইয়াছিল “প্রতিজ্ঞাহর্ষক” বলিয়া। ইংরেজরাজ দ্বিতীয় এডওয়ার্ডের মতন বৃহদ্রথও “প্রতিজ্ঞা” ভাঙ্গিয়াছিলেন অথবা প্রতিজ্ঞা রাখিতে পারেন নাই।

“প্রতিজ্ঞা” ও “সময়”

(১)

বাণ-প্রচারিত কাহিনীর “প্রতিজ্ঞা”টা কি ? এই বিষয়ে কাশীপ্রসাদ কৃষ্ণসওয়াল প্রণীত “হিন্দু রাজ্যাভিষেকের শাসন-বিষয়ক আইন” প্রবন্ধে (“মডার্ন রিভিউ,” জানুয়ারি, ১৯১২) অনেক মূল্যবান তথ্য বাহির হইয়াছে। তাহার পর শ্রীযুক্ত নরেন্দ্র নাথ লাহা প্রণীত “প্রাচীন ভারতীয় রাষ্ট্রের নানা কথা” (লণ্ডন ১৯২১) নামক গ্রন্থে রাজ্যাভিষেক সম্পর্কিত অনুষ্ঠান-প্রতিষ্ঠান সবিশেষ বিবৃত হইয়াছে। ংসিয়ার, হেববার, কয়, যোলি, হিল্লেরাণ্ট ইত্যাদি জার্মান পণ্ডিতগণের রচনায়ও অনেক কথা জানা যায়। মার্কিন হপ্‌কিন্সও এই দিকে নজর দিয়াছেন।

“ঐতরের ব্রাহ্মণ” (৬৭।১৭, ২৪) গ্রন্থে দেখিতে পাই, গদিতে বসিবার সময় রাজা জনগণের নিকট একটা “প্রতিজ্ঞা” করিতেন। সেই প্রতিজ্ঞা নিম্নরূপ। রাজা বলিতেন :—“আমি যদি তোমাদিগের উপর অত্যাচার চালাই, তাহা হইলে জন্ম হইতে মৃত্যু পর্যন্ত আমার অনুষ্ঠিত সকল সংকল্পই যেন পণ্ড হইয়া যায়। আর আমার পরলোকের সৌভাগ্য, আমার ব্যক্তিগত জীবন এবং সন্তানসন্ততি সবই যেন বিনষ্ট হয়।”

এই ধরণের প্রতিজ্ঞা মহাভারতের শান্তিপর্বে (৯।১০৬, ১০৭) ও আছে। হিন্দুদের প্রত্যেক রাজা গদিতে বসিবার সময় রাজ্যাভিষেককালে যদি বাস্তবিকই এইরূপ প্রতিজ্ঞা করিয়া থাকেন, তাহা হইলে তাহাদের দারিদ্র্য অন্ততঃ মৌখিক ভাবেও অতি গুরুতর ছিল সন্দেহ নাই। বস্তুতঃ এই “প্রতিজ্ঞা”র ফলে রাজায় প্রজায় একটা “সময়” বা চুক্তি গড়িয়া উঠিত। এই “চুক্তির” কথাই দ্বিতীয় জেমসের নির্বাসন কাহিনীতে স্মরণিত পাই।

হিন্দু রাজ্যাভিষেক একটা চুক্তি। এই কথা স্বীকার করিলে চুক্তি-ভঙ্গের দোষে বা পাপে যে-কোনো রাজাকে প্রজারা গদি হইতে খেদাইয়া দিতে “অধিকারী”। এই অধিকার “পাবলিক ল” অর্থাৎ শাসন বিষয়ক আইনের অন্ততম বিধান রূপে গ্রহণীয়।

(২)

বাদশারা এই চুক্তি সাক্ষিক কাজ করিতেন কিনা সে কথা স্বতন্ত্র। তবে এই ধরণের চুক্তি রাজশক্তিকে যে “লিমিটেড” বা নির্দিষ্ট সীমানার ভিতর সঙ্কুচিত করিয়া রাখিত। সেই বিষয়ে সন্দেহ নাই। কন্সে কন্স হিন্দু রাষ্ট্রের দার্শনিক ভিত্তি অথবা হিন্দুজাতির রাষ্ট্র-দর্শন আলোচনা করিবার সময় “ঐতরের ব্রাহ্মণ” আর শাস্তিপর্কের বচনগুলো বার পর নাই মূল্যবান বিবেচিত হইবে।

বিশেষ কথা এই যে, চুক্তি বা “সময়” হিন্দু রাষ্ট্রীয় অভিজ্ঞতারই একচেটিয়া তথ্য নয়। ইয়োরোপেও মধ্য যুগের রাজরাজড়ারা অভিষেকের সময় এইরূপ প্রতিজ্ঞা করিতে অভ্যস্ত ছিল। আমাদের সংস্কৃত শ্লোকের মতন ল্যাটিন শ্লোক না আওড়াইয়া কেহই গদিতে বসিতে পাইত না। ইংরেজ পণ্ডিত কাল হিল-প্রণীত “ইয়োরোপীয় মধ্যযুগের রাষ্ট্র-চিন্তা” নামক গ্রন্থে (লণ্ডন ১৯০৩-১৯১৫) সেই ল্যাটিন “সময়ে”র পরিচয় পাই।

ইয়াক্বি পণ্ডিত আডাম্‌স “বিলাতের শাসন-বিষয়ক ইতিহাস” (নিউ ইয়র্ক ১৯২১) গ্রন্থেও এই অভিষেক কালের “প্রতিজ্ঞা”র দাম অতি চড়া হারে বসাইয়াছেন। তাঁহার মতে আজকালকার বিলাতী রাজতন্ত্র যে আষ্ট্রেপুণ্ডে বাঁধা হইয়া পড়িয়াছে তাহার আসল কারণই হইতেছে রাজার প্রতিজ্ঞা আর রাজার প্রজার “সময়”। বিলাতী ইতিহাসে নন্দ্য্যগ আমলে অর্থাৎ একাদশ দ্বাদশ শতাব্দীতে এই “সময়” কারবার সুরু হয়।

নৃপতি-নির্বাচন

“প্রতিজ্ঞা” এবং “সময়” স্বীকার করিবামাত্র হিন্দু রাজাকে দেশের লোকের “নির্বাচিত” বলিয়া বিবৃত করা আবশ্যিক। পোলিটিক্যাল “থিয়োরি” বা তত্ত্ব অর্থাৎ রাষ্ট্রদর্শনের তরফ হইতে ইহা অনিবার্য।

(১)

প্রকৃত কার্যক্ষেত্রেও হিন্দুসমাজের কয়েক রাজা খাটি বাছাই করা লোক ছাড়া আর কিছু নন এইরূপ দেখিতে পাই। মন্ত্রীদের এক্টিয়ার আলোচনা করিবার সময়ে কাশ্মীরের রাজনির্বাচন দেখা গিয়াছে। রাজ-নির্বাচনের আলোচনার প্রথম শিশুনাগের বাছাই-কাণ্ডও উল্লিখিত হইয়াছে। ইনি তখনকার একজন কবিত্বকর্মী মন্ত্রী ছিলেন। “দেশের লোক” তাঁহাকে গদিতে বসাইয়াছিল।

কুবাণ সম্রাজ্যের অধীনস্থ এক ক্ষত্রপ রুদ্রদামন নামে পশ্চিম ভারতে প্রসিদ্ধ ছিলেন। তাঁহার প্রচারিত এক “লিপি” আবিষ্কৃত হইয়াছে। তাহাতে তিনি স্বয়ংই স্বীকার করিয়াছেন, দেশের লোকেরা সম্মিলিত হইয়া তাঁহাকে রাজমুকুট পরাইয়াছিল। খৃষ্টীয় দ্বিতীয় শতাব্দির কথা।

চীনা পণ্ডিত য়ুয়ান-চুয়াঙ তাঁহার “সি-য়ু-কি” গ্রন্থে হর্ষবর্কন সম্বন্ধে একটা কাহিনী প্রচার করিয়া গিয়াছেন। * মন্ত্রিবর ভগ্নীই ছিলেন রাজ-স্বপ্না এইরূপ বুদ্ধিতে পারি। তাঁহার সঙ্গে অত্যাশ্রয় মন্ত্রী এবং কন্দচারীরা যোগ দিয়াছিল। আর দেশের লোকেরা সড়কে সড়কে অনন্দে গান গাহিয়া রাজ-নির্বাচনে সম্মতি জানাইয়াছিল।

* কাহিনীটা এমন ভাবে লিখিত যে মনে হয়, য়ুয়ান-চুয়াঙ কনফিউশিয়ান-চীনা সম্রাজ্যের “পরিবার-নিষ্ঠা”ই বিবৃত করিতেছেন। “সি-য়ু-কি”তে বাস্তব ভারতের সঙ্গে সঙ্গে চীনা কোঁড়ন কতখানি আছে, বিশ্লেষণ করিয়া দেখা দরকার।

শ্রীযুক্ত রমা প্রসাদ চন্দ-প্রণীত “গৌড়-রাজমালা” (রাজসাহী, ১৯১২) এবং শ্রীযুক্ত রাখালদাস বন্দ্যোপাধ্যায়-প্রণীত “বঙ্গদ্বার ইতিহাস” (কলিকাতা, ১৯১৫) ইত্যাদি গ্রন্থে জানা যায় যে বঙ্গীয় জনসাধারণ গোপালকে (খৃঃ অঃ ৭৩০-৭৪০) রাজত্বকে বসাইয়াছিল। গোপাল ছিলেন সেকালের একজন জবরদস্ত “তীরন্দাজ” বা “লাঠিয়াল।” সেই রাজ বাছাইয়ের কথা আমার পাঠ্য খোদা আছে।

(২)

এই সকল দৃষ্টান্তে প্রমাণিত হয় যে, হিন্দু নরনারী রাজসিংহাসনকে সর্বদাই একটা জুজুর মতন ভয় করিত না। রাজার মুকুট এবং গদি-সম্বন্ধেও হিন্দুজাতি অনেক সময় স্বরাজ বা আত্মকর্তৃত্ব ভোগ করিয়াছে। নিজের হাতে বাছাই-করা লোক দেশের রাজা,—এইরূপ ঘটনার ফলে জনসাধারণের চিন্তে এবং ব্যবহারে যে ব্যক্তিত্বজ্ঞান ফুটিয়া উঠা স্বাভাবিক, সেই ব্যক্তিত্বজ্ঞান ভারতীয় রাষ্ট্রের আবহাওয়ার আপনা আপনি বিকশিত হইত।

ইয়োরোপের রাষ্ট্রীয় অভিজ্ঞতাও এইরূপ। মধ্য যুগের জাঙ্গালিতে বাদশারী প্রায় সকলেই—অন্ততঃ পক্ষে বংশ-প্রবর্তকেরা নির্বাচিত হইতেন। ফ্রান্সে নির্বাচনের দৃষ্টান্ত বড় বেশী নয়। শালার্মেঞ্জের বংশধরগণ ছাড়া আর কোন রাজা জনগণ কর্তৃক নির্বাচিত হন নাই। বিলাতী রাষ্ট্রের ইতিহাসে জন্মগত উত্তরাধিকারের জোর বেশী কি বাছাই-নীতির জোর বেশী, এই বিষয়ে দার্শনিক তর্ক এখনো থামে নাই। যাহা হউক, হিন্দুর মেজাজ যে পশ্চিমা মেজাজ হইতে পৃথক নয়, এইরূপ বুঝিতে গোল বাধে না।

রাজগদির উত্তরাধিকারী ও লোকমত।

৮১৭ খৃষ্টাব্দের একটা ইয়োরোপীয় ঘটনা কাল হিল প্রণীত “ইয়োরোপীয় মধ্য যুগের রাষ্ট্র-তত্ত্ব” (লণ্ডন ১৯০৩-১৫) নামক গ্রন্থে উল্লিখিত আছে। লুইস নামক ফ্রান্স বংশীয় এক রাজা তাঁহার উত্তরাধিকারী-বাছাইয়ের মাসুলিক অনুষ্ঠান কয়েম করেন। জ্যেষ্ঠ পুত্র লোথেরারকে তিন দিন উপোস করিতে হইয়াছিল। খৃষ্টিয়ান ক্যাথলিকরা হিন্দুদের মতনই পূজাপার্কণে অভ্যস্ত। তাহার পর লোথেরারকে বথারীতি লুইসের উত্তরাধিকারী বিবেচনা করা হয়। ব্রাহ্মণ, পণ্ডিত, অমাত্য, জনসাধারণ ইত্যাদি সকলের মতামত লওয়া হইয়াছিল।

এই ধরনের উত্তরাধিকারী-অভিষেক মহাভারতের কাহিনীতে একাধিক আছে। মার্কিন পণ্ডিত হপ্‌কিন্স তাঁহার “মহাভারতের ক্ষত্রিয় সমাজ” শ্রবণে এই সব উল্লেখ করিয়াছেন। আমেরিকান ওরিয়েন্টাল সোসাইটির ত্রৈমাসিক পত্রিকায় ১৮৮৯ সালে এই রচনা বাহির হইয়াছিল। কিন্তু মহাভারতের গল্প বর্তমান গ্রন্থে ঠাই পাইতেছে না।

এই বিষয়ে মেগাস্থেনিসের একটা উক্তি উল্লেখযোগ্য বিবেচনা করি। রাজ্যে উত্তরাধিকারীর অভাব হইলে অমাত্য এবং কর্মচারীরা লোকমত লইয়া কোনো ব্যক্তিকে গদিতে বসিবার একৃতির দিতে অভ্যস্ত ছিল। এই কথা মেগাস্থেনিস তাঁহার “ইন্ডিকা”য় লিখিয়া গিয়াছেন। এই খবরটা তিনি কোথা হইতে পাইলেন, তাহা বুঝিবার জো নাই। তিনি ভারতে ছিলেন মাত্র তিন বৎসর। ইহার ভিতর ভারতের কোথাও কোনো উত্তরাধিকারী বাহালের দরকার ঘটিয়াছিল কি? সে যাহা হউক, মেগাস্থেনিসের মতে গুণ দেখিয়া উত্তরাধিকারী বাছাই করা হইত, এইরূপও বুঝিতে পারি। জনসাধারণের স্বরাজ ভারতে অতি ন্যাপক ভাবেই দেখা দিয়াছিল বলিতে হইবে।

সপ্তম পরিচ্ছেদ।

স্বরাজ-তত্ত্ব।

বিশ্ব-চিন্তায় স্বরাজ (= ডেমোক্রেসি)

এই অধ্যায়ের প্রায় প্রত্যেক পরিচ্ছেদেই “স্বরাজ” শব্দ অনেকবার ব্যবহৃত হইয়াছে। “স্বরাজকে” পাশ্চাত্য “ডেমোক্রেসির” প্রতিশব্দ সম্বন্ধিতৈছি। কিন্তু “ডেমোক্রেসি” কি বস্তু ?

(১)

প্রাচীন ইয়োরোপে গ্রীকরা “ডেমোক্রেসি” শব্দ ব্যবহার করিত প্রচুর পরিমাণে। রোমানদের কথাবার্তায় এই শব্দ বড় বেশী দেখা বাইত না। বর্তমান ইয়োরোপে বোধ হয় ফরাসীরা আবার ডেমোক্রেসির রেওয়াজ ফিরাইয়া আনিয়াছে। ফ্রান্সের পর শব্দটা চলে বেশী ইয়াক্সিস্থানে। ইংরেজরা শব্দটা অল্পবিস্তর ব্যবহার করিয়া থাকে। জার্মান সমাজে ইহার চল খুব কম। রাষ্ট্রনৈতিক চিন্তার মোটা ধারার কথা বলিতেছি। কোনো ব্যক্তি-বিশেষ বা গ্রন্থ বিশেষের দিকে নজর রাখিয়া এই প্রভেদ লক্ষ্য করা হইল না।

ফরাসী, ইয়াক্সি, ইংরেজের মধ্যেও আবার প্রভেদ লক্ষ্য করা সম্ভব। ইংরেজের রাষ্ট্র-সাহিত্যে এবং রাষ্ট্রীয় আন্দোলনে বেশী দেখিতে পাই “কনষ্টিটিউশন (আইনসম্বন্ধ শাসন-প্রণালী), “ল” (আইন-কানুন), “অর্ডার” (শৃঙ্খলা, সামঞ্জস্য) ইত্যাদি শব্দের ছড়াছড়ি। “ডেমোক্রেসি” বলিলে অত্যাচারের বাহা বুঝে, হস্ত এই শব্দগুলো কায়ম করিয়া ইংরেজরা সেই কথাই প্রকাশ করে।

ফরাসীরা “ডেমোক্রেসি” শব্দটা যখন চাপিয়া রাখে, তখন তাহাদের রচনায় বা বক্তৃতায় বাহির হয় “লিবার্তে” (স্বাধীনতা) অথবা “জুস্তিস্” (আয়)। ইংরেজদের “ল” আর “কনষ্টিটিউশন” ফরাসীদের “জুস্তিস্” বস্তুরই এপিঠ ওপিঠ। বস্তুতঃ ইংরেজদের বাগ বিতণ্ডায় “জ্যুটিস্” শব্দের চলও কম নয়।

মার্কিনরা ইংরেজের মতন “ল,” “কনষ্টিটিউশন” ইত্যাদি অথবা ফরাসীদের মতন “জুস্তিস্” শব্দ যখন তখন ব্যবহার করিতে অভ্যস্ত নয়। তাহারা সোজাসোজি “ডেমোক্রেসি,” “ডেমোক্রেসিট,” “ডেমোক্রেসিটিক” ইত্যাদি বোল যেখানে সেখানে আওড়াইয়া থাকে। এই শব্দের আবহাওয়ায় মোটের উপর “জনসাধারণের ক্ষমতা,” “জনসাধারণের জীবন” “জনসাধারণের কর্তৃত্ব” ইত্যাদি ছুঁইতে পারা যায়।

ইংরেজরা “ল” ইত্যাদি শব্দে রোমাণ জাতির ধরণধারণই বঙ্গান্ন রাখিতেছে বলা চলে। জার্মানরা ঠিক ইহাদেরই মতন সেইরূপ “রেখট্” (উচ্চারণ প্রভেদে “রেষ্ট”) শব্দ কায়ম করে। সহজে “রেখট্” শব্দের অর্থ আইন, শ্রায় ইত্যাদি।

(২)

যে জাতি যে শব্দই ব্যবহার করুক না কেন, মোটের উপর শেষ পর্য্যন্ত প্রায় সকলেই এক ঘাটে আসিয়া জল পায়। তবে শব্দগুলোর ইসারা এবং ইঙ্গিত প্রত্যেক ক্ষেত্রেই বিভিন্ন। এই সবের বাধাবাধি-যুক্ত ব্যাখ্যা প্রকাশ করিতে বসিলে বর্তমান গ্রন্থের সমান একখানা বই লেখা হইয়া যাইতে পারে। তাহাতেও বিষয়টা পরিষ্কার হইবে কিনা সন্দেহ। কেন না “ল,” “কনষ্টিটিউশন,” “লিবার্তে” “জুস্তিস্,” “রেখট্,” “ডেমোক্রেসি” ইত্যাদি শব্দের বিশ্লেষণ বা সংজ্ঞাই রাষ্ট্র-বিজ্ঞান বা রাষ্ট্র-দর্শনের সকল তথ্য।

স্বরাজ শব্দকে যখন ডেমোক্রেসির সঙ্গে একার্থক ভাবে লওয়া গিয়াছে, তখন ডেমোক্রেসির সকল জটিলতাই স্বরাজের সঙ্গে মাথা আছে বুঝিতে হইবে। অর্থাৎ “ল” “লিবার্তে,” “জুস্তিস্” “রেথ্‌ট্” ইত্যাদি সকল চিন্তের সঙ্গেই স্বরাজের দেখা সাক্ষাৎ হইবার কথা। শব্দটাকে বাধাবাধির ভিতর ফেলিতে চেষ্টা করা আবশ্যিক সন্দেহ নাই।

“ল,” ধর্ম, “রেথ্‌ট্” “জুস্তিস্”

“ল” শব্দের অর্থ কি? ইংরেজ পণ্ডিত অষ্টিন প্রণীত “জুরিস্-প্রডেন্স্” বা “অনুশাসন-বিজ্ঞান” নামক গ্রন্থে ইহার বিপুল ব্যাখ্যা আছে। হল্যাও প্রণীত গ্রন্থেও বিশ্লেষণ আছে। সেকালের হিন্দু নরনারী (একালের কথা বলিতেছি না) “ধর্ম” শব্দ প্রয়োগ করিতে যত প্রকার বস্তু বুদ্ধিত, “ল” শব্দেও প্রায় সব গুলাই বুঝা যায়। জার্মান “রেথ্‌ট্”ও তদ্রূপ বিশ্ব-গ্রামী। “ধর্মসূত্র,” “ধর্মশাস্ত্র” ইত্যাদি সাহিত্যের “ধর্ম” হইতেছে “রেথ্‌ট্” “জুস্তিস্,” “ল,” কনষ্টিটিউশন”।

“যদা যদাহি ধর্মস্তা মানির্ভবতি” ইত্যাদি বাক্যের “ধর্ম” শব্দে দেবদেবী অথবা গোপূজা অথবা মন্দির দেবালয় ইত্যাদি বুঝায় না। বুঝায় “ল” বা “রেথ্‌ট্”। “ধর্মের” সংস্থাপনও সেইরূপ “ল” “অর্ডার,” “জুস্তিস্” “রেথ্‌ট্” ইত্যাদির প্রতিষ্ঠা।

“নৃপশ্চ বর্ণপ্রমপালনং যৎ স এব ধর্মো মনুনা প্রণীতঃ”—ইত্যাদি বাক্যের ধর্মও ল, কনষ্টিটিউশন ইত্যাদি। পাপ পুণ্য, পরকাল ইহকাল, তিথিনক্ষত্রের দোহাই ইত্যাদি বীজ কালিদাসের “ধর্মো” ছিল না। ইংরেজ, জার্মান, রোমানের যখন যখন “ল”-বাচক শব্দের কায়েম করিতে অভিযুক্ত, হিন্দু নরনারীরা তখন তখন “ধর্ম” শব্দ ব্যবহার করিত।

ডেমোক্রেসির ফরাসী ব্যাখ্যা

ডেমোক্রেসি শব্দের রেওয়াজ ফরাসীদের প্রভাবে বর্তমান জগতে দারুণ আসিয়াছে। দেখা যাউক, ফরাসীরা এই শব্দে আজকাল কি বুঝিতেছে। জোসেফ বার্থেলিমির “লা” প্রোব্‌লেম দ’লা কোঁপেতাঁস্ দঁ লা দেমোক্রেসি” (প্যারিস ১৯১৮) গ্রন্থ ডেমোক্রেসির ব্যবহার “দোগাতা”র সমস্তা লইয়া প্রণীত। ইহাতে “ডেমোক্রেসি”র যে স্বরূপ পাওয়া যায়, তাহা দেখিয়া মুক্তি-পরিচয় হওয়া সুকঠিন। স্পার্টার উল্টা দাথেলস যেমন, জার্মানির উল্টা তেমন-কিছুই হইতেছে ফরাসী পণ্ডিত-মহাশয়ের চিন্তায় “ডেমোক্রেসি”। এই ব্যাখ্যা হইতে বুঝা যায় যে ডেমোক্রেসির অর্থ ডেমোক্রেসি।

বাহা হউক, ডেমোক্রেসিকে বাধাবাধির ভিতর আনিতেই হইবে। ফরাসী বিপ্লবের যুগে যখন ডেমোক্রেসি প্রতিষ্ঠিত হইতেছিল, তখন তিনটা শব্দ ফ্রান্সের হাতে বাজারে গুলজার ছিল। একটা “লিবার্তে” (স্বাধীনতা) দ্বিতীয়টা “এগালিতে” (সাম্য), তৃতীয়টা “ব্রাতার্মিতে” (ভ্রাতৃত্ব)। স্বরাজকে ডেমোক্রেসির প্রতিশব্দ করার এই তিন বস্তুর আবহাওয়ার আসিয়া পড়া গেল। স্বরাজের কথায় এই “ত্রি-ব্রত”ই গোড়ার কথা। কি ভাৱত, কি ইয়োরোপ, সর্বত্রই স্বরাজের খোঁজে বাহির হইয়া স্বাধীনতা, সাম্য, এবং ভ্রাতৃত্ব এই তিন চিহ্ন ছুঁ চিত্তে হইবে।

হিন্দু নরনারীর রাষ্ট্রে স্বাধীনতা, সাম্য এবং ভ্রাতৃত্ব কতখানি ছিল? তাহাই বর্তমান অধ্যায়ে আলোচিত হইয়াছে। এই প্রশ্নটা বুঝিবার জন্য যত্ন সঙ্গে আর একটা প্রশ্নও তোলা হইয়াছে,—“পশ্চিমা যুলু কেই বা যুগে যুগে কোথায় কতখানি লিবার্তে, এগালিতে এবং ব্রাতার্মিতে ছিল?”

ভাত্ত্বের দৌড়

ভাত্ত্ব কি চিজ? এই শব্দের ব্যাখ্যা করিতে বসা অনাবশ্যক। এটা যে বস্তুই হউক না কেন, তাহা সামাজিক বা নৈতিক পদার্থ। রাষ্ট্র-শাসনের কারবারে ইহার ঠাঁই নাই। হয়ত “প্রাক-রাষ্ট্রীয়” জনগণের আবহাওয়ার ভাত্ত্ব একটা বাস্তব পদার্থই ছিল বটে। কাজেই কি ইউরোপীয়, কি ভারতীয় স্বরাজ-সাধনার ইতিহাসে তাহার আলোচনা করিবার দরকার নাই। সকলে জানে যে এই বস্তু জগতের “হিতোপদেশ” জাতীয় কেতাব ছাড়া আর কোথাও মেলে না।

সাম্যের ধারা

সাম্য কি চিজ? শব্দটা সহজেই বোধগম্য। কিন্তু বস্তুটা হুঁড়িয়া পাওয়া যায় না। বোধ হয় “মাকাতা”র আমলের যৌথ-ধনধর্মী নরনারীর সমাজে এই বস্তুটা এক সময়ে জগতে দেখা দিয়াছিল। কিন্তু খৃষ্টপূর্ব তৃতীয় চতুর্থ শতাব্দী হইতে খৃষ্টীয় ত্রয়োদশ শতাব্দী পর্যন্ত বর্তমান গ্রহের সীমানা। এই সীমানার ভিতর ধন-সাম্য না ছিল ভারতে, না ছিল পশ্চিমে। অসাম্য-ই জগতের আসল কথা দেখিতে পাই। এই হিসাবে স্বরাজ ছিল না কোথাও।

ধন-সাম্য ছাড়া আর এক প্রকার সাম্য আছে! তাহাকে বলা চলে রাষ্ট্রীয় সাম্য। কিন্তু কি পূর্বে, কি পশ্চিমে, ধনের প্রভাব এড়াইয়া কোনো দিনই রাষ্ট্র তাহার মাথা তুলিতে পারে নাই। নির্দন অথবা অপেক্ষাকৃত কম ধনীর রাষ্ট্রশাসনে ঠাঁই পাইত না। ধন-তন্মের দরুণ রাষ্ট্রমণ্ডলে এক মস্ত বড় “অনধিকারী” বা “প্যারিয়া” সমাজ ভারতে এবং ইয়োরোপে সর্বত্রই ছিল।

হু চার দশ বিশ হাজার “অধিকারী” নরনারীর চিত্র আঁকিতে বসিবার সময় লক্ষ লক্ষ “অনধিকারী”র কথা ভুলিলে চলিবে না। প্রাচীন আথেম্দের চরম উৎকর্ষের যুগেও মাত্র পাঁচিশ হাজার লোক ছিল “অধিকারী”, আর প্যারিয়া ছিল চার লাখ নরনারী। যে দেড় হুই হাজার বংশরের রাষ্ট্রীয় ধারা এই কেতাবে সঙ্কলিত হইতেছে, তাহার প্রায় প্রত্যেক যুগেই এই অল্পপাতের লাগালাগি কোনো অল্পপাত সর্বদা চোখের সম্মুখে রাখা আবশ্যক। পয়সা ছিল যার মূল্য ছিল তার। অতএব দেখা গেল এই হিসাবেও স্বরাজ বস্তু জগতের নেহাৎ কম লোকের ভোগে আসিয়াছে।

স্বাধীনতার ইতিহাস

বাকি আছে “লিবার্তে” বা স্বাধীনতা। ইংরেজ পণ্ডিত সীলি প্রণীত “রাষ্ট্র-বিজ্ঞানের ভূমিকা” গ্রন্থে লিবার্তের উৎপত্তি অনেক বিশ্লেষণ আছে। তাহার পাক চক্রে আবার ডেমোক্রেসি ইত্যাদি সব আসিয়া জুটে। সেই সেই গোলক ধাঁধায় প্রবেশ না করিয়া মাত্র হুইটা তথ্য উল্লেখ করিব।

স্বরাজ বা ডেমোক্রেসির প্রতিশব্দ স্বরূপ যে লিবার্তে বা স্বাধীনতা তাহার প্রথম রূপ “দেশগত”। যখনই কোনো দেশ আর কোনো দেশের তাঁরে শাসিত না হয়, তখনই স্বাধীনতা শব্দ ব্যবহার করা চলে। দেশের গ্রন্থে তখনই ধরিয়া দওয়া হইয়াছে যে স্বরাজ চলিতেছে। বর্তমান স্বরাজ জগতের নানা যুগে নানা দেশে দেখা গিয়াছে। এই হিসাবে ধরণের স্বাধীন দেশ হিসাবেই হিন্দুরাষ্ট্রের জনপদগুলো এই অধ্যায়ে আলোচিত হইয়াছে।

লিবার্তে বা স্বাধীনতার দ্বিতীয় রূপ “ব্যক্তিগত”। স্বরাজ বলিলে এই ব্যক্তিগত স্বাধীনতাই বুঝিতে হইবে। হিন্দুরাষ্ট্রে ব্যক্তিগত

স্বাধীনতার ঠাঁই-ই বর্তমান গ্রন্থে নির্দ্বারিত করিবার চেষ্টা করা গিয়াছে। সেই সঙ্গে ইয়োরোপীয়ানদের ব্যক্তিগত স্বাধীনতাও আলোচনা করা হইয়াছে।

ব্যক্তিগত স্বাধীনতা বিষয়ক যে ডেমোক্রেসি তাহার সীমানা আবার সাম্যের সীমানার ভিতর আসিয়া পড়িতেছে। কোন পুরুষ বা নারী তাহার নিজ ব্যক্তিত্বের পূরাপূরি বিকাশ ঘটাইতে পারে কখন? এখন জগতে সাম্য নামক বস্তু সত্যসত্যই প্রতিষ্ঠিত হয়। “অধিকারী”-“অনধিকারী” ভেদ যত দিন মানবসমাজে থাকে, ততদিন ব্যক্তিত্ব ফুটির উঠিতে পারে মাত্র “অধিকারী”দের। ব্যক্তিগত স্বাধীনতা প্যারিসিয়ারা চাখিতে পারে না। আথেসেসে পঁচিশ হাজার লোক মাত্র ব্যক্তিত্ব বিকাশের সুযোগ পাইত। চারনাথ ছিল স্বাধীনতাহীন। এই কথাটা বর্তমান গ্রন্থের অন্ত্যন্ত যুগ এবং দেশ সম্বন্ধেও স্বীকার করিয়া লইতে হইবে।

ব্যক্তিত্ব দেখা যায় আত্মকর্তৃত্বের আকারে। জার্মানে এই শব্দকে বলে “জেলবুর্হ্বেষ্টি মুণ্ড”। ইহার ইংরাজী প্রতিশব্দ “সেল্ফ ডিটার্মিনেশন”। নিজের হাতে নিজের ভাগ্য গঠন করিতে পারা অথবা নিজে ভাবিয়া চিন্তিয়া নিজের ভবিষ্যৎ কর্তব্য নির্ধারণ করা—ব্যক্তিত্ব, ব্যক্তিগত স্বাধীনতা এবং লিবার্তে বা স্বাধীনতার এপিঠ ওপিঠ ভাবে স্বরাজ বা ডেমোক্রেসির অন্ত্যন্ত বড় তথ্য। দেখা যাইতেছে যে, এই ইতিহাসে আত্মকর্তৃত্বের ঠাঁইও যারপরনাই কম।

স্বরাজ সাধনার ক্রমবিকাশ

(১)

ত্রয়োদশ শতাব্দী পর্যন্ত বর্তমান গ্রন্থের দৌড়। অসাম্যের রাজ্য, ব্যক্তিগত স্বাধীনতার অভাব, এক কথায় ডেমোক্রেসি বা স্বরাজের অল্পতা

বা অপ্রাচুর্য্য তাহার পরবর্তী যুগ-পরম্পরারও স্বধর্ম। অষ্টাদশ শতাব্দীর ফরাসী-বিপ্লব পর্যন্ত এই অল্পতা বা অপ্রাচুর্য্য অর্থাৎ দাসত্ব বা গোলামির জয়জয়কার ইয়োরোপীয় রাষ্ট্রজীবনের গোড়ার কথা। তবে অসাম্যের রাজ্য এবং গোলামির ব্যবস্থা যুগে যুগে রূপ বদলাইয়াছে মাত্র। যে কোন ফরাসী, জার্মান বা ইংরেজী আর্থিক ও শাসন বিষয়ক ইতিহাস গ্রন্থেই তাহার রাশি রাশি প্রমাণ পাওয়া যায়। এই ধরণের কোনো কোনো গ্রন্থ বখা স্থানে উল্লেখ করা হইয়াছে।

উনবিংশ-বিংশ শতাব্দীতে অসাম্যের রাজ্য খানিকটা কমিয়া আসিয়াছে। ইহার অন্ত্যন্ত কারণ—“শিল্প-বিপ্লবে”র প্রভাবে স্বাধীনতার দিকে ব্যক্তিত্ব বিকাশের ধাক্কা, আত্মকর্তৃত্বের সন্ধানে ছনিয়ার নয়নারী সজাগভাবে ছুটিতেছে। কিন্তু আর্থিক অসাম্য আজও প্রায় বখা পূর্ব্বং তথ্য পরম্। সেই আথেসেসের অনুপাত ছাড়াইয়া মানব সমাজ আজও বেশী উঠিতে পারে নাই। বোলশেভিক রুশিয়ার চরম সাম্যধর্মীরাও জগতে ধনদাম্য আনিতে গিয়া ফেল মারিয়াছেন। এখনও ছনিয়ার সর্ব্বত্র “টাকা যার রাষ্ট্র তার”। নির্দনের স্বরাজ কোথাও নাই।

তাহা হইলেও বর্তমান জগতের কর্ম্মরাশির এবং বিপ্লব প্রয়াসের সঙ্গে ছনিয়ার সেকাল,—বিশেষতঃ ত্রয়োদশশতাব্দী পর্যন্ত মানব জাতির রাষ্ট্র-সাধনা তুলনা করা চলিতেই পারেনা। এই কথাটা বর্তমান গ্রন্থের প্রত্যেক পরিচ্ছেদে ফুটাইয়া তুলিবার চেষ্টা করা যাইতেছে।

(২)

বর্তমান যুগের ইয়োরোপীয়ানরা মাঝে মাঝে তাঁহাদের “সেকালকে” অতি গৌরববহু রূপে আঁকিয়া থাকেন। বিশেষতঃ প্রাচীন এশিয়ার সঙ্গে তুলনার ইঁহারা প্রাচীন ইয়োরোপকে “অতি-মানুষের” দেশ সম্বন্ধে

অত্যন্ত। তাঁহাদের কথা বিনা আপত্তিতে গ্রহণ করিয়া এশিয়ার লোকেরা গ্রীস, রোম এবং ইরোরোপের মধ্য যুগকে স্বরাজ, স্বাধীনতা, সাম্য ইত্যাদির স্বর্ণ বিশেষ বুঝিয়া থাকেন।

এই ভুল এবং কুসংস্কারের বিরুদ্ধে বর্তমান গ্রহ পণ্ডিত জগতের চোখ খুলিয়া দিতে সচেষ্ট। গ্রীক, রোমাণ এবং মধ্য যুগের ইরোরোপীয়ান সভ্যতাকে নাস্তব তথ্যের কষ্ট পাথরে বসিয়া নতুন করিয়া ব্যাখ্যা করা দরকার। রাষ্ট্র বিজ্ঞানের গবেষকদের পক্ষে এক নতুন সমস্যা উপস্থিত। ভারতীয় রাষ্ট্রের প্রতিষ্ঠানগুলো ঝাড়িয়া বাছিয়া বৃষ্টিবার সময় প্রাচীন ইরোরোপ সম্বন্ধীয় কুসংস্কারগুলো বর্জন না করিলে পদে পদে ভুল করা হইবে মাত্র।

(৩)

আর একটা কথাও এই তুলনামূলক আলোচনার প্রাণের কথা। কি গ্রীক স্বরাজ, কি রোমাণ স্বরাজ, কি চার্ক স্বরাজ, কি গিল্ড-স্বরাজ, কি নগর-স্বরাজ কোনো পুরাণ স্বরাজের সাহায্যেই একালের ইরোরোপীয়ানরা নিজেদের স্বরাজসমস্তার কিনারায় আসিতে পারিতেছে না। বর্তমান জগতে সেকালে স্বরাজগুলার দাম একপ্রকার কিছুই নয়।

তাহার এক প্রমাণ এই যে সেকালের স্বরাজওয়ালারা একালে একদম নিশ্চত। হুনিয়ার আবহাওয়ার গ্রীসের কোনো ইজ্জৎ নাই। এমন কি ইতালিও বর্তমান রাষ্ট্রমণ্ডলে এবং সভ্যতার আসরে দ্বিতীয় শ্রেণীর আসন পায় মাত্র।

ঊনবিংশ বিংশ শতাব্দীর স্বরাজসাধনায় ইংরেজ ফরাসী জার্মান এবং প্রাক্তিন এই চার জাত অগ্রণী। ইহারা কেহই এক প্রকার বাপ দাদাদের

অর্থাৎ গ্রীস-রোমের ধার ধারে না। ইহারা সকলেই একটা নতুন কিছু সৃষ্টি করিতেছে।

সেইরূপ মৌর্য-চোল আমলের ভারতীয় স্বরাজ-অভিজ্ঞতা হইতেও বিংশ শতাব্দীর ভারতে কোনো উল্লেখ-যোগ্য সাহায্য পাওয়া পাবে না। এইরূপে ডাইনে বায়ে চতুঃসীমাগুলি বাধিয়া প্রাচীন হিন্দু কৃতিত্ব জাহির করিতে অগ্রসর হওয়া বিজ্ঞান-সেবীদের কর্তব্য।

তৃতীয় অধ্যায়।

সাম্রাজ্য-শাসনে হিন্দু সমাজ।

প্রথম পরিচ্ছেদ।

হিন্দুরাষ্ট্রের সমর-বিভাগ।

সার্কভোমের শক্তিব্যোগ।

(১)

“শ্রেণী” স্বরাজে হিন্দু নরনারীর শক্তিব্যোগ দেখিলাম। চোল মণ্ডলের শল্লী-স্বরাজে হিন্দুশক্তিব্যোগ চাখিয়াছি। আর পাটলিপুত্রের ত্রিশ সাতক্বরকে ভারতীয় শক্তিব্যোগেরই প্রতিমূর্তি সমঝিয়াছি। আবার সর্ব পরিচালনায়, রাজ-নির্কাসনে, চের-চোল-পাণ্ড্য দেশের “প্রতিনিধি তন্ত্রে”ও হিন্দুজাতির শক্তিব্যোগ স্পর্শ করিয়াছি।

এইবার সেই শক্তিব্যোগের অগ্ৰাণ্য মূর্তির সম্মুখীন হইব। স্বরাজ, স্বাধীনতা ইত্যাদির কস্মক্ষেত্রই হিন্দুশক্তিসাধনার একমাত্র সাক্ষী নয়। হিন্দু নরনারীর শক্তিব্যোগ, সাম্রাজ্যের বা রাজ্যের শাসনেও মূর্তি গ্রহণ করিয়াছিল। কেন্দ্রী করণ, ঐক্য-স্থাপন, সামঞ্জস্য-বিধান ইত্যাদি কস্মের ক্ষেত্রেও হিন্দু নরনারীর ব্যক্তিত্ব ক্ষুণ্ণিত পাইত।

স্বরাজ গঠনে যে ধরণের ব্যক্তিত্ব আবশ্যিক হয়, সাম্রাজ্য গঠনের ব্যক্তিত্ব ঠিক তাহার উল্টা। স্বরাজ চায় বহু, একসঙ্গে বহু কেন্দ্রের স্বাধীনতা,

বহু ব্যক্তির আত্মকর্ষ, বহু জনপদের স্বাভাব্য। সাম্রাজ্যের কোঁক বিপরীত। ভিন্ন ভিন্ন কেন্দ্রগুলোকে এক আইন কাহ্ননের তাঁবে আনাই সাম্রাজ্যের ধুরন্ধরগণের লক্ষ্য। অনেকের বহুমুখীনতা খর্ব করিয়া তাহাদের ভিতর ঐক্য-বন্ধতার রস সঞ্চার করাই সাম্রাজ্য-বাদীদের সাধনা।

(২)

এই সাধনার রোমাণরা সিদ্ধি লাভ করিয়াছিল। তাহার ফলে জগতে যে সামঞ্জস্য, শৃঙ্খলা বা ঐক্য প্রবর্তিত হইয়াছিল তাহাকে বলে “পাক্‌স্‌ রোমাণা।” অর্থাৎ “রোমাণ শান্তি”। এই সাধনায় সিদ্ধি লাভ করা বর্তমান যুগের ইংরেজ জাতিরও গৌরব। “পাক্‌স্‌ বুটানিকা” বা “বুটিশ শান্তি” নামে সেই সিদ্ধি লাভের কথা সর্বত্র সুপরিচিত।

সেই ঐক্য, সামঞ্জস্য, শান্তি এবং শৃঙ্খলার যশ হিন্দু শক্তিদ্বরণের ইতিহাসেও জগদ্বরেণ্য। যে সকল দিগ-বিজয়ী ভারত সম্ভান যুগে যুগে সুবিস্তৃত জনপদের নরনারীকে নানা বৈচিত্র্যের আবহাওয়ায়ও একমুখী হইয়া “সমগ্রের” কথা চিন্তা করিতে শিখাইয়াছিলেন, তাঁহারা হিন্দু সাহিত্যে “সার্কভোম” নামে সমাদৃত হইয়া আসিতেছেন।

তাঁহাদের “চক্রবর্তী” উপাধিতে বুঝা যায় যে, ছনিয়ার সর্বত্র তাঁহাদের বথের চাকা চলিত। তাঁহারা “চাতুরন্ত” নামেও পরিচিত ছিলেন। জগতের “চার সীমানায়”ই এই সকল সার্কভোমের প্রভাব জারি ছিল। এইরূপ বুঝানো হইত। সার্কভোমদের শক্তিব্যোগে ছনিয়ার যে শান্তি, সামঞ্জস্য ও শৃঙ্খলা স্থাপিত হইয়াছিল তাহাকে ল্যাটিন পারিভাষিকের নজিরে “পাক্‌স্‌ সার্কভোমিকা” অর্থাৎ “সার্কভোমিক শান্তি” বলিতেছি।

(৩)

“হুনিয়া” “জগৎ” ইত্যাদি লম্বা লম্বা শব্দ কায়ম করা যাইতেছে।
সেকালের ইয়োরোপীয়ানরা “বিশ্ব-শান্তি” বলিলে তাহাদের সুপরিচিত
জগতের টুকরা টুকুকেই “সারা সংসার” বুঝিত। হিন্দুদের সার্বভৌমের
বিশ্ব-শান্তি বোলও ঠিক এই মাত্রার জগৎ-কথাই বুঝাইত।
হুনিয়ার যতটুকু জানা ছিল বা বশে ছিল, সেইটুকুই
“গোটা জগৎ।”

আর এক কথা। বাস্তব জগতে রোমান সাম্রাজ্য বড় বেশী দিন
চিঁকে নাই। তথাকথিত “রোমান শান্তি” মাল জগতের নেহাৎ কম
স্টাইলেই জানা ছিল। শান্তির বদলে অশান্তিই ইয়োরোপের প্রদেশে
প্রদেশে এবং জেলায় জেলায় বিরাজ করিত। প্রাচীন এবং মধ্য যুগের
বে কোনো ইয়োরোপীয়ান মানচিত্রে তাহার সাক্ষ্য অনেক। হিন্দু
সার্বভৌমদের বিশ্ব-শান্তিটার দৌড় বুঝিবার সময়ও বাস্তব জগৎটার কথা
মনে রাখা আবশ্যিক। প্রাচীন ভারতের প্রত্যেক রাষ্ট্রই মৌর্য, গুপ্ত, বর্ধন,
পাল বা চোল সাম্রাজ্য নয়।

ইংরেজ পণ্ডিত উল্ফ-প্রণীত বার্তোলুস নামক চতুর্দশ শতাব্দীর
আইন পণ্ডিত বিষয়ক গ্রন্থে (কেম্ব্রিজ ১৯১৩) রোমান বিশ্বশান্তির
শিত্তিকার কথা সহজেই বাহির করা চলে। খ্রীশ্চত্ত্বাব্দে
মুখোপাধ্যায় প্রণীত “ভারতীয় ঐক্য” নামক ইংরেজী গ্রন্থের (লণ্ডন,
১৯১৪) “সাহিত্য” এবং “লিপি”-বহিত প্রমাণগুলোও বাস্তবের কষ্টিপাথরে,
যথিলে অনেক “কুলের খবর” বাহির হইয়া পড়িবে। তথাকথিত ঐক্য,
শান্তি, সাম্রাজ্য ইত্যাদির আসরে হিন্দুরা যে ইয়োরোপীয়ানদেরই “মাসতুত
ভাই” তাহা বুঝিতে বেগ পাইতে হয় না।

যাহা হউক, “পাক্স রোমানা” দরের “সার্বভৌমিক শান্তি” হিন্দু
শক্তিস্বার্থের কোপ্তিতেও ছিল। সেই শক্তিস্বার্থের যন্ত্রণা—এক কথায়
সাম্রাজ্য-শাসন—হিন্দু রাষ্ট্রের গড়ন বিষয়ক গ্রন্থে সবিশেষ আলোচনার
যোগ্য মনেহ নাই।

সমর-দক্ষতায় হিন্দুনারী

রাজ্যের বা সাম্রাজ্যের শাসনে অগ্রতম, বোধ হয় সর্বপ্রধান, খুঁটা
হইতেছে সমরবিভাগ। হিন্দুতে “বল” রাজ্যের সাত “অঙ্গের” এক
“অঙ্গ”। সমর-বিভাগের শাসনে হিন্দুজাতির দক্ষতা যুগে যুগে দেখা
গিয়াছে। সামরিক শক্তিস্বার্থ হিন্দুচারিত্রের বাস্তব ইতিহাসে
ভিত্তিস্বরূপ। “বল”-প্রয়োগের বিজ্ঞা এবং কলা ভারতীয় দর্শন ও সাহিত্যের
অনেক রসদ জোগাইয়াছে।

১)

ইয়োরোপের মতন ভারতেও “মাংশু গ্রাম” প্রচলিত ছিল। রাষ্ট্রে
রাষ্ট্রে লড়াই স্বাধীন যুগের হিন্দু জীবনের স্বধর্ম। সমর-বিভাগ প্রত্যেক
রাষ্ট্রেই বিকাশ লাভ করিয়াছিল। বল-প্রয়োগের কারবারে ভারতের
জনসাধারণ সর্বদাই পাকিয়া উঠিবার স্বেচ্ছা পাইত।

ভারতবাসীরা বিদেশীদের সঙ্গেও লড়িয়াছে। সেই লড়াইয়ে
জয়লাভ করাও হিন্দু জনগণের ইতিহাস-প্রসিদ্ধ ঘটনা। খৃষ্টপূর্ব চতুর্থ
শতাব্দী হইতে খৃষ্টীয় ত্রয়োদশ শতাব্দী পর্যন্ত ভারতীয় রাষ্ট্রশাসন বর্তমান
গ্রন্থের আলোচ্য বিষয়। এই সময়ের ভিতর ভারত সন্তান অন্ততঃ পক্ষে
চার বার বিদেশী শত্রুকে সম্মুখ সমরে পরাজিত করিয়া স্বদেশের স্বাধীনতা
রক্ষা করিয়াছে।

এশিয়া মাইনরের দোআসলা গ্রীক (হেলেনিষ্টিক) রাজা সেলিউকন হিন্দুর সামরিক শক্তিবোগের নিকট পরাজয় স্বীকার করেন খ্রীষ্ট পূর্ব ৩০৩ সালে। আফগান মুসল্লকের দোআসলা গ্রীক (হেলেনিষ্টিক) নরপতি মেনান্দার বা মিলিন্দকে হিন্দুরা ১৫৩ খ্রীষ্ট পূর্বাব্দে পরাজিত করে। এই গেল মৌর্য এবং মুসল্ল বংশের শক্তিবোগের সাক্ষ্য।

পরবর্তী কালে মধ্য এশিয়ার হুণজাতি ও হিন্দু জাতির সামরিক শক্তিবোগের ক্ষমতা চাথিতে বাধ্য হইয়াছিল। খ্রীষ্টীয় ৪৫৫-৪৫৮ সালে হুন্দগুপ্ত ইহাদের গতিরোধ করেন। ৫২৮ সালেও আর একবার হুণেরা হিন্দুজাতির নিকট পরাজয় স্বীকার করিয়াছিল।

বৃদ্ধিতে হইবে যে, একমাত্র স্বদেশী লড়াইয়েই হিন্দু পন্টন ওস্তাদ ছিল এমন নয়। বিশ্বশক্তির মাপকাঠিতেও ভারতের জনসাধারণ সামরিক জীবনে দক্ষতা বাচাই করাইতে অভ্যস্ত ছিল। জীবন যুদ্ধের আখড়ার দাঁড়াইয়া হিন্দু সেনাপতির বিদেশী রণ-নায়কগণকে পামতারায় চিট্ট করিতে জানিতেন।

(২)

যে বাইরে লড়াইবার জন্ত হিন্দু জাতিকে সর্বদাই প্রস্তুত থাকিতে হইত। কোথায় আফগানিস্থান, কোথায় মধ্য এশিয়া, এই সকল হুন্দুর স্থিত জনপদেও ভারতের উত্তর সীমানা মাঝে মাঝে গিয়া ঠেকিয়াছিল। ভারতের নরনারীকে সেই সকল দেশের হুর্গরক্ষায় এবং স্বাধীনতা রক্ষায় পন্টন পাঠাইতে হইত। ভারত সাগরের দ্বীপপুঞ্জও ভারতীয় রাষ্ট্রের বশুতা স্বীকার আবার এই সকল দ্বীপ-দেশের রক্ষণাবেক্ষণের জন্তও ভারতের করিয়াছিল। নিজ নিজ সন্তান পাঠাইতে জানিত।

কি স্থলে, কি জলে, উভয় কক্ষকেই যুবক ভারতের ডাক পড়িত। পন্টনকে অস্ত্র চালনায় এবং নৌচালনায় পাকা পোকৃত করিয়া তুলিবার জন্ত সার্কডোমগণের মাথা ঘামাইতে হইত। ভারতীয় সেনাপতিদের ঘাড়ে লোক বাছাই হইতে রসদ-জোগানো পর্যন্ত সমরবিভাগের নানা কাজ আসিয়া পড়িত। সামরিক আয়কর্ষ, দেশ-রক্ষার দায়িত্ব, ফৌজের দলে সামঞ্জস্য এবং শৃঙ্খলা বিধান সবই হিন্দুসমাজের আবহাওয়ায় সর্বত্র পরিচালিত হইত।

হিন্দু লড়াই-ধর্মের গ্রীক সাক্ষ্য

(১)

একমাত্র কক্ষ-মণ্ডলই হিন্দু নরনারীর সামরিক শক্তিবোগের সাক্ষ্য দেয় এরূপ বৃদ্ধিতে হইবে না। ভারতের চিন্তাক্ষেত্রে দার্শনিকরাও সমর-জীবনের অন্তর্কুল চিন্তাতরঙ্গ সৃষ্টি করিবার জন্ত কলম ধরিতেন অথবা গলাবাজি করিতেন। “সমর-যোগ” হিন্দুজীবনের এক বিপুল তথ্য। খ্রীষ্টীয় প্রথম শতাব্দীর গ্রীক ঐতিহাসিক প্লুতার্ক প্রণীত “আলেকজান্দার জীবনী”তে হিন্দুদর্শনের এক সংক্ষিপ্ত বিবরণ পাই। সর্বাস বা শঙ্কর সঙ্গে লড়াইয়ের পর আলেকজান্দার কয়েকজন “তত্ত্বদর্শী” “গিমুনো-সোফিষ্ট” বা দার্শনিকের (হয়ত বা বামুন পণ্ডিতের) সঙ্গে কথাবাত্তা চালাইয়াছিলেন। অগ্রতম ভারতীয় দার্শনিককে জিজ্ঞাসা করা হইয়াছিল—
—“আমার বিরুদ্ধে তুমি শব্দকে বিদ্রোহী করিয়া তুলিয়াছিলে কেন?”
হিন্দু “তত্ত্বদর্শী” মহাশয়ের জবাব প্লুতার্কের কাহিনীতে নিম্ন রূপ :—
“আমি চাহিয়াছিলাম যে শব্দ হয় সম্মানজনক জীবনযাপন করুক, না হয় কাপুরুষের মতন মরুক।”

হিন্দু নরনারী স্বদেশ সেবার জন্ত এইরূপ দর্শনই শিথিত। এই ধরণের বোলচাল কতকগুলো রামায়ণ মহাভারতের “কথা” মাত্র ছিল না।

প্লুতার্কের সাক্ষ্য অনুসারে বিশ্বাস করিতে হয় যে, খ্রীষ্টপূর্ব চতুর্থ শতাব্দীর হিন্দু “দার্শনিকেরা” লড়াই ধর্মের প্রচারক ছিলেন। আলেকজান্দারকে এই সকল হিংসা-ধর্মী “পুরুতঠাকুর” (?) “গুরুমহাশয়”, আচার্য্য এবং অগ্রাণ্ড তরুণশাদের দৌরাত্ম্যে অস্থির হইতে হইয়াছিল। হিন্দু পল্টনের শক্তিব্যোগের পশ্চাতে ছিল এই সকল দার্শনিকদের “প্রপাগাণ্ডা” বা স্বদেশ-সেবার আন্দোলন।

(২)

হিন্দু দার্শনিকদের হিংসা-প্রপাগাণ্ডার কয়েকটা দৃষ্টান্ত প্লুতার্কের বৃত্তান্তে পাওয়া যায়। যে সকল ভারতীয় রাজরাজড়া আলেকজান্দারের বিরুদ্ধে দাঁড়াইতে সাহসী না হইয়া স্বদেশ-দ্রোহীরূপে তাঁহার স্বপক্ষেই যোগ দিয়াছিল, তাহাদিগের মুখে চূর্ণ কালি লাগানো ছিল সেকালের “বায়ু পশুতদে”র দর্শন-চর্চার অঙ্গ। দেশের লোককে বিদেশী আক্রমণকারীর বিরুদ্ধে তাড়াইয়া ও ফেপাইয়া তুলিবার জন্ত হিন্দু দার্শনিকেরা ব্রতবন্ধ হইয়াছিল। আলেকজান্দারকে হঠাৎইবার জন্ত পাঞ্জাবের পল্লীতে হইয়াছিল যে সকল সামরিক প্রয়াস ঘটনাছিল, তাহার “আর্যাস্বিক” আণ্ডম অনেক পরিমাণে আসিয়া পৌঁছিত হিন্দু দর্শনের বাস্তবিত্ত হইতে।

আলেকজান্দারের গ্রীক পল্টন ভারতে আসিয়া যে হিন্দুদর্শন চাখিয়াছিল, সেই হিন্দু দর্শন সামরিক শক্তিব্যোগ এবং হিংসাধর্মের প্রধান প্রতিষ্ঠাতা। কাজেই তাঁহার ভারতীয় শত্রুগণের মধ্যে আলেকজান্দার হিন্দুদর্শনকে এবং হিন্দুদর্শনের প্রচারক দিগকে চক্ষুশূল বিবেচনা করিতেন। এই জন্তই প্রতিহিংসার বশবর্তী হইয়া আলেকজান্দার বহু সংখ্যক হিন্দু দার্শনিককে মৃত্যু দণ্ডে দণ্ডিত করেন। স্বদেশ-সেবার

প্রয়াসে এবং সামরিক শক্তিব্যোগের-প্রতিষ্ঠায় হিন্দু দর্শনের কৃতিত্ব সম্বন্ধে এমন জবর সাক্ষ্য বিদেশীর মুখে বেশী পাওয়া যায় না।

যাঁহার হিন্দুচিত্তের সমর-পিপাসা এবং হিংসাব্যোগ বিষয়ক বাস্তব তথ্যের দিকে জ্ঞেপ না করিয়া ভারতীয় চিন্তাধারার বিশ্লেষণ করিতে বসেন, তাঁহার হিন্দুদর্শনের আলোচনায় অনধিকারী বিবেচিত হইবেন। অন্ততঃপক্ষে তাঁহাদের প্রচারিত হিন্দুদর্শন একদেশদর্শী, আংশিক এবং ভ্রান্তক থাকিতে বাধ্য।

হিন্দু ও মুসলমান

(১)

বর্তমান গ্রন্থে বিবৃত যুগপরম্পরার শেষের দিকে মুসলমানদের সঙ্গে হিন্দুর সংঘর্ষ ঘটে। খ্রীষ্টীয় নবম শতাব্দীতে মুসলমানরা ভারতের সীমানায় আসিয়া উপস্থিত হয়। হিন্দু জাতি তাহাদের সঙ্গে প্রায় তিনশ বৎসর ধরিয়া সম্মুখ লড়াইয়ে ধ্বস্তাধ্বস্তি করে। ১১৯৪ খৃষ্টাব্দের পূর্বে গুর্জর-প্রতীহারেরা রণে-ভঙ্গ দেয় নাই। বাংলার সেন বংশ ১২০০ খ্রীষ্টাব্দের পূর্বে পরাজয় স্বীকার করে নাই। ১৩১০ খ্রীষ্টাব্দে দাক্ষিণাত্যের যাদব এবং চোল রাজারা কাবু হন। কাশ্মীরের স্বাধীনতা ১৩৩৯ সাল পর্যন্ত অটুট ছিল।

প্রায় আড়াই তিন শতাব্দী ধরিয়া যে জাতি বিদেশীর আক্রমণ পারেন, তাহার সমরব্যোগ এবং স্বদেশ-সেবা সম্বন্ধে সন্দেহ করা সম্ভব, একমাত্র ইতিহাসে অনভিজ্ঞ ব্যক্তির পক্ষে। একমাত্র তাহারাই হিন্দুরাষ্ট্রের তথাকথিত “অনৈক্য” এবং হিন্দু সমাজের তথাকথিত “জাতিভেদ” এই হই তথ্য ফুলাইয়া তুলিতে অভ্যস্ত।

মুসলমানরা যতদিন “বিদেশী” ছিল, ততদিন তাহাদের বিরুদ্ধে বিভিন্ন হিন্দুরাষ্ট্রের ধুরন্ধরেরা কতবার ঐক্যবদ্ধ ভাবে ভারতের স্বাধীনতা রক্ষা করিয়াছিলেন, সেই আলোচনায় প্রত্নতাত্ত্বিকদের সাক্ষ্য সম্প্রতি আনিবার প্রয়োজন নাই। হিন্দু চরিত্রের দোষ গুণাকে যে সকল পাশ্চাত্য দার্শনিক ও ঐতিহাসিক মোটা অক্ষরে ছাপাইয়া ছনিয়ার বাজারে বাজারে রটাইয়াছেন, তাহাদের বাপদাদাদের এবং স্বজাত ভায়াদের চরিত্রখানা আলোচনা করিয়া দেখা রাষ্ট্র-বিজ্ঞানের কর্তব্য। শ্রীযুক্ত রাখালদাস বন্দ্যোপাধ্যায়-প্রণীত “বঙ্গলার ইতিহাস” গ্রন্থের প্রথম খণ্ডে পশ্চিমাদের হিন্দুজাতি বিষয়ক মত বিনা বাক্যব্যয়ে স্বীকার করিয়া লওয়া হইয়াছে দেখিতে পাই। অথচ ইতিহাস বিচার তরক হইতে সমসাময়িক পাশ্চাত্য চরিত্রের বিশ্লেষণ করা হয় নাই। কাজেই ভারতীয় প্রত্নতত্ত্বের “ব্যাখ্যায়” ভুল প্রবেশ করিয়াছে।

যে জাড়াই তিনশ বৎসর হিন্দু নরনারী বিদেশী শত্রুদের বিরুদ্ধে লড়িতেছিল, সেই সময়ে এই সকল শত্রুই ইয়োরোপের নানাদেশে ইউরোপীয়ান দিগকে গোলাম করিয়া রাখে নাই কি? মার্কিণ স্কট-প্রণীত “ইউরোপে মুরিশ সাম্রাজ্য” নামক গ্রন্থে (ফিলাডেল্ফিয়া ১৯০৪) কিম্বা ইয়ং-প্রণীত “দেড় হাজার বৎসরব্যাপী পূর্ব-পশ্চিমের লেনদেন” বিষয়ক গ্রন্থে (লণ্ডন ১৯১৬) মুসলমানদের নিকট পাশ্চাত্য খৃষ্টিয়ানদের পরাজয়-কাহিনী বিবৃত আছে। “কেম্ব্রিজ মিডিয়্যাল হিষ্টরি” নামক কেম্ব্রিজ বিশ্ববিদ্যালয় হইতে প্রকাশিত মধ্যযুগ বিষয়ক ইতিহাস গ্রন্থের দ্বিতীয় খণ্ডেও মুসলমানের ইয়োরোপ-দখল সন তারিখ সমন্বিত ভাবে দেখিতে পাই।

(২)

খৃষ্টিয় সপ্তম-অষ্টম শতাব্দীতে ইয়োরোপের মুসলমান-অধ্যায় শুরু হয়। সিসিলি, দক্ষিণ ইতালি, স্পেন, মায় দক্ষিণপূর্ব ফ্রান্স পর্য্যন্ত

গোলামি করিতে বাধ্য হইয়াছিল। গোটা ভূমধ্য সাগর সেকালে মুসলমান জাতির কৃতিত্বে “এশিয়ান সাগরে” পরিণত হয়। তখনকার দিনে ইয়োরোপীয়ানরা, খেতাঙ্গ নরনারী, খৃষ্টিয়ানরা “বিদেশী এশিয়ান” শত্রুদের বিরুদ্ধে “ভাই ভাই একঠাই” হইতে পারিয়াছিল কি? ইয়োরোপে ঐক্যবদ্ধতা কোথায়? অধিকন্তু তথাকথিত “জাতিভেদ”ত খৃষ্টিয়ানদের সমাজে নেই। তথাপি খৃষ্টিয়ানরা শেষ পর্য্যন্ত হিন্দুদের মতনই মুসলমানশাসন হজম করিতে বাধ্য হয় নাই কি?

তাহার পর খৃষ্টিয় পঞ্চদশ শতাব্দীর মাঝামাঝি হইতে তুর্ক মুসলমানেরা দক্ষিণপূর্ব ইয়োরোপে বাদশাহী করিয়া আসিতেছে। সেই বাদশাহীর জের আজও কিছু কিছু দেখিতে পাই। সেকালের খৃষ্টিয়ানরা তুর্কদের বিরুদ্ধে ঐক্যবদ্ধ হইতে পারিয়াছিল কি? একালের ইংরেজ এবং জার্মান তুর্কী সম্বন্ধে একমত কি? জার্মান সমাজেও জাতি ভেদ নাই,—ইংরেজ সমাজেও ত জাতি ভেদ নাই। তথাপি এই সকল পাকা-গোড়া খৃষ্টিয়ান খেতাঙ্গেরা এশিয়া বাসীর স্বাধীনতা বা সাম্রাজ্য ইয়োরোপে সহিতেছে কি করিয়া? মুসলমানদের সঙ্গে বন্ধুত্ব কায়েম করিয়া খৃষ্টিয়ানরা খৃষ্টিয়ানদের বিরুদ্ধে লড়িয়াছে, ইয়োরোপের ইতিহাসে কতবার?

এই সকল তথ্য মাথায় রাখিয়া তবে নবম হইতে ত্রয়োদশ শতাব্দীর হিন্দু-মুসলমান সমগ্র সমাজ-বিচার সেবকদিগকে আলোচনা করিতে হইবে। ছনিয়ার মাপকাঠিতে হিন্দুজাতির সাময়িক শক্তিবোগ অথ কোনো জাতির তুলনার খাটে নয়। লড়াইয়ে হারিয়া বাওয়া হিন্দু নরনারী নিন্দনীয় বিবেচনা করিত না। লড়াই না করাই পাপ, এই ছিল হিন্দু সমর-যোগের প্রাথমিক ভিত্তি। এইকথাটাই আলেকজান্দার হিন্দু দার্শনিকের মুখে শুনিয়া গিয়াছিলেন।

হিন্দু পণ্টনের বহর

(১)

এইবার হুনিয়ার মাপকাঠিতে হিন্দু সমর-জীবন জরীপ করিব। প্রাচীন হিন্দু পণ্টনের বহর মাপিবার পক্ষে সেকালের রোমাণ সমর বিভাগের তথ্য শুধুলা কাজে লাগিবে। ইংরেজ পণ্ডিত গ্রীনিজ্ প্রণীত “রোমাণ পাব্লিক লাইফ” অর্থাৎ “রোমাণদের সরকারী বা সার্কজনিক জীবন কথা” নামক গ্রন্থে (লণ্ডন ১৯০১) স্প্রাচীন কালের রাজা সার্কিযুস তুলিয়ুস প্রবর্তিত সমর-বিভাগ বিবৃত আছে। সকল কথা আলোচনা করা সম্ভব নয়। পরবর্তী যুগের কয়েকটা তথ্য দেওয়া যাইতেছে।

বিলাতী এনসাইক্লোপিডিয়া বৃটানিকা বা বৃটিশ বিশ্বকোষ গ্রন্থে দেখিতে পাই যে, ২২৫ খৃষ্ট পূর্বাব্দে রোমাণ “গণতন্ত্রের” স্বপক্ষে লড়াইয়ের মাঠে লড়িতেছিল ৬৫,০০০ সৈন্য। রোমে তখন ৫৫,০০০ ফৌজকে “রিজার্ভে” রাখা হইয়াছিল। দরকার হইলে শত্রুর বিরুদ্ধে এই সংখ্যা হইতে কিছু কিছু করিয়া মাঠে লইয়া যাওয়া হইত।

গ্রীক ঐতিহাসিক পোলিবিয়ুস ২৬৪ খৃষ্টপূর্বাব্দ হইতে ১৪৬ খৃষ্ট পূর্বাব্দ পর্যন্ত ১১৮ বৎসরের রোমাণ “গণতন্ত্রের” দিগ্বিজয়ের কাহিনী লিপিবদ্ধ করিয়াছেন। তাঁহার কথা অনুসারে ২১৮ খৃষ্ট পূর্বাব্দে রোমাণ পণ্টনে ৩৮,৪০০ এর বেশী ফৌজ ছিল না।

রোমাণ গণতন্ত্রের ফৌজসংখ্যা অতিমাত্রার বাড়িয়া যায় কার্থেজের স্বীয় হানিবালের বিরুদ্ধে লড়াই উপলক্ষ্যে। খৃষ্ট পূর্ব ২১৮ হইতে ২০২ পর্যন্ত বোল বৎসর এই লড়াই চলিয়াছিল। দ্বিতীয় কার্থেজ-সমর নামে রোমের

ইতিহাসে এই ঘটনা প্রসিদ্ধ। সেই সময়ে সিপিও ছিলেন অগ্রতম রোমাণ সেনাপতি।

সিপিওর অধীনে রোমাণ পণ্টনের বহর কত বড় ছিল? রামজে-প্রণীত “রোমাণ প্রত্নতত্ত্ব” (লণ্ডন ১৮৯৮) গ্রন্থে জানা যায় যে তখনকার রোমাণ সেনা কখনো ১৮, কখনো ২০ এবং কখনো বা ২৩ “লিজ্যনে” বিভক্ত ছিল। এক “লিজ্যন” সেকালে ৪,০০০ বা ৫,০০০ কোর্জে গঠিত হইত। এই সংখ্যার অধিকাংশই ছিল পদাতিক। ৩০০ কিম্বা ৪০০ ঘোড়সওয়ার এক এক লিজ্যনে থাকিত। অর্থাৎ ৭২,০০০ হইতে ১১৫,০০০ পর্যন্ত ছিল গণতন্ত্রের আমলে সর্ববৃহৎ রোমাণ সেনা।

(২)

হিন্দু সেনাপতিরা এই সকল রোমাণ পণ্টনকে অতি সহজেই “পকেটস্থ” করিতে অথবা ট্যাকে গুঁজিয়া বেড়াইতে পারিতেন। কেননা হিন্দু রাষ্ট্রে পণ্টনের বহর ছিল খুব বড়। খৃষ্ট পূর্ব চতুর্থ শতাব্দীর অবসান কাল সম্বন্ধে গ্রীক রাজদূত মেগাস্থেনিসের সাক্ষ্য আছে। সাক্ষ্যটাকে “কিরৎ” পরিমাণে “চাকুর” বিবেচনা করা চলে। কিন্তু মেগাস্থেনিসের প্রদত্ত সংখ্যাগুলো কোথা হইতে আসিল, এ প্রশ্ন জিজ্ঞাসা করিলেও অত্যা হইবে না।

বাহা হউক, মেগাস্থেনিস বলেন যে, দক্ষিণ ভারতের পাণ্ড্যদেশে রাজত্ব করিতেন নারীরা। এই দেশের পণ্টনে ১৫০,০০০ ছিল পদাতিক আর হাতী-সওয়ার ছিল ৫০০। আরব সাগরের উপকূলস্থ গুজরাত দেশের রাজার তাঁবে পদাতিক ছিল ১৫০,০০০। তাঁহার ঘোড়সওয়ারের সংখ্যা ৫,০০০ এবং হাতী-সওয়ারের সংখ্যা ১,৬০০।

এই সময়েই গঙ্গা এবং হিমালয়ের মধ্যবর্তী জনপদে যে রাষ্ট্র ছিল, তাহার পশ্চিমে পদাতিক ছিল ৫০,০০০, ঘোড়সওয়ার ছিল ৪,০০০ এবং হাতী-সওয়ার ছিল ৪০০। সম্ভবতঃ উত্তর বিহার, উত্তর বঙ্গ এবং পশ্চিম আসাম এই তিন প্রদেশের কথা বলা হইতেছে। এই সকল বৃত্তান্তে মৌর্য সাম্রাজ্যের পরবর্তী কালের অবস্থা বুঝিতে হইবে।

সেকালে হিন্দু নরনারীর সামরিক শক্তিসংযোগ জগৎপ্রসিদ্ধ ছিল। এই জন্ত গ্রীক মহলে ভারতীয় রাষ্ট্রের সমরবিভাগ সম্বন্ধে গল্পগুঞ্জব রচিত অনেক। মেগাস্থেনিসের পূর্বেও হয়ত কেহ কেহ ভারতীয় সেনাবিষয়ক এই সব সংখ্যা প্রচার করিয়া থাকিবেন।

(৩)

পরবর্তী কালের গ্রীক ঐতিহাসিক প্লুটার্ক (খৃঃঅঃ ১০০) তাহার “আলেকজান্দার-জীবনী”তে এক বিপুল পশ্চিমের উল্লেখ করিয়াছেন। এই পশ্চিমে ছিল ২০০,০০০ পদাতিক, ২০,০০০ ঘোড়সওয়ার ২,০০০ রথ, এবং ৩,০০০, বা ৪,০০০ হাতী-সওয়ার। পশ্চিমের অধিপতি ছিল গঙ্গা-ধৌত জনপদের গঙ্গারিদে এবং প্রাসী জাত। বোধ হয় সেকালের মগধরাষ্ট্রের কথা এই বৃত্তান্তে বুঝিতে হইবে। আলেকজান্দারের সমসাময়িক বলিয়া মগধের নন্দবংশই বিবৃত হইতেছে ধরিয়া লওয়া যায়। তখনও মৌর্য চন্দ্রগুপ্ত অজ্ঞাত কুলশীল ছোকড়া মাত্র।

গঙ্গাধৌত জনপদের আর এক জাতি সম্বন্ধে খানিকটা সামরিক খবর পাওয়া যায়। এই জাতি গঙ্গারিদে কলিঙ্গ নামে উল্লিখিত। রাজধানী ছিল প্রোতালিস নগরে। খৃষ্টীয় প্রথম শতাব্দীর রোমাণ বিশ্বকোষে,— “বৃহৎসংহিতা” সদৃশ প্লিনি-প্রণীত “প্রাকৃতিক ইতিহাস” গ্রন্থে—জানিতে পারি যে, কলিঙ্গওয়ালারা ৬০,০০০ পদাতিক, ১০০০ ঘোড়সওয়ার আর

৭০০ হাতী সওয়ার সর্বদাই লড়াইয়ের জন্ত প্রস্তুত রাখিত। সেকালের উড়িয়ারা সমর-দক্ষ জাত ছিল বেশ বৃদ্ধা যায়।

(৪)

গ্রীক একং ল্যাটিন লেখকেরা ভারতীয় কৌজের সংখ্যা লইয়া কল্পনা এবং অত্যাঙ্কি কিছু কিছু চালাইয়াছিলেন কিনা কে জানে? কোনো ভারতীয় রচনায় সে যুগের পশ্চিমের কোনো খবর পাওয়া যায় না। নীতি-শাস্ত্র, ধর্ম্মর্ষেদ ইত্যাদি “শাস্ত্র” সাহিত্য এবং রামায়ণ মহাভারত ইত্যাদি কাব্য-সাহিত্যের নজির বর্তমান গ্রন্থে লওয়া হইতেছে না।

অধিকন্তু, যে যুগের কথা বলা হইতেছে সে যুগের প্রমাণ স্বরূপ একমাত্র কোটিল্য প্রণীত “অর্থশাস্ত্র” স্থানে স্থানে উদ্ধৃত হইবার যোগ্য। কিন্তু এই গ্রন্থে পশ্চিমের বহর-মাণ্ডিয়ার উপায় দেখিতে পাই না। নগর-শাসনের বতন সমর-শাসন সম্বন্ধেও “অর্থশাস্ত্র” নেহাৎ অসম্পূর্ণ।

সমুদ্রগুপ্তের দিগ্বিজয়

৩৬০ খৃষ্টাব্দে গুপ্ত সাম্রাজ্যের “মহাদেব নামক” এক বিপুল “কাব্য” রচনা করেন। লেখকের নাম হরিষেণ। “কাব্য”টা গল্পে এবং পদ্যে লিখিত। আগাগোড়া একটি মাত্র “বাক্য” রচনা সম্পূর্ণ। “পদ” গুলি সবই “বিশেষণ” অথবা “ক্রিয়ার বিশেষণ”। এ এক অদ্ভুত “পদ” লেখাটা আমার পাতে খোদা আছে—কাজেই “লিপি”-সাহিত্যের অন্তর্গত।

“কাব্যের” কথা বস্ত হইতেছে সমুদ্রগুপ্তের দিগ্বিজয়। ইতিহাস হিসাবে হরিষেণের রচনা বিশেষ দামী। সমসাময়িক দেশের ও রাজার নাম এক সঙ্গে দেখিতে পাই। গুপ্তবীর হেথায় এক

রাজ্য লোপাট করিতেছেন। হোথায় আর এক রাজ্য সমুদ্রগুপ্তের চরণ সেবা করিতেছে। এক রাজার ধন-সম্পত্তি লুট হইতেছে। অপর রাজাকে পরাজিত করিবার পর তাহার ধন-সম্পত্তি কিরাইয়া দেওয়া হইতেছে। এই ধরণের সামরিক জীবনের তথ্যে হরিষেণের কাব্য ভরণপূর্ণ। সমুদ্রগুপ্তের সুন্দর দেহ অস্ত্রশস্ত্রে ক্ষত বিক্ষত দেখিতেছি। তীর ধনুক কুড়াল, বর্শা, বল্লম, খাঁড়া, তলোআর লোহার গ্যাজ ইত্যাদির আওয়াজ কানে পৌছিতেছে অহরহ। রকমারি ব্যহরচনায় দিগ্বিজয়ী বীরবর সুপটু। “বলং বলং বাহুবলম্” ইহাই তাঁহার একমাত্র দর্শন। নিজ বাহুর “পরাক্রম” ছাড়া তিনি অস্ত্র কোন স্ত্রীদের ধার ধারেন না। হরিষেণের সমরকুত্তান্তে এই সকল চরিত্রবিশ্লেষণও ঠাই পাইয়াছে।

কিন্তু পণ্টনের ফৌজ সংখ্যা কত ছিল জানিতে পারি না। সমুদ্রগুপ্তের দক্ষিণ হস্ত স্বরূপ সেনাপতি করজন বা কাহারো ছিলেন তাহাও জানিতে পাই না। দিগ্বিজয়ে বাহির হইবার পর রাজধানী পাটলিপুত্রের সঙ্গে যুদ্ধক্ষেত্রের যোগাযোগ কিরূপে রক্ষিত হইতেছিল, সে খবর হরিষেণ দেন নাই। পণ্টনকে যথাস্থানে খোরপোষে মজবুত রাখা হইত কি উপায়ে, সে সম্বন্ধেও কোনো তথ্য নাই। পাটলিপুত্রের “মন্ত্রি-পরিষৎ” অথবা “দেশ সভা” তখন মামুলি রাজ্য শাসন চালাইতেছিল কোন প্রণালীতে, সে কথাও জানা সম্ভব নয়।

সমুদ্রগুপ্তের দিগ্বিজয় চলিয়াছিল ৩৩০ হইতে ৩৫০ খৃষ্টাব্দ পর্যন্ত বিশ বৎসর ধরিয়া। কম সে কম ৩,০০০ মাইল বিস্তৃত পল্লী শহর বন-জঙ্গল নদীপাহাড় ভাঙ্গিয়া পাটলিপুত্রের পণ্টন রাজধানীতে ফিরিয়া আসিয়াছিল। সে কালের গ্রীক আলেকজান্দার অথবা রোমান সীজার যুদ্ধের একালের ফরাসী নেপোলিয়ন সমুদ্রগুপ্তকে শক্তিশোগী বলিয়া সম্মান

করিতেন মনেহ নাই। কিন্তু শাসনবিজ্ঞানের তরফ হইতে যে সকল তথ্য মূল্যবান, তাহার কোনো সম্মান পাওয়া যাইতেছে না।

বাহা ইউক, হরিষেণ সমর-যোগের কবি। হয়ত পরবর্তী কালে,—থার চল্লিশ পঞ্চাশ বৎসরের ভিতর,—হরিষেণের কিছুতুকিমাঙ্কার “প্রশস্তি”টাই কালিদাসের অমর কলামের আগায় “রঘুর দিগ্বিজয়”-রূপে বাহির হইয়া আসিয়াছিল। রণাবতার, লড়াই-ধর্মের প্রতিমূর্তি সমুদ্রগুপ্তের অভিযানই কালিদাসের ভাবুকতাপূর্ণ কল্পনার বাস্তব ভিত্তি।

আর্য্যাবর্তের শাল্যমেত্রগণ

হিন্দু নরনারীর সামরিক ইতিহাস বর্তমান গ্রন্থের আলোচ্য বিষয় নয়। বিভিন্ন হিন্দু রাষ্ট্রে সমরবিভাগ কিরূপে শাসিত হইত, তাহাই এই “পারলিক ল” বা শাসনবিষয়ন আইনসম্বন্ধীয় গ্রন্থে স্থান পাইবার যোগ্য।

৭৮৩ খৃষ্টাব্দে বাংলার ধর্মপাল গঙ্গা উজ্জাইয়া গিয়া কনৌজে এক মহা-যুদ্ধ ঘটাইয়াছিলেন। সেই যুদ্ধের ফলে পশ্চিম হিমাচলে কেদার পর্যন্ত এবং বোম্বাই প্রদেশে উত্তর-কানাড়া জেলার গোকর্ণ পর্যন্ত “উত্তর-ভারত” কিছু কালের জয় পাল সাম্রাজ্যের বশীভূত হয়।

এই সমর-অভিযানের সামান্য খবর পাওয়া যায় তাম্রশাসনে। পাটলিপুত্রের নিকট গঙ্গার উপর নোকার পুল তৈয়ারি করিতে হইয়াছিল। নোকার সারি ঠিক যেন পাহাড়ের শিবের মতন দেখাইতেছিল।

দেবপালকেও সার্কভোমের লঙ্কাকাণ্ডে সোতায়েন থাকিতে হইয়াছিল। তাঁহার অগ্রতম সহকারী ছিলেন সেনাপতি সোমনাথ।

দশম শতাব্দীতে আর্ধ্যাবর্তে সর্কভৌমিক সাম্রাজ্য স্থাপনের জন্ম দাক্ষিণাত্যের রাষ্ট্রকূট, বাংলার পাল এবং উত্তর ভারতের গুর্জর-প্রতীহার-বংশের মধ্যে পরস্পর সমর-যোগের টক্কর চলিতেছিল। শ্রীযুক্ত রাখালদাস বন্দ্যোপাধ্যায় প্রণীত পালবংশ বিষয়ক ইংরেজি রচনায় (কলিকাতা, ১৯১৫) এই বিষয়ে “লিপি” সাহিত্যের প্রমাণ আছে। কিন্তু “সমর-শাসন” বিষয়ক কোনো তথ্য পাওয়া যায় না।

বাংলা দেশে সেন আমলে (১০৬৮-১২০০) পদতনের কাজে মারি মাল্লাদের ডাক পড়িত। শ্রীযুক্ত রাখালদাস মুখোপাধ্যায় প্রণীত “ভারতীয় নৌবিজ্ঞা ও নৌশিল্পের ইতিহাসে” (লণ্ডন ১৯১২) জানিতে পারা যায় যে, “নৌ-বল” বাঙ্গালী সেনাবিভাগের অন্ততম অঙ্গ ছিল।

“শাস্ত্র” সাহিত্যে হাতী, ঘোড়া, রথ, এবং পদাতিক এই “চার” অঙ্গের কথা বলা আছে। কিন্তু “লিপি-সাহিত্যে” “নৌ” ও “বল” হিসাবে উল্লিখিত। “ধর্ম” “নীতি” এবং “অর্থ” ইত্যাদি বিষয়ক সাহিত্যে যে ভারতীয় “পাবলিক ল” সম্বন্ধে আংশিক সাক্ষ্য দেয় মাত্র, এই তথ্য তাহার অন্ততম প্রমাণ। পরন্তু মেগাস্থেনিসের ভারত-বৃত্তান্তে “লিপির” প্রমাণই দুর্দৃষ্ট হয়।

খৃষ্টীয় নবম শতাব্দীর শাল্যমেগ্রে মধ্য যুগের ইয়োরোপে এক জবরদস্ত সেনা-নায়ক। আজকালকার জার্মানি এবং ফ্রান্স দুইই ছিল এই খৃষ্টীয়ান সার্কভৌমের কব্জার। আর্ধ্যাবর্তে এই সময়ে যে সকল সামরিক কাণ্ড চলিতেছিল, তাহাতে প্রত্যেক জনপদেই একাধিক শাল্যমেগ্রে দলের লোক দেখিতে পাই। খৃষ্টীয়ান শাল্যমেগ্রে বংশধরেরা তাঁহার সাম্রাজ্য অর্ধট রাখিতে পারেন নাই। বাঙালী এবং অন্যান্য ভারতীয় শাল্যমেগ্রেদের সমর-দক্ষতা ও সাম্রাজ্য-প্রতিষ্ঠা জরীপ করিবার জন্য ইয়োরোপের মাণ-কাঠিটা কাছে রাখা মন্দ নয়।

চোল সাম্রাজ্যের সেনা-শাসন

শ্রীযুক্ত কৃষ্ণস্বামী আয়্যঙ্গার প্রণীত “প্রাচীন ভারত” নামক গ্রন্থে (মাদ্রাজ, ১৯১১) দেখিতে পাই যে চোল মণ্ডলের (খৃঃ ৮৫০—১৩১০) সেনা বিভিন্ন অন্তঃস্থ অনুসারে বিভিন্ন শাখায় বিভক্ত থাকিত। ঘোড়সওয়ার এবং পদাতিক ইত্যাদি বিভাগও প্রচলিত ছিল।

তামিল “লিপি”র প্রমাণে বুঝতে পারা যায়, “তীরন্দাজের দল” নামে এক দল ছিল। রাজার দেহরক্ষীদের ভিতর “পদাতিক” ছিল অন্ততম “সেনাঙ্গ”। “দক্ষিণ হস্ত” নামক এক “জাত” দ্রাবিড় সামাজ্যে দেখিতে পাই। সম্ভবতঃ কোনো বিশেষ কারিগর শ্রেণী এই নামে পরিচিত ছিল। ঘোড়সওয়ার এবং পদাতিক এই দুই বিভাগের সেনাই “দক্ষিণ হস্ত” জাতি হইতে বাছাই করিবার ব্যবস্থা ছিল। হাতীসওয়ারের কথাও শুনা যায়। কোনো কোনো রাজপুত্র হাতীসওয়ারদের সেনাপতি হইতেন।

শ্রীযুক্ত আয়ার প্রণীত “প্রাচীন দাক্ষিণাত্যে নগর গঠন” নামক গ্রন্থে (মাদ্রাজ ১৯১৬) কুচকাওয়াজের জন্ম নগরে নগরে স্বতন্ত্র ময়দানের কথা জানিতে পাই। কাঞ্চী শহরের বাহিরে কিন্তু লাগাও একটা সামরিক শহর নির্মিত হইয়াছিল। এইখানে লড়াইয়ের হাতী এবং ঘোড়া যুদ্ধের জন্য গড়িয়া পিটিয়া তৈয়ার করা হইত। ব্যূহ রচনা, সেনা-চালনা, এবং রণ-শিক্ষা বিষয়ক অত্যন্ত কছরত শিখানোও হইত এই সামরিক শহরে।

চোল সাম্রাজ্যের নৌ বল ছিল সেনাবিভাগের এক বড় অঙ্গ। চোল রাষ্ট্রের সঙ্গে এই রাষ্ট্রের এক সাগর-লড়াই ঘটে। বাদশা রাজরাজ চোল [১০৮৪-১০১৮] চোল রাজ্যের জাহাজসেনা চূর্ণবিচূর্ণ করিয়া দেন। এই

পায় নাই। কিন্তু জিজ্ঞাসা করা চিন্তিত পাবে, - চর্ষবর্কনের সেনার নৌবল একদম ছিলনা কি?

হাতীগুলো বর্ষে আবৃত থাকিত। দাঁতে থাকিত লোহার গাঁজ। রথ চলিত পাশাপাশি চারষোড়ার জোরে। দুই জন করিয়া লোক বাহাল থাকিত রথ চালানোর জন্ত। এই দুই জনের ভিতর বসিতেন রথী। সেনাপতি রথ হইতে লুকুম চালাইতেন। রথের নিকটেই থাকিত শরীররক্ষীর দল।

বোড়সওয়ার থাকিত সম্মুখে আক্রমণ রুখিবার জন্ত। পদাতিকেরা চাল এবং বহনমে সজ্জিত থাকিত। তলোআরের রেওয়াজও ছিল। খুব চোখা অস্ত্রশস্ত্র কায়মে করা হইত।

“শুক্ৰনীচে” গ্রন্থে বন্দুকের কথা আছে। হরিমণের পেশস্তি কাব্যে বহুসংখ্যক অস্ত্রশস্ত্রের নাম দেখিয়াছি। কিন্তু বন্দুক জাতীয় চিঞ্জ তাহার তাহার ভিতর মিলে না। চীনা বৃত্তান্তেও এই বস্তুর অভাব। বুদ্ধিতে হইবে যুষ্টিয় সপ্তম শতাব্দীর মাঝামাঝি পর্য্যন্ত ভারতে, অন্ততঃ উত্তর ভারতে, বন্দুকের আবির্ভাব হয় নাই। সে কালে ইয়োরোপেও “আর্টিলারি” বা গোলাবারুদের রেওয়াজ ছিল না। “তীর ধনুক” সেকালের ছনিয়ায় সনাতন অস্ত্রশস্ত্র।

সি-যুকি গ্রন্থে আরও জানিতে পারি যে, যখন যেমন দরকার হইত তখন তেমন ফৌজ বাছাই করা হইত। সার্বজনিকভাবে পণ্টনে লোক বাহাল করিবার ব্যবস্থা ছিল। বাধা রাখিয়া দেওয়া হইত। যুদ্ধান চুরাঙর রচনায় এই ধরনের আরও অনেক তথ্য পাওয়া যায়। সামরিক জীবনের কোন কোন বিষয়ে খবর হয়ত না আংশিক। কিন্তু মোটের উপর বাস্তব বৃত্তান্ত হিসাবে “সি-যুকির” তথ্য শুধা হিন্দু সমর-শাস্ত্রের ইতিহাসে বিশেষ মূল্যবান।

আন্ধ্র সাম্রাজ্যের সমর বিভাগ

চালুক্যবংশ যে জনপদে সপ্তম শতাব্দীর সার্কভৌম, সেই জনপদ পূর্বে ছিল আন্ধ্র বাদশাহদের ছনিয়া। আন্ধ্র সাম্রাজ্যের চৌহদ্দি সম্বন্ধে মারাঠা পণ্ডিত শ্রীযুক্ত বিষ্ণু সীতারাম সূক্ষ্মাকার ভাণ্ডারকার-স্বতি-গ্রন্থাবলীতে “নিপু” সাহিত্যের প্রমাণ সংগ্রহ করিয়াছেন (পুণা ১৯২০)।

রোমান সাম্রাজ্যের সঙ্গে আন্ধ্রদের ব্যবসাবাণিজ্য চলিত। বঙ্গোপ-সাগরের উপকূলে ছিল তাহাদের জাহাজ ঘাট। রাধাকুমুদের গ্রন্থে জানা যায় যে, বঙ্গেশ্বীর আমলে (খৃঃ অঃ ১৬৩-১০২) যে সকল আন্ধ্র মুদ্রা প্রচলিত ছিল তাহাতে দুই মাস্তুলওয়াল জাহাজের ছাপ আছে।

খৃষ্টপূর্ব তৃতীয় চতুর্থ শতাব্দীতে আন্ধ্র রা বিশেষ প্রতাপশালী ছিল না। কমসেকম মৌর্যদের সঙ্গে টক্কর দিতে গিয়া তাহাদের হাড় ভাঙ্গিয়া গিয়াছিল। গ্রীক মেগাস্থেনিসকে সাক্ষী মানিয়া ব্যাটিনলেখক মিনি বলেন যে এই সময়ে (খৃঃ পূঃ ৩০০) আন্ধ্রদের পণ্টনে ছিল ১০০,০০০ পদাতিক; ২,০০০ বোড়সওয়ার এবং ১০০০ হাতী-সওয়ার।

পঞ্জাবের নৌ-সেনা

বাঙলার মতন পঞ্জাবও নদনদী-বহুল জনপদ। পাল এবং সেন বাঙালী দর মতন পাঞ্জাবীরাও সে কালে জলযুদ্ধে ওস্তাদ ছিল। দরিয়ার উপর লড়াই চালানো পাঞ্জাবী সেনা বিভাগের অত্যন্তম ধাক্কা সর্বদাই দেখিতে পাই।

আলেকজান্দার পঞ্জাবে আসিয়া ভারতীয় নৌবলের বিরুদ্ধে লড়াইতে বাধ্য হইয়াছিলেন। ক্‌সাথুর বা ক্ষত্রিয় নামক জাতির নৌশক্তি এই ক্ষেত্রে বিশেষ উল্লেখযোগ্য। পঞ্জাবের বিভিন্ন সামরিক জাতির নিকট হইতে নৌকা লইয়া আলেকজান্দারের নৌসেনাপতি নেআর্থস সিদ্ধ ভাটাইয়া

আরব সাগরে পৌঁছিয়াছিলেন। হিন্‌সেট প্রণীত প্রাচীন জাতিদের ব্যবসা এবং সাগর বাণিজ্য নামক গ্রন্থে (লণ্ডন ১৮০৭) লিখিত আছে যে, পাঞ্জাবীরা নেআর্থনকে ৮০০ হইতে ২,০০০ নৌকা দিয়াছিল।

পাঞ্জাবীদের নৌশক্তি সম্বন্ধে আরও প্রাচীন কালের খবর শুনিতে পাই। অসিরিয়ার রাণী সেমিরামিসের আক্রমণের বিরুদ্ধে পাঞ্জাবী নৌসেনা নাকি ৪,০০০ বজরায় সাজিয়া লড়িয়াছিল। পরবর্ত্তী কালে খৃষ্টীয় দশম শতাব্দীতে গজনির সামুদিকেও ৪,০০০ পাঞ্জাবী “রণ-তরী”র সম্মে লড়িতে হইয়াছিল। এই সকল “গল্প” পাওয়া যায় রবার্টসন প্রণীত “ভারত সম্বন্ধে প্রাচীনদের জ্ঞান” নামক গ্রন্থে [লণ্ডন ১৮২২]।

আলেকজান্দার বনাম হিন্দু-পণ্টন

[১]

দিগ-বিজয়ী গ্রীকবীর আলেকজান্দারের গতিরোধ করিয়া পাঞ্জাবের জনসেনা ও স্থলসেনা সেকালের ভারতে অশেষ যশস্বী হইয়াছিল সন্দেহ নাই। হিন্দু রাষ্ট্রের সমর-বিভাগের ইতিহাসে সেই স্বদেশ-রক্ষার সমর এক অতি স্মরণীয় ঘটনা। প্রত্যেক ছটাক জমিনের উপর ভারতীয় স্বদেশ-সেবকগণ মাটি কামড়াইয়া বিদেশীর বিরুদ্ধে লড়িয়াছিল।

আলেকজান্দার বনাম হিন্দু পণ্টনের কথা গ্রীক এবং ল্যাটিন সাহিত্যে দেখিতে পাই। ঘটনার প্রায় সাড়ে তিনশ বৎসর পরে সিসিলি দ্বীপের “রোমান” লেখক দিয়োদোরস “হুনিয়ার ইতিহাস” রচনা করেন গ্রীক ভাষায় [খৃঃ অঃ ৫০]। তাহাতে আলেকজান্দারের ভারত-অভিজ্ঞতা ঠাই পাইয়াছে। ঘটনার প্রায় সাড়ে তিনশ বৎসর পরে সিসিলি দ্বীপের আরিয়ান [খৃঃ অঃ ১৩০] গ্রীক ভাষায় আর কুর্টিয়ুস [খৃঃ অঃ ২০০]

এবং যুস্তিন [খৃঃ অঃ ৪০০] ল্যাটিন ভাষায় আলেকজান্দার-কথা বিবৃত করিয়াছেন। ইংরেজ ম্যাক-ক্রিগল প্রণীত “আলেকজান্দারের ভারত-আক্রমণ” [লণ্ডন, ১৮২৬] গ্রন্থে এই সকল গ্রীক এবং ল্যাটিন বিবরণ সহজে পাওয়া যায়। তাঁহাদের বৃত্তান্তে কতখানি সত্য আছে আর কতখানিই গল্পগুজব ঠাই পাইয়াছে তাহা নির্ধারণ করা সোজা নয়।

[২]

বাহা হউক, আফগানিস্থানের আসাকেনয় জাতি মাসাগা হুর্গের সুরক্ষিত স্থান হইতে আলেকজান্দারকে হঠাইতে চেষ্টা করিয়াছিল, এই রূপ জানিতে পারা গিয়াছে। আরিয়ান এবং কুর্টিয়ুস বলেন যে হিন্দু পণ্টনে তখন ছিল ৩০,০০০ পদাতিক, ২০,০০০ ঘোড়সওয়ার এবং ৩০ হাতী-সওয়ার।

পরে আলেকজান্দারকে “পুরু-রাজের” সম্মে লড়িতে হয়। ৩২৬ খৃষ্ট পূর্বাব্দে বেলাম দরিয়ার কিনারায় লড়াই ঘটে। ২০০ হাতী-সওয়ার ছিল হিন্দুপণ্টনের কেন্দ্রস্থলে। প্রত্যেক হাতীকে একশ ফিট অন্তর অন্তর দাঁড় করানো হইয়াছিল। বোধ হয় হাতীসেনা আট সারিতে বিভক্ত ছিল। হাতীর পশ্চাতে ছিল ৫০,০০০ পদাতিক। হাতী-সওয়ারের কাঁকে কাঁকে পদাতিকের দলও সন্নিবেশিত ছিল। হাতী-হুই ধারে ছিল ঘোড়-সওয়ার এবং রথের ঠাই। ৩,০০০ ঘোড়া সেনার ১,০০০ রথ পুরুরাজের সেনাবলের অন্তর্গত।

দিয়োদোরস এবং প্লুতার্ক এই বিবরণের জন্ত দায়ী। দিয়োদোরস বলিয়াছেন যে, হিন্দু-ব্যুহটা একটা দুর্গরক্ষিত নগরের মতন দেখাইতেছিল। হাতীগুলো ছিল ঠিক যেন দেওয়ালের চূড়া বা পর্যবেক্ষণ কেন্দ্র বিশেষ আর পদাতিক শ্রেণী যেন নগর প্রাচীরের বিভিন্ন অংশ! প্লুতার্ক বলেন

যে. এই যুদ্ধে আলেকজান্দারের পণ্টন বিশেষ হ্রস্ব হইয়া পড়িয়াছিল। কাজেই আলেকজান্দার ভারতের পশ্চিম সীমানাটা দেখিয়াই স্বদেশে ফিরিয়া যাইতে বাধ্য হন।

পুরুরাষ্ট্রের ঠাণ্ডা খাইয়া আলেকজান্দারের ভারত আক্রমণ পিপাসা মিটিয়া গিয়াছিল। এই সময়ে তাঁহার কানে খবর পৌঁছে যে পূর্ব-ভারতের গঙ্গাধৌত জনপদের বাদশা শায় তিন লাখ “হস্ত্যশ্বরথপাদাতি” লইয়া ইয়োরোপীয়ান আক্রমণকারীর সঙ্গে মোলাকাৎ করিতে আসিতেছেন।

[৩]

আলেকজান্দারকে হিন্দু সমর-বিভাগের ক্ষমতা আরও চাখিতে হইয়াছিল। পঞ্জাব হইতে বরমুখো হইবার পথে তাঁহার উপর হিন্দুরা অনেক হামলা চালায়। “গণতন্ত্র” পাঞ্জাবীরা দলে দলে আলেকজান্দারকে ভারতীয় সমর-যোগের নমুনা দেখাইতেছিল।

আস্‌সানসুসয় জাতির তাঁবে নাকি ছিল ৪০,০০০ পদাতিক আর ৩,০০০ ঘোড়-সওয়ার। মালব এবং ক্ষুদ্রক এই দুই জাতি সম্মিলিত হইয়া বিদেশী শত্রুর উচ্ছেদ সাধনে ব্রতবদ্ধ হইয়াছিল। শুনা যায় তাহাদের সমবেত পণ্টনে ২০,০০০ পদাতিক, ১০,০০০ ঘোড়-সওয়ার এবং ২০০ রথ ছিল।

তিন গজ লম্বা ছিল হিন্দু ফৌজের বর্ষা। পাঞ্জাবী তীরন্দাজদের বাহুবল সম্বন্ধে আরিয়ান বলেন:—“ইহাদের ধনুকের বা হইতে আত্মরক্ষা করা এক প্রকার অসাধ্য সাধন বিবেচিত হইত। ঢাল অথবা উরঙ্গাণ্ডা কখন কোন বেনী টেকসই যন্ত্র যদি থাকে, তাহার সাহায্যেও হিন্দু ধনুকের গতিরোধ করা সম্ভবপর হইত না।”

[৪]

সংখ্যাগুণা সম্বন্ধে সন্দেহ করা চলিতে পারে। আলেকজান্দারকে যে যন্ত্র মস্ত পণ্টনের বিরুদ্ধে লড়িতে হইয়াছিল এই কথা প্রচার করাই-

ছিল দিয়াদোরস ইত্যাদির উদ্দেশ্য। ইয়োরোপের গ্রীক এবং ল্যাটিন সাহিত্যেও সেকালে “প্রপত্তি” “চাটু” বাক্য ইত্যাদি মূল “ইতিহাস” নামে পরিচিত ছিল।

হাজার হাজার লাখ লাখ এশিয়ান ইয়োরোপীয়ান বীরবরের গতিরোধ করিতে পারে নাই এই হইতেছে আলেকজান্দার-গাথার ধূম। ভারতীয় পণ্টনগুলোকে বহরে খুব বড় দেখানো কাজেই ঐতিহাসিক মহাশয়ের এক বিশেষ লক্ষ্য। হিন্দু সমরবিভাগের আলোচনায় পাশ্চাত্য “রিপোর্টার”-দের অত্যাধিক-প্রিয়তা সম্বন্ধে অজ্ঞতা প্রকাশ করিলে চলিবে না।

মৌর্য্য-পণ্টন = ২ রোমান পণ্টন +

[১]

আলেকজান্দার ভারতের পশ্চিম সীমানায় ছিলেন ৩২৭ হইতে ৩২৪ খৃষ্টপূর্বাব্দ পর্য্যন্ত। পঞ্জাবের এক অংশে গ্রীক সেনা আরও কিছুকাল ইয়োরোপীয়ান প্রভুত্বের সাক্ষীস্বরূপ মোতায়েন ছিল। হিন্দু নরনারীর নর-সাধনা এই বিদেশী প্রভাবের বিরুদ্ধে শীঘ্রই বিজয় লাভ করে। ৩২২ খৃষ্টপূর্বাব্দে আলেকজান্দারের শেষ চিহ্নাৎ পর্য্যন্ত পঞ্জাবের পল্লী-নগর হইতে মুছিয়া ফেলা হয়। সেই স্বাধীনতার সময়ের হিন্দু-সেনাপতি ছিলেন চন্দ্রগুপ্ত মৌর্য্য।

এই ঘটনার উনিশ বৎসর পরে এশিয়া মাইনরের গ্রীক হেলেনিস্টিক রাজা সেলিউকস ভারতের দিকে হামলা চালাইতেছিলেন আলেকজান্দারের মনোবাহু পূর্ণ করিবার জন্ত। ৩০৩ খৃষ্টপূর্বাব্দে মৌর্য্য সাক্ষীভৌম সেলিউকসের সমর-পিপাসা মিটাইয়া দিয়াছিলেম। সেলিউকস আক-গানিস্তান এবং বেলুচিস্তান ভারত সত্রাটের নিকট সঁপিয়া দিয়া সন্ধি করিতে বাধ্য হন।

চন্দ্রগুপ্ত তখন ৬০০,০০০ পদাতিক, ৩০,০০০ ঘোড়সওয়ার, ৯,০০০ শ্রীতিসওয়ার এবং ৮,০০০ রথের মালিক। প্রত্যেক হাতীর উপর তিন জন করিয়া তীরন্দাজ থাকিত। দুইজন করিয়া ঘোড়ার ঠাঁই ছিল প্রত্যেক রথে। সর্বসম্মত মৌর্যপটনে লোকসংখ্যা ছিল ৬৯০,০০০। রোমাণ লেখক প্লিনির “প্রাকৃতিক ইতিহাস” গ্রন্থে এবং পরবর্তী গ্রীক ঐতিহাসিক প্লুতার্কের “আলেকজান্দার জীবনী”তে এই সকল তথ্য পাওয়া যায়। চন্দ্রগুপ্তের আমলে মৌর্য নৌসেনায় ছিপ বজরা পাল্লী ও জাহাজ কতগুলো ছিল সে খবর জানা যায় নাই।

[২]

এই পটন ছিল “স্থায়ী”। প্লিনি বলেন,—ফৌজেরা বেতন পাইত দৈনিক হিসাবে এবং নিয়মিতরূপে।

এইখানে রোমাণ সাম্রাজ্যের পটনের বহর আলোচনা করা দরকার। ইংরেজ আর্নল্ড প্রণীত “রোমাণ প্রাদেশিক শাসন” (অক্সফোর্ড, ১৯১৪) গ্রন্থে জানা যায় যে, “গণতন্ত্র”র আমলে রোমে “স্থায়ী পটন” ছিল না। রোমাণরা স্থায়ী পটন প্রথমে কয়েম করে বাদসা অগুস্তসের আমলে অগুস্তস রোমাণ “সাম্রাজ্য”র প্রথম বাদসা।

তিবোতরিয়স [খৃঃ অঃ ১৪-৩৭] অগুস্তসের পরবর্তী সম্রাট। তাঁহার আমলে রোমাণ সাম্রাজ্যের পটন তাহার চরম বহর লাভ করিয়াছিল। ২৫ “লিজ্যনে” বিভক্ত ছিল “স্বদেশী” রোমাণ ফৌজ। আর ২৫ “লিভ্যান” ছিল “আকসিলিয়া” বা সহকারী ফৌজের। সাম্রাজ্যের অধীনস্থ নানা জনপদ হইতে এই সকল “আকসিলিয়া”র আমদানি হইত। বৃটিশ ভারতের অন্তর্গত “ইম্পিরিয়্যাল সাব্বিস ট্রুপ্‌স্” নামক ভারতীয় রাজরাজড়াদের পটনের সঙ্গে রোমাণ সাম্রাজ্যের “আকসিলিয়া”র সদৃশ আছে।

রাম্বে-প্রণীত “রোমাণ প্রত্নতত্ত্ব” গ্রন্থে [লণ্ডন, ১৮৯৮] দেখি যে, তিবোতরিয়সের তাঁবে সর্বসম্মত ৩২০,০০০ ফৌজ ছিল। বৃদ্ধিতে হঠবে যে,

মৌর্য সেনাপতিরা একসঙ্গে দুই দুইটা রোমাণ সাম্রাজ্যের পটনের চেয়েও বেশী বহরওয়ালা সেনা চালাইবার ক্ষমতা রাখিতেন।

সমর-শাসনে মৌর্য সাম্রাজ্য

[১]

এই বিপুল পটনের খোর পোষ জোগানো মুখের কথা নয়। ফৌজদের শিক্ষাবিধান, তাহাদের শৃঙ্খলা এবং সামঞ্জস্যের আয়োজন করা আর যথা-সময়ে তাহাদিগকে সেনাপতিদের হুকুম তামিল করাইতে অভ্যস্ত রাখা অসাধারণ রণ পাণ্ডিত্যের এবং শাসন-দক্ষতার পরিচয়। বর্তমান যুগের উড়ো জাহাজ, ডুবো জাহাজ, গ্যাসবিষ ইত্যাদির আবহাওয়ায়ও যে ধরণের সমর-শাসন বিষয়ক পাণ্ডিত্য এবং দক্ষতা দরকার হয়, সেকালের ইয়োরোপে এবং ভারতে ঠিক সেইরূপই দরকার হইত। হিন্দু সেনাপতিরা পটন গড়িবার এবং চালাইবার কাজে জগতের অগ্রতম নং ১ শ্রেণীর বীরপুরুষ। তুলনামূলক সমর-বিজ্ঞান এই কথাই বলিবে।

পটনের জন্ত মৌর্য সাম্রাজ্যের প্রজারা কত টাকা করিয়া বার্ষিক ঋজনা দিত, সে কথা জানা যায় না। সমর-বিজ্ঞান মৌর্য রাজস্বের শতকরা অনেক অংশ হজম করিত সন্দেহ নাই। সামরিক শক্তিবোগ রক্ষা করিতে হইলে টাকা খরচ করিতে হয়। বিনা পয়সায় “পাক্‌স্ সর্বভৌমিক্য” বা “বিশ্বশান্তি” স্থাপিত হইতে পারে না।

মেগাস্থেনিস বলিয়াছেন, ফৌজেরা সরকারী খরচে জীবন ধারণ করিত। লড়াইয়ের জন্ত চোপন দিন রাতই তাহারা প্রস্তুত থাকিত। আরিয়ান বলেন, হিন্দু ফৌজেরা বেশ মোটা হারে বেতন পাইত। নিজেদের খরচ পত্র চালাইয়াও তাহারা অত্যন্ত লোকবনের ভরণ পোষণ করিতে সমর্থ হইত। অর্থাৎ মৌর্যেরা চর্য চোষ দিয়া পটনকে তোআজ করিতে অভ্যস্ত ছিল।

[২]

সমর-বিভাগের শাসন স্বন্ধে মেগােস্থেনিসের সাক্ষ্য অনুসারে বলিতে হইবে যে পাটলিপুত্রের নগর-শাসন বিষয়ক প্রণালীই কায়েম করা হইয়াছিল। ত্রিশ জন ওস্তাদের এক সঙ্ঘ বাহাল ছিল। পাঁচ পাঁচ জন করিয়া ওস্তাদ এক এক উপ-সভায় বসিয়া সামরিক ধাক্কাগুলা নির্দ্ধাহ করিতেন। এই রূপ উপ-সভা ছিল ছয়টা।

এক উপসভার তাঁবে ছিল স্থল-সেনা এবং জল-সেনার সংখ্যা অথবা অস্ত্র খবর পাওয়া যায় না।

রসদ জোগানো সংক্রান্ত সকল কাজ দ্বিতীয় উপসভার অধীনে পরিচালিত হইত। বলদের গাড়ীগুলা এই উপসভার তদবিরে থাকিত। লড়াইয়ের যন্ত্রপাতি, ফৌজের খোরাক, হাতী বোড়ার খোরাক এবং অস্ত্র সামরিক সাজসরঞ্জাম বহিবার জন্ত এই সকল গাড়ী ব্যবহৃত হইত। ঢাক ও বন্টা বাজাইবার লোক, বোড়ার সহিস, ছুতোর মিস্ত্রী কামার চামার ইত্যাদি কারিকর সবই এই বিভাগের দায়িত্বে শাসিত হইত।

যথা সময়ে যথানির্দিষ্ট কাজ করাইবার দিকে ঝাঁক দেখা যাইত। পদাতিকদের তদবির করিবার জন্ত এক উপ-সভার উপর দায়িত্ব ছিল। বোড়সওয়ার, রথ, এবং হাতী-সওয়ারও তিন স্বতন্ত্র উপ-সভায় শাসিত হইত।

বোড়ার আস্তাবল আর হাতীর আস্তাবল স্বতন্ত্র ভাবে রক্ষিত হইত। অস্ত্রশস্ত্রের গুদামে ফৌজেরা নিজ নিজ হাতিয়ার ফিরাইয়া দিত। আস্তাবলে বোড়া এবং হাতী সমঝাইয়া দিবার দল্লরও ছিল। লড়াইয়ের মাঠে যাইবার সময় বোড়া দিয়া রথ টানানো হইত না। বোড়া লইয়া যাওয়া হইত ধীরে ধীরে দড়িতে বাধিয়া। যাহাতে বাধে

বাধে বোড়ার তেজ না কমিয়া যায় সেই দিকে সমর-বিভাগের দৃষ্টি থাকিত। বলদের সাহায্যে রথগুলা মাঠে পৌছিবার পর বোড়ার লাগামে ত্বরিতা রথের উপর যোদ্ধারা বসিত।

এই সমস্ত খবরই মেগােস্থেনিসের “ইন্দিকা” গ্রন্থে পাওয়া যায়। খ্রী-ভারতের চীনা বিবরণের মতন মৌর্যভারতের গ্রীক বিবরণও বাস্তব এবং চাক্সস বলিয়াই বোধ হয়।

পরিশিষ্ট নং ৫

“সাহিত্যে” হিন্দু সমর-শাসন

[১]

১৮৮২ সালের আমেরিকান ওরিগেণাল সোসাইটির ত্রৈমাসিক পত্রিকায় হপ্‌কিন্‌স্ মহাভারত হইতে বাছিয়া বাছিয়া হিন্দু সেনা-শাসন বিষয়ক সকল তথ্য প্রকাশ করিয়াছেন। মহাভারতের মতন অত্যাশ্রয় প্রাচীন গ্রন্থেও হিন্দু সমর-যোগের খুঁটিনাটি বর্ণিত আছে। রামায়ণের বালকাণ্ডে [২৭ অধ্যায়] অস্ত্রশস্ত্রের তালিকা দেখিতে পাই। মহাসংহিতা, শুক্রনীতি ইত্যাদি গ্রন্থেও কোজ-বাছাই হইতে আরম্ভ করিয়া সেনাবিভাগের প্রায় সকল তথ্যই অল্প বিস্তর আছে। তাহা ছাড়া “ধনুর্বেদ” নামক সাহিত্য ত আছেই।

এই সকল “সাহিত্যে”র বচন উদ্ধৃত করিয়া মাস্ত্রাজী পণ্ডিত শ্রীযুক্ত স্বামী “প্রাচীন ভারতে যুদ্ধকাণ্ড” নামক পুস্তিকা [মাস্ত্রাজ ১৯১৫] প্রকাশ করিয়াছেন। শ্রীযুক্ত প্রমথনাথ বন্দোপাধ্যায় প্রণীত “প্রাচীন ভারতে রাষ্ট্রশাসন” নামক ইংরেজি গ্রন্থেও [লণ্ডন, ১৯১৭] “শাস্ত্র-সাহিত্যের নজির অনেক আছে। সম্প্রতি হিল্লিব্রান্ট-প্রণীত “আন্ট-ইণ্ডিশ পোলিটিক” অর্থাৎ “প্রাচীনভারতীয় রাষ্ট্রতত্ত্ব” নামক গ্রন্থেও [স্নেনা ১৯২৩] এই ধরণের সমর বিষয়ক সাম্র্য উদ্ধৃত হইয়াছে।

কিন্তু প্রতিষ্ঠানর বৃত্তান্ত বিষয়ক গ্রন্থে এই ধরণের সাহিত্য এখনো বিনা সন্দেহে ব্যবহার করা সম্ভব নয়। মনু, মহাভারত, শুক্র ইত্যাদির বচন কোন রাজবংশ সম্বন্ধে খাটে? এই প্রশ্নের জবাব দিতে অসমর্থ বলিয়া বর্তমান গ্রন্থের কোনো অধ্যায়েই প্রাচীন ভারতীয় “সাহিত্যের”

প্রমাণ উদ্ধৃত করা হইতেছে না। হিন্দু সমর-শাসন সম্বন্ধে কোনো সাহিত্য এই সকল গ্রন্থ হইতে লওয়া হইল না।

[২]

রাষ্ট্র, রাষ্ট্রের শাসন, রাষ্ট্রীয় প্রতিষ্ঠান ইত্যাদি এক বস্তু, আর রাষ্ট্র সম্বন্ধে মত, রাষ্ট্রশাসন বিষয়ে চিন্তা, রাষ্ট্রীয় প্রতিষ্ঠান বিষয়ক উপদেশ আর এক বস্তু। প্রথম কথা ইতিহাসের অন্তর্গত। দ্বিতীয় কথা দর্শনের অন্তর্গত।

ধর্ম-শাস্ত্র, ধর্ম-শাস্ত্র, নীতি-শাস্ত্র, মহাভারত, রাশায়ণ ইত্যাদি গ্রন্থের রাষ্ট্র-বিষয়ক অধ্যায় এবং শ্লোকগুলাকে সম্প্রতি রাষ্ট্রসম্বন্ধে হিন্দু মত, হিন্দু চিন্তা অথবা হিন্দু দর্শন রূপে গ্রহণ করিতেছি। এই “দর্শনে”র আলোচনার ভিতর “আদর্শ” কতখানি অর্থাৎ কর্তব্যকর্তব্যের বিচার, “ভবিষ্য-বাদে”র জল্পনা করনা এবং ভাবুকতা কতখানি আছে কে জানে? আবার এই “দর্শনে”র উপর যে বাস্তব ইতিহাসের দাগ বা ছায়া নাই তাহাই বা কে বলিতে পারে?

যত দিন পর্যন্ত “সাহিত্য” গ্রন্থের “ইতিহাস বনাম দর্শন” মামলা নিষ্পত্তি না হয়, ততদিনপর্যন্ত হিন্দু রাষ্ট্রের গড়ন বুদ্ধিবীর সমর এই সমুদয়ের আওতা হইতে দূরে থাকা বাঞ্ছনীয়।

কোটিস্যের “অর্থশাস্ত্র”কে মোর্ধ্য-ভারতের আবহাওয়ার ফেলা বাইতে পারে। কিন্তু তাহা সম্বন্ধে প্রশ্ন উঠিবে,—লড়াই সম্বন্ধে এই গ্রন্থে কে সকল কথা আছে সে সব কি চক্রগুপ্ত এবং অশোক ইত্যাদির সেনাপতিগণ মানিয়া চলিতেন? না জার্মাণ সমর-পণ্ডিত ক্লাউজেন্‌স্ট্রট্‌স্ প্রণীত “সমর-শাস্ত্র” নামক গ্রন্থ অথবা ইংরেজ সেনাপতি হ্যাল্থাম প্রণীত “প্রিন্সিপল্‌স অব ওয়ার” অর্থাৎ “সমর-তত্ত্ব” নামক গ্রন্থ [লণ্ডন ১৯১৪] ইত্যাদির মতন

“অর্থশাস্ত্রে” ও সঙ্কলনকর্তার স্বাধীন মতামত আলোচিত হইয়াছে ?
মৌর্যশাসনের দোষগুণ “সমালোচনা” কারিবার দিকে কোটিল্যের নাথ
একদম খেলে নাই কি ?

যাহা হউক, “অর্থশাস্ত্রে” সমর সম্বন্ধে যে সকল তথ্য ও মতামত আছে,
সেই বিষয়ে বর্তমান গ্রন্থের আকারের একখানা স্বতন্ত্র গ্রন্থ রচিত হইতে
পারে। রণ-নীতি যাহাদের দখলে নাই তাঁহারা কোটিল্য বুঝিবেন না।

দ্বিতীয় পরিচ্ছেদ

হিন্দু রাষ্ট্রের শাসনাধ্যক্ষ

“পাক্স সার্কভৌমিকা”র শাসন-যন্ত্র

সমর-বিভাগ রাষ্ট্রমাত্রেরই এক বড় কর্মক্ষেত্র। শাসন-যন্ত্রের আর
এক বড় বিভাগ হইতেছে আজ কাল যাহাকে বনে “সিভিল সার্ভিস”।
এই শাসন-বিভাগের নাম হিন্দুরাষ্ট্রের বিভিন্ন আমলে বোধ হয় বিভিন্ন
ছিল।

কোটিল্যের কথায় এই বিভাগকে “কর্মস্থান” বা “তীর্থ” বলিতে
পারি। কর্মস্থান বা তীর্থের কর্তাদিগকে “অধ্যক্ষ” বলা হইয়াছে।
আজকালকার ভারতের ডেপুটি ম্যাজিস্ট্রেট, ম্যাজিস্ট্রেট, কমিশনার ও
লাট সাহেব কোটিল্যের পারিভাষিকে ছোট বড় মাঝারি “কর্মস্থানের
অধ্যক্ষ” বর্তমান হইলে এই সকল চাকর্যকে “শাসনাধ্যক্ষ” বলা
হইতেছে। সোজাসুজি “রাজকর্মচারী” শব্দ কায়েম করা যাইতে পারে।

পূর্ববর্তী অধ্যায়ে স্বরাজ বনাম সাম্রাজ্য প্রশ্ন তুলিয়াছি। সমস্তাটা
এই—পল্লীতে, “শ্রেণী”তে, নগরে এবং অগ্রাগ্র জীবন-ক্ষেত্রে হিন্দু নরনারীর
আত্মকর্তৃত্ব সাম্রাজ্যের তরফ হইতে বাধা পাইত কতটা ? “সার্কভৌম”দের
শাসনযন্ত্রটা বিশ্লেষণ করিবার সময় সেই সমস্তার দিকে নোক রাখিতে
হইবে, কেন না “কেন্দ্রীকরণ”ই “পাক্স সার্কভৌমিকা”র অর্থ্যাৎ
বিষয়শাস্তির গোড়ার কথা।

সাম্রাজ্যশাসনে ওস্তাদ ছিল সেকালের রোমান জাতি। ইয়াঙ্কি
পণ্ডিত ফ্র. ক. প্রণীত “রোমান ইম্পিরিয়ালিজম্” বা “রোমান সাম্রাজ্যবাদ”
নামকগ্রন্থ [নিউ ইয়র্ক, ১৯১৪] বর্তমান আলোচনার কাজে লাগিবে।

পরবর্তী কালে ষোড়শ সপ্তদশ শতাব্দীতে ফরাসীরাও কেন্দ্রীকরণ কাণ্ডে চরমে গিয়া ঠেকিয়াছিল। এই কারণে ত্রিসো-প্রণীত “ফরাসী শাসন-বিষয়ক আইনের ইতিহাস” গ্রন্থের তথ্য হইতে মাপকাঠি আনিয়া “হিন্দু-শাসনাধ্যক্ষ”দের আফিসী কায়দাকাহ্নন বা “কর্মস্থান”-নীতি মাপিয়া দেখা বাইতে পারে। বর্তমান বৃটিশ সাম্রাজ্য অতি আধুনিক। তাহার ব্যবস্থা আলোচনা করিবার দরকার নাই।

চোল সাম্রাজ্যে কেন্দ্রীকরণ

[১]

তামিল সাম্রাজ্যের সাহায্যে নবম হইতে ত্রয়োদশ শতাব্দীর চোল মণ্ডল বিষয়ক “পাব্লিক ল” বর্তমান গ্রন্থে আলোচিত হইতেছে। খ্রীষ্টাব্দে কৃষ্ণস্বামী আয়্যাপ্পার প্রণীত “প্রাচীন ভারত” গ্রন্থে জানিতে পারি যে, চোল সাম্রাজ্যের প্রত্যেক প্রদেশে এক জন করিয়া “লাট সাহেব” বাহাল থাকিতেন। ঐ সকল প্রদেশের পুরাতন রাজবংশের বংশধরদিগকে “লাট সাহেব” করা হইত। অথবা চোল বাদশাদের বংশধরেরা সাম্রাজ্যের প্রতিনিধি স্বরূপ প্রদেশে প্রদেশে “শাসনাধ্যক্ষ” হইতেন। সাধারণতঃ রাজার খুড়ো জ্যাঠা ভাই বা ছেলে প্রাদেশিক শাসন-কর্তার পদে বাহাল থাকিতেন।

সদরে দলিল দস্তাবেজের দপ্তরখানা ছিল। তাল পাতায় লেখা পুঁথির আকারে সরকারী হুকুম এবং আইন কাহ্নন সংগৃহীত করা হইত। সদরের হুকুমসমূহ পল্লীতে পল্লীতেও যথারীতি রক্ষা করিবার ব্যবস্থা ছিল। পল্লী স্বরাজের “মহাসভা” এই সমুদয় কাগজপত্রের রক্ষণাবেক্ষণের জ্ঞ জিজ্ঞাস্য লইত। বাদশা রাজরাজের [৯৮৪-১০১৮] আগেও এইরূপ দপ্তর-খানার রেওয়াজ ছিল।

[২]

পল্লী-শাসনের উপলক্ষ্যে দেখা গিয়াছে যে, “অধিকারিণ” এবং “সেনাপতি” এই দুই কর্মচারী সাম্রাজ্যের প্রতিনিধিরূপে পল্লীতে মোতায়েন থাকিতেন। বলা বাহুল্য, একজন মামুলি এবং অপর জন সাময়িক শাসনের ধুরন্ধর। পল্লী-স্বরাজে তাঁহাদের হস্তক্ষেপ ঘটিত নানাক্ষেত্রে।

পল্লী-সভাগুলোর আয় ব্যয় পরীক্ষা করা ছিল এই দুই শাসনাধ্যক্ষের কাজ। তাঁহাদের আদেশ বা নির্দেশ অনুসারে পল্লী-স্বরাজের মাতব্বরেরা খরচ-পত্রের ব্যবস্থা করিত। তাঁহারা পল্লী-পর্যবেক্ষণে বাহির হইতেন। টাকা পয়সা সংক্রান্ত প্রায় প্রত্যেক সার্বজনিক কাজেই ইহারা নাক গুঁজিতে অধিকারী ছিলেন। কোন্ ব্যবদ কত টাকা খরচ করা হইবে সেই বিষয়ে পরামর্শ দেওয়াও ইহাদের এক্টিয়ারের অন্তর্গত ছিল।

পল্লী-পর্যবেক্ষণ করিতে করিতে সাম্রাজ্যের প্রতিনিধিরা একবার ‘আয়-ব্যয়ের গড়মিল আবিষ্কার করিয়া বসেন। তৎক্ষণাৎ তাঁহারা স্বরাজের “মহাজন”দিগকে কৈফিয়ৎ দিতে বাধ্য করেন। বাদশার হুকুম এবং দলিল-মাফিক আয় ও ব্যয়ের ব্যবস্থা করা হয় নাই কেন পল্লী-স্বরাজকে এই প্রশ্নের জবাবদীহি হইতে হইয়াছিল।

[৩]

রাজস্ব সংগ্রহ করা স্বরাজের এক অঙ্গ সন্দেহ নাই। রাজস্বের খরচ-সম্বন্ধে আত্ম-কর্তৃত্বও অল্প অল্প। কিন্তু এই দুই বিষয়ে চোল পল্লীগুলোর সাম্রাজ্যের কেন্দ্রীকরণ খুব বেশী সহিতে বাধ্য হইত এইরূপ বিশ্বাস হয়।

সার্বভৌমিক শাস্তি অর্থাৎ “জাতীয় ঐক্য”ও চাই, আবার জনপদগত স্বতন্ত্রতা বা পল্লী-স্বরাজও চাই, অর্থাৎ শ্রাম ও কুল দুইই রক্ষা করা সে-

কালের রাষ্ট্রীয় জীবনে সম্ভবপর হইত না। একালেও এই দুই কুল এক সঙ্গে রক্ষা করা কঠিন।

পল্লীর লোকেরা সমগ্র দেশের শাসনে “প্রতিনিধি” পাঠাইয়া আজ কালকার দিনে স্বরাজ্যে ও সাম্রাজ্যে একটা “রক্ষা” কায়েম করিতে পারিয়াছে মাত্র। সেকালে এই রক্ষার স্বযোগ ছিল না,—না চোল সাম্রাজ্যে, না রোমান সাম্রাজ্যে, না বুর্বে সাম্রাজ্যে।

শাসনাধ্যক্ষদের বেতন।

চোল সাম্রাজ্যের শাসনাধ্যক্ষেরা টাকায় বেতন পাইতেন কিনা সন্দেহ। জমির টুকরা বোধ হয় বেতন স্বরূপ ব্যবহৃত হইত। অথবা সংগৃহীত খাজনার কোনও নির্দিষ্ট অংশ কর্মচারীর বার্ষিক বৃত্তিরূপে নির্ধারিত ছিল। য়ুয়ান-চুয়াও “সি-যুকি”তে বলিয়াছেন যে হর্ষবর্দ্ধনের মন্ত্রী, লাট-সাহেব, ম্যাজিস্ট্রেট, এবং অগ্রাণ্ড কর্মচারীর জমি পাইতেন। জমির আয়ই ছিল তাঁহাদের বেতন। এই গেল খৃষ্টীয় সপ্তম শতাব্দীর উত্তর ভারতের কথা।

গুপ্ত সাম্রাজ্যের কথা জানিতে পারি ফা-হিয়ানের ভ্রমণ-বৃত্তান্তে। খৃষ্টীয় পঞ্চম শতাব্দীর প্রথম দিকে এই চীনা পণ্ডিত ভারতে ছিলেন। হিন্দু-রাষ্ট্রের শাসনাধ্যক্ষেরা দেশের নরনারীর উপর জুলুম চালাইত না এইরূপ তিনি লক্ষ্য করিয়াছিলেন। সরকার হইতে নিয়মিত বৃত্তি রাজ-কর্মচারীদের জুটত। কিন্তু মুদ্রা গণিয়া বেতন দেওয়া হইত কি জমির টুকরা অথবা রাজস্বের নির্দিষ্ট অংশ এই উদ্দেশ্যে ব্যবহৃত হইত সে বিষয়ে ফা-হিয়ান কোনও খবর দেন নাই।

মৌর্য-সাম্রাজ্যের চাকরোর বেতন পাইতেন বোধহয় টাকায়। “অর্থ-শাস্ত্রের” কোন কোন অংশকে এই রাষ্ট্রের বাস্তব বৃত্তান্ত বলিয়া-

স্বীকার করিয়া লইলে এইরূপই মনে হইবে। কোর্টলোর গ্রহে (৫।৩) বেতনের হার খুবই মোটাও বটে। মামুলি ফৌজের বার্ষিক বেতন ছিল ৫০০ পণ অর্থাৎ আজকালকার ৩৭৫। সেনাপতি বাহাহরকে দিবার ব্যবস্থা ছিল বার্ষিক ৪৮,০০০ পণ অর্থাৎ ৩৬,০০০। “লাটসাহেব,” খাজাঞ্চি বিভাগের কর্তা এবং বড় বড় মন্ত্রীরাও এই বেতন পাইতেন। আজকালকার তুলনায় খৃষ্ট পূর্ব তৃতীয় চতুর্থ শতাব্দীতে টাকার ক্রয়-শক্তি অনেক বেশী ছিল মনে রাখিতে হইবে।

অশোকের সাম্রাজ্য-সাধন।

মৌর্যেরা পণ্টন রাখিত লম্বা চৌড়া। তাঁহাদের ফৌজেরা “তঙুখা” পাইত বেশী বেশী। রাজকর্মচারীদের “তলব” জুটতও বেশ পুরু। ভারতীয় ঐক্য অথবা সার্বভৌমিক শান্তি কায়েম করিবার সকল কায়দাই মৌর্যদের জানা ছিল। এইবার শাসন-যন্ত্রের “কর্মস্থান” গুলা সম্বন্ধে কিছু আলোচনা করা যাউক।

অশোক যখন বাদশা (খৃঃ পূঃ ২৬৯-২৩২), তখন ভারত-সরকার চারজন “লাটসাহেবের” অধীনে শাসিত হইত। সহজে এই চারজন শাসনাধ্যক্ষকে উত্তর, দক্ষিণ, পূর্ব ও পশ্চিম প্রদেশের রাজ-প্রতিনিধি বা “ভাইসরয়” বলা চলে।

সসাগরা পৃথিবী যে অশোকের পদতলে এ জ্ঞান তাঁহার ছিল টনটনে। সার্বভৌম বা চক্রবর্তীর সমস্ত গুলা অশোকের মাথায় সর্বদাই কিলবিল করিত। শাসন-যন্ত্রটাকে চোপরিদিন রাত কর্মক্ষম রাখিবার জন্য তাঁহার চোখে ঘুম আসিত না বলা যাইতে পারে। পাহাড়ের গায়ে, স্তম্ভের গায়ে যে সকল কথা অশোক খোদাইয়া রাখিয়াছেন, সেই গুলাকে তাঁহার সাম্রাজ্য-শাসন বিষয়ক চিন্তাসমষ্টি বা প্রবন্ধ-মালা বুলিতে হইবে।

সাম্রাজ্যের সমগ্র, সাম্রাজ্য-বাদ, সার্কভোমের দায়িত্ব ইত্যাদি বস্তু কি? অশোককে জিজ্ঞাসা করিলে সহজেই জবাব পাই। নং ৪ স্তম্ভের অনুশাসনটা দেখা যাউক। অশোক বলিতেছেন :—“আমি চাই শাসনে ঐক্য আর চাই দণ্ডবিধানে সামঞ্জস্য।” এই লক্ষ্য কার্যে পরিণত করাই ছিল বাদশার অগ্রতম সাধনা। পল্লী-স্বরাজ, শ্রেণী-স্বরাজ ইত্যাদি জনগণের আত্মকর্তৃত্বের কর্মক্ষেত্র সম্বন্ধে অশোক কিরূপ চিন্তা করিতেন? তাঁহার বক্তৃতা বা প্রবন্ধ গুলার ভিতর বোধ হয় এই বিষয়ে কোনো কথা “সজ্ঞানে” বলা হয় নাই।

সাম্রাজ্যিক ঐক্য সম্বন্ধে লক্ষ্য প্রচার করিয়াই অশোক থামেন নাই। এই বাদশা ছিলেন “অপ্সমান্দ” বা কর্মযোগের অবতার। পাহাড়ের গায়ে তিনি লাট সাহেব হইতে চুনো পুঁঠি পর্যন্ত সকল কর্মচারীকেই কর্মযোগী হইতে উপদেশ দিয়াছেন। অথেরা সকলে তাঁহার কথা শুনিয়াছে কিনা বলা যায় না। কিন্তু অশোক নিজে মাথার ঘাম পায়ে ফেলিয়া “পাব্লিক-ল” অর্থাৎ শাসন-বিষয়ক আইনের কাজ কর্ম চালাইতে অভ্যস্ত ছিলেন।

বাদশাহী করিবার সময় অশোক চাকরি করিয়া অন্তঃস্থান করিতেন। পূর্ব প্রদেশের লাট সাহেবই ছিলেন তিনি নিজে অর্থাৎ অগ্রাংশ তিন প্রদেশের ভাইসরয় বা লাট সাহেব স্থানীয় কর্মচারীদিগকে যে পরিমাণে যত থানি খাটিতে হইত অশোকও পাটলিপুত্রের “কর্মস্থান” হইতে নিজে এলাকার শাসনভার বহিবার জন্ত ঠিক সেই পরিমাণে তত থানি খাটিতেন। “লাট সাহেবি” করা অশোকের পক্ষে একটা নূতন কিছু নয়। কেননা বাদশা হইবার পূর্বেই তিনি উত্তর অঞ্চলের প্রাদেশিক শাসনকর্তা ছিলেন। এই লাটসাহেবির “কর্মস্থান” ছিল তক্ষশিলায়। যৌবনের “অ্যাপ্রেন্টিস” বা শিক্ষানবীশি অশোককে “সাম্রাজ্য-যোগে” অর্থাৎ সার্কভোমের সাধনায় অনেকটা পাকাইয়া তুলিয়াছিল।

মৌর্যদের শাসন-যন্ত্র

[১]

অশোকের অনুশাসন গুলা ছাড়াও মৌর্য সাম্রাজ্য-সাধনার অগ্রাংশ সাক্ষ্য আছে। কোটিল্য-বিবৃত আঠার “তীর্থ” বা “কর্মস্থানে”র কথা সম্প্রতি তুলিব না। মেগাস্থেনিসের বৃত্তান্তটাই বাঁটা যাউক।

মৌর্য শাসনাধ্যক্ষদের কাজ ছিল নানাবিধ। নদী পর্যবেক্ষণ করিয়া বেড়ানো তাহাদের অগ্রতম ধান্দা। জমি জরীপ করিবার জন্ত এক শ্রেণীর কর্মচারী ছিল। কৃত্রিম খাল কাটা এবং তদারক করা আর এক শ্রেণীর অধ্যক্ষের অধীন। বড় খাল হইতে জল আনিয়া ছোট খালে চালান করিবার ব্যবস্থা ছিল। জনগণ যাহাতে সকলেই সমান হিঙ্গু পায় তাহার দিকে কর্মচারীদের দৃষ্টি থাকিত।

বনবিভাগের কর্মচারী ছিল স্বতন্ত্র। শিকারীদের সঙ্গে লেনদেন চলিত এই সকল কর্মচারীর সাহায্যে।

খাজনা আদায় করিবার ভার ছিল এক শ্রেণীর অধ্যক্ষের হাতে। জমিজমা লইয়া সকল প্রকার কাজকর্ম নিষ্পত্তি করিবার জন্ত এক দল কর্মচারী বাহাল থাকিত। ছুতার মিস্ত্রী, কামর ইত্যাদি কারিগরদের সঙ্গে লেনদেন চালাইবার জন্তও শাসনাধ্যক্ষ্য ছিল।

সড়ক তৈয়ারি করা মৌর্য কর্মচারীদের অগ্রতম ধান্দা থাকিত। প্রত্যেক দশ “স্তাদিয়া” (এক মাইলের কিছু বেশী) অন্তর অন্তর এক একটা স্তম্ভ গাড়িবার ব্যবস্থা ছিল। এই স্তম্ভে দূরত্ব নির্দিষ্ট করা থাকিত। আশে পাশের সড়ক গলি সম্বন্ধেও খবর দেওয়া থাকিত।

[২]

ষ্টাইনের আপত্তি সত্ত্বেও বলিব যে, এই সকল গ্রীক-বিবরণের সঙ্গে "অর্থশাস্ত্রে"র অনেক কথার মোটামুটি এবং চলনসই মিল আছে। মেগাস্থেনিস যে সকল বিষয়ে আংশিক খবর দিয়াছেন কোটিলোর বৃত্তান্ত হইতে তাহা সম্পূর্ণ করিয়া লওয়া চলে। কিন্তু সম্প্রতি সে দিকে খুঁকিব না। কোটিলোর ভাণ্ডারে তথ্য এত বেশী যে সে জন্ত এক খানা সম্পূর্ণ স্বতন্ত্র গ্রন্থ আবশ্যক।

তবে এই খানে দুই একটা তথ্যের দিকে দৃষ্টি ফেলা আবশ্যক। মেগাস্থেনিসের সাক্ষ্য অনুসারে পাটলিপুত্রের শাসন-কাণ্ডে দেখিয়াছি, এক উপ-সভা আদমসুমারির থাকায় মোতায়েন ছিল। সেই আদমসুমারির কথা "অর্থশাস্ত্রে" বিশদ রূপে বিবৃত আছে।

মেগাস্থেনিস বোধ হয় পল্লী-শাসন সম্বন্ধে কোনো খবর দেন নাই। কোটিল্য এই বিভাগের কথায় "গোপ"-বৃত্তান্ত আলোচনা করিয়াছেন। গোপ বাদশার লোক,—পল্লীতে মোতায়েন, পল্লীবাসীদের কেহ নন। এই পর্যন্ত পরিষ্কার।

গোপদের নানা কাজের এক কাজ হইতেছে আদমসুমারি, লোক-গণনা, পশু-গণনা ভূমি গণনা। অর্থাৎ নরনারী আর সম্পত্তি সম্বন্ধে যা-কিছু গুণা সম্ভব সবই গুণিয়া রাখিবার ব্যবস্থা ছিল। প্রত্যেক পরিবারের আয়ব্যয়, জমি জমা, ধনদৌলত, দাসদাসী, পশুপাখী, খাজনার হার কিছুই বাদ পড়িত না।

এই বিষয়ে ত্রীযুক্ত নরেন্দ্রনাথ লাহা খুঁটিয়া খুঁটিয়া ইংরেজিতে আলোচনা করিয়াছেন। "প্রাচীন হিন্দু দণ্ডনীতি" নামে সেই গ্রন্থের তর্জমা ত্রীযুক্ত কালীপ্রসন্ন দাশ গুপ্ত কর্তৃক প্রকাশিত হইয়াছে [কলিকাতা

১৯২৩]। মৌর্যদের শাসন-যন্ত্রটা বুঝিবার জন্ত বর্তমান গ্রন্থে এই বিষয়ের উল্লেখ করা গেল মাত্র।

হিন্দু শাসনে "ডোমস্‌ডে" জরীপ

বর্তমান যুগের সাম্রাজ্যের মতনই মৌর্য সাম্রাজ্যেরও নরনারীর জীবনকে প্রত্যেক রকমের ভিতর গিয়া স্পর্শ করিত। এইরূপ বুদ্ধিতে কোন গোল বাধিতেছে না। শাসন-যন্ত্রটাকে যারপর নাই লম্বা চওড়া ও গভীর—এক কথায় সর্বব্যাপী—করিয়া রাখা ছিল মৌর্য বাদশাদের সাধনা।

এই ধরনের কেন্দ্রী-করণ রোমাণ সাম্রাজ্যে ত ছিলই। ইংলণ্ডের একাদশ শতাব্দীতেও এই প্রয়াস দেখিতে পাই। "গোপ"কে মৌর্য ভারতের নিয়তম শাসনাধ্যক্ষ স্বীকার করিয়া লইয়াছি। অতএব বলা যাইতে পারে যে,—মৌর্য ভারতের সাম্রাজ্য-বাদই নরম্যান রাজ স্বালয়ামের মাথায় খেলিতেছিল যখন তিনি ১০৮৬ সালে বিলাতের "গেন্ডেবল্" বা ট্যাক্‌স্-যোগ্য সম্পদের তালিকা প্রস্তুত করিতে সচেষ্ট হন।

"ডোমস্‌ডে বুক" নামক বিলাতী দলিল ভারতীয় পণ্ডিত সমাজে অজানা নাই। হিউলিয়ামের শাসনাধ্যক্ষেরা পল্লীতে পল্লীতে যে সকল প্রশ্ন করিয়া বেড়াইত, নিম্নে তাহার কয়েকটা প্রদত্ত হইতেছে :—এই "মানর-জমিটার নাম কি? রাজা এডওয়ার্ডের আমলে এটা কার দখলে ছিল? আজকাল এর মালিক কে? কয় বিঘা জমি? মানরের মালিক-বাবুর হাল আছে কয়টা? কয়টা হালই বা "হিলেইন," "কোটার" দাস, স্বাধীনতা-প্রাপ্ত দাস এবং "সোকম্যান"দের? বনভূমি কতটা? ময়দান কতটা? আটা ভাঙবার কল, মাছ ধরবার আড্ডা ইত্যাদি কয়টা? জমির আয় আগে কত ছিল? এখনই বা কত? আয় বাড়ানো সম্ভবপর

কিনা? মাইট্রল্যাও প্রণীত “ডোমস্‌ডে বুক অ্যাও বেমণ্ড” নামক গ্রন্থ (কেম্ব্রিজ ১৮৯৭) ভারতীয় গবেষকদের কাজে লাগিবে।

বিশ্বাতের নরনারীকে “শোষণ” করিবার জন্ত রাজা বাহাদুর এই সকল বিষয়ে জবাব চাহিয়াছিলেন। নিভৃততম পল্লীও যাহাতে সদরের দপ্তর-খানার আওতায় থাকিতে পারে এই ছিল হিন্দু লিয়ামের লক্ষ্য। ফ্রান্সে চলিতেছিল এই যুগে “ফিউদারি-প্রথার” বাড়াবাড়ি,—জমিদারদের স্বরাজ অর্থাৎ সদরের ক্ষমতা লোপ। ইংরাজ জাতিকে গোলাম করিয়া বিলাতের গদিতে বসিবা মাত্রই ফরাসী হিলিয়াম ফ্রান্সে প্রচলিত নীতির উল্টা নীতি কায়েম করিলেন। “ডোমস্‌ডে বুক” একাদশ শতাব্দীর বিলাতী কেন্দ্রী-করণ বা সাম্রাজ্য সাধনার মস্ত সাক্ষী। কোর্টিল্যের গোপ এই ধরণের “কেতাব” বার চোদ্দশ বৎসর পূর্বেই ভারতে তৈয়ারি করিতেছিল।

[২]

প্রাচ্যে ও পাশ্চাত্যে শাসন-দক্ষতা এবং রাষ্ট্রীয় জীবনের উদ্দেশ্য সম্বন্ধে যে কোনো প্রভেদ নাই, এই তথ্য তাহার অল্পতম প্রমাণ। যাহা হউক, “ডোমস্‌ডে বুক” মতন অনুসন্ধান একাদশ শতাব্দীতেই, এবং ঠিক ১০৮৬ সালেই,—চোল সাম্রাজ্য অল্পস্থিত হইয়াছিল। প্রথম কুলোত্তর (১০৭০-১১১৮) তখন বাদশা। সমগ্র চোলমণ্ডলের জরীপ করানো হয়। রাজনার হার পরিবর্তিত ও সংশোধিত করা হয়। কোন কোন ক্ষেত্রে হার বাড়িয়া গিয়াছিল, কোন কোন স্থানে হার কমাইবার কথাও তামিল “লিপি”তে দেখিতে পাই।

চোল সার্কভোমেরা সাম্রাজ্যের আর্থিক তথ্য সম্বন্ধে যথার্থ বিবরণ রাখিবার জন্ত সবিশেষ চেষ্টা করিতেন। এই ঘটনার একশত বৎসর পূর্বেও,—১৮৬ খৃষ্টাব্দে—সম্রাট রাজরাজ একবার জমিজমার মাপজোক

করাইয়াছিলেন। মাদ্রাজীরা মাপজোকের অঙ্কে অতি পাকা লোক। রাজরাজ বাদশার জরীপাধ্যক্ষেরা এক বর্গ ইঞ্চির তটতট অংশ সম্বন্ধেও জিহ্মাদারি লইয়াছিল। বৃষ্টিতে হইবে মাপজোকা খুবই নির্ভুল ভাবে চালানো হইয়াছিল।

জমিজমার বন্দোবস্ত সম্বন্ধে দুই বিধান দেখিতে পাই। সে সব কথা পরবর্তী পরিচ্ছেদে আলোচিত হইবে। সম্প্রতি এইটুকু বুঝিয়া রাখা দরকার যে, কি মৌর্য আমলে কি চোল আমলে হিন্দু নরনারীর উপর সদরের কেন্দ্রী-করণ বা ঐক্যবিধান খুব চাপিয়া বসিয়াছিল। মৌর্যেরা এবং চোলেরা নামে মাত্র বাদশাহী করিতেন না। প্রতিদিনের প্রত্যেক উঠা-বসায় মৌর্যভারত এবং চোল ভারত সার্কভৌমিক শান্তির আবহাওয়া চাখিতে অভ্যস্ত ছিল। যতখানি সম্বন্ধে প্রমাণ পাওয়া যায় ততখানি সম্বন্ধে এই কথা নির্দিষ্টবাদে বলিতে হইবে।

সড়কের রাষ্ট্রনীতি

আদম স্মারির কাজে মোতামেন থাকিয়া হিন্দুশাসনাধ্যক্ষেরা পল্লী-গুলাকে সদরের সঙ্গে বাঁধিয়া রাখিতে সাহায্য করিতেন। জমি জরীপের দ্বারাও সহরে মফঃস্বলে ঐক্য গ্রথিত হইত। এইবার সার্কভৌমিক শাসন-যন্ত্রের আর এক কায়দার কথা বলিতে হইবে। সে সড়কের রাষ্ট্রনীতি।

রোমাণ সাম্রাজ্যের ধুরন্ধরেরা সড়কের রাষ্ট্রনীতিতে পাকা ছিলেন। ভারতীয় রাষ্ট্রবীরেরাও যুগে যুগে সড়কের মাহাত্ম্য দেখাইয়া গিয়াছেন। দেশের বিভিন্ন জনপদকে পরস্পরের লাগালাগি করিয়া রাখা ছিল তাঁহাদের এক ধাক্কা। কি সেনার গতিবিধি, কি ব্যবসাদারদের চলাফেরা, কি শাসনা-ধ্যক্ষদের যাওয়া আসা, সবই এই সড়কের সাহায্যে নিষ্পন্ন হয়। বিনা

সড়কে রাজ্য চলে না। এই কথাটা মোর্যদের মাথায় খুব গভীর ভাবে বসিয়াছিল। চোল বাদশারাও এই সড়ক-তত্ত্বে ওস্তাদ ছিলেন।

চোল মণ্ডলের এক “রাজপথের” কথা জানা গিয়াছে। উড়িষ্যার মহানদীর কিনারা হইতে সমুদ্রের উপকূলে উপকূলে ভারতের দক্ষিণ সীমান্তে কোস্তার পর্যন্ত এই সড়ক বিস্তৃত ছিল। লম্বালম্বি সড়কটা ছিল ১২০০ মাইল। কুলোভূঙ্গ (১০৭০-১১১৮) বাদশার আমলে এই সড়ক তৈয়ারি করা হয়।

চোল সড়ক-নীতির কয়েকটা তথ্য উল্লেখ যোগ্য। কুলোভূঙ্গকে সাম্রাজ্যের উত্তর এবং দক্ষিণ সীমানার লড়াই চালাইতে হইয়াছিল। রণ-নীতির খাতিরেই এই সড়ক তৈয়ারি করিবার দরকার পড়ে। সড়কের ঠাইয়ে ঠাইয়ে কুলোভূঙ্গ চাষীদের উপনিবেশ বসাইয়াছিলেন। চাষীর বাস্তবিক পক্ষে ছিল পণ্টনের লোক। সেনাপতিরা এই সকল উপনিবেশের মালিক ছিলেন। তাঁহাদের অধীনস্থ ফৌজ এই সকল কেন্দ্রে চাষবাস করিবার সঙ্গে সঙ্গে সড়ক-রক্ষা এবং দেশরক্ষার কাজে মোতায়েন থাকিত। কুলোভূঙ্গের সড়ক-কাণ্ডে সেকালের রোমান উপনিবেশ-নীতি মনে পড়িতে বাধ্য।

এই গোল দক্ষিণ ভারতে একাদশ শতাব্দীর কথা। উত্তর ভারতের মোর্য আমল সম্বন্ধে আরিয়ান তাঁহার “ইন্ডিকা” গ্রন্থে এই ধরণেরই সাক্ষ্য দিয়াছেন। পাটলিপুত্র হইতে আফগান সীমানা পর্যন্ত একটা সড়ক নিশ্চয় হইয়াছিল। সড়কটা ১১০০ মাইল লম্বা।

কাঠিয়াবাড়ের স্মদর্শন হ্রদ

হিন্দুশাসনাধ্যক্ষদের প্রত্যেক কাজকর্ম বিবৃত করা এই গ্রন্থের উদ্দেশ্য নয়। চাব আবাদে সাহায্য করিবার জন্য হিন্দুরাষ্ট্র খাল কাটিল, হ্রদ

কাটিল, নদীর স্রোত ঘুরাইয়া দিত। মেগাস্থেনিস এই সব লক্ষ্য করিয়াছিলেন। কাশ্মীরের “রাজ তরঙ্গিনী” গ্রন্থে (৫১০-১১৭) নবম শতাব্দীর এঞ্জিনিয়ার সূর্যার কৃতিত্ব উল্লিখিত আছে। চোল সাম্রাজ্যে এবং সিংহলে খাল কাটার কাজ পরাকাষ্ঠা লাভ করিয়াছিল। ইংরেজ এঞ্জিনিয়ার ডীকিন-প্রণীত “ইরিগেটেড ইণ্ডিয়া অ্যান্ড সিলোন” (লণ্ডন ১৮২০) নামক গ্রন্থে ভারতের এবং সিংহলের খালসম্পদ আলোচিত আছে। সবই প্রাচীন ভারতীয় “সিল্বিস সার্বিস” ওয়ালাদের কীর্তি সন্দেহ নাই।

সে সব কথা আলোচনা করিবার সময় নাই। রাষ্ট্র শাসনের তরফ হইতে মাত্র একটা জল সরবরাহের ব্যবস্থার উল্লেখ করিব। ১২০৫ ও ১২০৬ সালের “এপিগ্রাফিয়া ইণ্ডিকা” অর্থাৎ “ভারতীয় লিপি” পত্রিকায় জানা যায় যে, মোর্য চন্দ্রগুপ্তের আমলের এক “রাষ্ট্রিয়” গির্ণারে স্মদর্শন হ্রদ কাটাইয়াছিলেন। গির্ণার কাঠিয়াবাড়ের অন্তর্গত, গুজরাত প্রদেশে, আরব সাগরের সন্নিকটে। রাষ্ট্রিয়ের নাম পুষ্পগুপ্ত। তাঁহাকে মোর্য সাম্রাজ্যের পশ্চিম প্রদেশের লাটসাহেবের অধীনস্থ একজন জেলা-ম্যাজিস্ট্রেট বলা যাইতে পারে।

অশোকের আমলে এই প্রদেশের লাট সাহেব ছিলেন তুষ্ক। এই সময়ে হ্রদের জল জমিনে জমিনে চালান করিবার ব্যবস্থা করা হইয়াছিল। হ্রদের স্থানে স্থানে ছাঁদা করিয়া খাল কাটা হয়। চাষীর জল পাইতে থাকে।

মোর্য সাম্রাজ্য অবশু চিরকাল টিকে নাই। খৃষ্টীয় দ্বিতীয় শতাব্দীতে এই মুল্লুক বোধ হয় কুবাণ সাম্রাজ্যের কোনো করদ রাজ্যের অন্তর্গত হয়। এই পর্যন্ত জানা গিয়াছে যে, ক্ষত্রপ রুদ্রদামন তাঁহার এক কর্মচারীকে দিয়া হ্রদটা মেরামত করাইয়া ছিলেন। এই উপলক্ষে তাঁহার সঙ্গে নিজ মন্ত্রীদেব যে বসমা উপস্থিত হয় সে কথা পূর্ববর্তী অধ্যায়ে উল্লেখ করা গিয়াছে।

গির্গার ফের এক বিপুল সাম্রাজ্যের এলাকায় আসে। সে গুপ্তদের আমলে। ৪৫৮ খৃষ্টাব্দে বাদশা স্কন্দগুপ্ত স্কন্দর্শনকে দ্বিতীয়বার মেরামত করিতে বাধ্য হন। এই সময়ে ঐ অঞ্চলের ম্যাজিস্ট্রেট ছিলেন চক্রপালিত।

স্কন্দর্শন সাগরের খবর পাওয়া যাইতেছে পুরাপুরি সাড়েসাত শ বৎসর ধরিয়া। ছইবার এই জনপদ পাটলিপুত্র হইতে শাসিত হইতেছিল। গির্গার পাটলিপুত্র হইতে ১০০০ মাইল দূরে অবস্থিত। “পাক্‌স্‌ সার্ক্‌ভৌমিক্য,” বিশ্বশান্তি, সাম্রাজ্য-সাধনা বা ভারতীয় ঐক্য কাহাকে বলে স্কন্দর্শন হুদের ইতিহাস হইতে সহজেই তাহা মালুম হয়। মফঃস্বলের উপর সদরের এক্‌তির কত বেশী আর শাসন-যন্ত্রের কার্যক্ষমতা কত নিরেট, তাহা বুঝিবার জ্ঞান কষ্টকল্পনা করিতে হয় না।

“কর্মস্থানে”র সিঁড়ি

কি দক্ষিণ ভারতের তামিল “লিপি,” কি রুদ্রদামনের সংস্কৃত “লিপি,” কি অশোকের পালি “লিপি,” সকল লিপিতেই দেখিতেছি “কর্মস্থান” বা আফিস গুলা ধাপে ধাপে উপর হইতে নীচে নামিত অথবা নীচ হইতে উপরে উঠিত। এইরূপ স্তর বিহীন সিঁড়ি-কাটা কর্মস্থানের শৃঙ্খলাকে আজকালকার পরিভাষায় “হায়েরার্কি” বলে। এক কথায় মৌর্যগুপ্ত এবং চোল আমলের শাসনাধ্যক্ষেরা বিপুল “ব্যুরোক্রেসিস” বিভিন্ন অঙ্গ ছিলেন। “মফলজি” বা রূপ তত্ত্ব বা গড়নের বিচারে এই হিন্দু “ব্যুরোক্রেসিস” দোসর ছুঁড়িয়া পাই ইয়োরোপের “মধ্যযুগে” এক মাত্র ফ্রান্সে। জার্মানি চিরকাল “প্রাদেশিক স্বরাজের” মুলুক। বিস্মার্ক ১৮৭০ সালে যে সাম্রাজ্যিক ঐক্য কায়েম করিয়া গিয়াছেন, তাহার বিরুদ্ধে আজও ব্যাঙ্কেরিয়া, স্ত্রাকসনি ইত্যাদি প্রদেশ লড়িতেছে। পূর্ববর্তী যুগে জার্মানিরা কোনো দিনই বড় গোছের কেন্দ্রী-করণ চাখে নাই।

ইতালি ও উনবিংশ শতাব্দীর মাঝামাঝি পর্যন্ত প্রাদেশিকতায়ই মজিয়াছিল। বহু-কেন্দ্রীকরণ বা জনপদগত স্বাধীনতা ছিল ইতালিয়ানদের কল্পনায়। ইংরেজ সমাজে একাদশ শতাব্দীতে রাষ্ট্রীয় কেন্দ্রীকরণ শুরু হয়। কিন্তু বহুরে ইংল্যান্ড নেহাৎ ছোট। গুপ্ত সাম্রাজ্যের চার ভাগের একভাগও ইংল্যান্ডের কেন্দ্রীকরণ নীতির তাঁবে আসিতে পারে নাই।

কিন্তু ত্রয়োদশ শতাব্দী হইতে সপ্তদশ শতাব্দী পর্যন্ত—ফরাসী জাতি ক্রমাগত ঐক্যবদ্ধতার দিকে অগ্রসর হয়। তাহার চরম দেখিতে পাই চতুর্দশ নুইয়ের আমলে,—মন্ত্রিবর রিশলিয়োর তদবিরে। ফ্রান্স কোনদিনই গুপ্তসাম্রাজ্যের চৌহদ্দি লাভ করিতে পারে নাই সত্য। কিন্তু মধ্যযুগের ইয়োরোপে ফরাসী সাম্রাজ্যের সমান বিস্তৃত জনপদে রাষ্ট্রীয় কেন্দ্রীকরণ আর কোথাও ঘটে নাই।

যাহা হউক খৃষ্টীয় ত্রয়োদশ শতাব্দী পর্যন্ত ভারতে যুগে যুগে যে সকল সার্কভৌমিক শাসনৈক্য গড়িয়া উঠিয়াছিল, তাহার একমাত্র ইয়োরোপীয় দৃষ্টান্ত রিশলিয়োর ফ্রান্স মনে রাখিতে হইবে। মৌর্য ভারত সেই ফ্রান্সের কন্সে কন্স পাঁচ গুণ।

ত্রয়োদশ শতাব্দীর ভিতরেই ইয়োরোপীয় সমাজে ভারতীয় “ব্যুরোক্রেসিস” অল্পরূপ শাসন-যন্ত্র কখনো দেখা যায় নাই কি? গিয়াছিল। সে খৃষ্টীয় তৃতীয় ও চতুর্থ শতাব্দীর রোমান সাম্রাজ্যে। দিয়োক্রেসিয়ান এবং কন্স্টান্টিন তখন বাদশা। রাষ্ট্রীয় “রূপতত্ত্বের” আলোচনার পূর্বে ও পশ্চিমে তফাৎ করা সম্ভব নয়।

হিন্দু সাহিত্যে সাম্রাজ্য-চিন্তা

“সাহিত্যে”র সাফ্য বাদ দিয়াই বর্তমান গ্রন্থ রচিত হইতেছে। কিন্তু একটা কথা এইখানে বলিয়া রাখা দরকার মনে করি। পূর্বে একবার

বলা হইয়াছে যে শাস্ত্র-সাহিত্যে “স্বরাজ” বা জনগণের আত্মকর্তৃত্বের কথা এক প্রকার পাওয়া যায় না। এখন বলিতেছি যে, ঠিক তার উল্টা দিকটাই গৌতম (১০৪৬, ৪৭), আপস্তম্ব (২১০, ২৬), মহু (৭১১৫-১২২), শুক্র (১৩৮১-৩৮৪ পংক্তি, ৫১৬২-১৬৯ পংক্তি) ইত্যাদির গ্রন্থে প্রচুর পরিমাণে বিবৃত। মহাভারতেও সেই দিকই যার পরনাই প্রভাবশীল! এই সকল রচনায়,—রাজকর্মচারীদের উপরওয়াল হইতে পল্লীর নিম্নতম চাকর্যে পর্যন্ত যথোচিত ঠাই পাইয়াছেন।

কোটিলের “অর্থশাস্ত্রে”ও সিঁড়ি”র “হায়েরার্কি” জবরদস্ত। সামরিক হিসাবে ৮০০ পল্লীর কেন্দ্রে এক দুর্গ অবস্থিত। তাহার নাম “স্থানীয়”। চার শ পল্লীর ক্ষেত্রে “দ্রোণ মুখ্য” দুর্গের অবস্থান। “ধার্মাটিক” দুর্গ ছিল দুই শত পল্লীর কেন্দ্রে। আর দশ দশটার কেন্দ্রে যে দুর্গ তাহার নাম “সংগ্রহণ”।

অর্থশাস্ত্রের সাম্রাজ্য-শাসনে অত্রাণ বিভাগও ঠিক এইরূপ সিঁড়ি-বিভাগসেই অভ্যস্ত। পল্লীর বা দশ পল্লীর কর্তা “গোপ”। বোধ হয় গোপের এলাকাকে “সংগ্রহণ” বলা চলিতে পারে। গোপের উপরওয়াল হইতেছেন “স্থানীয়”। বোধ হয় স্থানীয়কে আজকালকার ম্যাজিস্ট্রেট বা কমিশ্যনার বিবেচনা করিতে হইবে। খাজনা, লোকগণনা ইত্যাদির তরফ হইতে “স্থানীয়ের” মাথায় ছিলেন “সমাহর্তা”। ইনিই এই লাইনে সাম্রাজ্যের সর্বপ্রধান কর্মচারী। প্রাদেশিক লাইনসাহেব বা ভাইসরয় সম্বন্ধে বোধ হয় “অর্থশাস্ত্রে”র বিধানে কোনো কথা নাই। যাহা হউক, গোপ হইতে বাদশার অমাত্য পর্যন্ত সমগ্র রাষ্ট্র এক স্তরে গাইতে বাধ্য,—এই কথা কোটিল্যের প্রাণের কথা।

কাজেই বলিতে হয় যে, রাষ্ট্রীয় প্রতিষ্ঠান বিষয়ে হিন্দুলেখকেরা স্বরাজতন্ত্রী ছিলেন কিনা জানি না। কিন্তু সাম্রাজ্যবাদী “ইম্পীরিয়ালিষ্ট,” “পাক্‌স্‌ সার্কভোমিকার” ধূরন্ধর, জাতীয় ঐক্যের প্রচারক,—এক কথায় রিশালিয়োর এক গেলাসের ইয়ার তাঁহার সকলেই সে বিষয়ে কোনো সন্দেহ নাই।

তৃতীয় পরিচ্ছেদ

বিচার ব্যবস্থা

শাস্তি আদায় করা, খাল কাটিয়া জল সরবরাহের ব্যবস্থা করা, অধিক
জরীপ করা, দেশের ধনদৌলত গুণিয়া মাপিয়া নির্দিষ্ট করা, লোক সংখ্যা
গণনা করা, এই সকল কাজ প্রত্যেক রাজ্যে বা সাম্রাজ্যেই দরকার হয়।
তাহা ছাড়া শাসন-ব্যয়ের অল্প কতকগুলি দায়িত্ব আছে। তাহার জ্ঞাত
স্বতন্ত্র “কর্মস্থান” বা “তীর্থ” বা আফিস চাই। সেই সকল আফিসের
মাথায় “শাসনাধ্যক্ষ” ও চাই। এই সব কাজকে বিচার ব্যবস্থার
অন্তর্গত করিতেছি। ব্যক্তিতে ব্যক্তিতে, সজ্বে সজ্বে, অথবা ব্যক্তিতে
সজ্বে বত প্রকার মামলা উপস্থিত হওয়া সম্ভব সেই সবে নিষ্পত্তি করাই
এই সকল শাসনাধ্যক্ষের ধাক্কা।

বর্তমান গ্রন্থের এই পরিচ্ছেদই তথ্য হিসাবে সর্বাপেক্ষা দুর্বল।
কেননা খৃষ্টপূর্ব চতুর্থ শতাব্দী হইতে খৃষ্টীয় ত্রয়োদশ শতাব্দী পর্যন্ত ভারতের
বিচার ব্যবস্থা সম্বন্ধে কয়েকটা লিপি মাত্র লেখকের নজরে পড়িয়াছে।
বিদেশী পর্যটকেরা ভারত বিষয়ক গ্রন্থে হিন্দু আদালত বা বিচারালয়ের
সংবাদ দিতে এক প্রকার ভুলিয়া গিয়াছেন। কাজেই একমাত্র “সাহিত্য”র
নজির দিয়া হিন্দুরাষ্ট্রের এই শাসন-বিভাগ সম্বন্ধে সামান্য পরিচয় দেওয়া
বাইতেছে। ষ্টাইন-প্রণীত “মেগাস্থেনিস ও কোটিল্য” গ্রন্থে [ফ্লোরেন্স, ১৯২]
দেখিতে পাই যে, দিয়োদোরস এবং ত্রাবো মোর্ধ্য ভারতের জজ্ এবং
আদালতের নাম মাত্র করিয়াছেন। কোনো বিবরণ নাই।

দক্ষিণ-ভারতের আদালত

তামিল “লিপি”র প্রমাণ অগ্রাহ্য করা চলে না। ড্রাবিড় পল্লী-স্বরাজ্যের
আলোচনা দেখা গিয়াছে যে সভার মাতব্বরেরা খুনের মামলা পর্যন্ত

বিচার করিতে অধিকারী ছিল। এই বিচার-কার্যে পল্লী-স্থিত
রাজপ্রতিনিধি, “অবিকারিণ” মহাশয়—হস্তক্ষেপ করিতে পারিতেন না।

এই সকল বিষয়ে পল্লী-সভাই আদালতে পরিণত হইত। বস্তুতঃ
চৌলমণ্ডলে বিচারের জ্ঞাত প্রত্যেক পল্লীতেই একটা করিয়া স্বতন্ত্র সভা
ছিল। এই সব কথা পূর্বে বলা হইয়াছে। সেই সঙ্গে আরও বলা
হইয়াছে যে,—কোনো কোনো মামলা পল্লী-সভার আদালতে অহুষ্ঠিত
হইতে পারিত না। রাজদোহ ইত্যাদি ঘটনার বিচার সরকারী কর্মচারী বা
আদালতের অধীন ছিল।

টাকা চুরির কাণ্ডে মন্দিরওয়ালারা এবং পল্লী-সভার মাতব্বরেরা সদরের
কাহারীতে হাজির হইতে বাধ্য হইয়াছিল। এইরূপ এক তথ্যে পল্লীর
উপর সদর আদালতের শাসন আন্দাজ করিতে পারি।

বিচার ব্যবস্থায় লক্ষার লোক

এই পর্যন্ত হিন্দু রত্নশাসনের বৃত্তান্তে লক্ষার নরনারীর কথা এক
প্রকার বলা হয় নাই। কিন্তু লক্ষার প্রাচীন রাষ্ট্রীয় প্রাঃষ্ঠান সম্বন্ধে
অনেক তথ্য “লিপি”র সাহায্যে পাওয়া যায়। “এপিগ্রাফিয়া জেলানিকা”
বা “সিংহলী লিপি” নামক গ্রন্থমালায় কি পল্লী-শাসন কি দেশ শাসন
সকল ঘরের কথাই সম তরিখ সমন্বিত ভাবে উদ্ধার করা সম্ভব।

সিংহলের সঙ্গে ভারতের রাষ্ট্রীয় যোগাযোগ সেকালে অনেক ছিল।
কাজেই ভারতীয় “পাব্লিক ল” বা শাসন-বিষয়ক আইন আলোচনা
করিবার সময় সিংহলের নরনারীর কৃতিত্ব আলোচনা করা অপ্ৰাসঙ্গিক
নয়। কিন্তু বর্তমান গ্রন্থের বহর ক্ষুদ্র। কাজেই অনেক জিনিষ বাদ
দিয়া যাওয়া হইতেছে।

তবে বিচার-শাসন বিষয়ে দায়ে পড়িয়া লক্ষার শরণাপন্ন হইল।
একাদশ শতাব্দীতে লক্ষার জজেরা সদর হইতে বাহির হইয়া পল্লীর

আদালত গুলি পর্যবেক্ষণ করিতে অভ্যস্ত ছিলেন। আজকালকার পা রত্নাবিকে বণিব, —সেকালে লঙ্কার শাসনে “মার্কিট ব্রজ” নামক পর্যটক-বিচারপতির ব্যবস্থা ছিল।

মফঃস্বলে শফর করা ছিল বিচার-তদবিরের সহায়। চৌলমণ্ডলের মতন সিংহলেও পল্লী-সভার আদালতে বড় বড় মামলা-মোকদ্দমার নিষ্পত্তি হইতে পারিত। গ্রামের বিচারকেরা আইনসঙ্গত কাজ করিতেছেন কিনা তাহা পরিদর্শন করাই ছিল পর্যটক-বিচারপতিদের লক্ষ্য।

চতুর্থ মহিন্দ রাজার আমলে [১০১৬-১০৪২] পল্লী-সভার আদালতে ছুপি ডাকাইতি এবং খুনাখুনির বিচার চলিতে পারিত। দসগাম পল্লী সম্বন্ধে এই বিষয়ে প্রমাণ বাহির হইয়াছে। বিচারের প্রত্যেক তর্ক প্রশ্ন এবং সমালোচনা কেভাবে লিখিয়া রাখার ব্যবস্থা ছিল। বস্তুতঃ সদরের হুকুমই ছিল এইরূপ। সেই সকল কেতাব যাঁটিয়া পল্লী-বিচারকের জজিয়তির উপর জজিয়তি করিবার জত্বই সদরের বিচারপতির শফরে বাহির হইতেন।

বৃদ্ধিতে হইবে যে, লঙ্কার লোকেরাও কেজী-করণ বা ঠিক্য-বরুন বৃদ্ধিত বেশ। পল্লীর জজেরা ভুল করিলে বা বেআইনি চালাইলে তাঁহাদের উপর ওয়ালারা তাঁহাদিগকে সংজে ছাড়িয়া দিতেন না। চৌল মণ্ডলের মতন সিংহলেও বিচার-ব্যবস্থায় মফঃস্বলের উপর সদরের শাসন নরুখা লক্ষ্য করিবার বিষয়।

“শাস্ত্র”-সাহিত্যে সরকারী আদালত

মহাভারতের উত্তোগপর্কে [৫৫১৮], মনুসংহিতায় [১২১১১] এবং অত্মা “ধর্ম” বা আইন বিষয়ক গ্রন্থে হিন্দু বিচারপদ্ধতির কথা জানিতে পারা যায়। ভারতের কোন্ প্রদেশে এবং কোন্ যুগে এই

পদ্ধতি অনুসারে মামলা মোকদ্দমার নিষ্পত্তি হইত জানা যায় না। উখাপি বিচার প্রতিষ্ঠান বিষয়ক হিন্দুর চিন্তা-ধারা হিসাবে তথ্য গুলি উল্লেখ করা যাইতে পারে। ১৮২৮ খৃষ্টাব্দে ইংরেজ পণ্ডিত কোলক্রক বিলাতী রয়্যাল এশিয়াটিক সোসাইটির “ট্রানজাকশন্স” বা কার্যাবলী নামক পত্রিকায় এই বিষয়ে সর্বপ্রথম আলোচনা করেন। যোলি, কয় ইত্যাদি কর্ম্মণ পণ্ডিতগণের রচনায়ও এই সব আলোচিত হইয়াছে।

এই সকল “শাস্ত্র”-সাহিত্যে তিন প্রকার সরকারী, রাজকীয় বা বাদশাহী আদালতের কথা দেখিতে পাই।

প্রথম আদালতের বিচারপতি স্বয়ং বাদশা তাঁহার সঙ্গে কয়েকজন আইনজ্ঞ ব্রাহ্মণ বিচারে বসেন। অর্থাৎ একটা “সভা”ই বিচারক,—কোনো ব্যক্তিবিশেষ নয়। রাজা যখন যেখানে তখন সেখানেই এই আদালতের কাজ চলে। বিলাতের ইতিহাসেও দেখা যায় যে, ১২ খৃষ্টাব্দ পর্যন্ত রাজার সঙ্গে সঙ্গেই আদালত ঘুরিয়া ফিরিয়া বেড়াইত। ইহাতে জনগণের অনুবিধা বৃদ্ধি অনেক। ১২১৫ সালে জনগণ রাজা জনকে “ম্যাগ্না কার্টা” নামক স্বাধীনতা বা স্বরাজের দলিল দিতে বাধ্য করে। তাহার এক বিধান এই যে, আদালত একটা নির্দিষ্ট ঠাইয়ে বসিবে। রাজার পেছু পেছু আদালতের ছুটাছুটি তখন হইতে বন্ধ হইয়া যায়।

দ্বিতীয় আদালতের বিচারপতি “প্রোভিবািক” বা “ধর্ম্মাধ্যক্ষ”। ইনি রাজার বাহাল করা লোক। কিন্তু একাকী কোনো মামলা নিষ্পত্তি করিবার একতিরার প্রোভিবািকের নাই। তিন জন হইতে সাত জন সহকারী তাঁহার সঙ্গে বিচারের সভায় বসিতে অধিকারী। এই আদালত রাজার আদালতের মতন ছুটিয়া ছুটিয়া বেড়ায় না। যখন নির্দিষ্ট স্থানে প্রোভিবািক মহাশয় বিচারের জন্ত এজলাস খুলিয়া রাখেন।

তৃতীয় আদালতগুলোকে “ছোট আদালত” বলা যাইতে পারে। স্থানীয় নীচুদরের মামলা নিষ্পত্তি করা এই সব এজলাসের কাজ। বিচারকেরা রাজার বাহাল করা লোক।

ছোট আদালতের বিচার প্রাডবিবাকের আদালতে পুনর্বার বিচারিত হইতে পারে। আবার প্রাডবিবাকের আদালত হইতেও “আপীল” চল বাদশার আদালতে। শাস্ত্র-সাহিত্যে বিচার ব্যবস্থা এইরূপে ক্রোড়িত।

“স্বরাজে”র আদালত

হিন্দুরাষ্ট্রে নরনারীর আত্মকর্তৃত্ব বা স্বরাজ আলোচনা করিবার সময় বিচার বিষয়ক স্বাধীনতার কথা উল্লেখ করা হইয়াছে। চোল এবং সিংহলী “লিপি”তে তাহার প্রমাণ কিছু কিছু পাওয়া যায়। কিন্তু “শাস্ত্র”-সাহিত্যেই এই সম্বন্ধে অনেক কথা জানিতে পারি। যাজ্ঞবল্ক্য (২৩০), নারদ (১১৭), বৃহস্পতি (১৩০), শুক্র (৪৫।৫৭-৬২ পংক্তি) ইত্যাদির প্রচারিত আইন-গ্রন্থে তিন প্রকার সার্বজনিক আদালত বা জনসাধারণের বিচারালয় উল্লিখিত আছে।

প্রথম আদালতকে “পুগ”-নিয়ন্ত্রিত এজলাস বলিতে পারি। তিন ভিন্ন জাতি এবং ব্যবসায়ের লোক কোনো নির্দিষ্ট জনপদের বাসিন্দা হইলে তাহাদিগকে পুগের অধিবাসী বলা হয় একথা পূর্বে বলা গিয়াছে। পুগকে পল্লী বা নগর-কেন্দ্র সমঝিয়াছি। “ধর্ম” এবং “নীতি” শাস্ত্রের কথা বিশ্বাস করিলে বলিতে হইবে যে পল্লী বা নগরের লোকেরা স্বাধীন ভাবে বিচার চালাইতে পারিত।

দ্বিতীয় আদালতকে “শ্রেণী”র আদালত বলিতে হইবে। জাতিতে বিভিন্ন অঞ্চল ব্যবসা হিসাবে একরূপ এই ধরনের লোকের সম্বন্ধে “শ্রেণী” বলিত। ক্রিয়ণ, শিল্পী এবং বণিকদের “শ্রেণী”র কথা পূর্বে উল্লেখ

করিয়াছি। প্রত্যেক “শ্রেণী” নিজ নিজ সভাদের মামলা মোকদ্দমা নিষ্পত্তি করিতে অধিকারী ছিল এইরূপ বুদ্ধিতে হইবে।

তৃতীয় আদালত “কুল”-গত বিচারালয়। রক্তের সম্বন্ধে যাহারা আত্মীয় কুটুম্ব তাহারা সভায় বসিয়া নিজ নিজ অভাব অভিযোগ সম্বন্ধে শালিসী করিত। “শাস্ত্র”র প্রমাণে এইরূপ বুঝা যায়।

“শাস্ত্র”-সাহিত্যে এইরূপ ও বুদ্ধিতে হইবে যে,—“কুল” হইতে আপীল চলিত “শ্রেণী”তে আবার “শ্রেণী” হইতে আপীল চলিত “পুগে”র আদালতে। জনসাধারণের স্বরাজ-বিচারালয় শেষ নিষ্পত্তি করিতে পারিত না। সরকারী আদালতের কোঠায় গিয়া সকল আপীল হাজির হইত। তাহার ফলে বাদশার বিচারালয় সমগ্র দেশের বিচার-ব্যবস্থা তদবির ও শাসন করিবার সুযোগ পাইত।

আগেই বলিয়াছি “শাস্ত্র”-সাহিত্যের “সরকারী” বা “সার্বজনিক” বিচারালয়গুলো কবে কোথায় প্রতিষ্ঠিত ছিল বলা কঠিন। “স্বরাজের” আদালতগুলো ভিন্ন ভিন্ন সাম্রাজ্যে কিরূপ অবস্থায় ছিল তাহা সম্প্রতি জানিবার উপায় নাই। “লিপি”র প্রমাণে যে টুকু জানা যায় তাহাতে দেখিতে পাই যে, মফঃস্বলের বিচারালয়গুলোকে সদরের তাঁবে রাখিবার চেষ্টা ছিল খুব বেশী। বস্তুতঃ “শাস্ত্র”-সাহিত্যের লেখকেরা অত্যন্ত শাসন-বিভাগের মতন বিচার-শাসন বিষয়ে ও কটুর সাম্রাজ্য-পন্থী অর্থাৎ একাধারী ও কেন্দ্রীকরণ-নীতির প্রচারক।

বুড়াদের ঘোঁটমঙ্গল

এইবার কোটল্য-বিবৃত বিচারালয়ের আলোচনা করিব। “অর্থশাস্ত্রে” “গ্রামিক” এবং “গ্রাম বৃদ্ধে”রা বিচার করিতে অধিকারী। গ্রামে কোনো সভা ছিল কি না সে কথা জানা যায় না। গ্রামবৃদ্ধেরা কি একনাল

বিচারের জন্তই এজলাস খুলিয়া বসিতেন? কথাটা পরিকার করিয়া বলা নাই। “অর্থশাস্ত্রে”র গ্রামবৃদ্ধদের বিচারকে কি পুরস্কৃত “পুণ্ড-বিচারালয়ের বিচার বিবেচনা করা যাইবে?

যাহা হউক, কোটিল্য গ্রামবৃদ্ধদের হাতে জবর কমতা দিয়াছেন। ছুঁকি এবং ব্যাভিচার দোষে দোষীদিগকে গ্রাম হইতে তাড়াইয়া দেওয়া পর্যন্ত গ্রামবৃদ্ধদের হাতে এইরূপ দেখিতে পাই। বৃদ্ধাদের ঘোঁটময়ল নেহাৎ ফেলিয়া দিবার জিনিষ নয় বুঝা যাইতেছে।

আদালতের পাঁচ ধাপ

এই বৃদ্ধাদের পল্লী-বিচারালয় ছাড়া পাঁচকেস্ত্রে পাঁচ আদালতের কথা কোটিল্য উল্লেখ করিয়াছেন। সেই পাঁচকেস্ত্রের বৃত্তান্তে কোটিল্যের সিঁড়ি-বিশ্বস্ত শৃঙ্খলা বা “হায়েরার্কি”ই আবার দেখিতে পাই।

সমর-কেস্ত্র, খাজনার কেস্ত্র, লোক-গণনার কেস্ত্র ইত্যাদির স্থায়-বিচার-কেস্ত্র ও পরপর ধাপে ধাপে সাজানো। বস্তুতঃ, সকল প্রকার কাস্ত্রের জন্তই এক প্রকার কেস্ত্রই নির্ধারিত ছিল এইরূপই অনেকটা মনে হয়।

প্রথম আদালতকে “সংগ্রহণে”র আদালত বলিতে হইবে। “সংগ্রহণ” কোটিল্যের বিধানে দশ গ্রামের কেস্ত্র। এইখানে সমর-বিভাগের দুর্গ রক্ষা করা “অর্থশাস্ত্রে”র বিধান। খাজনা-বিভাগের ম্যাজিস্ট্রেট বা তহশিল-দ্বারের বড় আফিসও এইখানে।

দ্বিতীয় আদালতকে “দ্রোণ-মুখ্যে”র আদালত বলিতে হইবে। “দ্রোণমুখ্য” চারশ ও পল্লীর কেস্ত্র। এইখানে কোটিল্যের “দ্রোণমুখ্য” দুর্গ অবস্থিত।

হইশত পল্লীর কেস্ত্রে “থার্সাটিক” দুর্গ অবস্থিত। কিন্তু এই কেস্ত্রে কোনো আদালত “অর্থ শাস্ত্রে”র বিধানে দেখিতে পাই না।

কোটিল্যের তৃতীয় আদালতকে “স্থানীয়”র আদালত বলিতে হইবে। “আটশ” পল্লীর কেস্ত্রগুলকে “স্থানীয়” বলে। এই কেস্ত্রে ও দুর্গ থাকা চাই।

কোটিল্য প্রত্যেক দুই প্রদেশের মাঝামাঝি স্থানে একটা করিয়া আদালতের ব্যবস্থা করিয়াছেন। এই গেল চতুর্থ আদালত।

বৃত্তান্তের বহর দেখিলে সহজেই মনে হয় যে, কোটিল্য একটা ছোট্ট খাটো দেশের বিচার শাসন সম্বন্ধে মাথা ঘামাইতেছেন না। এক বিশাল রাজ্য বা সাম্রাজ্যের প্রয়োজন ছাড়া এত বড় লম্বা চওড়া বিচার ব্যবস্থার আদর্শ মাথায় আসিতেই পারে না।

তারপর কোটিল্যের পঞ্চম আদালত। তাহার অবস্থান খোদ-রাজধানীতে।

কোটিল্যের দেওয়ানি ও ফৌজদারি

এই পাঁচ নামের আদালত স্থান হিসাবে বিভিন্ন। একটার উপর আর একটা এইরূপই বৃদ্ধিতে হইবে। কেন্দ্রী-করণ বা এক্য-বন্ধনের তরফ হইতে সিঁড়ি বাঁধিয়া দেওয়া হইয়াছে। কিন্তু কাজ হিসাবে প্রত্যেক কেস্ত্রেই এক প্রকার মামলা মোকদ্দমার নিষ্পত্তি হয়। কোটিল্যের কথায় এইরূপ বৃদ্ধিতেছি।

প্রত্যেক কেস্ত্রে এক সঙ্গে দুই প্রকার বিচারের ব্যবস্থা দেখিতে পাই। অর্থাৎ দুইটি করিয়া স্বতন্ত্র আদালত বা বিচারালয় বা এজলাস সংগ্রহণ, দ্রোণমুখ্য, স্থানীয় ইত্যাদি জনপদে রাখা কোটিল্যের মতলব।

এক আদালতের নাম “ধর্মস্থায়ী”। এই এজলাসে যে সকল আমলা আসে তাহা সহজে আজকালকার “সিবিইল” বা দেওয়ানি আমলা বলা যাইতে পারে।

অপর আদালতের নাম “কন্টক-শোধন”। এই এজলাসে দেশের “কাঁটা” উঠানো উদ্দেশ্যে। মারপিট, দাঙ্গাহাঙ্গামা, রক্তারক্তি ইত্যাদি ঘটিত অপরাধের জন্য এই আদালতের সৃষ্টি। আজকালকার “কুমিত্তাল” দা ফৌজদারি বিচারালয় আর কোর্টিল্যের “কন্টক শোধন” প্রায় অভিন্ন।

কি “ধর্মস্থায়ী” কি “কন্টক-শোধন” প্রত্যেক আদালতেই তিন জন করিয়া জজ সভায় বসিয়া বিচার করিবন এই রূপই “অর্থশাস্ত্রের” ব্যবস্থা। এই সকল বিষয় শ্রীযুক্ত নরেন্দ্রনাথ লাহা প্রণীত “প্রাচীন হিন্দু দণ্ডনীতি” গ্রন্থে (কলিকাতা ১৯২৩) সবিশেষ আলোচিত আছে।

সার্বভৌমের আদালত

বুড়াদের সোঁটমঙ্গল আর পাঁচ খাপ আদালত ছাড়া “অর্থশাস্ত্রে” আর এক আদালতের উল্লেখ আছে। সেই আদালত বিচার-সিঁড়ির মাথায় অবস্থিত। স্বয়ং বাদশাহ তাহার প্রধান বিচারপতি।

মেগাস্থেনিস মৌর্য্য বাদশাহকে আদালতের বিচার-কাজে শশব্যস্ত দেখিয়াছেন। দাসীদের হাতে গা মালিশ করাইতে করাইতে ও নাকি তিনি মোকদ্দমার জমানবন্দি শুনিতেন।

আজকালকার ব্রিটিশ সাম্রাজ্যে নেহাৎ পাড়াগাঁর লোক ও টাঁকে টাঁকার জোর থাকিলে লণ্ডনের বাদশাহী “প্রিন্সি কাউন্সিল” পর্য্যন্ত গিয়া আমলা ঠেকাইতে সমর্থ। কোর্টিল্যের বাদশাহী আদালতেও সেই ব্যবস্থাই দেখিতে পাই। বিচারের শাসনে “পাক্স সার্বভৌমিকা” সম্বন্ধে সন্দেহ করিবার সুযোগ দেওয়া “অর্থশাস্ত্রে”র অভিপ্রেত নয়।

ফরাসী দেশে এই ধরণের বিচার-কেন্দ্রীকরণ শুরু হয় নবম লুইয়ের আমলে, ত্রয়োদশ শতাব্দীতে। “পার্লামঁ” নামে প্যারিসে এক বিচারালয় প্রতিষ্ঠিত হইয়াছিল। বিলাতের পার্লামেন্ট আইন তৈয়ারি করিবার সভা মাত্র। কিন্তু পার্লামঁর এক বিভাগ আইন-সভা আর এক বিভাগ আদালত। এই আদালতই সমগ্র ফ্রান্সের বিচার ব্যবস্থার মাথা। কোর্টিল্যের চিন্তায় যে এজলাস দেখা দিয়াছিল সেই এজলাস কি ইংরেজ কি ফরাসী সকল সাম্রাজ্যবাদীদেরই অনুকরণীয় বিবেচিত হইতে পারিত।

কোর্টিল্যের ব্যবস্থায় জুরির ঠাঁই আছে কিনা সন্দেহ। অধিকন্তু পল্লী-স্বরাজের বা শ্রেণী-স্বরাজের এজলাস ও “অর্থশাস্ত্রে”র বিচার-সিঁড়ির সঙ্গে খাপ খাইত কিনা বলা কঠিন। তবে তাহার প্রত্যেক আদালতেই একাধিক বিচারপতির আসন থাকায় তর্কসমালোচনা এবং প্রমাণ পরীক্ষার সুযোগ অনেক। “কোল্লেগিয়ালিটেট” বা সমবেত দায়িত্বের নিম্নম ভারতীয় শাসন-অভিজ্ঞতায় আবার দেখা যাইতেছে।

পরিশিষ্ট নং ৬

“কৌটিল্য-দর্শনে” ব্যক্তিগত অভিজ্ঞতা

[১]

এইখানে কৌটিল্য-সমস্তার কয়েকটা কথা পাড়িব। “অর্থশাস্ত্র” নামে যে গ্রন্থটা আজকাল পাওয়া যায় তাহার “কুলশীল” সহজে ঠাওরাইবার পক্ষে বাধা অনেক।

এই গ্রন্থের স্থানে স্থানে দেখিতে পাওয়া যায়—“ইতি কৌটিল্যঃ” অর্থাৎ এইরূপই হইতেছে কৌটিল্যের মত। আবার “নেতি কৌটিল্যঃ” অর্থাৎ কৌটিল্যের মত এইরূপ নয় এই ধরণের বাক্য ও কয়েক স্থানে দেখা যায়।

কাজেই বিশ্বাস বা সন্দেহ জন্মে যে,—এই গ্রন্থে একমাত্র কৌটিল্যের মতমত আলোচিত হইয়াছে এমন নয়। সেই সঙ্গে সঙ্গে আর ও অনেক দার্শনিকের মত ও আলোচিত হইয়াছে। বস্তুতঃ সেই সকল দার্শনিকের নাম এবং মত ও গ্রন্থের ভিতর অনেকবার দেখিতে পাওয়া যায়। তাহা হইলে যে-আকারে “অর্থশাস্ত্রে” কেতাবটা পাওয়া গিয়াছে সেই আকারে ইহার রচয়িতা বা সংকলনকর্তা কখনই কৌটিল্য হইতে পারেন না।

এই সন্দেহের সঙ্গে আরও কয়েকটা সন্দেহ চালানো সম্ভব। প্রথমতঃ এই গ্রন্থের ভিতর বোধ হয় নানা কালের কথা আসিয়া জুটিয়াছে। দ্বিতীয়তঃ, নানা লোকের রচনা ও বোধ হয় বর্তমান গ্রন্থের কলেবর পুস্তক করিয়াছে।

এই সকল সন্দেহ গৌতমের ধর্মসূত্র হইতে শুক্রনীতি পর্যন্ত সকল গ্রন্থ সম্বন্ধেই উঠিয়াছে। রামায়ণ মহাভারত ইত্যাদি সাহিত্য ও এই সকল

সন্দেহের ক্ষেত্র। একটা করিয়া “কৌটিল্যসমগ্র” প্রাচীন ভারতীয় রচনার প্রত্যেক ঘরেই বিরাজ করিতেছে। জাম্ব্ব্বাণ-পণ্ডিত মাকোবির পৃথক রাধাকুমুদ এই সকল প্রশ্ন লইয়া যে প্রয়াস চালাইয়াছেন তাহাতে বেশী দূর পৌঁছানো যায় না। প্রশ্নটা এখনো বহুকাল খোলা থাকিতে বাধ্য।

[২]

তবে এক বিষয়ে কোনো সন্দেহ নাই। “অর্থশাস্ত্র” ইতিহাস নয়। ইহা “দার্শনিক” গ্রন্থ।

“আমি অমুক বংশের বা অমুক দেশের রাষ্ট্র শাসন বিবৃত করিতেছি”,—এমন কোনো বচন গ্রন্থের কোয়থাও নাই। আজকালকার দিনে ব্রিটিশ ভারতের প্রত্যেক জেলা সম্বন্ধে “গেজেটয়ার” বা তথ্য বৃত্তান্ত আছে। জেলা-গেজেটয়ার গুলার মতন সমগ্র ভারতের তথ্য-মূলক “ইম্পীরিয়াল গেজেটয়ার” ও পাওয়া যায়। এই সকল গ্রন্থে গাছ পাথর হইতে আদালত জেলখানা হাসপাতাল ইত্যাদি পর্যন্ত সকল বিষয়ের মথ্যমথ বিবরণ পাই। অর্থাৎ গেজেটয়ার গুলো সবই পাকা ইতিহাস বা ইতিহাসের উপকরণ। “অর্থশাস্ত্র” এরূপ গেজেটয়ারের আদর্শে লিখিত হয় নাই।

“পৃথিব্যা লাভে পালনে চ” অর্থাৎ ছনিয়াখানাকে দখল করিয়া তাহার শাসন করিবার প্রণালী সম্বন্ধে “পূর্বাচাৰ্যোঃ” অর্থাৎ পূর্ববর্তী পণ্ডিতগণের কর্তৃক “যাবন্তি অর্থশাস্ত্রাণি প্রস্থাপিতানি” অর্থাৎ যে সকল অর্থশাস্ত্র কায়ম করা হইয়াছে “প্রায়শ স্তানি সংহত্য” অর্থাৎ প্রায় বা এক প্রকার দেই গুলাই একত্র ও হজম করিয়া “একমিদমর্থশাস্ত্রং রুতম্” অর্থাৎ এই একখানা অর্থশাস্ত্র প্রণীত হইল। পৃথিবী বা ছনিয়া বলিলে দেশ মাত্র বুঝিতে হইবে, পূর্বাপূর্ব “স্বমেক অবধি কুমেক হইতে” বুঝিবার স্বরকার নাই।

কথাটা বইয়ের ভিতরই আছে। বুঝা যাইতেছে যে, রাষ্ট্রসম্বন্ধে স্ত্রীক অ্যারিস্টটলের অথবা তাঁহার গুরু প্লেটোর গ্রন্থগুলি যেমন দর্শন অর্থাৎ পাণ্ডিত্যপূর্ণ আলোচনা সমালোচনা-মূলক সাহিত্য, “সকল অর্থশাস্ত্রের সার স্বরূপ এই অর্থশাস্ত্র” ও সেইরূপ দার্শনিক সাহিত্য মাত্র। চার্বাক-দর্শন যেমন দর্শন, বৈশেষিক দর্শন যেমন দর্শন, “অর্থশাস্ত্র” ও ঠিক সেইরূপ দর্শন। “এতৎ কোটিল্য-দর্শনম্” বাক্যটা কেতাবের মধ্যে একবার কায়ম করা হইয়াছেও।

কিন্তু রাষ্ট্র-শাসন সম্বন্ধে বাহা কিছু বলা সম্ভব সবই এই দর্শনে ঠাই পাইয়াছে তাহা স্বীকার করিয়া লওয়া চলে না। পল্লী, নগর, “দেশ”, “শ্রেণী”, সমর-বিভাগ, বিচার বিভাগ ইত্যাদি সবই আলোচিত আছে। কিন্তু প্রত্যেক আলোচনাই দার্শনিক হিসাবে যোল কলায় পূর্ণ একথা বলিতে পারা যায় না। রাষ্ট্র-চিন্তা হিসাবে কোটিল্য-দর্শনকে আংশিক এবং অসম্পূর্ণ ধরিয়া লওয়াই যুক্তিসঙ্গত। কেননা শাসন-যন্ত্রের নানা খুঁটি নাটক সম্বন্ধেই আলোচনায় কঁাক দেখিতে পাই।

বাহা হউক ধর্ম-সূত্র, ধর্ম-শাস্ত্র, স্মৃতি-শাস্ত্র এবং নীতি-শাস্ত্র যে স্বরূপের সাহিত্য “কোটিল্য দর্শন” ও ঠিক সেই দরের সাহিত্য। “অর্থ-শাস্ত্রে”র কোনো বিশেষত্ব নাই।

[৬]

প্রত্যেক দার্শনিক গ্রন্থের পশ্চাতে কিছু না কিছু প্রাতিষ্ঠানিক ভিত্তি পাওয়া যায়। হয় বাস্তবের যথাযথ বিবরণ হিসাবে, না হয় বাস্তবের সমালোচনা হিসাবে, না হয় বাস্তব হইতে দৃষ্টান্ত হিসাবে, না হয় নূতন কোন প্রস্তাবিত বাস্তবের আদর্শ হিসাবে প্রাতিষ্ঠানগুলি দর্শন-সাহিত্যে আত্মগোপন করিয়া থাকিতে বাধ্য। প্লেটোর এবং অ্যারিস্টটলের ও

বাস্তব চুঁচিয়া পাওয়া যায়। গৌতম হইতে শুরু পর্যন্ত সাহিত্যে ও বাস্তব চুঁচিয়া পাইবার কথা। কোটিল্য-দর্শন সম্বন্ধে ও এই কথা খাটে।

তবে বাস্তবের তরফ হইতে কোটিল্য-দর্শনে কতকগুলি বিশেষত্ব দেখিতে পাওয়া যায় বিশ্বাস করি। গৌতমের ধর্মসূত্র হইতে শুরু নীতি পর্যন্ত সাহিত্যে রাষ্ট্রীয় প্রতিষ্ঠান বিষয়ক আলোচনাগুলি যারপরনাই সাদাসিধা এবং দার্শনিক। আচার্যেরা পারিৎপক্ষে দেশকাল পাত্রের সঙ্গে গা ছোঁয়া-চুঁচিয়া না করিয়া “সপ্তাঙ্গের” বিশ্লেষণ করিয়া গিয়াছেন। “রাজধর্ম” বা “দণ্ডনীতি” তাহাদের হাতে নেহাৎ ব্যক্তিস্বহীন বা ইম্পাস ছালা।

কোটিল্য-দর্শন ও এইরূপ “ইম্পাস ছালা” রূপেই উনিয়র দখল ও শাসন আলোচনা করিতে প্রয়াসী। মার্কামারা কোনা বিশিষ্ট “নরেন্দ্রার্থে” অর্থাৎ বাদশার জন্ত “শাসনস্থ বিধিঃ” অর্থাৎ রাজধর্ম বা দণ্ডনীতি আলোচনা করা বর্তমান অর্থশাস্ত্র-গ্রন্থের উদ্দেশ্য নয়। তথাপি গ্রন্থের গায়ে গায়ে লেখকের বা লেখকদের ব্যক্তিগত অভিজ্ঞতা যেন আঁকা রহিয়াছে বলিয়া বিশ্বাস করা যায়। অত্যাচার রাজধর্ম বিষয়ক গ্রন্থে গ্রন্থকারের ব্যক্তিগত অভিজ্ঞতা স্পর্শ করা অতি কঠিন, এক প্রকার অসম্ভব।

[৪]

অত্যাচার গ্রন্থের আলোচনার সাধারণতঃ একটা করিয়া “রাজ-সভা” দেখিতে পাই। কোটিল্যের দর্শন “সভা” এবং “মন্ত্রি-পরিষৎ” নামক দুইটা রাজ-সভার কথা বলিতেছে। “দেশ-সভা” উপলক্ষে এই বিষয়ে আলোচনা করা গিয়াছে। কিন্তু এই দুই সভা সম্বন্ধে “অর্থ শাস্ত্রে”র আলোচনায় যথেষ্ট ব্যক্তিস্বপূর্ণ নয় বলিয়া সন্দেহ প্রকাশ করিয়াছি। তবে বাস্তবের প্রভাব অস্বীকার করা কঠিন।

দেশের জনপদ-গত বিভাগ সম্বন্ধে অত্যাচার গ্রন্থে দশ পল্লী, একশ’ পল্লী, হাজার পল্লী ইত্যাদি বিবরণ দেখিতে পাই। কিন্তু কোটিল্য-দর্শন “দণ্ডগ্রন্থ”

হইতে “স্থানীয়” পর্যায়ে যে সিঁড়ি দেখাইতেছে তাহা বিশেষরূপেই লক্ষ্য করিবার বস্তু। এইখানে বাস্তব যেন অনেকটা হাতে হাতেই ধরা দিতেছে। তবে কোনো “লিপি”-সাহিত্যে ঠিক এই নামগুলি দেশ-বিভাগ আঁড়ও পাওয়া যায় নাই।

সময়-বিভাগ সম্বন্ধে যে সকল কথা কৌটিল্য-দর্শনে পাওয়া যায় তাহার তুলনায় অত্যন্ত গ্রহ (মহাভারত এবং শুক্রনীতি ছাড়া) যারপরনাই সহজ-সরল ও ভাষা ভাষা। এইখানে বাস্তবের প্রভাব ত আছেই। এমন কি ব্যক্তিগত অভিজ্ঞতাও যেন দেখিতে পাওয়া যায়। সময়-বিভাগের বড় বড় কর্মচারীরা “গোষ্ঠী”তে অর্থাৎ ক্লাবে বা আখড়ায় বসিয়া আড্ডা মারিবার সময় যে সকল আলোচনা চালাইতে পারেন সেই ধরণের আলোচনাই যেন গ্রহে ঠাই পাইয়াছে। কথাগুলো ওস্তাদদের কর্মজীবনের, “দেখাশুনায়” কথা। পল্টন যে ব্যক্তি চালায় নাই তাহার মুখে এই সব বোলচাল বাহির হওয়া কঠিন। তবে মেগাস্থেনিস যে নৌবলের উল্লেখ করিয়াছেন তাহা “অর্থশাস্ত্রে” নাই। অধিকন্তু সময় বিষয়ক “ত্রিংশ-সত্তা ও এই গ্রহে অজ্ঞাত।

এই ধরণের ব্যক্তিগত অভিজ্ঞতাই আঠার “কর্মস্থান” বা আফিসের বিবরণে আশ্চর্য প্রকাশ করিয়াছে। গ্রহকার বা গ্রহকারেরা যেন শাসনাধ্যক্ষদের “হাঁড়ীর খবর” রাখেন। অত্যন্ত কোন গ্রহে এই ধরণের আফিসী জীবন চিত্রিত দেখিতে পাওয়া যায় না। কৌটিল্য-দর্শন পাঠকগণকে একদম যেন দপ্তরখানার ভিতরে লইয়া অমাত্য, লাটিসাহেব, ম্যাজিস্ট্রেট বা তহশিলদারের সঙ্গে মোলাকাৎ করাইয়া দিতেছে।

ঠিক এই রূপই বিশ্বাস জন্মে “ধর্মস্থায়ী” এবং “কন্টকশোধন” আদালত হুইটার বৃত্তান্ত পাঠে। আবার, রাজস্ব বিভাগের খরচপত্র আর লেনদেন সম্বন্ধে যে সকল তথ্য পাওয়া যায় সেইখানে কেবলমাত্র বাস্তব নয়, কেবল

মাত্র ব্যক্তিগত অভিজ্ঞতা নয়, স্বয়ং রক্তমাংসের ব্যক্তিটিকেই যেন পাকড়াও করিতেছি এইরূপ মনে হয়। কৌটিল্য-দর্শনের এই সকল অংশের লেখক ঠিক যেন খাজাফির আফিসেরই বড়বাবু মেজবাবু ইত্যাদি পদের শাসনাধ্যক্ষ।

[৫]

গ্রীক দার্শনিক সোক্রেটিস কখনো কোনো কেতাব লেখেন নাই। কিন্তু পরবর্তী কালের প্লেটো-বিবৃত দার্শনিক “কাব্য” “উপন্যাস” বা গল্পের ভিতর দিয়া সোক্রেটিসের দর্শন, জীবনকাহিনী এবং ব্যক্তিত্ব আবিষ্কার করা সম্ভবপর হইয়াছে।

বর্তমান “অর্থশাস্ত্র” গ্রহ খৃষ্টপূর্ব তৃতীয়-চতুর্থ শতাব্দীর সঙ্কলন না হইতেও পারে। এই গ্রহের সঙ্কলনে একাধিক যুগ এবং লেখকের সমবায় থাকাও অসম্ভব নয়। আর এই গ্রহ “ইতিহাস” কোনো মতেই নয়। তাহা সম্ভেও ডাইনে বাঁয়ে পায়তারা করিতে করিতে মোর্ঘা-ভারতের ধনসচিব কৌটিল্য নামক ব্যক্তির হাড় মাস এই গ্রহের এখানে ওখানে হুঁটিয়া বাহির করা একদিন সম্ভব হইবে বলিয়া বিশ্বাস করি।

কৌটিল্য নামক ব্যক্তিশেষের নিঃশ্বাসে এই গ্রহ তরপুর। আর সেই নিঃশ্বাসের সঙ্গে সঙ্গে মোর্ঘা ভারতের “পাবলিক ল” অর্থাৎ শাসনবিষয়ক আইন বা রাষ্ট্রীয় প্রতিষ্ঠান সমূহ—কখনো বা কুঁচোকাচারুপে কখনো বা প্রকাণ্ড চাপের আকারে—আমাদের গায়ে আসিয়া হুঁ মারিতেছে।

“অর্থশাস্ত্রের” বিশ্লেষণ সম্পূর্ণ করিতে অনেক দিন লাগিবার কথা। সঙ্গে সঙ্গে “লিপি”-সাহিত্যের রাষ্ট্রীয় এবং আর্থিক ও আইন-বিষয়ক বিশ্লেষণ গভীরতর ভাবে চালানো আবশ্যিক। “লিপিগুলাই একদিন “শাস্ত্র”-সাহিত্যের কুলশীল এবং বংশমর্যাদা তৈয়ারী করিয়া দিতে সমর্থ হইবে।

চতুর্থ পরিচ্ছেদ

সরকারী আয়ব্যয়
আয়ব্যয়ের মোসাবিদা

[১]

আজকালকার দিনে, কি পল্লী-শাসনে, কি নগর-শাসনে, কি দেশ-শাসনে প্রথম থাকাই “বাজেট” বা আনুমানিক আয়ব্যয়ের মোসাবিদা। সারাবৎসর ধরিয়া নানা খাতে খরচ হইবার সম্ভাবনা কত আর দফায় দফায় আদায়, আমদানি বা আয় ঘটিবে কত তাহার আলোচনা করা বর্তমান জগতের শাসন-নীতির গোড়ার কথা।

আর এই “বাজেটে”র উপর দখল থাকাই বর্তমানকালে স্বরাজ বা আয়কর্তৃত্ব বা ডেমোক্রেসির প্রধান লক্ষণ। পল্লীর, নগরের এবং দেশের সরকারী রাজস্ব এবং খরচ-পত্রের উপর একতিয়ার যে সকল নরনারীর নাই তাহার স্বরাজ বিহীন এবং পরপীড়িত লোক। ভারতেও এইরূপ চিন্তাধারা সুপ্রচলিত।

[২]

কিন্তু বিশেষ লক্ষ্য করিবার কথা এই যে,—বাজেটের উপর জনসাধারণের দখল বা সমালোচনার অধিকার জগতে দেখা দিয়াছে উনবিংশ শতাব্দীতে। এমন কি “বাজেট” তৈয়ারি করাটা অর্থাৎ সারা বৎসরের ভিতর রাজ্যের আয় কতখানি আর ব্যয়ই বা কতখানি হইবার সম্ভাবনা সেই বিষয়ে একটা মোটামুটি আন্দাজ করিবার ব্যবস্থাটা ফরাসী বিপ্লবের পূর্বে ইয়োরোপে জানাই ছিল না।

ফরাসী রাজস্ব-বিজ্ঞানবিৎ লরোআ-ব্যোলিয়ো তাঁহার “ব্রেতে দ’লা সিয়ার্স” দে ফিনান্স” অর্থাৎ “সরকারী আয়ব্যয় বিষয়ক বিজ্ঞান” নামক

গ্রন্থে (প্যারিস ১৯১২) এই সম্বন্ধে ইয়োরোপের তরফ হইতে ঐতিহাসিক ভাবে আলোচনা করিয়াছেন। ইংরেজ ধনবিজ্ঞানবিৎ প্যলগ্রেস্ব সম্পাদিত “ধনবিজ্ঞানের বিশ্বকোষ” গ্রন্থেও এই বিষয়ে নানা তথ্য সঙ্কলিত আছে। জানা যায় যে, বাজেট তৈয়ারি করা নেপোলিয়নের অন্ততম প্রথম কৃতিত্ব। ফরাসীদেশে নেপোলিয়নের সময় হইতে আজ পর্যন্ত বৎসর বৎসর সরকারী আয়ব্যয়ের আনুমানিক ফর্দ তৈয়ারী করা হইয়া আসিতেছে।

[৩]

প্রাচীন গ্রীসে অথবা রোমান সাম্রাজ্যে বাজেট তৈয়ারী করা হইত কিনা সন্দেহ। এমন কি সে কালে ইয়োরোপের কোন্ রাষ্ট্রে প্রাতি বৎসর কত আয় হইত আর কত খরচ হইত সে কথাও জানা যায় না। জার্মান পণ্ডিত শ্রেমান তাঁহার “গ্রীক পুরাতত্ত্ব” নামক গ্রন্থে বলিয়াছেন আথেন্সের সরকারী আয়ব্যয় মাপিবার চেষ্টা বর্তমান কালে করা হইয়াছে। জার্মান পণ্ডিত ব্যেথ এইদিকে মাথা খেলাইয়াছিলেন। আথেনীয় রাষ্ট্রের সরকারী খরচের মাত্রা বুঝিবার জন্তই ব্যেথ বিশেষ চেষ্টা করেন।

রাজস্ব-বিজ্ঞানের তরফ হইতে রোমান সাম্রাজ্যেরও যাচাই করা হইয়াছে। ইংরেজ ঐতিহাসিক গিবন এবং ফরাসী রাষ্ট্র-তাত্ত্বিক গীজো এই বিষয়ে মাথা খেলাইয়াছেন। তাঁহার রোমান সাম্রাজ্যের সকলপ্রকার আদায়ের মোট পরিমাণ আন্দাজ করিতে সচেষ্ট ছিলেন। রামজে প্রণীত “রোমান প্রত্নতত্ত্ব” গ্রন্থে অঙ্কগুলা দেওয়া আছে।

প্রত্নতত্ত্ব ও রাজস্ববিজ্ঞান

এই সকল হিসাবপত্র আলোচনা করিবার দরকার নাই। অঙ্কগুলা নানা পণ্ডিতের হাতে নানা পরিমাণে দেখা দিয়াছে। এইটুকু বুঝি

রাখা আবশ্যক যে, হিন্দুরাষ্ট্রের গড়ন বুঝিবার জন্ত এই ধরণের অঙ্ক কল্পিতা ঠাওরাইবার দিকে প্রয়াস চলিতে পারে। অবশ্য ভারতীয় রাষ্ট্রশাসন সম্বন্ধে নিরেট তথ্য আজও এত কম যে এই বিষয়ে অহুমান চালাইতে যাওয়া বর্তমানে বিড়ম্বনা মাত্র।

রাজস্ববিজ্ঞানের তরফহইতে হিন্দুরাষ্ট্রের যাচাই শুরু হইবা মাত্র আর কয়েকটা কথা সর্কর্দাই মনে আসিবে। সরকারী আয় সম্বন্ধে প্রতি পদেই জিজ্ঞাস্য,—অমুক অমুক আদায় গুলা “ছায়সঙ্গত” কিনা। আবার জিজ্ঞাস্য,—জনগণের খাজনা দিবার ক্ষমতার সঙ্গে সরকারী আদায় গুলার পরিমাণ খাপ খায় কিনা। আরও জিজ্ঞাস্য,—এই সকল খাজনার প্রভাবে দেশের আর্থিক অবস্থায় উন্নতি ঘটিতেছে কি অবনতি ঘটিতেছে,—ইত্যাদি।

হিন্দু রাষ্ট্রগুলাকে এই ধরণের কৈফিয়তের আওতায় আনা এখনো বড় সহজ কথা নয়। কিন্তু সেই দিকে নজর রাখিয়া আলোচনায় প্রবৃত্ত হইতে হইবে। রূপ-তত্ত্ব (“মফ’লজি”) বা গড়নের হিসাবে হিন্দু “সম্রাজ্যের” “কোষ” বিভাগের উপর বৈজ্ঞানিক আলোক ফেলা অথ কোনো উপায়ে সম্ভব নয়। যতদিন পর্যন্ত এই সকল সমস্যা, সমালোচনা এবং তর্ক-প্রশ্ন হিন্দুরাষ্ট্রীয় প্রতিষ্ঠানের আলোচনা হইতে দূরে থাকিবে ততদিন পর্যন্ত এই আলোচনা “প্রত্নতত্ত্বের” গণ্ডিতেই আবদ্ধ থাকিতে বাধ্য।

হর্ষবর্দ্ধনের “সাম্রাজ্যিক গৃহস্থালী”

হর্ষবর্দ্ধনের চীনা অতিথি য়ুয়ান-চুআঙ্ তাঁহার “সি-য়ু-কি” গ্রন্থে আধ্যাযবর্দ্ধের সার্কর্ভোমের “সরকারী গৃহস্থালীর” পরিচয় দিয়াছেন। রাজ-সরকারের আয়ব্যয় সম্বন্ধীয় কারবারকে জাঞ্চাণ ভাষায় “ষ্টাট্‌স্-হাউসহান্ট বা “সরকারী গৃহস্থালী”ই বলে। রাজা বাদশার “পারিবারিক” গৃহস্থালী স্বতন্ত্র বস্তু।

(১)

য়ুয়ান-চুয়ান্‌গের কথায়,—ভারত-সরকার কোন লোককে জোর জবরদস্তি করিয়া “বেগার” খাটাইত না। সরকারী কাজের জন্ত লোক বাহাল করা হইত এবং দস্তুর মতন মজুরি দেওয়াও হইত। বুঝিতে হইবে যে,—হর্ষবর্দ্ধনের আমলে (৬০৬-৬৪৭ খৃঃ অঃ) শারীরিক পরিশ্রম বা গতির খাটানো “কর” স্বরূপ ব্যবহৃত হইত না। সরকার খাজনা আদায় করিত অথ উপায়ে।

সরকারী জমি জমা বা খাশ মহাল যাহারা চষিত তাহারা ফসলের ষষ্ঠাংশ সরকারকে দিত। এই ষষ্ঠাংশই ছিল রাষ্ট্রের পাওনা। কিন্তু যাহারা নিজ নিজ জমি চষিত তাহারা কত হারে সরকারকে কর দিত? এই বিষয়ে য়ুয়ান-চুআঙ্ কিছু বলেন নাই।

নদী পারাপারের জন্ত সরকার প্রত্যেক পথিকের নিকট হইতে সামান্য কিছু আদায় করিত। আর, সড়কে চলাফেরার জন্তও পথিকেরা কিছু কিছু কর দিতে বাধ্য ছিল।

ব্যস্! য়ুয়ান-চুআঙ্ হিন্দু সার্কর্ভোমের বাদশাহী জমার খাতায় আর কোনো দফা লক্ষ্য করেন নাই।

(২)

সাম্রাজ্যিক খরচপত্র সম্বন্ধে “সি-য়ু-কি” তথ্যগুলা উল্লেখ করা যাউক। চার প্রকার ব্যয়ের নাম দেখিতে পাই।

সরকারী শাসন চালাইবার জন্ত এবং পূজাপাঠের ব্যবস্থা করিবার জন্ত খরচ উল্লিখিত হইয়াছে প্রথম।

দ্বিতীয় বাবদ দেখিতে পাই অমাত্য এবং শাসনাধ্যক্ষদের “ভাতা”।

নামজাদা লোকজনকে “বৃত্তি” দেওয়া ছিল সরকারী খরচের তৃতীয় বিভাগ।

আর ধর্মকর্মের জন্ত দান তৈরাতকে চতুর্থ দফা রূপে বিবৃত করা হইয়াছে।

যুয়ান-চুআঙের রিপোর্ট

(১)

মোটের উপর “দি-য়ু-কির” মত এই :—হর্ষবর্দ্ধনের সাম্রাজ্য লোকেরা খাজনা দিত কম হারে, আর বিনা মজুরিতে গতর খাটানো এক প্রকার অজ্ঞাত ছিল।

কথাটা শুনায় ভাল। কিন্তু এই হর্ষবর্দ্ধনই না দিগ্বিজয়ে বাহির হইয়া সমগ্র আর্যাবর্তের সার্বভৌম হইয়াছিল? “সার্বভৌমিক শাস্তি” বা বিশ্ব-শান্তির বাহন স্বরূপ হই লাখের ও বেশী ফৌজ না এই হর্ষবর্দ্ধনের স্থায়ী পণ্টনের অঙ্গ ছিল? পণ্টনের খোরপোষ চালিত কি খাশমহালের ষষ্ঠাংশের জোরে আর পথ-কর ও ফেরি আদারের কল্যাণে?

সাম্রাজ্যের অগ্রাগ্র বিভাগের কথা না পাড়িয়াও এক মাত্র এই প্রশ্ন হইতেই সন্দেহ করা চলে যে যুয়ান-চুআঙ রাজস্ব-বিজ্ঞান বুঝিতেন না। তিনি ভারতে আনিয়াছিলেন “বুদ্ধতীথে।

ধর্মকর্ম ছিল তাহার বিশেষত্ব। এই সব তিনি বুঝিতেন সন্দেহ নাই, —তবে সবই “বৌদ্ধ চোখে।” বাহা হউক,—অগ্রাগ্র যাহা কিছু গোখে দেখিয়া হাতেপায়ে মাপিয়া সহজে গুনিয়া বুঝা যায় ভারতীয় জীবনধারণ সেই সকল তথ্যও হয়ত তাঁহার পর্যটন কাহিনীতে মোটের উপর নির্ভর লই গাইতে পারি।

কিন্তু শাসন-যন্ত্রের খুঁটিনাটি বুঝিবার দিকে ঝাঁক তাহার ছিল না। এই দিকে তাহার ক্ষমতাও ছিল না। তিনি ভারতে “ডাখ্রী” লইতে আসিবার পূর্বে স্বদেশে যে সকল বিদ্যায় “প্রবেশিকা” পরীক্ষা পাশ

করিয়াছিলেন তাহার সঙ্গে আইন-কানুন, আর্থিক ব্যবস্থা, বিচার শাসন, সরকারী গৃহস্থালী, এক কথায় “পাবলিক” বা রাষ্ট্রীয় প্রতিষ্ঠান বিষয়ক বিচার বিশেষ যোগাযোগ ছিল না।

তিনি মোল সতের বৎসর ধরিয়া ভারত-প্রবাসী ছিলেন। কথাটা ঠিক। কিন্তু বিশ পঁচিশ বৎসর ধরিয়া কোনো ভারতীয় যুবক আমেরিকার যুক্তরাষ্ট্রে কাটাইয়া গেলেই কি তাহাকে মার্কিন জীবনের সকল প্রকার খুঁটিনাটি সম্বন্ধেই সমান ভাবে ওস্তাদ বিবেচনা করিতে হইবে?

এইখানে মেগাস্থেনিসের সঙ্গে যুয়ান-চুআঙের তুলনা করা চলে। মেগাস্থেনিসের বিদ্যা বুদ্ধি এবং ব্যবসা ছিল “পাবলিক ল” বিষয়ক। হিন্দু পারিভাষিকে তিনি “আবাপ-জ্ঞ” (ডিপ্লোম্যাটিষ্ট)। কাজেই রাজ্য চলাইতে হয় কি করিয়া তাহা বুঝিবার ক্ষমতা তাঁহার ছিল। কিন্তু তাহা বলিয়া কি তাঁহার সকল কথাই সমান ভাবে বিশ্বাসযোগ্য? তিনি বলিয়াছেন যে হিন্দু সমাজে চুরি ডাকাইতি ষটিত না। এই বিষয় লইয়া যামলা মোকদ্দমাও ছিল না। ভারতে নাকি কোন “গোলাম” ছিল না। মিথ্যা কথা বলা এদেশে অজ্ঞাত ছিল,—ইত্যাদি। “ইন্দিকা” কি “বাস্তব” অভিজ্ঞতার গ্রন্থ? না গল্পগুজবের বই?

যাহা হউক বিদেশী পর্যটন-কাহিনী শুলা ভারতীয় জীবনের সমসাময়িক সাম্র্য হিসাবে যারপরনাই মূল্যবান বটে। কিন্তু তাহা সত্ত্বেও প্রাত্যেক লেখকের তথ্যশুলা যুক্তির কষ্টপাথরে বসিয়া দেখা আবশ্যক। যুয়ান-চুআঙ, আমাদের পূর্বপুরুষ সম্বন্ধে কয়েটা “ভালকথা” বলিয়া গিয়াছেন বলিয়াই তাঁহাকে বাজাইয়া দেখিতে ছাড়িব কেন?

[২]

এতদিন এই সকল কাহিনীর উপর রাষ্ট্র-বিজ্ঞান বিচার সমালোচনা ফেলা হয় নাই। এই কারণেই হুনিয়ার পণ্ডিত মহলে গুজব রটিয়াছে যে,

হিন্দুরাষ্ট্রের সরকারী গৃহস্থালী বিশেষ কিছু নয়, ছেলে খেলা মাত্র। বাদশার পারিবারিক গৃহস্থালীরই একটা জের স্বরূপ সমগ্র দেশের কাজ কর্ম চালানো হইত। খরচ ছিল মাত্র “ধর্মকর্মের” খাতে। আর আদায় ও ছিল সেই রূপ নগণ্য। লোকেরা “রামরাজ্যে” বাস করিত আর কি!

এই ধরণের রাষ্ট্রকে “মর্ফলজি” বা গড়ন-তত্ত্বের হিসাবে “প্যাট্রি-মোনিয়্যাল” বা রাজা-বাদশার বরোআ কারবার বলে। “এনসাইক্লোপিডিয়া ব্রুটানিকা” নামক বিলাতী বিশ্বকোষ গ্রন্থের রাজস্ব অধ্যায়ে দেখিতে পাই যে এইরূপ বরোআ রাষ্ট্রশাসন এবং রাজস্ব ব্যবস্থা ইয়োরোপের মধ্য যুগে বহু-কাল চলিয়াছে। পাশ্চাত্য আইন-বিজ্ঞানের ধুরন্ধর মেইন ইত্যাদি পণ্ডিত গণের বিচার স্বীকার করিয়া লইলে বিশ্বাস হইবে যে, হিন্দুরাষ্ট্রগুলি সেই জাতিরই অন্তর্গত। য়ুয়ান-চুআঙের বিবরণে অনেকটা সেই রূপই মনে হইবার কথা।

সার্বভৌমিক সাম্রাজ্যের কাহিনী হিসাবে কিন্তু য়ুয়ান-চুআঙের বিবরণ আংশিক, এবং রাষ্ট্র-শাসনের তরফ হইতে এই বিবরণকে বেশী উচু ঠাই দেওয়া চলিতে পারে না। হর্ষবর্দ্ধনের সাম্রাজ্য সম্বন্ধে নতুন কোনো তথ্য সম্প্রতি হাজির করা সম্ভব নয়। কিন্তু অতীত হিন্দুরাষ্ট্রের আর ব্যয় সম্বন্ধে যা কিছু জানা যায় তাহার জোরে য়ুয়ান-চুআঙের অসম্পূর্ণতা সপ্রমাণ বা আন্দাজ করা সম্ভব।

করদান হইতে রেহাইয়ের তামিল দলিল

[১]

তামিল লিপির সাহায্যে চোল সাম্রাজ্যের (খৃঃ অঃ ৯০০—১৩০০) সরকারী গৃহস্থালী কিছু কিছু বুঝিতে পারি। হল্ট্‌শ্‌ সম্পাদিত “দক্ষিণ ভারতীয় লিপি” গ্রন্থের দ্বিতীয় ও তৃতীয় খণ্ডের তথ্য ইতিমধ্যে অনেকবার

ব্যবহৃত হইয়াছে। বর্তমান ক্ষেত্রে ও এই গ্রন্থের ডাক পড়িবে। “ভাণ্ডার কার স্থিতি প্রবন্ধাবলী” (পুনা ১৯১৭) নামক গ্রন্থে শ্রীযুক্ত কৃষ্ণ শাস্ত্রী চোল-মণ্ডলের রাজস্ব আলোচনা করিয়াছেন। কৃষ্ণ স্বামী আয়্যাকারের “প্রাচীন ভারত” (মাদ্রাজ ১৯১১) গ্রন্থে ও লিপি গুলার অনুবাদ পাওয়া যায়।

তবে তামিল সরকারের আয়ব্যয়ের তালিকা এখনো আবিষ্কৃত হয় নাই। আবিষ্কৃত হইয়াছে মাত্র করদান হইতে রেহাইয়ের দলিল। কোনো কোনো গ্রামের নিকট হইতে সরকার কোনো প্রকার খাজনা আদায় করিবে না এই মর্মে কোনো কোনো বাদশা ফার্মাণ জারি করিয়াছিলেন! যে যে চার্টার বা দলিলের দ্বারা চোল রাজারা পল্লীবাসীদেরকে খাজনার আইন হইতে মুক্তি বা স্বাধীনতা দিয়াছেন সেই সকল দেখিলেই উ-টা পিঠ-টাও অনুমান করা সম্ভব। অর্থাৎ চোলমণ্ডলে সাধারণতঃ কত প্রকার কর প্রচলিত ছিল তাহা জরীপ করিবার উপায় স্বরূপই এই “স্বাধীনতার ফার্মাণ গুলি” কাজে লাগিবে।

[২]

কোনো পল্লী বা একাধিক পল্লীর সমবায় সম্বন্ধে এই সকল দলিল আবিষ্কৃত হইয়াছে। কাজেই জিজ্ঞাস্য, — যে সকল খাজনা হইতে পল্লীবাসীদেরকে রেহাই দেওয়া হইতেছে সেই গুলিকে আজ কালকার পারিভাষিক “লোক্যাল” বা পল্লীগত বা জনপদ-গত বলা চলে কি? বর্তমান জগতে কোনো কোনো জনপদ-গত কাজ কর্ম চালাইবার জন্ত যথাস্থানে কতক-গুলি কর বসাইবার ব্যবস্থা আছে। সেই সকল করের শাসন সম্বন্ধে স্থানীয় লোকেরা একপ্রকার পুরা স্বরাজ ভোগ করে।

চোল পল্লীর মাতব্বরেরা পল্লীর ভিতরকার সকল প্রকার খাজনাই তুলিত। কিন্তু এই গুলিকে পল্লী-কর, “লোক্যাল রেট্‌স্” বা জনপদগত

খাজনারূপে বুঝিবার কোনো দরকার নাই। সবই “সাত্ত্রাজ্যের আয়” বুঝিলে ঠিক বুঝা হইবে বিশ্বাস করি। তবে এই সমুদয়ের কোনো কোনোটা স্থানীয় খরচপত্রের জন্ত মার্কামারা ছিল কিনা বলা কঠিন।

ব্যক্তি-কর, সম্পত্তি-কর, ব্যবসায়-কর

[১]

আয়্যাঙ্গার বলিতেছেন যে,—চোলমণ্ডলে একটা সরকারী আদায়ের নাম ছিল মুদ্রা-কর বা টাকা গুণিয়া আদায়। ইহা কিরূপ কর? রোমে “ত্রিবুতুম” নামে এক প্রকার আদায় ছিল। জন প্রতি মাথা গুণিয়া টাকা আদায় করা হইত। বিলাতেও ১৩৭৭-১৩৭০ সালে এই ধরণের একটা কর বসানো হইয়াছিল। তখন ফ্রান্সের সঙ্গে ইংরেজদের তুমুল লড়াই চলিতেছিল। রূপতত্ত্বের তরফ হইতে তামিল মুদ্রা-কর কে এই সকল পাশ্চাত্য পোলট্যাক্সের [ব্যক্তি করের] দোসর বলা যাইবে কি?

[২]

ইয়াক্বি ধনবিজ্ঞানবিৎ সেলিগ্‌ম্যান প্রণীত “এসেজ ইন্ ট্যাক্সেশন” অর্থাৎ “করবিষয়ক প্রবন্ধ” নামক গ্রন্থে (নিউ ইয়র্ক ১৯১৩) দেখিতে পাই যে, মধ্যযুগের বিভিন্ন জার্মান রাষ্ট্রে ঘোড়া বলদ ইত্যাদি জানোআর গুণিয়া ট্যাক্স আদায় করা হইত। তামিল লিপিতে ও বুঝিতেছি যে, মাদ্রাজ এবং মহীশূরের বাদশারা জানোআরের উপর কর বসাইয়া ছিলেন। জার্মান সমাজে আসবাব পত্র, পোষাক পরিচ্ছদ এবং গহনা ইত্যাদির উপর ও খাজনা বসানো হইত। তামিল লিপিতে এই গুলার নাম দেখিতে পাই না। কিন্তু অতীত “অস্থাবর” সম্পত্তির উপর চোল সরকারের দৃষ্টি ছিল। তাঁত এবং তেলের কল বা ঘানি গুণিয়া খাজনা আদায় করা হইত। পুকুর-সম্পত্তি ও করের তালিকার অন্তর্ভুক্ত ছিল।

বর্তমান জগতে এই ধরণের আদায় এক প্রকার উঠিয়া গিয়াছে বা বাইতেছে। পারিভাষিক হিসাবে এই গুলাকে “জেনারেল প্রপার্টি ট্যাক্স” বা “সকল প্রকার সম্পত্তি বিষয়ক কর” বলে।

[৩]

বাজারের বাটখারা দাঁড়িপাল্লা ইত্যাদির উপর খাজনা বসাইবার দস্তুর ছিল। চোলমণ্ডলের এই আদায় বর্তমান কালে ছুর্বেধে। কিন্তু কোটিল্যের “অর্থ শাস্ত্রে” ইহার ব্যাখ্যা আছে। প্রত্যেক দিন হাঁটুয়ারা বাজারে বসিবা মাত্র সরকারের নিকট হইতে বাটখারা “ষ্ট্যাম্প” করাইয়া বা ছাপ মারাইয়া লইতে বাধ্য ছিল। প্রত্যেক ছাপের জন্ত পয়সা লাগিত। বাটখারার ট্যাক্স টাকে “সম্পত্তি বিষয়ক কর”ই বিবেচনা করিতেছি।

এই আদায়টাকে নগণ্য বিবেচনা করা চলিবে না। প্রত্যেক পল্লীতে দোকানদারি করিত কত নরনারী? প্রত্যেকের নিকট নেহাৎ সামান্য হারে বৎসিকঞ্চিৎ আদায় করিলেও সমগ্র দক্ষিণ ভারত হইতে চোল সার্কভোমেরা “সড়শে কুড়াইয়া বেল” সংগ্রহ করিতে অভ্যস্ত ছিলেন।

স্বর্ণকারেরা ব্যবসায় চালাইবার জন্ত একটা করিয়া “লাইসেন্স” জাতীয় অনুমতি লইতে বাধ্য হইত। বাটখারার ছাপের মতন এই অনুমতির জন্তও চোল সরকার কিছু দক্ষিণা পাইত। এই ছইটাই “সম্পত্তি-কর”। তবে “ব্যবসায়-কর” বলিলেই এই ছই আদায়ের স্বরূপ স্বার্থরূপে নির্দ্বারিত হইতে পারে।

“কার্তিগাই” মাসে কাঁচাফল আদায় করা ছিল সরকারের এক আয়ের উপায়। অতীত আদায়গুলো বোধ হয় সবই টাকার অর্থাৎ মুদ্রার জমা হইত। কিন্তু “কাঁচাফল” “প্রাকৃতিক কর” সন্দেহ নাই। ইহা ও আর একটা “সম্পত্তি-কর”।

[৪]

বর্তমান জগতে সম্পত্তি-কর বলিলে “ষ্ট্যাক্স,” “বণ্ডস্” ইত্যাদি কোম্পানীর কাগজ এবং কেনা-বেচার দলিল ইত্যাদির উপর আদায় বুঝায়। সে কালে এ সব চিজ ছিল না কোথায় ও, না চোলমণ্ডলে না ইয়োরোপে।

কিন্তু চোল বাদশারা “উত্তরাধিকার-স্বত্বে”র উপর কর বসাইয়াছিলেন। “ডান হাত” এবং “বাঁ হাত” নামক দুই জাত নরনারীর কথা তামিল লিপিতে জানিতে পারি। এই দুই সমাজে কোনো ব্যক্তি উত্তরাধিকার সূত্রে সম্পত্তি পাইবা মাত্র সরকারকে খাজনা দিতে বাধ্য হইত।

বর্তমান জগতে এই ট্যাক্সকে বিলাতী সমাজে “ডেথ্-ডিউটি” বা মৃত্যু-কর” বলে। অর্থাৎ পয়সাওয়াল লোকেরা “মরিবা মাত্র” তাহাদের সম্পত্তির কিছু অংশ সরকারকে দিয়া যাইতে বাধ্য। উইল না করিয়া গেলেও ক্ষতি নাই। গবর্ণমেন্টকে খাজনা না দিয়া উত্তরাধিকারীর সম্পত্তি দখল করিতে অনধিকারী।

এই “মৃত্যু করে”র হার বোলশেফ্বিক রুশিয়ায় চরমে গিয়া ঠেকিয়াছে। চেকো-সোভ্যাকিয়া, অষ্ট্রিয়া ইত্যাদি দেশে ও ইহার হার বেশ উঁচু। বিলাতেও হার চড়িতেছে। জগৎ ভরিয়াই এই উপায়ে উত্তরাধিকারী-দিগকে খর্ব করিবার চেষ্টা চলিতেছে। গোল মণ্ডলের হারগুলো জানা যায় না। তবে সম্পত্তিশালীরা সরকারকে কিছু না দিয়া মরিতে পাইতেন না এইরূপ সহজেই বোধগম্য।

[৫]

বাজারের উপর কর বসানো হইত। বাটখারার ছাপ এবং স্বর্ণকারদের লাইসেন্সের মতন বাজার-করকেও “ব্যবসায়-কর” বলিতে হইবে। পারিভাষিকে ইহার নাম “ভোগ-কর”।

এই বাজার-করকে চোলমণ্ডলে দেখিতে পাই “বিক্রয়-কর”রূপে। আথেম্বে এবং রোমে প্রত্যেক বিক্রয়ের উপর দোকানদারেরা শতকরা ২ টাকা হিসাবে কর দিত। চোলমণ্ডলের হার অজ্ঞাত।

এই সকল করের প্রভাবে বাজার-দর চড়িয়া যাইত। অর্থাৎ করটা প্রকাশ্যভাবে দোকানদারেরা দিত বটে। কিন্তু আসল কথা,—চাপটা পড়িত ক্রেতাদের উপর। ক্রেতা হিসাবে দেশের প্রায় প্রত্যেক লোকই বাজার-করের অধীন। ফরাসী পরিভাষায় এই খাজনাকে “কৌত্রিবিয়সিয়েঁ” আদিরেক্ত” বলে। তাহার তর্জমা ইংরেজী বিজ্ঞানে চলে “ইন্ডিরেক্ত ট্যাক্স” অর্থাৎ “অপ্রত্যক্ষ কর”রূপে।

লবণ ছিল রোমাণ গণতন্ত্রের আমলে সরকারের “একচেটিয়া” বস্তু। মৌর্যভারতেও লবণ রাষ্ট্রেরই তাঁবে ছিল। চোলমণ্ডলে একটা “লবণ-কর” মাত্র দেখিতে পাই।

মাছ ধরিবার লাইসেন্স পাইবার জন্ত ও জেলেরা সরকারকে কর দিত। যাহারা খাজনা আদায় করিবার অধিকার পাইত তাহারা ও এই অধিকারের জন্ত একটা খাজনা দিত।

কর (“ট্যাক্স”) কাহাকে বলে ?

চোল সাম্রাজ্যের ব্যক্তি-কর, সম্পত্তি-কর এবং ব্যবসায়-কর এই তিন শ্রেণীর কর বিবৃত হইল। মফলজির বা গড়ন-ভিত্তিক তরফ হইতে এইগুলার স্বরূপ আলোচনা করিয়া দেখা আবশ্যক।

[১]

প্যালগ্রেন্ড-সম্পাদিত “ধনবিজ্ঞানের বিশ্বকোষ” গ্রন্থে বর্ণিত হইছে যে, একালে একালে বহু রাষ্ট্রের অধীনেই কতকগুলো “একচেটিয়া ব্যবসায়” দখলি যায়। তাহা ছাড়া রাষ্ট্রের সম্পত্তি নামক “খাসমহাল” ও

অল্পবিস্তর প্রত্যেক রাষ্ট্রেই কিছু না কিছু দেখিতে পাই। আধুনিক ফরাসী রাষ্ট্রে এই ছই ধরণের আয় সমগ্র সরকারী আদায়ের চার আনা।

এই সকল আয়কে “ট্যাক্স” বলা যায় কি? কখনই না। জনগণের নিকট হইতে সরকার এই সকল বাবদ বাহা আদায় করে তাহা মামুলি ব্যবসার আয় মাত্র। গবর্নমেন্টে এই সকল ক্ষেত্রে সম্পত্তির মালিক এবং ব্যবসাদার বা শিল্প-পতি। অগ্রাশ্র মালিক, শিল্পী এবং বণিকদের যে ঠাই গবর্নমেন্টের ও সেই ঠাই।

কিন্তু ব্যক্তি-কর, সম্পত্তি-কর এবং ব্যবসায়-করকে একচেটিয়া ব্যবসায় হইতে আদায় কিম্বা খাশমহালের আদায়ের সঙ্গে তুলনা করা চলিবে না। এইগুলি দেশের লোক গবর্নমেন্টকে প্রজা হিসাবে দিতে “বাধ্য”। গবর্নমেন্টের সম্পত্তি ব্যবহার করুক বা না করুক, নরনারীরা ব্যক্তি হিসাবে, সম্পত্তির মালিক হিসাবে এবং ব্যবসায়ী হিসাবে নিজ নিজ আয়ের এক নির্দিষ্ট হিছা না দিয়া তিষ্ঠিতে পারে না।

[২]

আর এক কথা। গবর্নমেন্ট সকল দেশেই সমাজের জন্ত নানা প্রকার লোকহিত-বিধায়ক কাজ করিয়া থাকে। কোনো কোনো ক্ষেত্রে গবর্নমেন্ট জনগণের কেয়ালী, মজুর বা সেবকরূপে নানা অনুষ্ঠানের দায়িত্ব লয়। এই সকল ক্ষেত্রেই গবর্নমেন্ট জনগণের নিকট হইতে কিছু না কিছু আদায় করিতে অভ্যস্ত। আদায়ের পরিমাণ মোটের উপর এত বেশী হয় যে খরচ পত্র বাদে গবর্নমেন্টের লাভ থাকে। সেই লাভ সরকারী জমার খাতায় দেখিতে ও পাওয়া যায়।

এই সকল আদায় এবং লাভকে ও “ট্যাক্স” বলা চলে না। কেননা জনগণ গবর্নমেন্টের নিকট হইতে সেবা, মাল বা অগ্রাশ্র স্বচ্ছন্দতা উচিত

মূল্যে কিনিয়া লইয়াছে মাত্র। গবর্নমেন্ট এই সকল বিষয়ে খাটিতে অরাজি হইলে জনগণকে নিজেই পয়সা খরচ করিয়া সেই সব বস্তু বা স্বচ্ছন্দতা স্বতন্ত্র উপায়ে সংগ্রহ করিতে হইবে।

কিন্তু চোল-সাম্রাজ্যের যে তিন শ্রেণীর করের কথা বলা হইল সেই সবই আসল “ট্যাক্স”! জনগণের জন্ত গবর্নমেন্ট কিছু করুক বা না করুক একমাত্র “গবর্নমেন্ট হিসাবে” এই সকল আদায় তাহার অধিকারের অন্তর্গত। এইখানে বাধ্য-বাধকতার অর্থাৎ প্রজা-রাজার বা আসল রাষ্ট্রীয় সম্বন্ধের তথ্য বিরাজ করিতেছে।

করের এলাখার বহির্ভূত আদায়

মামুলি কথাবার্তায় যে-কোনো সরকারী আদায়কেই “ট্যাক্স” বা কর বলা হইয়া থাকে। কিন্তু রাষ্ট্র-বিজ্ঞানের আলোচনায় বাদ-বিচার করা অবশ্য-কর্তব্য।

[১]

চোল বাদশারা “দণ্ডধর” হিসাবে ও অনেক কিছু আদায় করতে জানিতেন মনে হইতেছে। লম্বা তালিকা পাই নাই। একটা নমুনা দিতেছি। কবিরাজি ব্যবসায় পাঁচন লাগে। এই সকল মূল এবং অগ্রাশ্র ভৈষজ্য পদার্থ পচা বিক্রী করিবার জো ছিল না। যে সকল দোকানদার পচা মাল চালাইত তাহাদের জরিমানা হইত। জরিমানার আয়কে কোনো মতেই ট্যাক্স বলা চলে না। তবে একথাও উল্লেখযোগ্য, যে গবর্নমেন্ট ছাড়া আর কেহ এই দফায় কিছু সংগ্রহ করিতেও অধিকারী নয়।

“দণ্ডধর” হিসাবে চোল সাম্রাজ্যের আয় কত হইত বলা কঠিন। কিন্তু আয়ের পরিমাণটা অগ্রহ করা উচিত নয়। কোটিল্যের বিধানে জরিমানার রেওয়াজ এত বেশী যে, এই ধরণের “পেছাগ কোড” তামিল বাদশাদের

জানা থাকিলে তাঁহারা লোকজনের উপর খাঁটি ট্যাক্স না বসাইয়াও বড়লোক হইতে পারিতেন।

[২]

চোল সাম্রাজ্য “সেবক” হিসাবে ও জনগণের নিকট হইতে কিছু কিছু পাইত। এই সবও ট্যাক্স নয়, কিন্তু সরকারী আদায় হিসাবে উল্লেখযোগ্য।

প্রত্যেক পল্লীতে চৌকিদার রাখা হইত। চৌকিদারদের বেতন ছিল পল্লীবাসীদের দেয়। এই চৌকি-করকে খাঁটি “লোক্যাল রেট” বা “স্থানীয়” কর বলা চলে।

চাষীদের ধান মাপিবার জন্ত সরকার হইতে “কর্ম্মন্” নামক লোক আনিত। কর্ম্মন্দের ভাতা দিবার জন্ত পল্লী-সভা দায়িত্ব লইত।

তাহা ছাড়া, খালের জল ব্যবহার করিবার জন্ত জনগণ গবমেণ্টকে এক নির্দিষ্ট হারে মাস্তুল দিত।

এই তিন বাবদ পল্লী-বাসীরা সরকারকে যাহা দিছু দিত সবই সরকারী সেবার মজুরি বা দাম। জরিমানার সঙ্গে এই গুলাকে কর বা ট্যাক্সের এলাখার বহির্ভূত সরকারী আদায় বলা যাইতে পারে। ইংরেজি পারিভাষিকে ইহার নাম “নন-ট্যাক্স রেভিনিউ”।

[৩]

চোল আমলে জনগণ সরকারী টাকশালে ধাতু লইয়া আসিয়া টাকা তৈয়ারী করাইয়া লইতে পারিত। সরকার জনগণের সেবক হিসাবে যুদ্ধের উপর “সেইঞেরজ” বা সেলামি আদায় করিত।

বাদশা কুলোত্ত্বঙ্গের আমলে (১০৭০-১১১৮) এই ব্যবস্থা দেখিতে পাই। টাকশালের সেলামি ও অবশ্য “নন-ট্যাক্স রেভিনিউ”র অন্তর্গত।

“লিপি” বনাম “সি-য়ুকি”

আগেই বলা হইয়াছে চোল সাম্রাজ্যের গোটা আদায়ের তালিকা পাওয়া যায় না। দক্ষিণ ভারতে খনি ছিল ধনসম্পদের এক বড় উপায়। এই বাবদ সরকারের আয় যথেষ্টই হইত। কিন্তু এই বিষয়ে “স্বাধীনতার দলিলে” কোনো উল্লেখ নাই।

আবার বহির্কর্ণাণিজ্য-বাটত লেনদেন ও ছিল বড় রকমের। আমদানি রপ্তানির উপর শুল্ক হইতে আদায় বেশ মোটা আকারেই দেখা দিত। সে সব কথাও এই সকল লিপির ভিতর পাওয়া যায় না। না যাইবারই কথা—কেননা কোনো পল্লীর মামুলি কর-তালিকায় আমদানি-রপ্তানির হিসাব সাধারণতঃ অপ্রাসঙ্গিক।

এই পর্য্যন্ত সহজেই বুঝা গেল যে,—চোল সার্কভোমেরা জনগণকে “শোষণ” করিবার নানা ফিকিরই জানিতেন। লিপি-সাহিত্যের সঙ্গে তুলনায় য়ুয়ান-চুআঙের ভ্রমণ-কাহিনী ভারতীয় রাজস্ব সম্বন্ধে যারপর নাই ভাসাভাসা এবং অনভিজ্ঞতার পরিচায়ক। য়ুয়ান-চুআঙ হয়ত বা মঠে বসিয়া একমাত্র “শাস্ত্র” লেখক বা শাস্ত্রাধ্যাপকগণের বচনই ডায়েরিতে টুকিয়া রাখিয়াছিলেন।

রোমাণ আইনে জমিজমা

এতক্ষণ যে সকল করের কথা বলা হইল তাহাতে জমিজমার উল্লেখ করা হয় নাই। কিন্তু ছনিয়ার লোক সম্পত্তি এবং ধনদৌলত বলিলে প্রধানতঃ এবং বিশেষ করিয়া জমিজমাকেই বুঝে। ইংরেজিতে জমির নাম “রিয়্যাল এস্টেট” বা “আসল সম্পত্তি”। চোলমণ্ডলে ভূমি-সম্পত্তির উপর কর বসানো হইত কিরূপ ?

[১]

এইখানে কয়েকটা বিদেশী তথ্য জানা থাকিলে বিষয়টা বুঝিতে গোল বাঁধিবে না। “মাক্কাতার আমলে” এবং নেহাৎ আদিম সমাজে “ল্যাণ্ড রেভিনিউ” বা জমাজমি হইতে আয়ই রাষ্ট্র মাত্রের প্রধান এবং একমাত্র সম্বল। প্রাচীন রোমে “গণতন্ত্রের আমলেও” এইরূপই দেখা যায়।

রোমাণ সাম্রাজ্যেও বহুকাল ধরিয়া ভূমি-কর বা “ল্যাণ্ড রেভিনিউ”ই আয়ের মেরুদণ্ড স্বরূপ ছিল। সেকালে জমিজমা ছিল প্রায় সবই খাশমহাল। বাদশা বা সাম্রাজ্য জমির মালিক এই ছিল রোমাণ আমলের আইন এবং জনগণের ধারণা। এই ধরণের সরকারী জমি বা খাশ মহালকে রোমাণরা বলিত “আজের পুবলিকুম”। ফরাসী পরিভাষায় ইহার নাম “ডোমেইন”। ইংরেজেরা এই সম্পত্তিকে বলে “ক্রাউন ল্যাণ্ড” অথবা “পাবলিক ডোমেইন।”

মার্কিন পণ্ডিত সেলিগম্যান তাঁহার “কর বিষয়ক প্রবন্ধ” গ্রন্থে বলেন যে,—জমিজমা ছাড়া আর কোনো প্রকার সম্পত্তি হইতে সরকারী খাজনা আদায় করা সম্ভব একথা রোমাণরা চিন্তা করিতেই পারিত না। নতুন নতুন কর “রপ্ত” করিতে রোমাণ জাতির অনেক দিন লাগিয়াছিল।

[২]

“ত্রিবৃত্তম” নামক ব্যক্তি-কর “গণ-তন্ত্রের” আমলে কায়েম করা হয়। কিন্তু ফরাসী রাষ্ট্রতত্ত্ববিৎ বোদ্যা তাঁহার “লে সিস্ লিহ্বর দ’লা রেপিব্-লিক” অর্থাৎ “রাষ্ট্র সম্বন্ধে ছয় পরিচ্ছেদ” নামক গ্রন্থে (প্যারিস ১৫৭৮) বলেন যে, “রোমাণরা ত্রিবৃত্তমকে কর বিবেচনা করিত না। তাহাদের চোখে সরকারের এই আদায় ছিল জনগণের পক্ষ হইতে সরকারকে কর্ত্ত

দেওয়া। কর্ত্তটা সরকার জোর জবরদস্তি করিয়া লইতেছে। আজের পুবলিকুম বা খাশ মহালের আয়ে সরকারের খরচ কুলাইতেছে না বলিয়া সরকার এইরূপে দেশের লোককে কর্ত্ত দিতে বাধ্য করিতেছে। কিন্তু দিগ্বিজয়ের লুট রাজধানীতে পৌছিবা মাত্র সরকার এই কর্ত্ত জনগণকে ফিরাইয়া দিবে।”

চোল সাম্রাজ্যের যে সকল আদায় নিবৃত্ত হইয়াছে তাহাতে মানবজাতির এই আদিম “রূপ” দেখা যায় কি? “গড়ন-তন্ত্রের” হিসাবে চোল করগুলাকে মাক্কাতার আমলের রাষ্ট্রীয় জীবনের সাম্বলী বিবেচনা করা সম্ভব কি?

এই প্রশ্নের জবাব পাইবার জন্তই ভূমি-কর আলোচনা করিবার পূর্বে অগ্রাগ্র কর উল্লেখ করা গেল। এই কর গুলাকে মাক্কাজ এবং মহীশূরের দ্রাবিড়েরা “জবরদস্তির কর্ত্ত” বিবেচনা করিত না। জনগণের “বাধ্যতা মূলক ঋণ” না হইয়া এই গুলা চোল মস্তিক্ষে সরকারের শ্রায্য দাবীই বিবোচিত হইত।

চোল আমলের ভূমি-কর

তবে তামিল সাম্রাজ্যের ভূমি-কর পরিমাণে অল্প ছিল না। আদায়ের হার ও ছিল বেশ উঁচু। রামজে তাঁহার “রোমাণ প্রবৃত্তম” গ্রন্থে বলেন যে, সাম্রাজ্য কায়েম হইবার পর প্রথম প্রথম বাদশারা ফসলের দশ ভাগের এক ভাগ লইত। কিন্তু চোল সাম্রাজ্যের ভূমি-কর ছিল ষষ্ঠাংশ। ফসলের ছয় ভাগের এক ভাগ অবশ্য সকল হিন্দু “ধর্ম্ম,” “স্মৃতি,” এবং “নীতি” শাস্ত্রেরই মানুষলি বয়েৎ।

কিন্তু চোল সার্কভোমেরা এই বয়েৎটা বাহ্যতঃ অর্থাৎ মৌখিক ভাবেই রক্ষা করিতেন। আসল কথা,—জমিজমা হইতে আদায় ষষ্ঠাংশের চেয়ে খুব বেশীই ছিল। য়ুয়ান-চুআঙ আর্থ্যাভর্ভের সপ্তম শতাব্দী সম্বন্ধে এই যে ষষ্ঠাংশের কথা বলিয়াছেন তাহা বোধ হয় “শাস্ত্র” কথিত “কর্ম্ম লাটারই” চীনা

অনুবাদ। তিনি “রেআল-পোলিটিক” অর্থাৎ রাষ্ট্রীয় জীবনের “ভিতর কার” বাস্তব কথা বাঁটিয়া দেখিতে অবসর পান নাই।

চোল মণ্ডলে জমির উপর “অতিরিক্ত” কতক গুলা আদায় চলিত। সেই সব আদায় ফসলের দশভাগের এক ভাগ। রাজাধিরাজের আমলে জমির মালিকেরা ১/৬ + ১/১০ অর্থাৎ ৪/১৫ অংশ অর্থাৎ চার ভাগের একভাগেরও বেশী দিতে অভ্যস্ত ছিল। তাহার উপর পথ-কর, চুড়ি ইত্যাদি ত আছেই।

ব্যক্তিগত ও যৌথ জমি

দক্ষিণ ভারতের জমিজমা সম্বন্ধে কয়েকটা তথ্য তামিল লিপিতে পাওয়া যায়। ছনিয়ার আধিক ইতিহাসে এই সকল তথ্যের দাম আছে।

প্রথমতঃ দেখিতে পাই যে, ভূমি ব্যক্তি বিশেষের সম্পত্তি। কতকগুলা লোক “দলবদ্ধ” ভাবে সম্পত্তির “যৌথ মালিক” নয়। পল্লীর বিভিন্ন জমিজমার উপর বিভিন্ন ব্যক্তির এক্টিয়ার প্রতিষ্ঠিত। ধনদৌলতের অধিকার সম্বন্ধে কেন্দ্র বলিলে পল্লী ও বুঝিতে হইবে না, “শ্রেণী” ও বুঝিতে হইবে না, পরিবার ও বুঝিতে হইবে না। বুঝিতে হইবে ব্যক্তি।

দ্বিতীয়তঃ এইরূপও দেখিতে পাই যে, “পল্লী-সভা”র অধীনে কতকগুলা জমিজমা আছে। এই সকল জমিজমা পল্লী-সভার সম্পত্তি। এই হিসাবে গোটা পল্লীই সেই সম্পত্তির যৌথ মালিক সন্দেহ নাই। এই গুলাকে সহজে পল্লীর খাশ মহাল বলা চলে।

চোল শাসনাধ্যক্ষদের কাজকর্ম আলোচনা করিবার সময়ে জমি-জরীপের কথা বলা হইয়াছে। সেই উপলক্ষ্যে রাজ-রাজ বাদশাহ ৯৮৬ খৃষ্টাব্দের আইন ও উল্লেখ করা হইয়াছে। সেই আইনের বিধানই দক্ষিণ ভারতের জমি সম্বন্ধ বিষয়ক এই সকল কথা জানিতে পারি।

তথাকথিত “স্বিলেজ কমিউনিটি”, “ডফ-গেমাইনশাফট” বা পল্লী-সম্পত্তির যৌথ ব্যবস্থা চোল আইনে দেখিতে পাওয়া যায় না। এই ব্যবস্থা অতি “সেকেলে” চিহ্ন। চোল রাজ্য গড়ন-বিজ্ঞানের মাগ কাঠিতে মহা “আধুনিক”। সেকেলে যৌথ ব্যবস্থার যতটুকু যে পরিমাণে চোল সাম্রাজ্যে দেখিতে পাওয়া যায় ততটুকু সে পরিমাণে ছনিয়ার নবীনতম রাজ্যেও মালুম হইতে পারে।

রাজ্যরাজের বন্দোবস্ত

রাজ্যরাজের আইনে জমি বন্দোবস্ত সম্বন্ধে কিছু কিছু জানা যায়। দুই প্রকার বন্দোবস্ত ছিল বুঝিতে পারি। জমির উপর কর নির্ধারণ করিবার জন্ত দুইরীতি অবলম্বিত হইয়াছিল।

প্রথমতঃ, প্রত্যেক জমির টুকরা সম্বন্ধেই সাবেক বন্দোবস্তের খাজনার পরিমাণ টুকিয়া রাখা হইত। কোন জমির জন্ত কে কবে কত কর দিয়াছে এই বিষয়ে গোঁজামিল দিবার আর যো ছিল না।

দ্বিতীয়তঃ, প্রত্যেক টুকরা সম্বন্ধেই উৎপন্ন ফসলের পরিমাণ হিসাবে একটা হার নির্ধারণ করা হইত। হাটা অনেক ক্ষেত্রেই কিছু উচু করিয়া ধরা হইয়াছিল। ইহাতে জনগণের উপর উপদ্রব ঘটায় এক শত বৎসর পরে কুলোভুঙ্গ নতুন আইন জারি করিয়া পুনরায় জমিজমার নয়া বন্দোবস্ত করাইতে বাধ্য হন।

রাজ্যরাজের আইন অন্ত্যন্ত হিসাবে ও খুব কড়া ছিল। তিন বৎসর উপরাউপরি খাজনা না দিতে পারিলেই মালিকেরা জমি জমা হইতে বিতাড়িত হইত। পল্লী-সভা এই সকল জমি নিলামে চড়াইয়া বেচিতে পারিত। পল্লী-স্বরাজ প্রসঙ্গে এই তথ্য উল্লেখ করা গিয়াছে।

দ্রাবিড়দের জমিগুলা যে ব্যক্তি-গত সম্পত্তি এই সকল বিধান হইতে ও বেশ স্পষ্টই বুঝা যাইতেছে।

সরকার ভূমিকর আদায় করিত তিন বাহনে। ফসল ছিল একপ্রকার আদায়। দ্বিতীয় আদায় সোনা বা মুদ্রা। কাপড়ও কর-দানের অল্পতম বাহন বিবেচিত হইত।

চুক্তি-সংগ্রাহক ?

একটা আইনে দেখিতে পাই যে,—যাহারা খাজনা আদায় করিত তাহাদের উপর একটা ট্যাক্স বা কর ছিল। “স্বাধীনতার দলিল” আলোচনা করিবার সময় এই তথ্য পাওয়া গিয়াছে। “খাজনা আদায়” করিবার জন্ত তাহা হইলে কি বিশেষ এক শ্রেণীর লোক ছিল? তাহারা কি সরকারী খাজনা বিভাগের কর্মচারী বা চাকর্যে নয়? সরকার আর চাষী-মালিক এই দুইয়ের ভিতর “কর-সংগ্রাহক” নামে এক স্বতন্ত্র জীব দেখা যাইতেছে।

ইয়োরোপে,—রোমান “গণতন্ত্রের” আমলে “ট্যাক্স-ফার্মিং” নামক এক ব্যবস্থা ছিল। সরকার কোনো কোনো লোকের সঙ্গে “ফুরণ” করিয়া তাহার হাতে নির্দিষ্ট সংখ্যক জমি-জমা হইতে আদায়ের ভার দিত। এই সকল লোককে “পাবলিকানি” বলিত। সরকারকে খাজনা আদায়ের ঝুঁকি লইতে হইত না। যথাসময়ে নির্দিষ্ট পরিমাণ চুক্তি-মাফিক প্রাপ্য তাহার তহশিলখানায় আসিয়া পৌঁছিত। এই ধরনের “চুক্তি-সংগ্রাহক” তামিল সাম্রাজ্যে ও ছিল বলিয়া সন্দেহ হইতেছে। তাহা হইলে সেকালে ও “জমিদারি প্রথার” বীজ ছুঁড়িয়া পাওয়া সম্ভব।

“কর” বনাম “ভাড়া”

একটা কথা তামিল লিপিতে পরিষ্কার রূপে জানা যায় না। ব্যক্তিই হউক, অথবা পল্লী-সভাই হউক—ইহারা কি জমিজমার খোদ “মালিক”

ছিল? না সকল জমিজমার মালিক ছিল বাদশা, আর বাদশাহী বা সরকারী খাশমহালই ব্যক্তি-বা যৌথ-“রাইয়ত”দের ভিতর নির্দিষ্ট শর্তে বাটিয়া দেওয়া হইত?

নরনারী ব্যক্তিগত ভাবে অথবা যৌথভাবে যদি মালিক হয় তাহা হইলে গবর্নেন্ট তাহাদের নিকট হইতে জমি-সম্পত্তি বাবদ যাহা কিছু আদায় করিত সবই ছিল “কর” বা ট্যাক্স। আর গবর্নেন্ট স্বয়ং যদি মালিক হয় তাহা হইলে নরনারীর সরকারী জমি ব্যবহার করিবার জন্য মাগুল বা “ভাড়া” দিত মাত্র। এইরূপ মাগুল বা ভাড়াকে বলে “রেণ্ট”।

ধনবিজ্ঞানে “রেণ্ট” বনাম “ট্যাক্স” (ভাড়া বনাম কর) লইয়া নানা তর্ক আছে। তর্কটা প্রধানতঃ “থিয়োরি” বা তত্ত্ব-সম্পর্কিত। কিন্তু বিলাতী বিশ্বকোষে রাজস্ববিজ্ঞানের এক ইংরেজ ওস্তাদ গিফেন বলিয়াছেন যে,—“আর্থিক হিসাবে ভাড়া এবং কর দুইয়ের প্রভাবই একরূপ। অধিকন্তু দুই ই সরকার মাত্রের ‘একচেটিয়া’ আদায়, আবার দুই ই রাষ্ট্রীয় বাধ্যতার জোরে উত্থল হয়।”

তামিল লিপি সমূহ গভীর ভাবে খতাইয়া দেখিলে মনে হইবে যে,—চোল বাদশারা জনগণের নিকট হইতে জমি বাবদ “কর”ই আদায় করিতেন। জাবিড় অঞ্চলের জমিজমা প্রধানতঃ ছিল নরনারীর সম্পত্তি। সরকারী খাশমহালের পরিমাণ বেশী ছিল না বলা যাইতে পারে।

শোষণ-নীতি

রাজরাজ তাঁহার ধন-সচিবের মারফৎ তহশীলদারদিগকে জানাইয়া দিয়াছিলেন যে, খাজনা আদায় করিবার সময় যেন নরনারীর সুখ হুখে সমঝিয়া কাজকর্ম করা হয়। এই “সদিচ্ছা” ছাড়া তামিল সাম্রাজ্যের

রাজস্ব-বিভাগ শোষণ-নীতিকে আর কোনো উপায়ে মোলায়েম করিতে পারে নাই।

মাত্র একবার জনগণের উপরকার চাপ কমাইয়া দিবার ব্যবস্থা করা হয়। ১০৮৬ সালের জমি-জরীপ উপলক্ষ্যে কুলোভূক্ত কয়েকটা কর উঠাইয়া দিয়াছিলেন। চোলমণ্ডল এই মদয়তার জন্ত সেই বাদশার অনেক গুণ গান করিয়াছে।

কিন্তু মোটের উপর কি দেখিতে পাই? “এনসাইক্লোপীডিয়া বৃটানিকা” নামক বিশ্বকোষের কর-অধ্যায়ে গিফেন বলিয়াছেন যে,—“ধনবিজ্ঞানবিৎ আডাম স্মিথের পূর্ববর্তী যুগের ইনোরোপীয় রাজরাজড়ারা অর্থাৎ অষ্টাদশ শতাব্দীর মাঝামাঝি পর্যন্ত পাশ্চাত্য রাষ্ট্রসমূহ রাজস্ব সম্বন্ধে মাত্র একটা নিয়ম মানিয়া চলিতেন। সে হইতেছে ‘শোষণ’,—যতখানি পার কেবল ‘শোষণ’,—তবে নেহাৎ জুলুমের মাত্রায় গিয়া যেন না ঠেকে শোষণের ফিকির দু’টিবার সময় এই দিকে দৃষ্টি রাখিতে হইবে।”

চোল বাদশাদের “পাক্স সার্কভৌমিকা” বা বিশ্ব-শান্তি ও ঠিক এই নীতির উপরই প্রতিষ্ঠিত ছিল। এখন জিজ্ঞাস্য,—শোষণ-নীতির প্রভাবে জনগণের পার্থিব অবস্থা কিরূপ হইয়াছিল? জনগণের বার্ষিক আয়ের তুলনার খাজনার পরিমাণ কতটা ছিল? এই সকল প্রশ্নের জবাব আলোচনা করা সম্প্রতি অসম্ভব। কেননা,—না জানা আছে সরকারী আদায়ের পরিমাণ আর না জানা আছে নরনারীর সংখ্যা এবং সম্পত্তির কিঞ্চৎ।

“গড়ন-বিজ্ঞানে” রাজস্বের ধারা

ছনিয়ার সরকারী আদায় গুলাকে এইবার “মফলজি” বা গড়ন-বিজ্ঞানের কাঠামে ফেলিয়া দেখা যাউক।

(১)

রোমান সাম্রাজ্যের সরকারী আদায় গুলাকে “কর” বলিতে হইবে। কেননা গবর্নেন্ট প্রজাদের নিকট হইতে গবর্নেন্ট হিসাবে তাহাদের বার্ষিক আয়ের নির্দিষ্ট হিস্তা আদায় করিতে অভ্যস্ত ছিল। “পাবলিক ল” বা শাসন বিষয়ক আইনের ব্যবস্থায় এইরূপ আদায় সর্বত্র দেখা যায় না।

মধ্যযুগে,—রোমান সাম্রাজ্য ভাঙ্গিয়া যাইবার সঙ্গে সঙ্গে,—এই ধরণের আদায় ইয়োরোপ হইতে লুপ্ত হয়। লরোআ-ব্যোলিয়ো তাঁহার “রাজস্ব বিজ্ঞান” গ্রন্থে এবং ব্রিসো তাঁহার “ফরাসী শাসন বিষয়ক আইনের ইতিহাস” গ্রন্থে দেখাইয়াছেন যে,—জনগণের বার্ষিক আয়ের হিস্তা আদায় করিবার মত একৃতিয়ার রোমান সাম্রাজ্যের ধ্বংসকারীদের হাতে ছিল না।

[২]

এই হিসাবে ফ্রান্স এবং অত্যাশ্র মধ্যযুগের রাষ্ট্র সেকলে বা “মাক্সাতার আমলের” আদিম অবস্থায় গিয়া ঠেকিয়াছিল। বিলাতী “বিশ্বকোষ” গ্রন্থের “ফিনান্স” বা রাজস্ব-অধ্যায়ে দেখিতে পাই যে,—“রাজরাজড়ারা এই সময়ে ব্যক্তিগতভাবে “সেনামি,” “জরিমানা” বা ঐ জাতীয় আদায় সংগ্রহ করিতে অভ্যস্ত ছিলেন।

“আমি রাজা, তুমি প্রজা, অতএব তুমি আমাকে তোমার সম্পত্তির কিছু কিছু দিতে বাধ্য,”—এই ধরণের কথা মধ্যযুগের কোন নরপতি বলিতে সাহসী ছিলেন না। “আমার জমির উপর দিয়া তুই যাইতেছিস, অতএব কিছু দে,” অথবা “তোমার বাপদাদারা আমার বাপদাদাকে পূজাপার্কণের সময় বিবাহাদি উৎসবের সময় কিছু কিছু করিয়া দিত অতএব তুই ও সেই সনাতন ধর্ম রক্ষা করিয়া চল,” অথবা “তুই আমার নিকট হইতে জমি লইয়া চাষবাস করিতেছিস তাহার জন্ত সেনামি এবং ভাড়া চাই,”—

ইত্যাদি ধরণে প্রজাদের সঙ্গে রাজাদের কথাবার্তা চলিত। খাঁটি “রাষ্ট্র” বলিলে বাহা বুঝা যায়, রাজায়-প্রজায় লেনদেন বলিলে বাহা বুঝা যায় সে সব চিহ্ন ইয়োরোপের মধ্যযুগে একপ্রকার জানা ছিল না।

সবই ছিল যেন জমিদারি-সেরেস্তার বন্দোবস্ত। তথা কথিত রাজারা ছিলেন জমিদার বিশেষ। পাশ্চাত্য পরিভাষায় তাঁহাদের নাম “ফিউদার”। গোটা ফিউদার যুগে “কর”-ব্যবস্থা অজ্ঞাত ছিল। খ্রিস্টাব্দ ১৩০০ খৃষ্টাব্দ পর্যন্ত এই যুগে চলিয়াছে। বিলাতেও বড় সহজে ফিউদারি যুগের “আদিমত্ব” নুশ হয় নাই। “ইংরেজদের রাজস্বব্যবস্থা” নামক প্রবন্ধে বিলাতী বিশ্বকোষ গ্রন্থে এই বিষয়ে সবিশেষ জানিতে পারা যায়। পঞ্চদশ ও ষোড়শ শতাব্দীতে পশ্চিম ইয়োরোপ হইতে ফিউদার যুগের আবহাওয়া চলিয়া গিয়াছে। তখন হইতে “রাষ্ট্র” নামক জীবন-কেন্দ্র পুনরায় দেখা দিয়াছে। রাজস্ব-ব্যবস্থার “আধুনিকতা” এই সময়ে প্রথম প্রবর্তিত হয়।

[৩]

গড়ন-বিজ্ঞানের মাপকাঠিতে ষোড়শ শতাব্দীর পরবর্তী ইয়োরোপ আর চতুর্থ পঞ্চম শতাব্দী পর্যন্ত রোমান সাম্রাজ্য একরূপ। অর্থাৎ রাজস্ব আদায়ের অধিকার সম্বন্ধে উভয়ই “আধুনিক”। সেই আধুনিকতাই নবম হইতে ত্রয়োদশ শতাব্দীর চোল রাজস্বের ব্যবস্থায় দেখিতে হইবে। ইয়োরোপীয় মধ্যযুগের কথা মনে না আনিয়া রোমান সাম্রাজ্য অথবা বর্তমান ফ্রান্স কিম্বা ব্রিটিশ সাম্রাজ্যের চিত্র সম্মুখে রাখিলেই তামিল সার্কভৌমদের রাষ্ট্রের গড়ন বুঝিতে সাহায্য হইবে।

এই সকল কথা বিশেষ করিয়া মনে রাখা দরকার। পশ্চিমা পণ্ডিতেরা হিন্দুরাষ্ট্রগুলোকে সেকলে, আদিম এবং মাকাতার আমলের স্তরেই ফেলিয়া রাখিয়াছেন। আর ভারতীয় পণ্ডিতেরাও প্রকৃতত্বের তথ্যগুলো মাথায়

রাখা সম্বন্ধেও পশ্চিমাদের ভারতবিষয়ক কুসংস্কার সমূহই ছবছ ছড়াইতে অভ্যস্ত।

সরকারী খরচপত্রের বহর

চোল বাদশারা এত বেশী আদায় করিতেন কেন? হিন্দু সার্কভৌমদের প্রজারা এমন বহুসংখ্যক দক্ষায় এবং এমন উঁচু হারে নিজ নিজ সম্পত্তির হিছা সরকারকে দিতে বাধ্য ছিল কেন? জবাব সোজা। হিন্দুরাষ্ট্রের “সরকারী গৃহস্থালী” বেশ “খরচ্যে” ছিল। হিন্দুরাষ্ট্রের “ক্ষিধে” সহজে মিটিত না; “পাক্স সার্কভৌমিকা” বা বিশ্ব-শান্তির ধুরন্ধরেরা রোজই একটা নতুন ধাক্কায় মাতিয়া থাকিতেন। ধাক্কায় মাতা আর জলের মতন টাকা খরচ করা একই জিনিষ,—কি সেকালে আর কি একালে।

ধন-বিজ্ঞানে খরচপত্র, কেনা, ভোগকরা ইত্যাদি বস্তুর জ্ঞ “কন্জাম্পশন” শব্দ কায়ম করা হয়। এই পারিভাষিকে বলিতে হইবে যে হিন্দুরাষ্ট্রের “কন্জাম্পশনের” মাত্রা ছিল খুব বড়। এই হিসাবেও হিন্দুরাষ্ট্র বেশ “আধুনিক”।

ইতালিয়ান ধন-সচিব নিস্তি এবং ফরাসী রাজস্ব-বিজ্ঞানবিৎ লরোআ-বোলিয়ো বর্তমান জগতের রাষ্ট্রীয় “কন্জাম্পশন” বৃদ্ধির কারণ খোলসা করিয়া দেখাইয়াছেন। ঊনবিংশ ও বিংশশতাব্দীতে ছনিয়ার সর্বত্রই রাষ্ট্রগুলো রোজই একটা নতুন কর বসাইবার ফিকির হুঁচিয়া থাকে। তাহার আসল কারণ এই যে, প্রত্যেক রাষ্ট্রকেই “সোস্যালিজম” বা সমাজ-তন্ত্রবাদের প্রভাবে জনগণের জ্ঞ অসংখ্য প্রকার কাজ সামলাইতে হয়।

হিন্দুরাষ্ট্রের কন্সগণ্ডী

[১]

হিন্দুরাষ্ট্রের ঘাড়েও অসংখ্য দায়িত্ব ছিল। “সমাজ বা দেশের নরনারী সব কাজই করিতেছে,—রাষ্ট্র কেবলমাত্র পুলিশ আর ফৌজ তদারক

করে,”—এ কথা খৃষ্টপূর্ব চতুর্থ শতাব্দী হইতে খৃষ্টীয় ত্রয়োদশ শতাব্দী পর্য্যন্ত কোনো হিন্দুরাষ্ট্র সম্বন্ধে খাটে না। “ধর্ম,” “স্বাতি” এবং “নীতি” শাস্ত্রে বিবৃত “রাজধর্মের লম্বাচওড়া ফর্দ অর্থাৎ সরকারী কার্য-তালিকার বিপুল বহর দেখিবা মাত্র আঁতকাইয়া উঠিতে হয়।

কিন্তু বর্তমান গ্রন্থে এই সকল শাস্ত্র-সাহিত্যের নঞ্জির আনা হইতেছে না। “লিপি”-সাহিত্য এবং সমসাময়িক দেশী বিদেশী রচনার সাহায্যে হিন্দুরাষ্ট্রের সরকারী স্বদেশ-সেবার বিপুল আকার সপ্রমাণ করা সম্ভব।

[২]

কি মৌর্য, কি গুপ্ত, কি চোল প্রত্যেক আমলেই দেশের আর্থিক উন্নতিবিধান করিবার জন্ত “রাজসরকার” হইতে টাকা খরচ করা হইত। শাসনাধ্যক্ষদের কাজের মধ্যে জলাশয়, পুকুর, খাল ইত্যাদির ব্যবস্থা করা অগ্রতম। এইরূপ পূর্বেই দেখা গিয়াছে। কাশ্মীর এবং সিংহল সম্বন্ধে ও এই শ্রেণীর প্রমাণ আছে।

সড়ক তৈয়ারি করা সার্কভেঁমদের এক মস্ত ধাক্কা ছিল। আয়ারপ্রণীত “নগর নিষ্কাশন” বিষয়ক গ্রন্থে পূর্বেই দেখিয়াছি যে রাস্তাঘাট পরিষ্কার রাখা, স্বাস্থ্যের জন্ত হিকমত করা এ সবও সরকারী কাজের অন্তর্গত ছিল।

কৌটিল্যের “অর্থশাস্ত্র”কে যদি কোনো কোনো অংশে মৌর্যসাম্রাজ্যের বাস্তব বৃত্তান্ত রূপে গ্রহণ করা যায় তাহা হইলে দেখি যে,—কামার কুমার হইতে নৌশিল্পী, অস্ত্রশিল্পী পর্য্যন্ত সকল প্রকার কারিগরই সরকারী সংরক্ষণে “ভাত কাপড়” পাইত। মৌর্যরাষ্ট্রের “কর্মগণ্ডী” শিল্প-ব্যবস্থাকে একমাত্র “স্বদেশী সমাজে”রই ধাক্কা বিবেচনা করিত না।

বাগবাগিচা, ওষুধপত্রের বাগান ইত্যাদিও সরকারী খরচেই তৈয়ারি হইত। প্রাসাদ, শিল্পশালা, ইত্যাদি ভবনের খরচ জুটত রাষ্ট্রের তহবিল হইতে।

“তামিল সঙ্গম” নামক সাহিত্য-পরিষদের পৃষ্ঠপোষক ছিল রাষ্ট্র। “ইণ্ডিয়ান অ্যাটিকোয়্যারি” বা “ভারতীয় প্রত্নতাত্ত্বিক” নামক পত্রিকার ১৮৮৮ সালের খণ্ডে এক তালিকাতে দেখিতে পাই যে,—নালন্দা বিশ্ববিদ্যালয়ে “খবরাখবর” লওয়া গুপ্ত এবং পাল সার্কভেঁমদের কার্য-তালিকার ভিতরেই ছিল। আফগান পণ্ডিত বীরদেবকে নালন্দার চ্যান্সেলার বাহাল করিয়াছিলেন বাংলার দেবপাল।

তারপর মন্দিরাদি দেবালয় গড়িরা তোলা। “সিযুক”তে যুয়ান-চুয়াঙ বলিয়াছেন যে হর্ব্বদান এবং পুলকেশীর আমলে আর্ঘ্যাবর্ধে এবং দক্ষিণাভ্যে সরকার হইতে এই সকল বাস্তব নিষ্কাশনের জন্ত খরচ করিবার ব্যবস্থা ছিল। মন্দিরগুলোকে একমাত্র ধর্মকর্মের তরফ হইতে দেখিলে চলিবে না। “দরিদ্র নারায়ণের সেবা” হিসাবে দেবালয় বিহার ইত্যাদি প্রতিষ্ঠানে অনেক কিছু করা হইত। অধিকন্তু বিচার কেন্দ্র হিসাবেও মন্দিরাদি অট্টালিকার কিস্মৎ ছিল। মধ্যযুগের ক্যাথলিক সমাজেও ইয়োরোপীয়ানরা মন্দিরে টাকা ঢালিয়া একসঙ্গে ধর্ম, বিজ্ঞা এবং লোক সেবার ব্যবস্থা করিত।

দেশোন্নতিবিধায়ক সরকারী কাজ

এই যে সব ধাক্কার কথা বলা হইল এগুলার একটা ও খাঁটি রাষ্ট্র-শাসনের সামিল নয়। “সমাজের” বা দেশের লোকের “সেবক” হিসাবে “রাষ্ট্র” এই সকল দিকে মাথা ঘামাইত। মামুলি রাষ্ট্রশাসন চালাইবার জন্ত কাপড়ের ব্যবস্থা করা ত রাষ্ট্রের “ক্ষুদ্রতম কর্মগণ্ডীর” অন্তর্গত বটেই।

ইংরেজিতে,—বিশেষতঃ ইয়াক্কদের যুক্তরাষ্ট্রে “ক্ষুদ্রতম কর্মগণ্ডীর” বাহির্ভূত কাজগুলোকে “ডেভেলপমেন্টাল ফাঙ্কশনস্” অর্থাৎ দেশোন্নতি বিধায়ক কর্ম বলে। আর্থিক হিসাবে, সাহিত্যের হিসাবে, জ্ঞানবিজ্ঞানের হিসাবে “রাষ্ট্র” “সমাজকে” উঁচু করা তুলিবার জন্ত বাহা কিছু করে সবই

“দেশোন্নতিবিধায়ক কর্মের” সামিল। এই লাইনে বর্তমান জগতে কাজের আর সীমানা দেখা যায় না।

হিন্দু রাষ্ট্রের ব্যবস্থায় বর্তমান জগতের কর্মবহর অবশ্য চুঁটিতে যাইবার দরকার নাই। তবে কর্ম-গণ্ডী যে সুবিস্তৃত ছিল সেইটা জানিয়া রাখা আবশ্যিক। তাহা হইলেই সার্কভোমদের “জঠরানল” সম্বন্ধে উচিত বিচার করা সম্ভবপর হইবে। নরনারী দেশের সেবা করুক বা না করুক, হিন্দু রাষ্ট্র তাহার উন্নতি বিধানে শক্তি প্রয়োগ করিয়াছে। ভারতের বাস্তব ইতিহাস এই কথাই বলিতেছে। “স পিতা পিতরুতাসাং কেবলং জন্মহেতবঃ” এই কবিতার ভাবার্থই ইহা ছাড়া আর কিছু নয়। “রাজা স্বয়ংই নরনারীর বাপ,—বাপেরা তাহাদের জন্মদাতা মাত্র,—এই অত্যুক্তির পশ্চাতে রাষ্ট্রীয় কর্ম-গণ্ডীর বিপুল বিস্তার নামক বস্তু বিরাজ করিতেছে।

আজকালকার “সোশ্যালিজম” বা সমাজ-তন্ত্র নরনারীর জন্ত রাষ্ট্রকে হাজার হাজার কাজ করিতে বাধ্য করিতেছে। এই হিসাবে হিন্দু রাষ্ট্র-গুলাকে সোশ্যালিষ্টিক বা সমাজতন্ত্রী বলা যায়। প্রভেদ এই যে, সেকালে রাষ্ট্র বাহা কিছু করিয়াছে সবই প্রধানতঃ “পিতা” হিসাবে। জনসাধারণ রাষ্ট্রের মাথায় বসিয়া “রাজধর্ম” চালাইতে পারিত না। প্যাট্যানয়ান “পিতৃ-তন্ত্রী” রাষ্ট্রের কর্ম-গণ্ডী আর সমাজ-তন্ত্রী রাষ্ট্রের কর্ম-গণ্ডী বহরে অনেকটা একপ্রকার দেখাইলেও, ভিতরে একরূপ নয়। ঊনবিংশ শতাব্দীর পূর্ববর্তী ইয়োরোপীয় রাষ্ট্র-গুলা ও অনেক ক্ষেত্রেই হিন্দু রাষ্ট্রের মতনই “পিতৃ-তন্ত্রী” ছিল।

রাষ্ট্র ও সমাজ

রাষ্ট্রই একমাত্র স্বদেশ-সেবক ছিল এরূপ বুঝিবার কারণ নাই। জলদান, বিছাদান, ঔষধদান ইত্যাদি কাজ দেশের লোকও স্বতঃপ্রবৃত্ত হইয়াই অনেক কিছু করিয়াছে।

কা-হিয়ান-বিবৃত পাটলিপুত্রের দাওয়াইখানায় আর যুমান-চুআঙ-বিবৃত নালন্দার বিশ্ববিদ্যালয়ে শেঠজীদের, ব্যবসায়ীদের, “বাবু”দের, জনসাধারণের দান ও ছিল। খৃষ্টীয় প্রথম শতাব্দীতে সেনাপতি উষভদাত গুজরাত প্রদেশের এক “দাতাকর্ণ” ছিলেন। খৃষ্টীয় দ্বিতীয় শতাব্দীতে কর্তৃপক্ষ রুদ্রদামন নিজের গাঁঠের টাকা খরচ করিয়া স্কন্দর্শন হ্রদ মেরামত করাইয়াছিলেন। জনগণ “শ্রেণী”-বদ্ধ ভাবে নানা উদ্দেশ্যে দানধেরাত করিতে অভ্যস্ত ছিল। প্রত্যেক যুগের “লিপি”-সাহিত্যেই তাহার প্রমাণ পাওয়া যায়। হিন্দু নরনারীস্বদেশ-সেবা সম্বন্ধে সর্বদাই রাষ্ট্রের মুখাপেক্ষী হইয়া থাকিত না।

দেশোন্নতি-বিধায়ক কাজে রাষ্ট্রেরও যেমন ঝোঁক দেখা গিয়াছে জনসাধারণের অর্থাৎ সমাজের ঝোঁকও সেইরূপই দেখা গিয়াছে। কাজেই “রাষ্ট্রের কর্ম-গণ্ডী এক, সমাজের কর্ম-গণ্ডী আর”—এই ধরণের প্রভেদ হিন্দুর ইতিহাসে দেখা যায় না।

অথচ শ্রীযুক্ত রবীন্দ্রনাথ ঠাকুর “স্বদেশী সমাজ” প্রবন্ধে এই ধরণের প্রভেদই ভারতে স্বীকার করিয়া লইয়াছেন। এই প্রভেদের “দার্শনিক” মূল্য অথবা বর্তমান কালের সাময়িক “আদর্শ” হিসাবে প্রয়োজনীয়তা বাহাই হউক না কেন,—ভারতীয় “ইতিহাসের” পক্ষে ইহা “স্বদেশী” নয়। বর্তমান গ্রন্থে বিবৃত হাজার দেড় হুই বৎসরের বাস্তব প্রতিষ্ঠান হইতে এই বাণীই উঠিতেছে।

তথাকথিত “সমাজের” কর্ম-গণ্ডীর অনেক কাজ হিন্দু “রাষ্ট্র” করিয়াছে। হিন্দু রাষ্ট্র কোনো তথাকথিত “রাষ্ট্রোচিত” কর্ম-গণ্ডীর ভিতর নিজের কর্মপ্রচেষ্টা সঙ্কুচিত করিয়া রাখে নাই। কাজেই হিন্দু রাষ্ট্রের কর্ম-গণ্ডী সম্বন্ধে রাধাকুমুদ তাঁহার “প্রাচীন ভারতে লোক্যাল গবর্নেন্ট” গ্রন্থে বাহা কিছু বলিয়াছেন তাহার পশ্চাতে যুক্তির অভাব দেখিতে পাওয়া যায়।

হিন্দুরাষ্ট্রে আর পাশ্চাত্য রাষ্ট্রে তফাৎ দেখাইবার জন্ত এই ধরণের নানা মত ধরে বাহিরে প্রচলিত। কিন্তু গড়ন-বিজ্ঞানের আশ্রয় লইয়া দক্ষয় দক্ষয় দেখানো যাইতেছে যে, ঐতিহাসিক রঙ্গমঞ্চে হিন্দু এবং ইন্দোরোপীয়ান এক শ্রেণীরই রাষ্ট্রীয় জীব।

ধন-সচিবের বিপুল উদর

যাহা হউক,—“সরকারী গৃহস্থালী” চালানো চোল সার্কভৌমদের পক্ষে সহজ কথা ছিল না। মস্ত মস্ত ইমারত, বৃহদায়তন দেবালয়, সাগর-সদৃশ জলাশয়, যোজন যোজন বিস্তৃত সড়ক এই সব তামিল বাদশাদের কীৰ্ত্তি। কিন্তু এই সব কি “সি-য়ুকি”-বিবৃত “যষ্ঠাংশে” আর খেরা-ঘাটের কড়ির জোরে জগতে দেখা দিতে পারিরাছে?

তাহার জন্ত চাই “রুধির”—রুধিরের স্রোত। হাওয়ায় হাওয়ায়,— আদর্শের জোরে,—বোলচালের প্রভাবে “দেশোন্নতিবিধায়ক” অনুষ্ঠান-প্রতিষ্ঠান মাথা তুলে না। তাহার জন্ত জনগণের রক্ত-শোষণ করা আবশ্যিক হয়ই হয়। এই ধরণের রক্ত-শোষণই দেখিতে পাই পেরিক্লেস-গোরব আথেন্স নগরের অট্টালিকায় অট্টালিকায়। প্রাচীন মিশরের পিরামিড কীৰ্ত্তিও এই রাজস্ব-রুধিরের পাথরেই গড়া হইয়াছে।

তামিল সার্কভৌমদের “দেশোন্নতি-বিধায়ক” কল্পগুলা এবং অগ্ৰাণ কীৰ্ত্তি মানবজাতির স্বরণীয় সন্দেহ নাই। কিন্তু সেই সঙ্গে সঙ্গে ধন-সচিবের বিপুল উদরটা ভুলিলে অর্থাৎ দেশের লোকের রক্ত-শোষণ সম্বন্ধে অজ্ঞ থাকিলে তামিল “সপ্তাঙ্গে”র স্বরূপটা অজানা থাকিবে।

রাষ্ট্রস্বের-কেন্দ্রীকরণ

চোল সাম্রাজ্যের রাজস্ব-বিভাগে জনগণের স্বরাজ বা আত্মকর্তৃত্ব ছিল কিনা সন্দেহ। “দেশ-সভা” নামক কোনো প্রতিষ্ঠান সম্বন্ধে এখনো

কোনো প্রমাণ পাওয়া যায় নাই। পল্লীর লোকেরা “প্রতিনিধি” পাঠাইয়া ধনসচিবের সঙ্গে সভাবদ্ধ ভাবে সাম্রাজ্যের আয়ব্যয় সম্বন্ধে আলোচনা করিবার সুযোগ পাইত না ধরিয়া লওয়া যাইতে পারে।

এই হিসাবে উনবিংশ বিংশশতাব্দীর “সরকারী গৃহস্থালী” হইতে রোমাণ এবং তামিল প্রতিষ্ঠান বিভিন্ন। কেননা বর্তমান যুগের “রক্ত-শোষণে” জনসাধারণ প্রায় সর্বদাই অন্ন বিস্তার স্বরাজী বা আত্মকর্তৃত্বশীল।

তবে আর এক তরফ হইতে চোল রাজস্বব্যবস্থা আধুনিক ব্যবস্থার অনুরূপ। ষোড়শ শতাব্দী হইতে আজ পর্যন্ত ইন্দোরোপীয় রাষ্ট্রে রাষ্ট্রে করাদায় ক্রমশঃ কেন্দ্র বদ্ধতার দিকে অগ্রসর হইয়া আসিতেছে। তাহার পূর্বে,—রোমাণ সাম্রাজ্যের অবসান কাল হইতে চতুর্দশ পঞ্চদশ শতাব্দী পর্যন্ত সরকারী আয়গুলা নেহাৎ বিক্ষিপ্ত এবং বহুকেন্দ্রী-কৃত ছিল।

চোল সাম্রাজ্যের রাজস্ববিভাগ পূরূপূরি ঐক্যপ্রথিত। ১০৬ এবং ১০৮৬ সালের জমিজরীপের ব্যবস্থায় কেন্দ্রীকরণ লক্ষ্য করিতে হইবে। তাহা ছাড়া সদর হইতে পল্লী পর্যন্ত শাসনাধ্যক্ষদের “হাম্মেরাক্কি” বা স্তর-বিভক্ত সিঁড়ি নিত্য ছিল। এই সকল কথা পূর্বে আলোচনা করা গিয়াছে। খাজনা আদায়ের তরফ হইতে শাসন-যন্ত্র একটা যথার্থ সাম্রাজ্যিক ঐক্য এবং দৃঢ়তা প্রতিষ্ঠিত করিত। রাজস্বের কেন্দ্রীকরণ চোলমণ্ডলে “পাকস্ সার্কভৌমিকা” বা বিশ্বশাস্তির অগ্ৰতম ভিত্তি ছিল।

মেগাস্থেনিস বনাম কৌটিল্য

[১]

যুয়ান চুআঙের ভারত-বিবরণ উপলক্ষ্যে একবার বলা হইয়াছে যে রাষ্ট্রশাসন সম্বন্ধে ইতার ভিত্তর আংশিক সত্য পাওয়া যায় মাত্র। সেই সঙ্গে বলা হইয়াছে যে, মেগাস্থেনিস রাষ্ট্র সম্বন্ধে বিশেষজ্ঞ, কাজেই তাহার

“ইন্দিকা” গ্রন্থে ভারতীয় রাষ্ট্র-প্রতিষ্ঠান ওলা বৃদ্ধিবার প্রয়াস আশা করা যায়।

আমল কথা, মেগাস্থেনিসের বিবরণ ও আংশিক। তিনি যে সকল কথা বলিয়া গিয়াছেন তাহার কোনটা কোনটা বিশ্বাসযোগ্য এবং কোনটার ভিতরই বা সত্যের পরিমাণ কম তাহা বিচার করিয়া দেখা কর্তব্য।

মেগাস্থেনিসের প্রত্যেকটা শব্দ ধরিয়া ঠাইন তাঁহার “মেগাস্থেনিস ও কোটিল্য” নামক জার্মান গ্রন্থে (স্বিয়েনা ১২২) খুঁটিয়া খুঁটিয়া আলোচনা করিয়াছেন। ঠাইনের আলোচনা-প্রণালীর ভিতর অনেক জরগায়ই গলদ আছে। ইতি পূর্বে স্থানে স্থানে তাহার ইঙ্গিত করিয়াছি। তাহা সম্বন্ধে মেগাস্থেনিস বনাম কোটিল্য সমস্ত পরিষ্কার করিবার পথে ঠাইনের গ্রন্থ বর্থে সাহায্য করিবে।

ঠাইনের-বিপুল গ্রন্থ সমালোচনা করা এক্ষেত্রে সম্ভব নয়। রাজস্ব সম্বন্ধে মাত্র একটা তথ্য উল্লেখ করিব। ঠাইন বলিতেছেন যে, মেগাস্থেনিসের মতে ভারতের জমি জমা সবই রাজার সম্পত্তি। কোটিল্যের প্রণায়ে ঠাইন দেখাইয়াছেন যে জমিজমা সাধারণতঃ জনগণের নিজস্ব। অর্থাৎ মেগাস্থেনিসে কোটিল্যে গরমিল আছে।

আবার মেগাস্থেনিসের রিপোর্টে ভারতবাসী সরকারকে খাজনা দেয় ফসলের মাত্র চারভাগের একভাগ। কিন্তু ঠাইন বলেন,—কোটিল্য কোথায়ও এমন বাধাবিধির ভিতর বান নাই। মামুলি ঘটনা “অর্থশাস্ত্রে” বিবৃত আছে বটে,—কিন্তু জমির দোষণ, ফসলের অবস্থা ইত্যাদি অল্পসারে উনিশবিধ বটে” ইত্যাদি।

(২)

গরমিল সম্বন্ধে সন্দেহ নাই। এই ধরণের গরমিলের উপর ভর করিয়া ঠাইন বলিতেছেন,—“অর্থশাস্ত্র” আর “ইন্দিকা” একই রাষ্ট্রের বৃত্তান্ত।

হইতে পারে না। ঠাইনের এই যুক্তি নেহাৎ ছেলেমানুষি। কোনো একবস্ত্র দেখিয়া হুই ব্যক্তি, উভয়েই সমান ভাবে ঘোল আনা সত্যবাদী হইলেও, হুই বিভিন্ন সাক্ষ্য দিতে পারে না কি ?

মেগাস্থেনিস ভারতে ছিলেন হুই তিন বৎসর মাত্র। তাঁহার দৌত্য-গিরি ছিল বোধ হয় একমাত্র পাটলিপুত্র নগরেই আবদ্ধ। কাজেই তিনি মৌর্যসাম্রাজ্যের সকল প্রকার “বন্দোবস্ত” সম্বন্ধে অভিজ্ঞ ছিলেন না এইরূপ বিশ্বাস করাই সম্ভব।

রাজধানীতে অমাত্য বা শাসনাধ্যক্ষদের সঙ্গে তাঁহার আলাপ পরিচয় ছিল ধরিয়া লওয়া যাইতে পারে।

কিন্তু তাহা সম্বন্ধে কি মেগাস্থেনিস বলিতে অধিকারী যে, “আমি ইন্দিকা গ্রন্থে যাহা কিছু লিখিতেছি তাহা ছাড়া মৌর্যভারত সম্বন্ধে আর কিছুই ঠিক নয়। মৌর্য বাদশাহদের সকল কথাই আমি জানি, আর এ দেশের তথ্য ওলা লিপিবদ্ধ করিবার পূর্বে আমি যথাসম্ভব সকল উপায়ে সম্পূর্ণ সত্য উদ্ধার করিতে চেষ্টা করিয়াছি ?” এই ধরণের “গাজুরি”চালাইতে কোনা গ্রন্থকারই সাহসী হইবেন না। “ইন্দিকার” ভিতর যে “বাজারের ওজ্বল” কিছু কিছু ঠাই পায় নাই তাহা কে বলিতে পারে ? ঠাই পাইয়াছে বলিয়া বিশ্বাস করিবার কারণ আছে।

বরং ভারতীয় অভিজ্ঞতা বিষয়ে যুয়ান-চুশাঙের দর মেগাস্থেনিসের চেয়ে বেশী। “সি-যুকি”তে যত পল্লী, যত নগর, যত নরনারীর এবং যতদিনের চাক্ষুণ্য বৃত্তান্ত আছে “ইন্দিকায়” তাহার দশ ভাগের একভাগ ও নাই। তথাপি হর্সবর্ডিন-পুলফেশীর সাম্রাজ্য শাসন একমাত্র যুয়ান-চুশাঙের চোখে দেখিতে প্রবৃত্ত হওয়া যুক্তিসঙ্গত নয়। মেগাস্থেনিসকে যুয়ান-চুশাঙের উপরে ঠাই দেওয়া যাইবে কেন ?

অর্থাৎ মেগােসেনিসের সঙ্গে যে লোকের মিল আছে একমাত্র সেই লোকই মৌর্যভারত সম্বন্ধে বিখ্যাতযোগ্য সাক্ষী এরূপ বিবেচনা করা যুক্তি-সঙ্গত নয়। “ইন্দিকা”র “অর্থশাস্ত্রে” মাঝে মাঝে অনিল থাকা সত্ত্বেও অর্থ-শাস্ত্রের কোনো কোনো অংশে মৌর্য সার্কভৌমদের রাষ্ট্রই দেখিতে পাই-তেছি এইরূপ বিখ্যাস করিতে পারি।

অর্থশাস্ত্রের রাজস্ব

“অর্থশাস্ত্রে”র রাজস্ব বিষয়ক আলোচনা এইরূপ অংশ। “কৌটিল্য-দর্শনে” ব্যক্তিগত অভিজ্ঞতা আলোচনা করিবার সময় এই কথা উল্লেখ করা গিয়াছে। সরকারী আয় সম্বন্ধে যে সকল তথ্য ও তত্ত্ব এই গ্রন্থে পাওয়া যায় সে গুলি এক বিশাল সাম্রাজ্য ছাড়া অন্য কোনো রাষ্ট্র সম্বন্ধে প্রযোজ্য নয়। রচনার চণ্ড দেখিয়া মনে হয় যেন ধন-সচিব, কোষাধ্যক্ষ, সমাহর্তা ইত্যাদি পদের চাকর্যেদের কর্মচারী ও কেরানীগণ দফায় দফায় আয়ের হিসাব বুঝাইয়া বাইতেছেন।

রাজস্ব সম্বন্ধে ঐহারা এই গ্রন্থে আলোচনা করিতেছেন তাঁহারা নেহাৎ একমাত্র “দার্শনিক” নন। তাঁহারা হয় স্বয়ং খাজাঞ্জী বিভাগের কর্মচারী না হয় সরকারী আয়ব্যয়ের দপ্তরখানা হইতে খাতা পত্র আনাইয়া “হাতে কলমে” রাজস্ব বিজ্ঞান চর্চা করিতেছেন। ঠিক যেন “ফিনান্স-আফিসের” “গেজেটিয়ার” আমাদের সম্মুখে উপস্থিত।

এইখানে যদি বলা যায় যে, মৌর্য চক্রগুপ্তের ধনসচিব কৌটিল্য স্বয়ং এই সকল তথ্যের আবহাওয়ায় বিরাজ করিতেছেন তাহা হইলে অতি-মাত্রায় কল্পনা-প্রবণতা সপ্রমাণ হইবে না। কিন্তু তাহা বলিয়া স্বয়ং কৌটিল্য এই অধ্যায়ের লেখক অথবা ঠিক খ্রীষ্ট পূর্ব চতুর্থ তৃতীয় শতাব্দীর স. কক্ষণে এই অধ্যায় লিখিত হইয়াছিল সে কথা ধোর করিয়া বলা সম্ভবপর নয়।

কৌটিল্য বিবৃত সরকারী আয়ের আণোচনা করিতে বসিলে এই গ্রন্থ-ব্যয়পর নাই ভারী হইয়া পড়িবে। ১৯০৫ সালের “ইণ্ডিয়ান অ্যাক্টি-কোয়্যারি” অর্থাৎ “ভারতীয় প্রত্নতাত্ত্বিক” নামক পত্রিকায় “অর্থশাস্ত্রে”র “আবিষ্কারক” এবং ইংরেজি অনুবাদক মাদ্রাজা পণ্ডিত শ্রীযুক্ত শামশাজী এই বিষয়ে বহু তথ্য দিয়াছেন। “চাণক্যের ভূমি এবং রাজস্ব নীতি” নামে প্রবন্ধটা প্রচারিত হইয়াছে। রাজস্ববিজ্ঞানের কাঠামে ফেলিলে “মৌর্য” আয়ের “গড়ন” গুলি স্পষ্ট ধরিতে পারা যায়। হু একটার সামান্য পরিচয় দিব।

“প্রত্যক্ষ” ও “অপ্রত্যক্ষ” কর

ফরাসী কায়দায় রাজস্ব-বিজ্ঞান দুই শ্রেণীর করে অভ্যস্ত। একটার নাম “প্রত্যক্ষ,” অপরের নাম “অপ্রত্যক্ষ”।

ব্যক্তি-কর এবং সম্পত্তি-কর প্রত্যক্ষ শ্রেণীর অন্তর্গত। ভূমি-কর সম্পত্তি-করেরই এক শাখা। চোল সাম্রাজ্যের সম্পর্কে হিন্দুরাষ্ট্রের এই তিন প্রকার আয়ই কিছু কিছু আলোচনা করা গিয়াছে। কাজেই মৌর্য-ভারত সম্পর্কে এই ধর বাদ দেওয়া হইতেছে।

এই টুকু মাত্র বলিয়া রাখা দরকার যে, “জলকর” সমেত জমির জন্ত মালিকেরা কসলের ১/৫ হইতে ৭/১২ অংশ দিতে অভ্যস্ত ছিল। অর্থাৎ “শাস্ত্রে”র “যষ্ঠাংশ” অথবা মেগােসেনিসের চতুর্থাংশ হুইই খাঁটি তথ্য হিসাবে নেহাৎ কম।

“অপ্রত্যক্ষ” কর বলিলে “ব্যবসায়”-কর, “ভোগ”-কর, ক্রয়-কর বা বিক্রয়-কর বুঝিতে হয়। এই কর প্রকণ্ড ভাবে ক্রয়-ব্যক্তিই দিক না কেন করটা পড়ে গিয়া শেষ পর্যন্ত ক্রেতা যে ভোগকর্তার ঘাড়ে।

দুই শ্রেণীর “অপ্রত্যক্ষ” কর দেখা যায়। প্রথমতঃ বিদেশী মালের উপর আমদানি-শুল্ক, কাষ্টমস্ ডিউট; দ্বিতীয়তঃ, স্বদেশে উৎপন্ন মাল বিক্রী করার উপর শুল্ক। এই দুই শুল্কের কথা চোলামণ্ডলে বিবৃত হয় নাই। মোর্ঘা-ভারত সম্পর্কে কয়েকটা অঙ্ক দেওয়া সম্ভব।

আমদানি-শুল্ক

পেরিক্লেসের আমলে আথেসে বোধ হয় ‘স্বাধীন’ বা শুল্ক-বিহীন আমদানি-নীতি প্রচলিত ছিল। কেননা শতকরা ২ হারে শুল্ক ধর্মবোয়র মধ্যেই গণ্য নয়। রোমে প্রথম প্রথম হার ছিল শতকরা ৫ মাত্র। বাদশা কনুস্তান্তিনের আমলে—খৃষ্টীয় চতুর্থ শতাব্দে শতকরা ১২।০ পর্যন্ত হার চড়িয়াছিল।

ভারতবর্ষ সম্বন্ধে নানা জিনিষের নানা হার দেখা যায়। বিদেশী নুনের উপর শতকরা ১৬ হার আদায় করা হইত। তাহার উপর অবশিষ্ট হইতে আরও শতকরা ২০ আদায় করা হইত। বিদেশী মদের উপর শুল্ক ছিল শতকরা ৬ হইতে ১০। তাজা ফলমূল, শর্কী, শুটুকি মাছ, মাংস ইত্যাদি ধরণের বিদেশী খাদ্য দ্রব্যের উপর হার ছিল শতকরা ১৬ হার। রেশম, পশম, গালিচা, চামড়া ইত্যাদির উপর শতকরা ৬ হইতে ১০ আদায় করা হইত।

ডোয়েল-প্রণীত “বিলাতী করের ইতিহাস” গ্রন্থে (লণ্ডন ১৮৩৪) দেখিতে পাঠি যে, বিলাতে প্রথম প্রথম শতকরা ৫ হারে বিদেশী মালের উপর শুল্ক বসানো হইত। পরে ১৭০০ হইতে ১৭৫৯ খৃষ্টাব্দে এই হার ২৫ এ গিয়া গেল। মোর্ঘা শুল্কের দৌড় বৃটিশেরই কাছাকাছি গিয়া চৈকিত বনিতে হইবে। “অর্থ শাস্ত্র”র অঙ্ক হইতে ঠিক বুঝা যায় না সরকারী আয়ের কত হিঙ্গা এই বিদেশী মালের উপরকার শুল্ক হইতে উঠিত। মার্কিন পণ্ডিত

প্লেন তাঁহার “রাজস্ব বিজ্ঞানের কুঁমিকা” গ্রন্থে (নিউইয়র্ক ১৮৯৬) বলেন যে, জার্মান সাম্রাজ্যের সমগ্র আয়ের শতকরা ২৭ ভাগ এই শুল্ক হইতে উঠিত। কোটিলোর হার গুলা এত বেশী যে মোট শুল্কপাতকে প্রায় জার্মান অনুপাতের পাশেই বসানো যাইতে পারিত বোধ হয়।

কোটিলোর শুল্ক-নীতি

এত চড়া হার দেখিয়া সন্দেহ হয় যে, কোটিল্য সে কালে “বিদেশী-বর্জন” নীতি চালাইবার পক্ষপাতী ছিলেন। কিন্তু মোর্ঘাভারতে এই ধরণের “স্বদেশী আন্দোলন” চলিতেছিল কি? বোধ হয় না। “অর্থশাস্ত্র” বিদেশী মাল আমদানীর “বিরোধী” নয়।

বিদেশী মালের দাম ঠিক করিয়া দেওয়া কোটিলোর এক ধাক্কা। দামটা এমন ভাবে ঠিক করা হইত যে সকল প্রকার শুল্ক, কর এবং খরচ পত্র বহিয়াও ব্যাপারীর “মুনাফা” থাকে। স্বদেশী কি বিদেশী উভয় ব্যাপারীকেই বিদেশী মাল আমদানির কাজে সুযোগ সুবিধা দেওয়া ও “অর্থশাস্ত্রের” বিধান।

কোটিলোর “শুল্ক-নীতি”কে “প্রোটেক্টিভ” অর্থাৎ বিদেশীর বিরুদ্ধে স্বদেশীর “সংরক্ষণ” নীতি বলা চলিবে না। এমন কি বিদেশী নুণ আমদানি সম্বন্ধেও বোধ হয় “সংরক্ষণ-নীতি” কায়েম করা হয় নাই। কোটিলোর “টারিফ” বা শুল্ক-ব্যবস্থাকে “ফিস্ক্যাল” বা রাজস্ব-নীতির অন্তর্গত করিতে হইবে। সরকারী “কোষে” কিছু টাকা আসে এই মতলবেই ব্যাপারীদের উপর অপ্রত্যক্ষ কর চাপানো হইয়াছিল।

বিক্রয়-শুল্ক

এইবার অপর শ্রেণীর “অপ্রত্যক্ষ” করের কয়েকটা দৃষ্টান্ত দিব। রোমান সাম্রাজ্যে এবং আথেসে ও শতকরা ১ ছিল বাজারে বেচার উপর

কর। মৌর্যভারতে এই কর বেশ চড়া। ওজন করিয়া যে সব জিনিষ বিক্রী হয় তাহার উপর শতকরা ৫ আদায় করা হইত। কুনকে নাপিরা যে সব জিনিষ বিক্রী হয় তাহার উপর ছিল শতকরা ৬ আর যে সকল জিনিষ গুণিয়া বিক্রয় হয় তাহার উপর ছিল শতকরা ৯ ১/১১ হার। এই সকল করকে আজকালকার পারিভাষিকে “এক্সাইজ” বলে।

প্রত্যেক ক্ষেত্রেই দানের অংশ বুঝিতে হইবে, মালের হস্তা নয়।

কি আমদানি-শুল্ক (কাষ্টম্ ডিউটি) কি বিক্রয়-কর (এক্সাইজ)

ছই ই বর্তমান জগতে যারপর নাই চড়া। ইংল্যান্ড, ফ্রান্স, এবং সেকালের রুশিয়া (অর্থাৎ প্রাক-বোলশেভিক রুশ সাম্রাজ্য) এই তিনদেশে সমগ্র সরকারী আয়ের আধাআধি উঠে এই ছই ধরে। আর ইয়াক্সি যুক্তরাষ্ট্রের “ফেডার্যাল” আরগুলো আগাগোড়া সবই এই ছই দফায় পুট হয়। মৌর্য-সাম্রাজ্য এই হিসাবে রোমাণ সাম্রাজ্যের রাজস্ব-নীতি ছাড়াইয়া পুরানাতার “আধুনিক” পন্থা অবলম্বন করিয়াছিল এইরূপ বুঝিলে ভুল হইবে না।

জরিমাণা

করাদায় ছাড়া অত্যন্ত উপায়ে ও সরকারী ধনভাণ্ডার পূর্ণ হইয়া থাকে। করের এলাকার বহির্ভূত চোল রাজস্বের সম্পর্কে জরিমাণার উল্লেখ করা গিয়াছে। “অর্থশাস্ত্রে” জরিমাণার রেওয়াজ দেখিতে পাই কথায় কথায়। জরিমাণার হার ও উচ্চ।

সড়কে মলমূত্র ত্যাগ করিলে এক “পণ” বা বার আনা জরিমাণা দিতে

হইত। এক জেলা হইতে আর এক জেলায় বাইতে হইলে সরকারী “পাস” লাগিত। জ্বাল পাস ব্যবহার করিলে জরিমাণা হইত ১০০০ পণ অর্থাৎ আজকালকার ৭৫০। বিদেশীরা বিনা “পাসে” দেশে প্রবেশ করিলে ৩০০০ পণ জরিমাণা দিতে বাধ্য হইত।

৩০০০ পণ অর্থাৎ ২২৫০ অর্থশাস্ত্রের চরম দণ্ড। বিনা শুল্ক বিদেশী মাল আমদানি করিবার প্রয়াস ধরা পড়িলে ব্যাপারীর জরিমাণা হইত ঠিক এই পরিমাণ। এই অপরাধকে আজকালকার ভাষায় “আগলিং” বলে। ইংরেজ পণ্ডিত হিগিন্সন প্রণীত “টারিফ্‌স্ অ্যাট্‌-স্বর্ক” অর্থাৎ “কম্বন্ধেত্রে শুল্ক-পরিচয় নামক গ্রন্থে” (লণ্ডন, ১৯৩) দেখিতে পাই যে,—ইয়াক্সি যুক্তরাষ্ট্রে এই অপরাধের সাজা হইতেছে ৫০০০ ডলার অর্থাৎ প্রায় ১৫,০০০।

বণিক বেশে মৌর্য সাম্রাজ্য

জনগণের শিল্প ব্যবসা কৃষিকর্মের উপর “কর” আদায় করা সরকারী আয়ের বড় উপায় সন্দেহ নাই। কিন্তু সরকার অনেক সময় জনগণের মতনই ব্যবসা বাণিজ্যে লাগিয়া ধন উপার্জন করিয়া থাকে। বর্তমান জগতে এরূপ অনেক দেখা যায়। “অর্থশাস্ত্রে”র বিধানে ও হিন্দুরাষ্ট্রকে বণিক বেশে পাকড়াও করিতে পারি।

নৌকা, পান্সি, বজরা, জাহাজ ইত্যাদি চালাইয়া টাকা রোজগার করার কথা দেখিতে পাই। কোটিলোর “নাবধ্যক্ষ” এই লাইনের কর্তা। লোক এবং মাল ছইই সরকারী কোম্পানীর অধীনে স্থানান্তরিত করা হইত। ফেরি পারের ব্যবস্থাও রাষ্ট্রের অধীন। বাতীদেব জন্ত নদীপথে সমুদ্রপথে যাতায়াতের ভাড়া নির্দিষ্ট করা ছিল। মালের মাহুলও বাধা নিয়মে নির্ধারিত হইত।

শ্রীযুক্ত রাধাকুমুদ মুখোপাধ্যায় প্রণীত “ভারতীয় নৌশিল্প এবং সমুদ্র-বাণিজ্য” নামক ইংরেজি গ্রন্থে (লণ্ডন ১৯১২) এই সকল বিষয়ে সুবিস্তৃত আলোচনা আছে। শ্রীযুক্ত নরেন্দ্রনাথ লাহাও “প্রাচীন হিন্দু দণ্ডনীতি” গ্রন্থে (কলিকাতা ১৯২৩) এই বিষয়ে বাংলায় নানা তথ্য প্রকাশ করিয়াছেন।

খেরা পারের সময় মোটের জন্ম ৪ মাষা অর্থাৎ প্রায় বার পরমাণু লাগিত। বলদের গাড়ী পার করাইতে লাগিত ৬ মাষা অর্থাৎ সাড়ে চার আনা। ইত্যাদি।

মুক্তা তুলিবার জন্ম জেলেরা গবর্মেণ্টের নৌবিভাগ হইতে নৌকা ভাড়া করিয়া লইত। ঝিলুক, শঙ্খ ইত্যাদির "চারী"রও সরকারী নৌকা ব্যবহার করিত। সাম্রাজ্যের সরকারী আয়ের হিসাবে এই সব কথা মন রাখিতে হইবে।

কোর্টিলোর শিল্প-রাষ্ট্র

বর্তমান যুগের রাষ্ট্রাবলীর মতন "অর্থশাস্ত্রে"র রাষ্ট্রও কতকগুলি শিল্পের একচেটিয়া মালিক। গবর্মেণ্টের নিকট হইতে "লাইসেন্স" বা অনুমতি না লইয়া জনসাধারণ সেই সকল ব্যবসা চালাইতে আধিকারী নয়। লাইসেন্সের দাম গবর্মেণ্টের পক্ষে আয়ের এক বড় পথ। বলা নাহল এই সব আয়কে কব বলা যাইতে পারে না।

লড়াইয়ের জাহাজ তৈয়ারি করা এবং নদী-সমুদ্রের উপর যাতায়াতের জাহাজ নৌকা তৈয়ারি করা হইই সরকারী শিল্প সন্দেহ নাই। যুদ্ধসংক্রান্ত যন্ত্রপাতি, সাজসজ্জা, অস্ত্রশস্ত্র সবই সরকারী শিল্প-কারখানার অন্তর্গত। সামরিক বিভাগের সকল শিল্পই স্বদেশ রক্ষার তরফ হইতে বিচার করা কর্তব্য। রাজস্ব বিভাগের তরফ হইতে বলিতে হইবে এই মাত্র যে সরকার স্বয়ং শিল্প-পতি হওয়ার মাল গুলি খানিকটা সস্তায় পাওয়া যাইত। এই হিসাবে সরকারী খরচের বহর কিছু কম হইবার কথা।

খনি-শিল্প

খনি এবং খনিজ পদার্থ সবই মৌর্য সাম্রাজ্যের একচেটিয়া সম্পত্তি। ইংরেজ পণ্ডিত প্যালগ্রেন্স সম্পাদিত "ধনবিজ্ঞানের বিশ্বকোষ" গ্রন্থে দেখিতে

পাই যে মধ্য যুগের বিলাতী আইনে খনি-শিল্প বলিলে "সাগর ছেঁচা এবং সমুদ্রের মাছধরা" পর্যন্ত বুঝাইত। কোর্টিলোর ব্যবস্থায় ও খনি-শিল্পের হই বিভাগ দেখা যায়। সাগরের মুক্তা, ঝিলুক, শঙ্খ, প্রবাল ইত্যাদি তোলা জলজ খনি বিভাগের কাজ। তাহা ছাড়া সোণা, রূপা, এবং অন্যান্য ধাতুর জন্ম স্থল-খনির কাজও চলিত।

ইংরেজ পণ্ডিত বাষ্টেল তাঁহার "সরকারী আয়ব্যয়" নামক গ্রন্থে (লণ্ডন ১৯০৩) বলিয়াছেন যে প্রাচীন এবং মধ্য যুগে ইয়োরোপের সর্বত্রই আকর গুলা সরকারী সম্পত্তি বা খাশ মহাল ছিল। আথেল্স এবং রোমাণ সাম্রাজ্যের ত কথাই নাই বিলাতেও ১৬৮৮ খৃষ্টাব্দ পর্যন্ত এইরূপ আইন দেখিতে পাওয়া যায়। এই একুতিয়ারকে ল্যাটিনে বলে "মুরা রেগালিয়া" অর্থাৎ "রাজ একুতিয়ার"।

খনি গুলা কোর্টিলোর বিধানে সাম্রাজ্যের সম্পত্তি বটে। কিন্তু সাম্রাজ্য নিজে খনির কাজে মাথা ঘামাইত কিনা সন্দেহ। সাম্রাজ্যের নিকট হইতে "লাইসেন্স" লইয়া শিল্পবিশেষজ্ঞেরা "খনি" হইতে মুক্তা, প্রবাল এবং সোণা রূপা তুলিত। সরকারের আদায়ের হার বেশ চড়া।

শ্রেমান তাঁহার "গ্রীক পুরাতত্ত্ব" গ্রন্থে বলিয়াছেন যে, লোরিস্থমের রূপার খনির জন্ম আথেল্স রাষ্ট্র শতকরা ৪ ১/৬ অংশ মাত্র দাবী করিত। ত্রিমো-প্রণীত "করাসী শাসন বিষয়ক আইনের ইতিহাস" গ্রন্থে ফ্রান্সে হার দেখিতে পাই শতকরা দশ। ইংরেজ আইনে তামার জন্ম শিল্পের সরকারকে দিত শতকরা ১১ ১/২ অংশ এবং জমিদারকে দিত ১১ ১/২ অংশ।

কিন্তু মৌর্য সাম্রাজ্যের দাবী ইংরেজের দাবীকেও পরাস্ত করিয়াছিল। শতকরা ১৬ ১/২ হইতে ২০ অংশ ছিল "বিভাগ" স্বরূপ প্রথম আদায়।

তাহার উপর ১৩ ১/৮ + ৫ অংশ নানা বাবদ খরচ পত্র স্বরূপ আদায় করা হইত।

লবণের কারবার

লবণের শিল্প ও ব্যবসা ছিল মৌর্য সাম্রাজ্যের অগ্রতম একচেটিয়া কারবার। শিল্প-পতি হিসাবে গবর্মেণ্ট অত্যাশ্র শিল্প-পতির মতনই লাভবান হইত। এই লাভ সরকারী কোষের পক্ষে বিশেষ স্তুবিধাজনক সন্দেহ নাই। অধিকন্তু গবর্মেণ্ট নুণের কারবার লইয়া জনগণকে “লাইসেন্স” দিতেও অত্যন্ত ছিল। লাইসেন্স ও সরকারী আয়ের এক পথ।

লাইসেন্স বেচিবার সময় সরকারী কারবারটা বাহাতে জনসাধারণের টক্করে মায়া না পড়ে সেই দিকে দৃষ্টি থাকিত বলাই বাহুল্য। তাহার উপর বিদেশী নুণের ব্যবসায়ীদের নিকট হইতে ও গুরু আদায় করা হইত।

লবণের কারবারে গবর্মেণ্টের লাভ হইত খুব বেশী। বিদেশী লবণের ব্যাপারীরা সরকারকে প্রথমে দিত শতকরা ১৬ ৩/৪ অংশ আনদানি-গুরু স্বরূপ। তাহার পর দেশে বেচিবার সময় বিক্রয়-কর বা এক্সসাইজ ছিল অবশিষ্টের উপর শতকরা ৫ অংশ।

এদিকে দেশী নুণের ব্যাপারীরা গবর্মেণ্টের নিকট হইতে নুণ তৈয়ারি করিবার লাইসেন্স পাইবার জন্য ঠিক সেই পরিমাণ কর দিতে বাধ্য ছিল। ফলতঃ দেশী নুণে আর বিদেশী নুণে কোন টক্কর চলিতে পারিত না। সরকারের ব্যবস্থায় ছই নুণের উপর সমান চাপ পড়িত।

অধিকন্তু, কি দেশী কি বিদেশী উভয় প্রকার নুণের ব্যাপারীই গবর্মেণ্টকে টাকা দিবার সময় ১৩ ১/৮ অংশ “বাটা” দিতে বাধ্য হইত। অর্থাৎ যেন তেন প্রকারে নুণওয়ালাদের নিকট হইতে রক্ত গুণিয়া থাওয়া মৌর্য সাম্রাজ্যের স্বভাব ছিল বুঝিতে হইবে।

তেলের ঘানি

“অর্থশাস্ত্রের” ব্যবস্থায় রাষ্ট্রকে তেল-শিল্পের একচেটিয়া মালিক দেখিতে পাট। কোনো ব্যক্তি বিশেষকে “লাইসেন্স” দেওয়া হইত কিনা সন্দেহ। সরকারী ঘানিতে তেল পিষিবার ব্যবস্থা ছিল।

আজকালকার ভারতে “জেলখানার তেল” যে বস্তু মৌর্য সাম্রাজ্যের “সরকারী তেল” ঠিক সেই মাল নয়। কেননা বর্তমান ভারতে তেল সরকারের “মনপলি” নয়। জনসাধারণও তেলের ঘানি চালাইতে অধিকারী। কিন্তু কোটিল্যের বাদশারা ভারতের একমাত্র “কলু” ছিলেন মনে হইতেছে।

এই ধরণের “মনপলি” বা একচেটিয়া কারবারের অধিকার ফ্রান্সে চলিতেছে তামাকের চাষ, শিল্প ও ব্যবসাতে। ১৬৭৪ খৃষ্টাব্দে ধন সচিব কলবেআরের আমলে ফরাসী রাষ্ট্রের তাঁবে তামাক অধিকার প্রথম আসে।

জনগণের আর্থিক অবস্থা

মৌর্য সাম্রাজ্যের সরকারী আয়ের পরিমাণ মাপিতে বস্তু সস্ত্রান্তি বেকুবি। কোনো উপায় নাই। কিন্তু ইহা যে পর্বত-প্রমাণ সে বিষয়ে সন্দেহ নাই।

তবে দেখা গেল যে, এই আয়ের অনেক অংশই “করের এলাকার বহির্ভূত আদায়ের” সামিল। কাজেই নরনারীর উপর ক্ষুব্ধ চালানো অনেক ক্ষেত্রেই আবশ্যিক হইত না।

গবর্মেণ্ট বণিক এবং শিল্প পতি হওয়ায় জনগণ বহু দ্রব্যই অপেক্ষাকৃত সস্তায় পাইত। এই ব্যবস্থায় নরনারীর পক্ষে আর্থিক হিসাবে যেমন লাভ স্বরমেণ্টের পক্ষেও তেমন লাভ সন্দেহ নাই।

জনগণের আর্থিক সুখ স্বচ্ছন্দতা দেখিবার জন্ত সাম্রাজ্যের অগ্র চেষ্টা ছিল। একটা নির্দিষ্ট সীমা ছাড়াইয়া মহাজনেরা টাকার উপর সুদ ঝাইতে পারিত না। শ্রোমান বলেন,—আথেসে সুদের হার ছিল শতকরা ১২ হইতে ১৮। মোর্ঘ্য গবমেণ্টের আইনে শতকরা ১৫ ছিল চরম।

জিনিষপত্রের দাম ঠিক করিয়া দেওয়া ও গবমেণ্টের ধাক্কার অন্তর্গত ছিল। অত্যধিক লাভ বাহাতে না থাকে অথচ ব্যাপারীরা এবং দোকানদারেরাও একদম মারা না যায় সেই দিকে দৃষ্টি রাখিয়া সরকার মূল্য নির্ধারণ করিয়া দিত।

এমন কি ধোবা, চিত্রকর, গায়ক, নর্তক, শিল্পী ইত্যাদি লোকের মজুরি বা বেতন এবং পারিশ্রমিক ও বাধাবিধির ভিতর নিয়ন্ত্রিত হইত।

“পাকুন সার্কভোমিকা” বা সার্কভোমিক শাস্তির ধুরন্ধরেরা হিন্দু নবনারীর আর্থিক জীবনকে সকল উপায়ে আইনের আওতায় আনিতে সচেষ্ট থাকিতেন। দেশের লোকের “স্বদেশ-সেবা”র প্রবৃত্তি অথবা সমাজ-হিতকর কাজের উপর ভর করিয়া থাকা মোর্ঘ্য বাদশাদের দস্তুর নম্র। সমাজকে পার্থিব সুখের পথে ঠেলিয়া তুলিবার জন্ত বাহা কিছু করা সম্ভব রাষ্ট্রের রাজস্ব বিভাগ সে সবেম্বলুঁকি লইত। ভারতীয় সার্কভোমদের “মোশালিষ্টিক” বোঁক,—যদিও “পিতৃতন্ত্রী” বটে,—সর্বদা চোখের সম্মুখে রাখিয়া হিন্দু রাষ্ট্রের “সরকারী গৃহস্থালী” আলোচনা করা আবশ্যিক।

“গরীবের মা-বাপ”

এই সঙ্গে আর একটা কথা মনে রাখা দরকার। ফরাসী বিপ্লবের সম সম কাল পর্যন্ত ফ্রান্সের রাজস্ব ব্যবস্থায় “বড় লোকদের জুলুম” চলিত সুব বেশী। সরকারী ধন ভাণ্ডার পুষ্ট হইত এক মাত্র গরীবের রক্তে।

পয়সাওয়ালা লোকেরা এক প্রকার “নিষ্কর” ভাবে জীবন ধারণ করবার ব্যবস্থা পাইত। কোটিল্যের ব্যবস্থায় সেটি হবার জো নাই। মোর্ঘ্য রাজস্বের আইনে গরীবের উপর বড় লোকের অত্যাচার ঘটবার সম্ভাবনা ছিল না।

বরং পয়সাওয়ালাদের বম হইতেছেন কোটিল্য এইরূপই বুঝা যায়। পর্যাবৃত্ত এবং নস্তিকজীবী শ্রেণীর কোনো লোক বিনা করে চলা ফেরা করিতে পারিত না। বাহারা নাচিয়া গাহিয়া বাজাইয়া পয়সা রোজগার করে তাহারা ও ৫ পণ অর্থাৎ ৩৬০ করিয়া সরকারকে দিতে বাধ্য হইত। তবে এই হারটা মাসিক কি বার্ষিক বুঝা মুশ্কিল।

রোমাণ সাম্রাজ্যে কালিগুলার আমলে বেশাদের উপর কর স্থাপিত হইয়াছিল। এই বেশ্যা-কর অর্থশাস্ত্রেও সুবিদিত।

বেখানেই রোজগার সেই খানেই কর। এই হইতেছে মোর্ঘ্য সার্কভোমদের রাজস্ব-নীতি। কাজেই বড় লোকদের উপর চাপ বেখানেই সেখানে যখন তখন দেখিতে পাওয়া যায়। সঙ্গে সঙ্গে কোটিল্যকে গরীবের “মা বাপ” বিবেচনা করা চলিতে পারে।

“আপদর্শ্মে”র রাজস্ব

পয়সাওয়ালাদের উপর সাম্রাজ্যের জুলুম বিশেষ ভাবে দেখিতে পাই “আপদর্শ্মে”র বেলায়। লড়াই অথবা অগ্র কোনো আপদ বিপদ উপলক্ষে বড় লোকের ষাড় ভাঙিয়া টাকা আদায় করিবার সকল প্রকার পন্থাই “অর্থশাস্ত্রে” আবিষ্কৃত হইয়াছে। বর্তমান জগতের ওস্তাদেরা কোটিল্যকে এই সকল “আবিষ্কার” সম্বন্ধে “জগদগুরু” বিবেচনা করিবেন।

জল-কর সমেত ভূমি-কর মাঝুলি অবস্থায় ছিল ফসলের শতকরা ৪০ হইতে ৫৭ অংশ। “আপদর্শ্মে”র ব্যবস্থায় হার যথেষ্ট বাড়াইবার

উপদেশ আছে। শূয়র, মুর্গা ইত্যাদি ঘাহারা পালন করে তাহারা আধা-
আধি সরকারকে দিতে বাধ্য। হীরা, বোড়া, হাতী ইত্যাদির ব্যাপারী-
দের নিকট হইতে নগদ ৫০০ পণ বা ৩৭৫-আদায় করা হইত। এই
ধরণের নগদ আদায় করা হইত বস্ত্রব্যবসায়ীদের নিকট হইতে ও। এমন
কি মুদী, পসারী, সরাইওয়লা এবং মামুলি দোকানদারেরা ও ৫০ পণ বা
৩৬ দিতে বাধ্য হইত।

“আপদ্রম্ভ”র অন্ততম করাদায় ঘটত মন্দিরাদি দেবালয় হইতে।
আথেসেও এই ধরণের “মন্দির-লুটে”র কথা স্ত্রোমানের গ্রন্থে শুনিতে পাওয়া
যায়। মৌর্য বাদশারা মন্দির লুটে ইতস্ততঃ করিতেন না। গ্রীক
আর হিন্দু চিত্ত “আধ্যাত্মিক” হিসাবে একরূপ সন্দেহ নাই!

অধিকন্তু “প্রণয়” ভিক্ষা করিয়া সার্বভৌমেরা পয়সাওয়ালা লোকজনের
নিকট হইতে “বেচ্ছায় দান” সংগ্রহ করিতে অভ্যস্ত ছিলেন। ডোরেল
প্রণীত “বিলাতী করপ্রথার ইতিহাস” গ্রন্থে (লণ্ডন ১৮৮৪) ইংরেজ
সমাজে “বেনেহ্বালন্স” অর্থাৎ “প্রণয়ের দান” বিষয়ক অঙ্ক দেখিতে পাই।
কৌটিল্য ইংরেজ রাজস্ব-ধুরন্ধরগণেরই “এক গেলাসের ইরার” বটে।

কৌটিল্য স্বর্ণ-পতিদিগকে টাকা “বমন” করাইবার ফিকির ও
জানেন। আর তাহাদিগকে “কর্ষণ” করা ত “অর্থশাস্ত্রে”র মামুলি
কথা। আথেস রাষ্ট্রের ধনী লোকেরা অনেক সময়ে “লিতুর্জি” এবং
“আইসফোরা” নামক বিশেষ বিশেষ কর বহিতে বাধ্য হইত। মৌর্য
ভারতেরও পয়সাওয়ালা লোকদের ধনদৌলত ঠিক এই রূপেই লুটিয়া
দেশের কাজে লাগাইবার চেষ্টা চলিত। হিন্দু রাষ্ট্রের গড়ন বুঝিবার
জ্ঞান “ধনীর উপর জনসাধারণের জুলুম” অথবা “নষ্টাঙ্কে” ধনবানের দায়িত্ব
ইত্যাদি বস্তু জানিয়া রাখা কর্তব্য।

পঞ্চম পরিচ্ছেদ

পররাষ্ট্র বিভাগ (আবাপ)

আমদানি-শুল্ক ও পাসপোর্ট

সরকারী আয়ব্যয়ের আলোচনায় “আমদানি-শুল্ক” কথা উল্লেখ করা
হইয়াছে। দেশী লোকজনের সঙ্গে বিদেশীদের কারবার চলিত এইরূপ
বুঝিতে হইবে। “বহির্বাণিজ্য” সম্বন্ধে এই জন্তই হিন্দুরাষ্ট্রের কতকগুলো
স্বতন্ত্র আইন ছিল। “কাষ্টম-আফিস” প্রাচীন ভারতের এক
বড় কক্ষকেন্দ্র।

ব্যবসা ছাড়া অস্ত্রাস্ত্র ক্ষেত্রেও বিদেশের সঙ্গে লেনদেন ঘটিত। বিদ্যা-
যাত্রা, তীর্থযাত্রা ইত্যাদি উপলক্ষ্যে “সামাজিক” ভাবে দেশ “দেখা”র
রেওয়াজ ছিল। “পাসপোর্ট” ইত্যাদির আইন হইতে এইরূপই বুঝিয়া
রাখা কর্তব্য।

“বিদেশ”

হিন্দুরাষ্ট্রের পক্ষে “বিদেশ” বলিলে প্রথমতঃ বুঝিতে
ভারতবর্ষের ভিতরকার নানা জনপদ। ভারতের এক অঞ্চলের লোক
ব্যবসার জন্ত বা অস্ত্র কিছুর জন্ত অস্ত্রাস্ত্র অঞ্চলে গেলে “পররাষ্ট্র-বিভাগের”
আইন অনুসারে তাহাদের চলাফেরা নিয়ন্ত্রিত হইত। অবশ্য ভারতের
বিভিন্ন অঞ্চল যে যে যুগে বা যে যে আমলে এক রাষ্ট্রের অন্তর্গত সেই সেই
ক্ষেত্রে আমদানি-শুল্কের আইন অথবা পাসপোর্টের আইন খাটিত নাই
একথা সহজেই বোধগম্য। তবে কাষ্টম-আফিস আর পুলিশ আফিসের
সার্টিফিকেট সর্বদাই দরকার হইত।

“বিদেশ” বলিলে দ্বিতীয়তঃ বুঝিতে হইবে ভারতের ভৌগোলিক চতুঃসীমার বহির্ভূত দেশ সমূহ। ভারতের ভৌগোলিক চৌহদ্দি বলিলে কি বুঝিব? মৌর্য আমলে গোটা আফগানিস্তান এবং বেলুচিস্তান ভারতীয় রাষ্ট্রের অন্তর্গত ছিল। কুষাণ আমলে হিন্দু সাম্রাজ্যের উত্তর সীমানা গিয়া ঠেকিত আফগান মুল্লুক ছাড়াইয়া মধ্য এশিয়ার চীনা খুঁটা পর্য্যন্ত। অপর দিকে সাগর পথে লক্ষা এবং আরব সাগরের ও বঙ্গ সাগরের দ্বীপপুঞ্জ ও চোল আমলে হিন্দুরাষ্ট্রের অন্তর্গত ছিল।

কাজেই এই সকল ক্ষেত্রে “বিদেশ” বলিলে প্রথমতঃ বুঝিতে হইবে চীন এবং পশ্চিম এশিয়া (অর্থাৎ পারশ্ব ও তুর্কী ইত্যাদি পার্শ্ববর্তী মুল্লুক)। দ্বিতীয়তঃ দূরদেশের গ্রীস, মিশর এবং রোমও হিন্দুরাষ্ট্রের পক্ষে বিদেশ সন্দেহ নাই। অপর দিকে ব্রহ্মদেশ, ববদ্বীপ, কাষোডিয়া, জাপান ইত্যাদি এশিয়ার মুল্লুকগুলা এবং সঙ্গে সঙ্গে আফ্রিকার প্রান্তর, জাপান ইত্যাদি এশিয়ার মুল্লুকগুলা এবং সঙ্গে সঙ্গে আফ্রিকার উপকূল এবং মাদাগাস্কার ইত্যাদি দ্বীপপুঞ্জও হিন্দুরাষ্ট্রের বিদেশী কর্ম্মশুল।

আমদানি-শুল্ক এবং পাসপোর্টের আইন কানুন ভারতীয় এবং স্ব-ভারতীয় সকল বিদেশ সম্বন্ধেই কায়েম করা হইত। “হুনিয়ার” প্রায় সকল দেশের সঙ্গেই হিন্দু নরনারীর কারবার, লেনদেন এবং মাথামাফি প্রতিষ্ঠিত ছিল। খৃষ্ট-পূর্ব চতুর্থ শতাব্দী হইতে খৃষ্টীয় ত্রয়োদশ শতাব্দী পর্য্যন্ত বিশ্বের বাণিজ্য বিষয়ক ইতিহাস সম্বন্ধীয় যে কোনো করাসী জাশ্মান বা ইংরেজি গ্রন্থে তাহার পরিচয় পাওয়া যায়। শ্রীযুক্ত রাধাকৃষ্ণন বা ইংরেজি তাঁহার “ভারতীয় নৌশিল্প” নামক ইংরেজি গ্রন্থে এই বিষয়ে সুখোপাধ্যায় তাঁহার “ভারতীয় নৌশিল্প” নামক ইংরেজি গ্রন্থে এই বিষয়ে কিছু কিছু তথ্য দিয়াছেন।

আন্তর্জাতিক লেনদেন

এই গেল খাটি রাষ্ট্রনৈতিক কর্ম্মগতীর বহির্ভূত লেনদেনের কথা। রাষ্ট্রে রাষ্ট্রে “সরকারী” লেনদেন ও চলিত। এই সকল “আন্তর্জাতিক”

আনাগোনাকে আজকালকার পরিভাষায় “ডিপ্লোম্যাটিক”, “ইন্টারন্যাশনাল” বা “আন্তর্জাতিক” বলে। হিন্দুরাষ্ট্রের “পর-রাষ্ট্রবিভাগ” এই সমুদয় লেনদেন ও সামলাইতে অভ্যস্ত ছিল। ভারতীয় পরিভাষায় তাহার নাম “আবাপ”। বরোআ লেনদেনকে বলে “তস্ত”। মুদ্রারক্ষস, শিশুপালবধ ইত্যাদি গ্রন্থে এই দুই শব্দের প্রয়োগ দেখিতে পাওয়া যায়। বর্তমান গ্রন্থে রাষ্ট্রের শাসন-প্রণালী বিবৃত হইতেছে। হিন্দু সমাজের সাম্রাজ্য শাসন বুঝিবার জন্ত ডিপ্লোম্যাটিক বা পররাষ্ট্রবিভাগের কার্য পরিচালনা বুঝা দরকার। তাহা না হইলে হিন্দুরাষ্ট্রের গড়ন সম্বন্ধে পুরা পুরি জ্ঞান অন্নিতে পারে না।

কিন্তু এই “আবাপ” বিষয়ে তথ্য এক প্রকার নাই বলিলেই চলে। মেগাস্থেনিস বলিয়াছেন যে, পাটলিপুত্রের নগরশাসকদের এক “উপসভা” ছিল। তাহার ধাক্কা ছিল বিদেশীদের “ধিতমত” করা এবং তাহাদের উপর নজর রাখা ইত্যাদি। চোলমণ্ডলের “লিপি”-সাহিত্যে জানা যায় যে, রোমাণ বণিকদের জন্ত নগরের নির্দিষ্ট স্থানে বসতবাড়ি রাখা হইত। ঠিক এইরূপই দেখিতে পাই ইতালির ফ্লোরেন্স নগরের “তুর্ক ভবন” “বার্থাণ ভবন” ইত্যাদি।

এই ধরনের অন্তঃ সংবাদ ও কিছু কিছু জুটে। তবে এই গুলার কোনোটাই আসল “পাবলিক ল” অর্থাৎ শাসনবিষয়ক আইন সম্বন্ধীয় কথা নয়।

সন্ধি ও বিগ্রহ

পর-রাষ্ট্র বিভাগের কর্তা থাকিত কে? “লিপি” সাহিত্যের পরিভাষায় তাহাকে “সন্ধি-বিগ্রহিক” বলিতে হইবে। সন্ধি-বিগ্রহিকই ভারতীয় আবাপজ্ঞ বা আবাপ দক্ষদের সেবা বা শীর্ষস্থানীয় কর্ম্মচারী। সন্ধি এবং

বিগ্রহের জন্ত এই অমাত্যকে নাথা বানাইতে হইত। পাল সাম্রাজ্যের সাক্ষি-বিগ্রহিক বা “ডিপ্লোম্যাটিষ্ট” দর্ভপানি। একথা লিপির জ্বরে জানা গিয়াছে। বাণের “হর্ষ চরিত” গ্রন্থে অবন্তি নামক আর একজন সাক্ষি-বিগ্রহিকের কথা শুনিতে পাওয়া যায়। “স্বহৃৎ” নামক “সপ্তাঙ্গে”র অন্ততম অঙ্গকে চূড়িগ্না বাহির করা এবং তাঁহার তোআজ্ঞ করা বোধ হয় সাক্ষি-বিগ্রহিকেরই কাজ থাকিত।

রাষ্ট্রে রাষ্ট্রে “সরকারী” লেনদেন বলিলে প্রধানতঃ এই দুই চিহ্নই বুঝিতে হইবে। বর্তমান জগতে “ইন্টার্ন্যাশনাল” বলিলে রাষ্ট্র-পণ্ডিতেরা বুঝেন “পীস” বা শাস্তির সময়কার বিধি-ব্যবস্থা এবং দ্বিতীয়তঃ বুঝেন “স্ববু” অর্থাৎ লড়াইয়ের সময়কার আইন কাহ্নন। হিন্দুরাষ্ট্রের “পররাষ্ট্র বিভাগ” বুঝিবার জন্ত প্রথমেই জিজ্ঞাস্য, শাস্তির সময় রাষ্ট্রে রাষ্ট্রে লেনদেন চলিত কোন্ নিয়মে? দ্বিতীয় জিজ্ঞাস্য, রাষ্ট্রে রাষ্ট্রে লড়াই বাধিলে অথবা বাধিবার উপক্রম হইলে রাষ্ট্রপতির শত্রু, মিত্র এবং “উদাসীন” বা “মধ্যম” ইত্যাদি শ্রেণীর রাষ্ট্রের সঙ্গে কোন্ নিয়মে কারবার চালাইতেন?

“মণ্ডল” এবং “বিজগীষু”

এই সকল প্রশ্নের জবাব পাওয়া যায় না। মহাভারত রামায়ণের গল্প বর্তমান গ্রন্থে বর্জিত হইয়াছে। ধর্মসূত্র, ধর্মশাস্ত্র, নীতিশাস্ত্র ইত্যাদি শাস্ত্র-সাহিত্যের “উপদেশ”ও বাস্তব হিসাবে গ্রহণ করা চলে না বলিয়া বর্জনীয় বিবেচনা করা গিয়াছে। কোটিল্যের “অর্থশাস্ত্র”কে অনেক স্থানেই বর্তমান গ্রন্থে ঠাই দেওয়া সম্ভব হয় নাই।

এই সকল “সাহিত্য” প্রচুর তথ্য আছে। সেই সবকে আন্তর্জাতিক লেনদেন অথবা আন্তর্জাতিক আইন সম্বন্ধে হিন্দু দর্শন কিম্বা হিন্দু দর্শন-

নিকদের মত ও চিন্তাপ্রণালী বিবেচনা করিতে পারি। হিন্দু মগজের এক নয় গৌরবময় রাজ্য এই সাহিত্যে দেখিতে পাওয়া যায়।

আন্তর্জাতিক নীতি সম্বন্ধে হিন্দু দর্শনের প্রথম কথা “মণ্ডল” এবং “বিজগীষু”। এই সঙ্গে সঙ্গে “চার উপায়” এবং “ছয় গুণ” ইত্যাদি তত্ত্বও আলোচিত হইয়াছে। “ডিপ্লোমেন্সি”-দর্শনের আচার্যেরা বহুসংখ্যক কটমট পারিভাষিক শব্দ কায়ম করিতে অভ্যস্ত ছিলেন। সেই সমস্ত কথা আলোচনা করা বর্তমান গ্রন্থের বহির্ভূত।

আন্তর্জাতিক জীবনের কোনো কোনো কথা মাদ্রাজী পণ্ডিত শ্রীযুক্ত বিশ্বনাথ “মডার্ন রিহিবউ” পত্রিকার ১৯১৮ সালের এপ্রিল হইতে নবেম্বর সংখ্যায় আলোচনা করিয়াছেন। শ্রীযুক্ত নরেন্দ্র নাথ লাহা প্রণীত “ইন্টার-ষ্টেট রেলেশন্স ইন এন্থ্রোপলজি ইণ্ডিয়া” অর্থাৎ “প্রাচীন ভারতে আন্তর্জাতিক লেনদেন” গ্রন্থে [কলিকাতা, ১৯২০] কোটিল্যের মতামত প্রচারিত হইয়াছে।

বর্তমান লেখকের “পোলিটিক্যাল ইন্সটিটিউশন্স অ্যাণ্ড থিয়োরিজ অব দি হিন্দুজ্” অর্থাৎ “হিন্দুজাতির রাষ্ট্রীয় প্রতিষ্ঠান এবং রাষ্ট্র-দর্শন” নামক গ্রন্থের [লাইপৎসিগ, ১৯২২] এক অধ্যায়ে হিন্দু দর্শনের “আন্তর্জাতিক লেনদেন”-তত্ত্ব বিশ্লেষণ করা আছে। শ্রীযুক্ত কালিদাস নাগলে থিয়োরি ডিপ্লোমাতিক দ’ল্যাঁদু আঁসিয়েন এ লর্থশাস্ত্র” অর্থাৎ “প্রাচীন ভারতের আন্তর্জাতিক লেনদেন-তত্ত্ব সম্বন্ধে অর্থশাস্ত্র এবং অন্যান্য গ্রন্থের মত” নামক গ্রন্থে [প্যারিস ১৯২৩] হিন্দু মতামতের করা সীমাসংস্করণ পাওয়া যায়। জার্মান পণ্ডিত হিলেব্রাট ও তাঁহার “জার্মান ইণ্ডিশে পোলিটিক” অর্থাৎ “প্রাচীন ভারতীয় রাষ্ট্রনীতি” গ্রন্থে [সেনা ১৯২৩] শাস্ত্র-সাহিত্যের আন্তর্জাতিক তত্ত্ব আলোচনা করিয়াছেন।

রাষ্ট্রে রাষ্ট্রে সরকারী আনাগোনা

কিন্তু দর্শন, মত, আদর্শ, উপদেশ, চিন্তা ইত্যাদি বস্তু ইতিহাস নয়।
খাঁটি ঐতিহাসিক তথ্য হিসাবে উল্লেখযোগ্য কথা এই যে, সিরিয়া বা
পশ্চিম এশিয়ার গ্রীক ("হেলেনিষ্টিক") রাজা সেলিউকস মেগাস্থেনিসকে
নিজের প্রতিনিধি বা রাজদূত স্বরূপ চন্দ্রগুপ্তের নিকট পাঠাইয়াছিলেন।
কিন্তু মোর্ধ্য ভারত তখন কাহাকে নিজ প্রতিনিধি স্বরূপ পাঠাইয়াছিল
সে কথা জানা যায় না।

পরবর্তী কালে অশোকের প্রতিনিধিরা আফ্রিকার উত্তর-পূর্ব জনপদে,
ত্রিপোলি এবং আফ্রিকাতিক সাগরের উপকূলে, যুগোস্লাভিয়া, — ইত্যাদি
দূর-বিদেশী রাষ্ট্রে ও চলাফেরা করিয়াছেন সে কথা লিপিতে খোদা আছে।
কুশাণ বাদশার এক প্রতিনিধি খৃষ্টীয় প্রথম শতাব্দে রোমান বাদশা
ত্রাজানের দরবারে উপস্থিত ছিলেন একথাও শুনা যায়।

চীনের বাদশাদের সঙ্গে হিন্দুরাষ্ট্রের "সরকারী" লেনদেন চলিত।
কুমারজীব ইত্যাদি হিন্দু পণ্ডিতের এবং ফাহিয়ান, য়ুয়ান-চুয়াঙ্ ইত্যাদি
চীনা পণ্ডিতের যাওয়া আসার কথা বলা হইতেছে না। আসল রাজদূত-
বারের প্রতিনিধি-বিনিময় [?] সম্বন্ধে একটু আধটু প্রমাণ বাহির
হইয়াছে। ইংরেজ ঐতিহাসিক স্মিথের প্রাচীন ভারত বিষয়ক গ্রন্থে
এইরূপ অনুমান করা চলে। অন্ততঃ আন্দাজ করিবার ফাঁক
পাওয়া গিয়াছে।

হর্ষবর্জনের রাজ্যে শফর করিতে আসিয়াছিলেন প্রাগ্-জ্যোতিষ বা
আসামের রাজা। একথা মামুলি সামাজিক যোগাযোগের তথ্য নয়। এ
একটা "অন্তর্জাতিক" লেনদেনরই সাক্ষী। পুলকেশীর দরবারে পারশ্যরাষ্ট্র
বাসকর দূত ও হাজির ছিলেন জানা যায়।

এই সকল কথা রাষ্ট্রীয় ইতিহাসের অন্তর্গত। কিন্তু রাষ্ট্রীয় "ইতিহাস"
বর্তমান গ্রন্থের আলোচ্য বিষয় নয়। আলোচ্য বিষয় হইতেছে রাষ্ট্র-শাসন
এবং রাষ্ট্রের গড়ন।

অমাত্যদের ভিতর যিনি "ডিপ্লোম্যাটিষ্ট" বা সাক্ষি-বিগ্রহিক অর্থাৎ
আবাপ-দক্ষদের উপরওয়ালা তাঁহার সঙ্গে অত্যাঁত অমাত্যের এবং শাসনা-
ধ্যক্ষের লেনদেন আলোচনা করিতে পারিলেই হিন্দু রাষ্ট্রের পররাষ্ট্র
বিভাগের উপর আলোক ফেলা সম্ভব। স্বদেশে বিদেশী রাজ-প্রতিনিধি
গ্রহণ করা, বিদেশে নিজ প্রতিনিধি প্রেরণ করা, দেশে-বিদেশে "গুপ্তচর"
লাগাইয়া রাখা ইত্যাদি ধাক্কা পররাষ্ট্র বিভাগের কর্ম-গণ্ডীর ভিতর ছুঁ চিতে
হইবে। কিন্তু এই সকল লেনদেনের বাস্তব বৃত্তান্ত শাসন-বিজ্ঞানের তরফ
হইতে সম্প্রতি দেওয়া সম্ভব নয়।

ষষ্ঠ পরিচ্ছেদ

আইন-গঠন

মধ্যযুগের ইয়োরোপ

হিন্দু নরনারী আইন "তৈয়ারি" করিতে অভ্যস্ত ছিল কি? হিন্দু

ব্রাহ্মের গড়ন বুঝিবার জন্য এই প্রশ্নের জবাব দিতে হইবে।

আইন-বিজ্ঞান বা জুরিস্‌প্রুডেন্সের কতকগুলি পরিভাষা এই খানে আসিয়া জুটিতেছে। হু এক কথায় তাহার আলোচনা করিব।

ইংরেজ পণ্ডিত জেফ্‌স্‌ প্রণীত "ল অ্যাণ্ড পলিটিক্‌স্‌ ইন্‌ দি মিড্‌ল এজ্‌স্‌" অর্থাৎ "ইয়োরোপীয় মধ্য যুগের আইন ও রাষ্ট্রনীতি" নামক গ্রন্থ (লণ্ডন ১৮৯৮) আছে। ইনি দেখাইয়াছেন যে "সেকালে" ইয়োরোপের খৃষ্টিয়ানরা "ল" অর্থাৎ আইন "তৈয়ারি" করিতে জানিত না। সমাজে "প্রচলিত রীতিনীতি" অনুসারে রাষ্ট্রগুলি কাজকর্ম চালাইত। রীতি নীতিকে ফরাসীরা বলে "কুতুম্‌"। ইংরেজি নাম "কার্টম্‌"। ভারতীয় পরিভাষায় সেই বস্তু হইতেছে "চরিত্র"। কোটিল্য বলে:—'চরিত্রঃ সংগ্রহে পুংসাম্‌'।

ইয়োরোপ সম্বন্ধে এই মত দেখিতে পাই কার্টার প্রণীত "ল, ইট্‌স্‌ অরিজিন, গ্রোথ, অ্যাণ্ড ফাঙ্ক্‌শন" অর্থাৎ "আইনের উৎপত্তি, ক্রমবিকাশ এবং কন্স্‌" নামক গ্রন্থে ও (নিউ ইয়র্ক, ১৯০৭)। হিবলোবি প্রণীত "গবমেণ্ট অব দি মডার্ন স্টেট্‌স্‌" অর্থাৎ "বর্তমান জগতের রাষ্ট্রশাসন" নামক গ্রন্থ ১৯১৯ সালে বাহির হইয়াছে (নিউইয়র্ক)। আইন "তৈয়ারি" করা বর্তমান যুগের এক বিশেষত্ব। নেপোলিয়নের "কোড্‌" বা আইন-সংহিতা প্রতিষ্ঠিত হইবার পর হইতে ইয়োরোপীয়ানরা নিত্য নতুন "ল"

তৃতীয় অধ্যায়

২৮১

"ধর্ম্‌" "স্মৃতি" বা আইন কায়ম করিতে বুঁকিয়াছে। কিন্তু "কন্স্‌ নাপোলোনেজ্‌"র পূর্বেকার যুগে লোকেরা "কুতুম্‌", "কার্টম্‌" বা "চরিত্র" মানিয়া চলিত। এই সকল কথা হিবলোবি ও পরিষ্কার করিয়া বলিয়াছেন।

"চরিত্র" ("কার্টম্‌") বনাম আইন ("ল")

"কুতুম্‌" বনাম "ল" অর্থাৎ চরিত্র বনাম আইন সমস্তাটি অনুশাসন-বিজ্ঞানে চলিতেছে আজ প্রায় বৎসর পঞ্চাশেক ধরিয়। ইংরেজ পণ্ডিত মেইনের "নৃতত্ত্ব" আলোচনার এই কথা প্রথম ফুটিয়া উঠে। তাঁহার "আর্লি হিষ্টরি অব ইন্সটিটিউশন্স্‌" অর্থাৎ "প্রতিষ্ঠানের প্রাচীন ইতিহাস" প্রকাশিত হয় ১৮৭৫ সালে। তাহার পূর্বেই "এন্শ্‌শেট ল" বা "প্রাচীন আইন" নামক গ্রন্থ বাহির হইয়াছিল (১৮৭০)। এই সঙ্গে তাঁহার "হিবলেজ কমিউনিটিজ্‌" অর্থাৎ "পল্লীকেন্দ্রের যৌথ সমবায়" গ্রন্থও প্রকাশিত হয় (লণ্ডন ১৮৭৬)।

মেইনের তুলনামূলক আলোচনার ফলে প্রথম প্রতিষ্ঠিত হয় যে "সেকাল বনাম একাল" সমস্তার আসল কথা "কার্টম্‌ বনাম ল" অর্থাৎ "চরিত্র বা রীতিনীতি বনাম আইন"। মেইনের দ্বিতীয় সিদ্ধান্ত নিম্নরূপ— "সেকাল বনাম একাল" হইতেছে "ষ্ট্যাটাস বনাম কন্ট্রাক্ট্‌" অর্থাৎ "স্থিতি বনাম চুক্তি" এক কথায় "গতানুগতিকতা অর্থাৎ গতির অভাব বনাম স্বাধীনতা অর্থাৎ স্বচ্ছন্দ গতিশীলতা"।

প্রাচীন জগৎ বলিলে মেইন গ্রীস রোম এবং ভারত বুঝিতেন। পল্লী-জীবনের অনুষ্ঠান প্রতিষ্ঠান আলোচনা করা তাঁহার এক বড় ধাক্কা ছিল। তুলনামূলক রাষ্ট্রবিজ্ঞান, তুলনামূলক ইতিহাস ইত্যাদি বিচার প্রথম ধাপে মেইনের হাতেই অনেকটা গড়িয়া উঠিয়াছে।

অনুশাসন-বিজ্ঞানবিৎ মেইনের অসম্পূর্ণতা

মেইন যে ধূআ ধরাইয়া গিয়াছেন সেই ধূআ অনুসারেই এখনো জগতের বহু লোক চলিতেছে। মেইন বলিয়াছেন হিন্দুজাতি আইন তৈয়ারি করিতে জানিত না। এই কথাই দেশী বিদেশী আইন-পণ্ডিতেরা প্রাচীন ভারত সম্বন্ধে প্রচার করিয়া আসিতেছেন। শ্রীযুক্ত প্রমথ নাথ বন্দ্যোপাধ্যায় প্রণীত “পাব্লিক অ্যাডমিনিস্ট্রেশন ইন এনশ্বেন্ট ইণ্ডিয়া” অর্থাৎ “প্রাচীন ভারতের রাষ্ট্রশাসন” নামক গ্রন্থে (লণ্ডন ১৯১৭) সেই মতেরই অত্যন্ত মায় দেওয়া দেখিতেছি।

কিন্তু মেইনের মত গ্রহণীয় নয়। খৃষ্ট পূর্ব চতুর্থ শতাব্দী হইতে খৃষ্টীয় ত্রয়োদশ শতাব্দীর ভারতে যে সকল রাষ্ট্র মাথা তুলিয়াছিল সেই সকল রাষ্ট্র মেইনের পরিভাষা মার্কিক “প্রাচীন” নয়। “প্রাচীন” শব্দে মানব জাতির অসংখ্য স্তর বা ধাপ বুঝিতে হইবে। সেই সকল বিভিন্ন ধাপের কথা মেইনের আমলে নৃতত্ত্ববিদগণের মাথায় প্রবেশ করা সহজ ছিল না। মেইনের সিদ্ধান্ত গুলো যাহারা হুবহু নকল করিয়া চলিতেছেন তাহারা আজ ও ঊনবিংশ শতাব্দীর মধ্য ভাগের বিজ্ঞান-মণ্ডলেই জীবন ধারণ করিয়া থাকেন। বিংশ শতাব্দীর সমাজ-বিজ্ঞান মেইন এবং তাহার সামসাময়িক পণ্ডিতগণকে বাতিল বিবেচনা করিবে।

ভারতের তদ্রূপ হইতে মেইন যে বাতিল তাহার প্রমাণ বর্তমান গ্রন্থে প্রচারিত রাষ্ট্রীয় এবং রাষ্ট্র-শাসন বিষয়ক তথ্য সমূহ। গড়ন-বিজ্ঞানের আলোকে যাহারা হিন্দুরাষ্ট্রের বিভিন্ন অঙ্গের হাড় মাস শিরা নাড়ী এবং রক্তের স্রোত দেখিতে চেষ্টা করিবেন তাহানাই বুঝিবেন যে মেইনের “প্রাচীন” আদমি নয়, চোলেরা ও মেইনের প্রাচীন ছনিয়া হইতে বহু দূরে সরিয়া আসিয়াছে। অধিকাংশ স্থলেই মৌর্য-চোল ভারতের হিন্দু নন্দনারী কটুর “আধুনিক”।

অষ্টিনের “ল” (কৌটিল্যের “রাজ্যমাজ্জা”)

আইনের মাপকাঠি লাগাইয়া বিষয়টা পরিষ্কার করিতে চেষ্টা করিব। হিন্দুরাষ্ট্রের পরিচালনায় আইনের ঠাই কতখানি ছিল? আর রীতিনীতি, দেশাচার, লোকাচার, চরিত্র ইত্যাদির ঠাইই বা কিরূপ? বলা বাহুল্য অত্যাশ্চর্য ফলের মতন এই ক্ষেত্রেও ঐতিহাসিক প্রমাণ জাহির করা কঠিন। কিন্তু ১৯২৪ সালে এই আলোচনায় প্রবেশ করা একদম অসম্ভব নয়।

“ল” বা আইন কাহাকে বলে? ভিন্ন ভিন্ন যুগে বিভিন্ন দেশে “ল” বস্তু সম্বন্ধে বিভিন্ন মত জারি ছিল। “জুরিস্-প্রুডেন্স” বিষয়ক যে কোনো আইন বিজ্ঞান সম্বন্ধীয় বিদেশী গ্রন্থে তাহার বিশ্লেষণ আছে। বর্তমান গ্রন্থকারের “পোলিটিক্যাল ইনস্টিটিউশ্যন্স অ্যাণ্ড থিয়োরিজ অব দি হিন্দুজ” নামক গ্রন্থের এক অধ্যায়ে হিন্দুদর্শনের আইন-বিষয়ক মতামত আলোচিত হইয়াছে। সে সকল কথা এ ক্ষেত্রে তোলা হইবে না।

মেইন যাহাকে “আইন” বলেন তাহার আসল দার্শনিক জন্মদাতা অষ্টিন। বর্তমান পরিচ্ছেদে আইন সম্বন্ধে সেই পারিভাষিক ব্যাখ্যাই লওয়া হইয়াছে। দেশের লোকের পছন্দ হউক বা না হউক, রাজশক্তি, সরকার, বাদশা বা রাষ্ট্র যে সকল নিয়ম সমাজে প্রচারিত করে সেই সবই আইন, “ল” বা “ধর্ম”। অধিকন্তু, সমাজের যে সকল নরনারী এই সব বাদশাহী, সরকারী বা রাজ-শক্তির প্রচারিত নিয়ম লঙ্ঘন করে তাহারা দণ্ডনীয়। এই দুই তথ্য হইতেছে অষ্টিনের মতে আইনের প্রাণ।

অষ্টিনের আইন-তত্ত্ব অতি পরিষ্কাররূপে হিন্দু দার্শনিক মহলেও প্রচারিত ছিল। কৌটিল্যের কথায় তাহার নাম “রাজ-শাসন”। রাজ্য-মাজ্জা তু শাসনম্”। আদালতে যত প্রকার আইন চলিত তাহার বিভিন্ন

“রাজ্যমাজা” (বাদশার হুকুম) অত্যন্ত। অষ্টিন “রাজ্যমাজা” বস্তুটাকেই “কমাও অব দি ষ্টেট” বলিয়াছেন।

হিন্দু আইনের সংগ্রহালয়

এইবার হিন্দুরাষ্ট্রের গলিঘোঁচে “রাজ্যমাজা” টুটিয়া বেড়াইব। মেগাস্থেনিস বলিয়া গিয়াছেন যে, পাটলিপুত্রের নগরশাসকেরা লোকজনের নাম ধাম, আর ব্যয় ইত্যাদি সবই টুকিয়া রাখিত। প্রত্যেক দপ্তরেরই কাগজপত্র সংগৃহীত হইত,—“অর্থশাস্ত্রে” এইরূপ “আন্দাজ” করা চলে। শূরান-চুয়াঙ্ হর্ষবর্দ্ধনের রাজ্যে নীলপিট নামক দলিল দেখিয়া ছিলেন। এই সকল দলিলে দেশের আপদ বিপদ স্ব-কু ইত্যাদি বিষয়ক ঘটনা বিবৃত হইত। চোলমণ্ডলে ও বাদশাদের আদেশ-বহি নামক কেতাব ছিল। এই সব কেতাবের জগৎ স্বতন্ত্র দপ্তরখানা ও ছিল। “লিপি”-সাহিত্যে এইরূপ জানিতে পারি।

কিন্তু না পাওয়া গিয়াছে মৌর্যভারতের তথ্য-তালিকা, না পাওয়া গিয়াছে হর্ষবর্দ্ধনের নীলপিট আর না পাওয়া গিয়াছে চোলসাম্রাজ্যের “আর্খিভ্”। কাজেই হিন্দুরাষ্ট্রে “রাজ্যমাজা” শ্রেণীর আইন ছুঁচিব কোথায়?

ছুনিয়ার আইন-সাহিত্যে “স্মৃতিশাস্ত্রের” ঠাই

প্রথমটা শুনিবামাত্রই পণ্ডিত অপণ্ডিত সকলেই ঝাঁ করিয়া বলিয়া দিবেন,—“কেন? সে ত অতি সোজা কথা। ধর্মসূত্র, ধর্মশাস্ত্র, স্মৃতিশাস্ত্র ইত্যাদি শাস্ত্রগুলো সবই ত আইন।” আজকাল আবার কেহ কেহ হয়ত এই সঙ্গে জুড়িয়া দিতে রাজি হইবেন অর্থশাস্ত্র, নীতিশাস্ত্র ইত্যাদি শ্রেণীর সাহিত্য ও।

[১]

আজ পর্য্যন্ত দেশী-বিদেশী পণ্ডিতেরা এই মত অনুসায়েই আলোচনা চালাইয়া আসিতেছেন। কিন্তু বর্তমান গ্রন্থে বরাবর এই রীতির বিরুদ্ধে প্রতিবাদ চালানো হইতেছে। প্রতি পদেই জিজ্ঞাসা করিতেছি;— “গৌতমের ধর্মসূত্রকে ভারতের কোন্ কোন্ বাদশা ‘ন্যাণ্ডটেনিওর’ বা ভূমি-বিধান, ‘পেনাল কোড’ বা দণ্ড-বিধি, ‘ল অব্ কন্ট্রাক্ট্’ বা চুক্তির আইন সম্বন্ধিতেন? গুপ্ত সম্রাটেরা মনুসংহিতাকে আর্ধ্যাবর্তের ‘রাজ্যমাজা’ বিবেচনা করিতেন কি? চোলমণ্ডলের কোনো আমলে কামন্দকু বৃহস্পতি বা শুক্রাচার্যের শাস্ত্রগুলোকে মাত্রাজীদের জগৎ ‘দণ্ড’-নিয়ন্ত্রিত ‘রাজ্যশাসন’ রূপে জারি করা হইয়াছিল কি?”

তাহার প্রমাণ যদি না পাওয়া যায় তাহা হইলে রোমান বাদশা স্মৃতিনিয়ান (খৃঃ অঃ ৫২৬-৫৬৫) যে সকল পুরাণা “রাজ্যমাজা” সংকলন করাইয়া ছিলেন এবং যে সকল আইন নিজে জারি করিয়াছিলেন সেই সমুদয়ের সঙ্গে ভারতীয় “শাস্ত্র” গ্রন্থের নাম উল্লেখ করা সম্ভব নয়। স্মৃতিনিয়ানের সংকলনকে বলে “দিজেস্ত্” আর “স্ট্রট্”কে বলে “ইনস্টিটিউৎ”।

রোমান বাদশার “রাজ্যমাজা” জারি করিতেন। তাঁহারাই সেইনের “প্রাচীন” ঘরের লোক নন। কিন্তু মধ্যযুগের ইয়োরোপে “রাজ্যমাজা” কাণ্ড বড় বেশী দেখিতে পাওয়া যায় না। এই প্রভেদ ম্যাকেঞ্জি-প্রণীত “ষ্টাডিজ ইন রোমান ল” অর্থাৎ “রোমান আইন বিষয়ক সংবেশা” (এডিনবারা ১৮৬২), টেলর প্রণীত “মিডিল্যান মাইণ্ড্” অর্থাৎ “মধ্যযুগের মানবচিত্ত” (লণ্ডন ১৯১১) ইত্যাদি গ্রন্থে সহজেই স্বরিতে পারি। অগ্গাণ্ড গ্রন্থ পূর্বেই উল্লিখিত হইয়াছে।

[২]

তবে মধ্যযুগের ইয়োরোপীয়ানরা নানা নামে কতকগুলো "সংহিতা" প্রচার করিয়াছিল। জার্মানির শ্রাক্সন এবং স্বাভিয়ার জাতীয় নরনারীর মধ্যে "স্পীগেল" অর্থাৎ "দর্পণ" বা আয়না নামক কতকগুলো সংগ্রহ জারি হয়। এই খত জার্মান ভাষায় লেখা। ইতালির লম্বার্ড জাতি এবং ফ্রান্সের নরম্যান জাতি যে সকল সংগ্রহ প্রকাশ করে তাহাদের নাম এবং তথ্য ল্যাটিনে প্রচারিত। ভারতীয় সংস্কৃতির মতন সে যুগের ইয়োরোপে ল্যাটিনেরই জয়জয়কার চলিত সকল ক্ষেত্রে।

ইংরেজ সমাজে কতকগুলো আইন সঙ্কলিত হয়। এই গুলি ও ল্যাটিন ভাষায়ই প্রণীত। সঞ্চলন-কর্তার নাম ব্রাক্টন। ফ্রান্সের কোনো কোনো জনপদে ব্যোমানোআর কতকগুলো "কুতুম" ফরাসী ভাষায় সংগ্রহ করেন।

এই সকল সংগ্রহের পশ্চাতে যুক্তিনিয়ানের "দিজেস্ত"-সংহিতার আদর্শ বিরাজ করিতেছিল। খাঁটি "রাজ্যমাজা" হউক বা না হউক দেশের লোকে যে সকল রীতি নীতি মানিয়া চলিত তাহার একত্র সমাবেশ দেখিবার জন্য জমিদার বা রাজাদের যৌক ছিল। কার্লাইন প্রণীত "মিডিস্ব্যাল পোলিটিক্যাল থিয়োরি ইন্ দি স্ক্লেট" অর্থাৎ "পাশ্চাত্য মধ্যযুগের রাষ্ট্রদর্শন" [লণ্ডন. ১২০৩-১২১৫] এবং হ্বাল্শ-প্রণীত "ত্রয়োদশ শতাব্দী" [নিউ ইয়র্ক ১২০৭] ইত্যাদি গ্রন্থে এই সকল সংহিতার উৎপত্তি-কথা জানিতে পারি।

ব্রাক্টন-নীতি, ব্যোমানোআর-স্মৃতি অথবা স্পীগেল-শাস্ত্র ইত্যাদি সাহিত্যের আইনগুলোকে অষ্টিনের আইন বলা হইবে না। যুক্তিনিয়ানের "ইন্সটিটিউশ" এবং "দিজেস্ত" সংহিতার ইচ্ছা ও এই সকল সংগ্রহের নাই। তবে ইয়োরোপের খৃষ্টীয়ানরা "ফিউদাল" যুগে কোন্ কোন্ নিয়ম

"শিষ্ট"দের মত বা "সদাচার"-সঙ্গত বিবেচনা করিত তাহার সনতারিখ-সম্বন্ধিত সাক্ষী হিসাবে এই গুলার দাম আছে।

কিন্তু সনতারিখ-সম্বন্ধিত রাজ-সংগ্রহের ইচ্ছা না আছে গৌতম-আপস্তম্বের, না আছে কোটিল্য-মহুর। গৌতম হইতে শুরু পর্যন্ত অত্যেক ভারতীয় ব্র্যাক্টন বা ব্যোমানোআরই আইন-বিভাগের ইতিহাসে এক একটি বিপুল সমগ্র। "শাস্ত্র"-বিবৃত তথা কথিত "ঘষ্ঠাংশ" মোর্চ্য ও চোল রাজস্ব সম্বন্ধে খাটে না। এই তথ্যের মতন অগ্রাণ্ড তথাও সমগ্রকে জটিল করিয়া তুলিয়াছে।

চোল রাজ্যমাজার দিজেস্ত.

তাহা হইলে ভারতীয় "রাজ্যমাজা"র সংগ্রহ পাওয়া যাইবে কোথায় হইতে? "লিপি" সাহিত্য তন্ন তন্ন করিয়া আলোচনা করিতে শুরু করিলে হিন্দুরাষ্ট্রের বাস্তব আইন কিছু কিছু নজরে আসিতে পারে বলিয়া বিশ্বাস করি।

পল্লীশাসন উপলক্ষ্যে চোল বিধান উল্লেখ করা গিয়াছে। উহাকে বর্তমান জগতের সুপরিচিত "লোক্যাল সেল্ফ গভর্নমেন্ট অ্যাক্ট" অর্থাৎ জনপদ-গত বা স্থানীয় স্বরাজ আইন বিবেচনা করিতে পারি।

শাসনাধ্যক্ষ বিষয়ক পরিচ্ছেদে জমি জরীপ সম্বন্ধে চোল বিধান দেখিয়াছি। এই বিধান ও "রাজ্যমাজা" ছাড়া আর কিছু নয়। ১৮৬ খৃষ্টাব্দের আইনে যে হারে সদর খাজনা ধার্য করা হইয়াছে সেই হার তুলিয়া দ্বিবার জন্ম ১০৮৬ খৃষ্টাব্দে আবার আইন জারি হয়। সেই আইনে গোল্ড সাম্রাজ্যের "ল্যাণ্ড টেনিওর" স্থিরী-কৃত হয়।

এই সব কাণ্ডকে "চরিত্র," "কুতুম," "কাষ্টম" বা সমাজে প্রচলিত রীতিনীতির ইচ্ছা রক্ষা করা বিবেচনা করিলে তুল বুঝা হইবে। বর্তমান

জগতের অষ্টিন-পন্থী রাষ্ট্রে যে ধরণে এবং যে আদর্শে জমিজমা, করাদায় ইত্যাদির বন্দোবস্ত করা হইয়া থাকে রাজরাজ এবং কুলোত্তম ঠিক সেই পন্থের পথিক ছিলেন।

সরকারী আয়ব্যয় আলোচনা করিবার সময় করাদায় হইতে রেহাই দেওয়ার ব্যবস্থা ও দেখিয়াছি। চোল সাম্রাজ্যের অন্তর্গত এই “স্বাধীনতার মূল্য” ও হিন্দু জাতির আইন “তৈয়ারি” করার নিদর্শন।

ত্রয়োদশ বা চতুর্দশ শতাব্দীর কোনো হিন্দু বা মুসলমান বাদশা রোমান শাস্ত্রনিয়ানের আদর্শে দক্ষিণ ভারতে প্রচলিত চোল আইনগুলার সংহিতা তৈয়ারি করাইতে চাহিলে তাহাদিগকে তামিল ভাষায় অভিজ্ঞ কয়েকজন উকিল বাহাল করিতে হইত। এই সকল উকিলের চেষ্টায় যে “দিক্বেস্ত” বা “রাজ্যমাজ্জার” সংগ্রহ গড়িয়া উঠিবার কথা তাহার ভিতর পূর্বোক্ত তিন চারটা আইনের ঠাই অবশ্যস্বাবী।

সব গুলাই বাদশার হুকুমে জারি। আর প্রত্যেকটার সঙ্গেই দণ্ডের অর্থাৎ অষ্টিন-প্রচারিত “সাক্ষ্যনের” বিধান আছে। এই ধরণের হিন্দু আইন “এপিগ্রাফিয়া জেলানিকা” অর্থাৎ “সিংহলের লিপি-সাহিত্য নামক পত্রিকার এখানে ওখানে ও কতকগুলি আবিষ্কার করা সম্ভব। এই আইন গঠনে বাদশার সঙ্গে সঙ্গে মন্ত্রীদেব অথবা জনগণের “প্রতিনিধির” হাত কতটা ছিল তাহার আলোচনা স্বতন্ত্র।

অশোক-সংহিতায় নবীন প্রবীণ

(১)

মৌর্য সম্রাট অশোক ছিলেন “প্রপাগাণ্ডিষ্ট” অর্থাৎ স্বদেশী বক্তা বা প্রচারক। হুনিয়ার সর্বত্র নানা প্রকার “হিতোপদেশ” ছড়ানো তিনি

নিজের অন্ততম ব্যবসা বিবেচনা করিতেন। এই সকল বক্তৃতা পাহাড়ের গায়ে পিঠে এবং থাণ্ডার গায়ে অমর হইয়া রহিয়াছে।

অশোকের লিপি-সাহিত্যে একটু আধটু আইনের অর্থাৎ “রাজ্যমাজ্জার” ছিটে ফেঁটা পাওয়া যায়। অন্ততঃ পক্ষে অনুশাসনগুলার ভিতর বাদশাহী “হুকুমের” দাগ ছুঁচিয়া পাওয়া অসম্ভব নয়।

চতুর্থ স্তম্ভ-লিপিতে দেখিতে পাই [খৃঃ পূঃ ২৪৩],—মৃত্যুদণ্ডে দণ্ডিত করেদিরা “ফাঁসি কাঠে ঝুলিবার” পূর্বে তিনদিনের জন্ত জীবনের মাত্রা বাড়াইবার সুযোগ পাইত। চোল আইন গুলার তুলনায় বাদশার এই দয়া-প্রকাশকে পারিভাষিক আইন হিসাবে একটা বড় কিছু বুঝা চলিবে না। তবে দয়া-প্রকাশের ইস্তাহারটা যে মামুলি দেশাচার, “কাষ্টম” বা লোক-“চরিত্র” মাত্র নয় এই কথা স্বীকার করিতে হইবে।

অশোকের পঞ্চম স্তম্ভ-লিপি ও খৃষ্ট-পূর্ব ২৪৩ সালের রচনা। এই খানেও একটা আইনের খসড়া অথবা আইন-পরিচালনার বার্ষিক বিবরণী যেন প্রকাশ হইয়া পড়িয়াছে। বাদশা বলিতেছেন,—“আমার রাজত্বকালে ইতিমধ্যে পাঁচশবার করেদি খালাশের সুযোগ জুটিয়াছে”। প্রত্যেক বৎসর গাদিতে বসার উৎসব উপলক্ষে অশোকের মুল্লুকে করেদি-খালাস করিবার নিয়ম প্রচালিত ছিল বুদ্ধিতে হইবে। ইহাও একটা সমাজের “সনাতন ধর্ম” নয়,—কোনো বিশিষ্ট রাষ্ট্র-প্রতিষ্ঠানের অভিলাষ।

[২]

অশোক নিরামিষাশী ছিলেন। কন্সে কন্স যখন তখন যেখানে সেখানে পশুহত্যা তাহার পছন্দসই ছিল না। পঞ্চম স্তম্ভ-লিপিতে তিনি ইহার বিরুদ্ধে বক্তৃতা করিয়াছেন। প্রথম পর্বত-লিপি খোদা হয় ২৫৭ খৃষ্ট পূর্বাব্দে। তাহাতে এমন কি ধর্মকর্ম উপলক্ষে ও বাদশা বাহাহর পশুহত্যায় নারাজ এইরূপই বুঝা যায়। চতুর্থ পর্বত-লিপিতে দেখি বাদশা

বলিতেছেন;—“শত শত বৎসর ধরিয়া দেশের লোক পশুহত্যা অভ্যস্ত ছিল। কিন্তু আমার আমলে নরনারী অহিংসার দিকে অনেক দূর অগ্রসর হইয়াছে,” ইত্যাদি।

অশোকের কথায় প্রমাণিত হয় যে, দেশাচার বদলাইয়া দেওয়া হিন্দু-রাষ্ট্রের অজানা জিনিষ নয়। একটা “কাষ্টম” বা “চরিত্রে”র ঠাইয়ে আর একটা শিষ্টাচার দাঁড় করাইবার প্রয়াস হিন্দু সমাজের রাষ্ট্রীয় জীবনে দেখিতে পাওয়া যায়। “কাষ্টম” গুলা ভারতে অমর নয়। প্রবীণকে সরাইয়া নবীন আসিয়া হাজির হইতে পারিত।

এখন জিজ্ঞাস্য, পরিবর্তনটা কি এক বক্তৃতার জোরে সাধিত হইয়াছিল? না, “দণ্ড” নামক যন্ত্রের “সদ্যবহার” করিয়া অশোক হিন্দু নরনারীকে অহিংসার পথে ঠেলিয়া তুলিতেছিলেন? অর্থাৎ ধর্মকর্ম হইতে যদি পশুহত্যা সত্য সত্যই নিবারণিত হইয়া থাকে তবে তাহার পশ্চাতে আইনের ভয়, জেলখানার ভয়, মৃত্যু-দণ্ড ইত্যাদি কতখানি ছিল?

অশোক একজন জবরদস্ত শক্তিব্যোগী বাদশা। তিনি “ধম্ম” “ধম্ম” কতই বনুন না কেন, রাষ্ট্রীয় ঐক্য, রাষ্ট্র-শাসনের ইজ্জৎ, সাম্রাজ্যের শৃঙ্খলা এবং সামঞ্জস্য সম্বন্ধে সর্বদাই সজাগ থাকিতেন। কাজেই তাঁহার “হিতো-পদেশ” গুলার সঙ্গে সঙ্গে দণ্ড, জেল এবং জল্লাদের হাতে মৃত্যু-ভয় গাঁথা থাকিত এইরূপ সন্দেহ করা চলে। লিপি-সাহিত্য হইতে অবশ্য কোনো প্রমাণ পাওয়া যাইতেছে না। কেবল ঠাণ্ডে ঠাণ্ডে অশোকের আমলের “রাজ্যমাজ্জা” আবিষ্কার করিবার চেষ্টা করা গেল মাত্র। অশোক-সংহিতাটা আবিষ্কার করিবার পক্ষে লিপিগুলা সাহায্য করিবে।

চীনা বৃত্তান্তে হিন্দু আইন

চীনা পর্যটক দিগকে জিজ্ঞাসা করা যাউক তাঁহার ভারতের রাষ্ট্রে কিসের আইন দেখিয়া গিয়াছেন।

কা-হিয়ান বলেন যে গুপ্ত ভারতে জরিমানাই ছিল প্রধান সাজা। মৃত্যু-দণ্ড এক প্রকার অজ্ঞাত ছিল। বার বার রাজদ্রোহী হইলে অথবা গুপ্তাগিরি করিলে অপরাধীদের ডান হাত কাটিয়া দেওয়া হইত।

সপ্তম শতাব্দীর ভারত সম্বন্ধে য়ুয়ান-চুআঙের সাক্ষ্য আছে। তিনিও মৃত্যু-দণ্ড দেখেন নাই। রাজদ্রোহীদের জেল হইত। জেলে তাহাদিগের জন্ত অজ্ঞাত বাসের ব্যবস্থা করা হইত। তাহাদের মরা-বাঁচার খবরাখবর লওয়া হইত না। পারিবারিক অপরাধের জন্ত সাজা ছিল নির্কাসন অথবা ডান হাত কাটা। জরিমানা ছিল অস্বাভাবিক অপরাধের সাজা।

হিন্দু আইনের গতিশীলতা

এই সকল তথ্য চীনারা পাইলেন কোথায়? যদি চোখে দেখা ঘটনার বৃত্তান্ত হয় তাহা হইলে বলিব যে এই সকল ক্ষেত্রে বাস্তব “রাজ্যমাজ্জা”ই পাইতেছি। অন্ততঃ পক্ষে গুপ্ত এবং বর্দ্ধন আমলে কোন্ কোন্ নিয়ম অনুসারে বিচার চলিত তাহার পরিচয় পাইতেছি। কিন্তু তথ্যগুলা যদি চীনারা তাঁহাদের হিন্দু অধ্যাপকগণের “শাস্ত্র” গ্রন্থ হইতে উদ্ধৃত করিয়া থাকেন তাহা হইলে সমস্ত “যথা পূর্বং তথা পরম্।” কেননা প্রথমে আবার ফিরিয়া আসিবে,—এই সকল আমলে কোন্ কোন্ শাস্ত্রের বিধান সরকারী আদালতের আইনরূপে স্বীকৃত ছিল?

চীনা বিবরণ যদি চাক্ষুষ বৃত্তান্ত হয় তাহা হইলে হিন্দু “রাজ্যমাজ্জা” সম্বন্ধে একটা নতুন কথা শিখিতে পারি। “ধম্ম”-প্রচারক, হিতোপদেশ-বক্তা নিরামিষাশী মৌর্য বাদশা অশোক মৃত্যুদণ্ড রদ করেন নাই। অশোক-সংহিতায় জল্লাদের হাতে কয়েদিদের প্রাণ যাইত। কিন্তু “মাগযজ্ঞ”-প্রিয় পশু-হত্যাকারী হিংসাধর্মী গুপ্তবাদশাদের “পেনাল কোড” মৃত্যু-দণ্ড জানে না। হর্ষবর্দ্ধনের ভারতেও অশোক-সংহিতারই নিরতা নাই।

এখানে যাগবজ্ঞের ধর্ম বনাম প্রিয়দর্শীর “ধর্ম” সমস্তা তুলিতেছি না। আইন-বিজ্ঞানের তরফ হইতে তথ্য বিশ্লেষণ করা যাইতেছে। দেখিতেছি যে, এক হিন্দুরাষ্ট্র যে রীতি বা নিয়মকে আইন বা “রাজ্যমাজা” বিবেচনা করে অল্প হিন্দুরাষ্ট্রের ব্যবস্থায় তাহা আইন বা “রাজ্যমাজা” নয়। এক পাটলিপুত্রেই মৃত্যুদণ্ড মৌর্য আমলে প্রচলিত আবার গুপ্ত আমলে অপ্রচলিত।

অর্থাৎ “কাঠমের” অমরতা, রীতিনীতির স্থিতিশীলতা বা গতিহীনতা, “প্লেটো”র দৌরান্মা এবং “সনাতন” ধর্মের “অচলায়তন”,—হিন্দুরাষ্ট্র-শাসন বিষয়ক ইতিহাসের একমাত্র বাস্তব কথা নয়। মেইন-পন্থীরা চোখ ব্রগড়াইয়া হিন্দুরাষ্ট্রের গড়ন আলোচনা করিবার জন্ম “কেঁচে গল্প” করিয়া প্রবৃত্ত হউন।

“অর্থ শাস্ত্রের” মৌর্য “ইনস্টিটিউৎ”

কোটিল্যের “অর্থশাস্ত্র”কে স্থানে স্থানে “প্রাতিষ্ঠানিক ইতিহাসের”র ইজ্জৎ দিয়াছি। “সরকারী গৃহস্থালী” সম্পর্কে “অর্থশাস্ত্রের” তথ্য এবং অক্ষুণ্ণাকে মৌর্যসাম্রাজ্যের বাস্তব বিবরণ রূপে গ্রহণ করিতে ইচ্ছা হয়। তাহা হইলে এই উপলক্ষ্যে যাহা কিছু পূর্বে বলা হইয়াছে সবই “রাজ্যমাজা”।

জমির নিয়ম, বাণিজ্য-শুল্ক, একসাইজ, পাসপোর্ট ইত্যাদি সম্পর্কিত প্রত্যেক খুঁটিনাটিই “রাজ-শাসন”। প্রত্যেক বিধানের সঙ্গে সঙ্গেই একটা করিয়া “দণ্ড” লাগানো আছে। জরিমানার হার আজকালকার ছই পয়সা, দেড় আনা হইতে ২২৫০ পর্যন্ত দেখিতে পাই। মৌর্য আইনের “দ্বিজেশু” তৈয়ারি করিতে হইলে রাজস্ব বিষয়ক কোটিল্যের প্রত্যেক কথাই তাহার ভিতর ঠাই পাইবে। বস্তুতঃ “অর্থশাস্ত্রের” এই অংশকে মৌর্যসাম্রাজ্যের “গেজেটয়ার” ধরিয়া লইলে ইহা আইনের

সরিভাষায় যুক্তিনিয়ানের “ইনস্টিটিউৎ” সংহিতারই সমকক্ষ বিবেচিত হইবে।

মেগাস্থেনিস-সমস্যা

কিন্তু আবার এক আপদ ছুটিয়াছে। মেগাস্থেনিস মৌর্যসাম্রাজ্যের পাটলিপুত্রে বসবাস করিতেন। তিনি কিরূপ হিন্দু আইন দেখিয়াছিলেন?

[১]

মেগাস্থেনিসের বৃত্তান্ত সুবিদিত। তিনি বলেন,—“হিন্দুরাষ্ট্রে আইনের ঝঞ্জাট নাই। লোকেরা মামলাবাজ নয়। বন্ধক, স্ত্রী, সীলমোহর ইত্যাদি কিছুই এদেশে লাগে না। মুখের কথায়ই সব কাজ চলিয়া যায়। চুরি ডাকাইতি অজ্ঞাত।”

যাচ-চলে! এত বড় মৌর্য সাম্রাজ্যে নাকি লোকেরা মামলা মোকদ্দমা করিত না। “মরদ কী বাত হাত্তী কী দাত” ই যেন গোটা ভারতের স্বভাবসিদ্ধ ছিল। একথা কে বিশ্বাস করিবে? “অর্থশাস্ত্র” যদি মৌর্যভারতের আইন হয় তাহা হইলে মেগাস্থেনিস মৌর্যভারতের কতটুকু জানিতেন?

এই সমস্যায় পড়িয়াই ষ্টাইন বলিতেছেন যে,—মেগাস্থেনিস আর “অর্থশাস্ত্র” সমসাময়িক হইতে পারে না। মেগাস্থেনিসের মতে আরও দেখিতে পাই যে,—মৌর্য ভারতে মিথ্যা সাক্ষ্য দিলে সাক্ষীর আঙ্গুল কাটিয়া দেওয়া হইত। কেহ কাহারও শারীরিক অনিষ্ট করিলে তাহার সেই অঙ্গ কাটা হইত, হাত ও কাটা পড়িত। কোন শিল্পীর হাত বা চোখ জখম করিলে অপরাধীর মৃত্যু দণ্ড হইত।

ষ্টাইন বলেন,—আঙ্গুল বা হাত কাটা কাটি নামক সাজা কোটিল্যের “অর্থশাস্ত্রে” জানা নাই। শিল্পীর অনিষ্ট সাধিত হইলে অপরাধীর বিচার

কিরূপ হইবে সে সম্বন্ধেও কৌটিল্য স্বতন্ত্রভাবে কিছু বলেন নাই। অসি-
মানা বা অর্থদণ্ডই “অর্থশাস্ত্রের” সাধারণ বিধান।

[২]

মেগাস্থেনিস-কৌটিল্য-সমস্যায় পুনরায় প্রবেশ করিবার দরকার নাই।
মেগাস্থেনিসের সাক্ষ্যকে আংশিক ভাবেও ভারতের বাস্তব বৃত্তান্ত স্বীকার
করিয়া লইলে তাঁহার উক্তির ভিতর কয়েকটা খাঁটি আইন বা “রাজমাজা”
পাইতেছি সন্দেহ নাই। এইগুলি সরকারের হুকুম বলিয়াই আইন।
দেশাচারের সঙ্গে এই সবের মিল থাকুক বা না থাকুক তাহাতে কিছু
ক্ষতিবৃদ্ধি হইত না।

বস্তুতঃ মেগাস্থেনিসের সঙ্গে কোনো কোন “শাস্ত্র”-গ্রন্থের গরমিল
আছে। তাহার দ্বারাই জোরের সহিত প্রমাণিত হইতেছে, যে, বাদশারা
“কাস্ট্রম” বা “চরিত্র” উপেক্ষা করিয়াই “আজা”, কমাণ্ড, ফার্মাণ জারি
করিতে অভ্যস্ত ছিলেন। অর্থাৎ হিন্দুরাষ্ট্রের গড়ন বুঝিবার সময় বর্তমান
জগতের আইন-সৃষ্টি নামক কর্মরাশি তাহার ভিতর দেখিবার জন্ত প্রস্তুত
থাকিতে হইবে।

পরিশিষ্ট নং ৭

“আইনের রাজত্ব” ও “আধুনিকতা”

আইন-গঠন বিষয়ে হিন্দু ও রোমান সার্কভৌমদিগকে “আধুনিক”
বলিতেছি। কিন্তু আধুনিকতা লইয়া বেশী বাড়াবাড়ি করিলে মেইনের
ভুলই উল্টা পিঠ হইতে আসিয়া উপস্থিত হইবে।

উনবিংশ বিংশ শতাব্দীতে আইন গড়িয়া তুলিবার কাজে “রাস্তার
লোক” ও অল্পবিস্তর আত্মকর্তৃত্ব ভোগ করে। ইহা আধুনিকতার এক
বড় লক্ষণ। এই স্বরাজ সেকালে এক প্রকার ছিলনা বলা চলে।

আর এক লক্ষণ এই যে,—স্বরাজশীল নরনারী চোপর দিনরাত
একটার পর আর একটা “বিল”, “প্লাম্‌চিউট”, “অ্যাক্ট” বা ঐ ধরণের নামে
নতুন নতুন আইন তৈয়ারি করিবার ধাক্কায় ব্যস্ত থাকে। আইন-গঠন
আর “রাষ্ট্র-নীতি” বা রাষ্ট্রীয় আন্দোলন আজকালকার দিনে একার্থক
বস্তুতে দাঁড়াইয়া গিয়াছে। এই কারণেই বর্তমানকালকে এক হিসাবে
“রেইন অব্ ল” বা “আইনের রাজত্বের” যুগ বলে। “সেকালে” এত
বেশী এবং এত বিভিন্ন আইন তৈয়ারি করিবার দিকে লোকের মাথা
খেলিত না।

তবে মৌর্য্য-চোল ভারত “কাল” হিসাবে প্রবীণ হইলেও “মাল”
হিসাবে নবীন এই কথাটা জানিয়া রাখা দরকার। প্রাচীন সভ্যতার এক
অতি “আদিম” স্তরে যে সকল দেশী-বিদেশী পণ্ডিত সজ্ঞানে হিন্দুরাষ্ট্র
গুলিকে ঠাই দিতে অভ্যস্ত তাঁহারা রোমান আইনের কিম্বৎ সম্বন্ধে
অত্যাধিক চালাইয়া থাকেন।

বাস্তবিক পক্ষে হাদ্রিয়ান, দিয়োক্রেসিয়ান, যুস্তিনিয়ান ইত্যাদি রোমান-বাদশারা যতটা প্রাচীন ও নবীন চন্দ্রগুপ্ত, অশোক, রাজরাজ, কুলোত্তুঙ্গ ইত্যাদি হিন্দু সার্কভৌমেরা ঠিক ততটা প্রাচীন,—এবং ততটা নবীন। এইরূপ চিন্তাধারা প্রবর্তিত হইলেই মেইন-পন্থীদের নৃতত্ত্ব ও সমাজ-বিজ্ঞান-বিদ্যায় “সংস্কার” সাধিত হইতে পারে।

চতুর্থ অধ্যায়

গণতন্ত্রের হিন্দুরাষ্ট্র

প্রথম পরিচ্ছেদ

ছনিয়ায় গণতন্ত্র

পিতৃতন্ত্রী যথেষ্টাচার

এ পর্য্যন্ত হিন্দু নরনারীর যে সকল রাষ্ট্রের শাসন-বিষয়ক লেনদেন-বিবৃত হইল সে সবই রাজতন্ত্রের অন্তর্গত। প্রভুত্বের বাস্তব তথ্য গুণা “মফলজি” বা গড়ন-বিজ্ঞানের চালু নিতে ছাঁকিয়া দেখিলাম যে হিন্দুজাতির “স্বরাজ” আর “সার্কভৌমিক শাস্তি” বিষয়ক অভিজ্ঞতা ইয়োরোপীয়ান অভিজ্ঞতা হইতে অভিন্ন। জীবনের গতিবিধি, রক্তের স্রোত, চিন্তের সাদা এবং বিশ্ব-সমালোচনার তরফ হইতে এই সাম্য বা সাদৃশ্য ও এক-জাতীয়ত্ব প্রতিষ্ঠিত হইল। প্রাচীন ভারতের ধরণধারণ সম্বন্ধে যে দুই চার দশটা খুঁটি-নাটি বাহির হইয়াছে তাহার ভাবার্থ ও দাম এই।

বুর্বে আমলের ফরাসী রাজতন্ত্রে আর মোর্ঘা-চোল রাজতন্ত্রে কোনো প্রভেদ তুঁড়িয়া পাওয়া যায় না। প্রুশিয়ার ফ্রেড্রিক, অষ্ট্রিয়ার যোসেফ এবং রুশিয়ার পিটার ইত্যাদি অষ্টাদশ ও সপ্তদশ শতাব্দীর ইয়োরোপীয়ান-বাদশারা যে দরের “যথেষ্টাচারী” “প্রকৃতি-রঞ্জক” এবং “পিতৃতন্ত্রী” নরপতি হিন্দু সার্কভৌমেরা সেই দরের লোকই ছিলেন।

ইয়োরোপের এই সকল রাষ্ট্র কাল হিসাবে হিন্দুরাষ্ট্রগুলার পরবর্তী । কিন্তু “ধর্ম” হিসাবে ইহারা রোমান সাম্রাজ্য, মোর্খ সাম্রাজ্য ইত্যাদিরই সম-গোত্রজ । খাঁটি “স্বরাজের” মাত্রা এই সকল আমলে অতি কম ।

গণতন্ত্রে শক্তিয়োগ

হিন্দু নরনারীর হাড়মাংসে রাজতন্ত্রের বহিভূত গড়ন ও দেখিতে পাওয়া যায় । এইবার সেই সকল গড়নের কথা বলিব । রাজহীন রাষ্ট্রকে বিদেশী ভাষায় “রিপাব্লিক” বলে । ভারতে এই বস্তু “গণ”-তন্ত্রী রাষ্ট্র বা সোক্রাসোজি “গণ-তন্ত্র” নামে পরিচিত ।

শাসন-বিজ্ঞানের তরফ হইতে গণ-তন্ত্রকে একটা কিছু “হাতী-ঘোড়া” বিবেচনা করা চলিতে পারে না । রাজা নাই অথচ রাষ্ট্র চলিতেছে এই রূপ ঘটনাকে মানব জাতির কর্ম-সাধনায় অতি-মাত্রায় গৌরবজনক তথ্য বুঝিলে অভ্যক্তির প্রশয় দেওয়া হইবে । ভারতের রাষ্ট্রীয় অভিজ্ঞতায় গণ-তন্ত্রের সাক্ষ্য পাওয়া গিয়াছে সন্দেহ নাই । কিন্তু তাহা লইয়া লাফা-লাফি করা বেকুবি । রাষ্ট্রের লেনদেন “দার্শনিক”ভাবে বিশ্লেষণ করিলে গণ-শাসনের মাহাত্ম্য বড় বেশী দেখা যায় না ।

রাজতন্ত্রের রাষ্ট্র চালাইতে নরনারীর পক্ষে যে ধরণের শক্তিয়োগ দরকার হয় গণতন্ত্রী রাষ্ট্র চালাইতে ও সেই শক্তিয়োগই লাগে । ঘটনা চক্রে কোন কোন ক্ষেত্রে রাজরাজড়ারা বংশানুক্রমে হয়ত রাষ্ট্রের দণ্ডধর নয় । একমাত্র এই কারণেই সেই সকল ক্ষেত্রে দেশের লোককে “অতি-মানুষ” ঠাওরানো রাষ্ট্রীয় শক্তিয়োগ সম্বন্ধে অন্ধতার পরিচায়ক ॥

রাজ-তন্ত্র বনাম গণ-তন্ত্র

বাস্তবিক পক্ষে দুনিয়ার ইতিহাসে গণতন্ত্রের সংখ্যা নেহাৎ কম । প্রধানতঃ খৃষ্ট-পূর্ব চতুর্থ শতাব্দী হইতে খৃষ্টীয় ত্রয়োদশ শতাব্দী পর্যন্ত

ভারতের রাষ্ট্র বর্তমান গ্রহের আলোচ্য বিষয় । এই যুগের প্রথম দিক ছাড়া আর কখনো ইয়োরোপের কোনো গলিঘোচে একটাও গণ-তন্ত্র ছিল না । হিন্দু এবং খৃষ্টীয়ান উভয়েই রাজতন্ত্রী । কেবল খৃষ্টাকের পূর্ববর্তী শেবতিন শ বৎসর ধরিয়া রোমে গণ-তন্ত্র চলিতেছিল । সেই গণ-তন্ত্রে আর বর্তমান কালের গণতন্ত্রে অনেক প্রভেদ । এই প্রভেদ আলোচনা করিবার সময় নাই ।

বর্তমান যুগের প্রথম গণ-তন্ত্র ইয়োরোপে দেখা দেয় চতুর্দশ শতাব্দীতে [১৩১৫ খৃঃ অঃ], সে স্বেইটনার্ল্যাণ্ডে । তাহার পর আমেরিকার যুক্তরাষ্ট্রে ১৭৮৫ সালে ইয়াক্সি গণ-তন্ত্র স্থাপিত হইয়াছে । অষ্টাদশ শতাব্দীতে ফরাসী গণ-তন্ত্র স্থাপিত হয় ১৭৯২ সালে । কিন্তু গণ-তন্ত্র নেপোলিয়ানের তাঁবে রাজ-তন্ত্রে পরিণত হয় । ঊনবিংশ শতাব্দীর প্রথম পাদ পর্যন্ত পাশ্চাত্য নরনারী মোটের উপর সর্বত্রই রাজতন্ত্রী । গণ-তন্ত্রের বিরুদ্ধে লড়াই করাই ছিল খৃষ্টীয়ানদের স্বধর্ম ।

গণ-তন্ত্র ও স্বরাজ

[১]

গণতন্ত্রের ইতিহাস ও দর্শন আলোচনা করিবার অবসর বর্তমান গ্রহে নাই । এইটুকু সর্বদা মাথায় রাখা আবশ্যিক যে,—গণতন্ত্র পশ্চিমা রাষ্ট্রীয় চরিত্রের বিশেষত্ব নয় । চিত্ত-বিজ্ঞানের তরফ হইতে হিন্দু-রাষ্ট্রশাসনে আর ইয়োরোপীয় রাষ্ট্রশাসনে পার্থক্য দেখাইতে বসিলে ভুল করা হইবে । আর ধাহারা এই তথাকথিত পার্থক্যটা “স্বীকার” করিয়া লইয়াই আলোচনা অথবা কর্মক্ষেত্রে হাজির হন তাঁহারা কুসংস্কারপূর্ণ সন্দেহ নাই ।

বিংশ শতাব্দীর মানব গণ-তন্ত্রের দিকে ছুট করিয়া ছুটিয়াছে । দুনিয়ার নরনারী সম্মানে রাজরাজড়াগণকে গদি হইতে সরাইতে প্রমাদী । ইহা

“আধুনিকতা”র নবীনতম লক্ষণ। বর্তমান যুগের লোকেরা সেই সঙ্গে সঙ্গে স্বরাজ বা আত্মকর্তৃত্বের দিকেও সজ্ঞানে ছুটিতেছে। স্বরাজ-সাধনা আজকালকার শক্তিবোধের অত্যন্ত লক্ষণ।

বর্তমান গ্রহে মানবজাতির যে স্তর-বিশ্বাস দেখানো হইতেছে তাহার পরদায় পরদায় এই সকল নবীনতম জীবনবৃত্তার চিত্রোৎসৃষ্টিতে গেলো ভুল করিয়া বসাইবে। প্রাচীন ছনিয়াকে তাহার আঘাত ইজ্ঞৎ দিবার সময়ে জোর জবরদস্তি করিয়া তাহার ভিতর নবীনকে বসাইবার দরকার নাই। গ্রীক, রোমান এবং হিন্দু গণ-তন্ত্রের সীমানাগুলো ভুলিয়া গেলো চলিবে না।

[২]

আর এক কথা। গণ-তন্ত্র এবং স্বরাজ একার্থক নয়। গণতন্ত্রের বাহিরে অর্থাৎ রাজতন্ত্রে ও স্বরাজ থাকিতে পারে। আবার অনেক সময়ে তথাকথিত গণ-তন্ত্র ও রাজ-তন্ত্রের মতনই স্বরাজের বম বিশেষ, এইরূপ দৃশ্য খুবই সম্ভব।

ডাইনে বামে সকল দিক হইতেই সংঘত হইয়া ঠাণ্ডা মাথায় হিন্দু গণ-রাষ্ট্রের মূল্যকে প্রবেশ করা যাউক। গড়ন-বিজ্ঞানের তরফ হইতে হিন্দু শক্তিবোধের নতুন কতক গুণা চিত্তাকর্ষক রূপ দেখিতে পাইব।

মানবজাতি গণতন্ত্রের সিঁড়িতে কতখানি উঠিয়াছে তাহা জানিবার জন্য মাঝে মাঝে ইংরেজ পণ্ডিত ব্রাইস-প্রণীত “মডার্ন-ডেমোক্রেসিজ” অর্থাৎ “বর্তমান কালের স্বরাজ” নামক স্মৃষ্টি গ্রন্থের দুই খণ্ড বাঁটা বাঁটা করা মন্দ নয়। এই গ্রন্থে ফ্রান্স, সুইটসারল্যান্ড, ইয়াক্সহান, ক্যানাডা, অস্ট্রেলিয়া এবং নিউজিল্যান্ড এই ছয় দেশের রাষ্ট্র শাসন বিবৃত ও সমালোচিত আছে।

সঙ্গে সঙ্গে “ভবিষ্যবাদী”রা গণতন্ত্র এবং স্বরাজের কোন পথে চলিতে চাহেন তাহার মোসাবিদাটাও বোলশেভিক রুশিয়ার সোবিয়েট-প্রবর্তক লেনিন এবং ট্রটস্কির রাজ্য-পরিচালনায় পাঠ করা যাইতে পারে। এই রূপে নবীনতমের সঙ্গে পরিচয় থাকিলে প্রাচীনের দৌড়, আদর্শ, সাধনা এবং সিদ্ধি সবই বিনা গোঁজামিলে সম্মুখিবার পক্ষে সাহায্য পাওয়া যাইবে।

দ্বিতীয় পরিচ্ছেদ

গণ-রাষ্ট্রের শেষ যুগ

(খৃঃ পূঃ ১৫০-৩৫০ খৃঃ অঃ)

পাঁচ শ বৎসর

প্রথমেই হিন্দু গণ-রাষ্ট্রের শেষ নিদর্শনগুলার কথা বলিব। মৌর্য সাম্রাজ্যের অবসান এবং গুপ্ত সাম্রাজ্যের উৎপত্তি এই দুই ঘটনার মধ্যবর্তী কাল প্রায় পাঁচ শ বৎসর (খৃঃ পূঃ ১৫০-৩৫০-খৃঃ অঃ)। এই পাঁচ শ বৎসরের রাষ্ট্রীয় রঙ্গক্ষেত্র ভারতীয় নরনারী এক সঙ্গে নানা শাসন-রীতি দেখাইতেছিল।

এই যুগে উত্তর-পশ্চিম ভারতে কুষাণ সাম্রাজ্য প্রতিষ্ঠিত ছিল। দক্ষিণাত্যে তখন আন্ধ্র সার্কভৌমদের প্রবল প্রতাপ। ইয়োরোপে এই যুগের প্রথম অংশে রোমাণ গণতন্ত্র ভাঙিয়া যাইতেছে। পরে রোমাণ সাম্রাজ্য দেখা দিয়াছিল। রোমাণ সাম্রাজ্যের সঙ্গে কুষাণ এবং আন্ধ্র উভয়েরই লেনদেন চলিত।

রাজ-হীন রাষ্ট্রের জীবন-কথা এই যুগের ভারতীয় ইতিহাসের অগ্রতম রাষ্ট্রীয় তথ্য। খ্রীষুত্বে রাখালদাস বন্দ্যোপাধ্যায় প্রণীত "প্রাচীন মুদ্রা" নামক গ্রন্থের প্রথম ভাগে (কলিকাতা ১৯১৫) যে সকল মুদ্রার সচিত্র বিবরণ আছে তাহার ভিতর কোনো কোনোটা এই সকল গণ-রাষ্ট্রেরই প্রচারিত মুদ্রা।

প্রাচীন মুদ্রার সাক্ষ্য

গণ-রাষ্ট্রগুলার উঠা নামা সম্বন্ধে এখনো পরিষ্কার করিয়া কিছু বলা যায় না। রাজতন্ত্রী রাষ্ট্রের সঙ্গে এই সকল রাজহীন রাষ্ট্রের "ডিপ্লোম্যাটিক"

চতুর্থ অধ্যায়

৩০৩

অর্থাৎ পর-রাষ্ট্রনীতি বিষয়ক কারণের চলিত। মুদ্রা গুলা হইতে তাহার আন্দাজ করা চলে।

রাষ্ট্রগুলার গুণ্ণিতে অনেক। ইহাদের প্রত্যেকের "দেশ" কতদূর কোন্ দিকে বিস্তৃত ছিল বলা কঠিন। তবে যেখানে যেখানে মুদ্রাগুলার আবিষ্কৃত হইয়াছে সেই সকল স্থানকে গণ-রাষ্ট্রের চৌহদ্দির ভিতর ফেলা যাইতে পারে। সকল গুলা একত্র করিলে মনে হয় যে, আজকালকার দক্ষিণ পঞ্জাব, রাজপুতনা এবং মালো আ এই সুবিস্তৃত ভূখণ্ডে গণ-রাষ্ট্র শাসন-প্রথা চলিতেছিল। মোটের উপরে বলিব যে, উত্তর-পশ্চিমে কুষাণ এবং দক্ষিণে আন্ধ্র এই দুই সাম্রাজ্যের ভিতরকার জনপদ প্রায় সবই গণ-তন্ত্রের নিয়মে শাসিত হইতেছিল।

গুপ্তসাম্রাজ্যে "হোম-কল"

খ্রীষ্টীয় চতুর্থ শতাব্দী "পূর্ব মুল্লুক" হইতে দিগ্-বিজয়ে আসিয়া ছিলেন পার্টিলিপুত্রের সমুদ্র গুপ্ত। তিনি এই সমুদয় "পশ্চিমা" গণ-রাষ্ট্রকে কাবু করিতে পারিয়াছিলেন কিনা সন্দেহ। বোধ হয় গণ-রাষ্ট্রগুলার নিজ নিজ আত্মকর্তৃত্ব রক্ষা করিতে সমর্থ হইয়াছিল। গুপ্তসার্কভৌম বাহাদুর ইহাদের নিকট হইতে কিছু কর বা সেলামি পাইবার ব্যবস্থা করিয়াই হয়ত সন্তুষ্ট ছিলেন।

আজকালকার ভাষায় বলিব যে, গুপ্ত সাম্রাজ্যের অধীনে পঞ্জাবী-রাজপুত এবং মালবীয়া গণ-রাষ্ট্রগুলার "হোমকল" ভোগ করিত। পরবর্তী কালে ইহাদের অবস্থা কিরূপ হয় জানা যায় না। কেননা গুপ্ত সাম্রাজ্যের "পাবলিক ল," "শাসন বিষয়ক আইন" অর্থাৎ রাষ্ট্রশাসন আজ পর্যন্ত প্রায় একদম অজ্ঞাত রহিয়াছে।

অবদান-শতকের গল্প

“অবদান-শতক” গ্রন্থের একটা গল্পে দেখিতে পাই যে “মধ্যদেশ”র [উত্তর ভারতের] কয়েকজন সওদাগর দক্ষিণাত্যের কোনো কোনো জনপদে তেজারতি করিতে গিয়াছিল। কফিন নামক নরপতির সঙ্গে তাহাদের মোলাকাৎ হয়। নরপতি উত্তরভারতের রাজরাজড়াদের নাম জানিতে চাহেন। জবাবে উত্তরীরা বলে, “আমাদের ওখানে কতকগুলো রাষ্ট্রের মালিক রাজারা। কিন্তু অত্যাচার রাষ্ট্র ‘গণ’ কর্তৃক শাসিত হয়।”

অবদান-শতকের ফরাসী অনুবাদক ফের ১৮৯১ সালে এই দ্বিতীয় শ্রেণীর রাষ্ট্রকে “গুহ্বর্ণে” পরে ম্যিন্ ক্রপ্ [এতা রেপিয়ত্রিকা] অর্থাৎ “দল-শাসিত রিপাব্লিক-রাষ্ট্র” বলিয়া গিয়াছেন। শ্লোকটা সম্প্রতি শ্রীযুক্ত রমাপ্রসাদ চন্দ্রের সাহায্যে রমেশচন্দ্রের “কর্পোরেট লাইফ ইন্ এন্শ্রেন্ট ইণ্ডিয়া” অর্থাৎ প্রাচীন ভারতে সম্বন্ধীভবন নামক গ্রন্থে [কলিকাতা ১৯১৮] ঠাঁই পাইয়াছে।

গল্পটার দাম এই যে সেকালে ভারতে এক সঙ্গে একাধিক শাসন প্রণালী প্রচলিত ছিল। আর এই সম্বন্ধে তখনকার লোক সম্ভান ভাবে ও চলাফেরা করিত। অবদান-শতক গ্রন্থকে খৃষ্টাব্দের পূর্ববর্তী অথবা পরবর্তী প্রথম শতাব্দে ফেলা হইয়া থাকে।

পঞ্জাবের ঔহুশ্বর

ঔহুশ্বর-“গণ” পঞ্জাবের রাভি-ধৌত জনপদে “রাজত্ব” করিত। খৃষ্টপূর্ব প্রথম শতাব্দীর মুদ্রার ভিতর ঔহুশ্বরদের প্রচারিত মুদ্রা আবিষ্কৃত হইয়াছে। কুবাণ সাম্রাজ্যের সঙ্গে ঔহুশ্বর জাতির বিরূপ সম্বন্ধ ছিল জানা যায় না।

যৌধেয়দের নামডাক

ঔহুশ্বরদের দক্ষিণে যৌধেয় জাতির রাজ্য অবস্থিত ছিল। কানিংহাম প্রণীত “কয়েনন্স অব এন্শ্রেন্ট ইণ্ডিয়া” অর্থাৎ “প্রাচীন ভারতের মুদ্রা”

নামক গ্রন্থে [লণ্ডন ১৮৯১] দেখিতে পাই যে, যৌধেয়-“গণে”র কোনো কোনো মুদ্রা খৃষ্টপূর্ব ১০০ সালে প্রচারিত হইয়াছিল।

পঞ্জাবের সার্টলেজ দরিয়ার ছই ধারেই যৌধেয়দের মুদ্রা পাওয়া গিয়াছে। পূর্বদিকে যমুনার কিনারা পর্যন্ত তাঁহাদের প্রভাব লক্ষ্য করা সম্ভব। দক্ষিণে রাজপুতানায় ও যৌধেয়দের হাত ছিল। মোটের উপর যৌধেয় জাতিকে ঔহুশ্বরদের মতনই পাঞ্জাবী ধরিয়া লইতে পারি।

সেকালে লড়াইয়ের আখড়ায় যৌধেয়দের নাম ডাক ছিল খুব ভারী। ক্ষত্রিয়দের ভিতরেও তাহারা ক্ষত্রিয় এইরূপই ছিল সমাজে খ্যাতি। অর্থাৎ বীর ত বীর যৌধেয় বীর এই কীর্ত্তি দেশেবিদেশে রটিয়াছিল।

গ্রীক আলেকজান্দারের বিরুদ্ধে যে সকল ভারতীয় জাতি লড়াইয়াছিল [খৃঃ পূঃ ৩২৪] তাহাদের ভিতর যৌধেয় অগ্রতম। যৌধেয়দের সঙ্গে দেশী রাজরাজড়াদের লড়াই ও ঘটিয়াছে। খৃষ্টীয় দ্বিতীয় শতাব্দীর এক তাম্র-শাসনে এই লড়াইয়ের বৃত্তান্ত দেখিতে পাই,—১৯০৫-০৬ সালের পিপ্রা ফরা ইণ্ডিকা” অর্থাৎ “ভারতীয় লিপি” নামক পত্রিকায়।

লড়াইটা ঘটিয়াছিল রুদ্রদামনের সঙ্গে [খৃঃ অঃ ১২৫-১৫০]। রুদ্রদামন যৌধেয়দের হাড় ভাঙ্গিয়া দিয়াছিলেন।

যৌধেয়-“গণে”র নামক “মহারাজ” নামে পরিচিত হইতেন। নামককে জনগণ কর্তৃক নির্বাচিত করিবার ব্যবস্থা ছিল। গণের সর্দারই লড়াইয়ের কাজের জন্ত “মহা-সেনাপতি” বিবেচিত হইতেন।

“রাজপুত” অর্জুনায়ন

যৌধেয় জাতির লাগাও দক্ষিণে রাজত্ব করিত অর্জুনায়ন-“গণে”র ইংরেজপণ্ডিত র্যাপ্‌সন প্রণীত “ইণ্ডিয়ান কয়েনন্স” গ্রন্থে [ঈস্টার্ন বর্গ ১৮৯৭] অর্জুনায়নদের মুদ্রা উল্লিখিত আছে। রাজপুতনার উত্তরার্ধে এই জাতির

স্বদেশ ছিল বৃদ্ধিতে পারি। খৃষ্ট পূর্ব প্রথম শতাব্দী সন্থকেই প্রমাণ পাওয়া যায়।

মালব-“গণ”

মালবীয়ারা চাম্বাল এবং বেতোআ এই দুই দরিয়ার মধ্যবর্তী জনপদের মালিক ছিল। অর্জুনায়নরা ইহাদের উত্তরের লোক।

বোধ হয় খৃষ্ট পূর্ব দ্বিতীয় শতাব্দে মালব-“গণের” মুদ্রা জারি হইতে থাকে। যৌধেয়দের মতন মালবীয়ারাও লড়াই-শ্রেমিক জাতি। আলেকজান্দার তাহাদের বাহুবল চাখিয়া গিয়াছিলেন। খৃষ্টীয় প্রথম শতাব্দীর এক তাম্রশাসনে দেশী রাজাদের সঙ্গে ইহাদের এক সমরকাণ্ড উল্লিখিত আছে।

উত্তমভদ্র নামে এক জাতি ক্ষত্রপ নরপানের অধীনে এক “করদ” রাষ্ট্র গড়িয়া তুলিয়াছিল। মালবীয়ারা উত্তমভদ্রদের উপর শক্তিব্যোগের অভিযান চালায়। কাজেই নহপান নিজের আশ্রিতদিগকে সাহায্য করিবার জন্ত মালব-গণের বিরুদ্ধে সেনাপতি উষভদাতকে পাঠাইয়াছিলেন।

সিবি

মালবীয়ারদের পশ্চিমে সিবি জাতি অবস্থিত ছিল। খৃষ্ট পূর্ব দ্বিতীয় শতাব্দীর শেষ দিকে সিবিদের মুদ্রা প্রচলিত হইতে থাকে।

কুনিন্দ ও বৃষ্ণি

এইবার গঙ্গা-যমুনা-মাতৃক জনপদের দিকে দৃষ্টিপাত করা যাউক। পাজ্রাবী যৌধেয়দের পূর্বদিকে কুনিন্দ নামে এক জাতির মুল্লুক ছিল। হিমালয়ের পা পর্যন্ত তাহাদের এক্তিয়ার চলিত। গবমেটের আর্কি-অনজিক্যাল সাহেব রিপোর্ট অর্থাৎ “প্রত্নতত্ত্বগবেষণার কার্যবিবরণী”র চতুর্দশ খণ্ডে কুনিন্দদের সংবাদ বাহির হইয়াছে।

গঙ্গা ও যমুনার মাঝামাঝি উত্তর অঞ্চল কুনিন্দ “গণের” রাষ্ট্রের অন্তর্গত এইরূপ বুঝা যায়। খৃষ্ট পূর্ব দ্বিতীয় শতাব্দীতে ইহাদের মুদ্রা প্রচলিত ছিল।

বৃষ্ণি জাতি কুনিন্দদেরই লাগাও কোনো স্বাধীন গণ-রাষ্ট্রের লোক। খৃষ্ট পূর্ব দ্বিতীয় শতাব্দীর ভারতীয় মুদ্রার মধ্যে বৃষ্ণিদের মুদ্রা আবিষ্কৃত হইয়াছে।

রাষ্ট্র-বিজ্ঞানের সমস্যা

গণ-রাষ্ট্রের ইতিহাস রচনা বর্তমান গ্রহের উদ্দেশ্য নয়। তবে বিষয়টা বোধ হয় বাংলায় এখনো আলোচিত হয় নাই। এই কারণে সুগুণ্ডলার ভৌগোলিক তথ্য বিবৃত করা হইল। এই বিষয়ে রমেশচন্দ্রের ইংরেজি গ্রন্থে সর্বপ্রথম সুবিস্তৃত আলোচনা বাহির হইয়াছে।

(১)

গণ-গুণ্ডলার “কনষ্টিটিউশন্” বা রাষ্ট্রশাসন সন্থকে এখনো বিশেষ কিছু জানা যায় না। প্রথমেই জিজ্ঞাসা করা দরকার,—এই সকল জন-কেজকে “রাষ্ট্র” বলা চলিতে পারে কি ?

মুদ্রার সাহায্যে এই মাত্র বুঝি যে কতকগুলো “জাতি”র প্রচারিত টাকার দেশ-বিদেশে প্রচলিত ছিল। এই সকল শব্দে জাতিই বুঝিতে হইবে,—“দেশ” নয়। ওহুঘর ইত্যাদি জাতীয় নরনারীর “গণ” টাকার ছাড়িতে অভ্যস্ত ছিল। মুদ্রাগুলোর গায়ে কোনো দেশের নাম করা হয় নাই কেন ? এই গেল প্রথম সমস্যা।

[২]

দ্বিতীয় সমস্যা উঠিবে “গণ” শব্দ হইতে। গণের শাসন সকল ক্ষেত্রেই “রাষ্ট্র” শাসন নয়। ব্যবসায়ীদের বা শিল্পীদের “শ্রেণী”ও “গণ” নামে পরিচিত হইতে পারে। শ্রেণী-শাসন কেও গণ-শাসন বলা হইয়া থাকে।

কৌটিল্য যে সকল “সমূহ”কে “বার্তাশাস্ত্রোপজীবী” “সজ্ব” বলিয়াছেন ঔহুধর ইত্যাদি জাতীয় লোকেরা যে সেইরূপ সজ্ব নয় তাহার প্রমাণ কি? এই সকল জাতি মুদ্রা চালাইতে অধিকারী। একথা সত্য। কিন্তু “শ্রেণী,” “গিল্ড,” “বার্তাশাস্ত্রোপজীবী” সজ্ব ইত্যাদি জনসমষ্টি ও টাকা ছাড়িবার এক্টিয়ার রাখে। মুদ্রা চালাইবার এক্টিয়ার আছে বলিয়াই এই “সমূহ” গুলাকে “রাষ্ট্র” বলা চলিতে পারে না।

[৩]

এই খানেই সমস্তা চুকিল না। ঔহুধর ইত্যাদি জাতি সকলেই লড়াইয়ে ওস্তাদ। কেহ কেহ আলেকজান্দারের বিরুদ্ধে লড়িয়াছে, কেহ কেহ নহপান, কেহ বা রুদ্রদামনের সঙ্গে লড়িয়াছে। আবার সমুদ্র গুপ্তকে ও ইহাদের কাহারও কাহারও সঙ্গে লড়িতে হইয়াছে। কিন্তু লড়াই করিবার এক্টিয়ার তাহাদের ছিল বলিয়াই কি তাহারা রাষ্ট্র? প্রথম অধ্যায়ে জনগণের সমাজ-কেন্দ্র আলোচনা করিবার সময়ে দেখিয়াছি পাণিনি “আয়ুধজীবী” সজ্ব নামে এক প্রকার সজ্ব জানেন। আবার কৌটিল্য ও “ক্ষত্রিয় শ্রেণীর” কথা বলিয়াছেন। ঔহুধর ইত্যাদি জাতির “গণ” যে এইরূপ রণ-ধর্মীদের সজ্ব নয় তাহা কে বলিতে পারে? অধিকন্তু তাহাদের কেহ কেহ যে পাণিনির পরিচিত “ব্রাত” বা গুপ্তার দল নয় তাহাই বা কে বলিল?

“গণ” গুলা “শ্রেণী” না “রাষ্ট্র”?

এই সকল সন্দেহ উঠা অবশ্যস্বাভাবী। সম্প্রতি মাত্র একটা কথা বলিব। কোনো মামুলি সজ্ব এক সঙ্গে “বার্তাশাস্ত্রোপজীবী” এবং “আয়ুধজীবী” (বা “ক্ষত্রিয়শ্রেণী”) দুইই হইতে পারে না। শিল্প বাণিজ্যের ক্ষেত্রে যে সকল লোক “শ্রেণী” বা “গিল্ড” রূপে সজ্ববদ্ধ তাহারা

লড়াইয়ের ধর্মে মাতে না। টাকা রোজগার করা তাহাদের ধাক্কা। তাহারা টাকা দিয়া লড়াই-ধর্মীদেরকে সাহায্য করে, টাকা দিয়াই খালাস। তাহাদের টাকা “শুষ্টিয়া” ধন-সচিবেরা পণ্টনের খোরপোষ জোগায়। নেহাৎ জরুরি পড়িলে শিল্পী ব্যবসায়ীরাও কুচকাওয়াজে লাগিয়া যাইতে পারে সন্দেহ নাই। কিন্তু তখন তাহারা আর “বার্তাশাস্ত্রোপজীবী” রূপে বিবৃত হয় না। তখন তাহারা দেশের সাধারণ পণ্টনের বিভিন্ন ফৌজ মাত্র।

আবার যাহারা “আয়ুধজীবী” বা “ক্ষত্রিয়-শ্রেণী” রূপে সজ্ব বদ্ধ তাহারা মামুলি “বার্তাশাস্ত্রের চর্চায়” অর্থাৎ কৃষিশিল্প-বাণিজ্যে সমস্ত কাটার না। কাজেই মুদ্রা চালানো তাহাদের নিত্যকর্ম-পদ্ধতির ভিত্তর গুণ্য হইতে পারে না। লড়াই-ধর্মের সঙ্গে ব্যবসার যোগ রাখিয়া জীবন যাপন করা স্বভাবসিদ্ধ কথা নয়। তাহা ছাড়া যে সব লোক খাটি গুপ্ত তাহাদের পক্ষে সমাজে মুদ্রা প্রচলিত করা এক প্রকার অসম্ভব।

কিন্তু ঔহুধর ইত্যাদি জাতি এক সঙ্গে টাকা ও ছাড়িতেছে আবার লড়িতেছে ও। এই কারণে মনে হয় যে তাহারা সাধারণ “গিল্ড” মাত্র নয় আবার “পণ্টনের দল” মাত্র ও নয়। তাহাদের “গণ” বাস্তবিক পক্ষে “রাষ্ট্র”। কৌটিল্য যে সকল “গণ” “সজ্ব” বা “সমূহ”কে “রাজশাস্ত্রোপজীবী” বলিয়াছেন ইহারা সেই নামের দাবী রাখে।

জাতিবাচক শব্দ?

ইহাদিগকে “রাষ্ট্র” বলিতেছে বটে। কিন্তু প্রশ্নটা আবার উঠিতেছে— মুদ্রাগুলার সঙ্গে কোনো “দেশ”-বস্তুর যোগাযোগ নাই কেন? জাতি বাচক শব্দ ব্যবহার করা হইয়াছে কেন? ইহাদিগকে “শ্রেণী” বা “পণ্টনের দল” না বলিয়া যদি “রাজশাস্ত্রোপজীবী” জনসমষ্টি বা রাষ্ট্রই

বলিতে হয় তাহা হইলে এই সব কোন্ ধরণের রাষ্ট্র? **মৌর্য চোল**
ইত্যাদি বংশের রাষ্ট্র যে ধরণের রাষ্ট্র এই শুলা কি সেই ধরণের রাষ্ট্র?
জাতিবাচক শব্দ দেখিবা মাত্রই নৃতত্ত্ব ও রাষ্ট্র-বিজ্ঞানের **তরফ হইতে**

এই সকল সন্দেহ উঠিতে বাধ্য। **মৌর্য-চোল** ভারতে **“সমাজে”** **“রাষ্ট্রে”**
আকাশ-পাতাল প্রভেদ। রাষ্ট্র নামক বস্তু সমাজ হইতে **আলাদা হইয়া**
পড়িয়াছে। বস্তু ৩: শাসনবস্তুটাকেই, শাসন-বস্ত্রের ঘর বাড়ী, **দপ্তরখানা,**
কাগজপত্র **কেরাণী-কুল,** **“ব্যুরোক্রেসি”** বা **শাসনাধ্যক্ষদের** **স্তর-বিস্তার**
এই সবকেই **“রাষ্ট্র”** বলা সেকালের মেজাজ মার্কিক বিবেচিত হইবে।

ঔহুশ্বর ইত্যাদি জাতির গণ-শাসনে শাসন-বস্তুটা **কতখানি বিশিষ্টতা**
এবং স্বাভাব্য লাভ করিয়াছিল? **“সমাজে”**র সঙ্গে **শাসন-বস্ত্রের সম্বন্ধ**
কোন্ আকারে দেখা দিত? তথ্য যখন কিছুই নাই তখন **সন্দেহ**
করা চলে যে, বোধ হয় এই সকল জাতি-বাচক শব্দের **অন্তর্গত**
জন-কেন্দ্রে রাষ্ট্রনামক বস্তু সমাজ হইতে **আলাদা হইয়া পড়ে নাই**।
সমাজটাই বোধ হয় রাষ্ট্রের **কাজকর্ম** চালাইত। অর্থাৎ **সমাজই**
ছিল রাষ্ট্র।

এইরূপ সন্দেহ করা যুক্তি সঙ্গত হইলে বলিব যে,—এই সকল **“গণ”**কে
“রাষ্ট্র” বলা চলে না। বর্তমান গ্রন্থের অত্যাগ হিন্দু জনসম্ব যে হিসাবে
রাষ্ট্র ঔহুশ্বরেরা সেই হিসাবের রাষ্ট্র চিনিত না। মানব জাতির **জীবন-**
বিকাশের যে ধাপে **নরনারী** রাষ্ট্র নামক কেন্দ্রের পরিগতি লাভ করে সেই
স্তরে তাহারা উঠিতে পারে নাই। এই অবস্থাকে **প্রাক্-রাষ্ট্রীয়** এবং **সঙ্গে**
সঙ্গে **অ-রাষ্ট্রীয়** ও বলা চলে। তবে রাষ্ট্র-বিজ্ঞানের আসরে এই সকল
“আদিম” গড়নের আলোচনা **অপ্রাসঙ্গিক** নয়। **হোমার-সাহিত্যের** **গ্রীক**
সমাজ এবং **তাসিতুস-বিবৃত** **জার্মান** সমাজ এইরূপ **প্রাক্-রাষ্ট্রীয়** **দেশ-**
জান-হীন জনকেন্দ্রে।

আমেরিকার ইরোকোআ জাতি

ইয়াক্সিস্থানের **“লোহিতাঙ্গ-ইণ্ডিয়ান”**দের ভিতর অনেক জাতি এই
আদিম তর অবস্থা লাভ করিয়াছিল। তাহার উপরের কোঠায় ইহাদের কেহই
উঠিতে পারে নাই। নিউইয়র্ক প্রদেশের ইরোকোআ জাতি এই সকলের
মধ্যে শ্রেষ্ঠ। ইরোকোআদের জীবনে যে সাম্য, স্বাধীনতা এবং **স্বরাজ**
দেখিতে পাওয়া যায় তাহা তথাকথিত **“উন্নত-তর”** **নরনারীর** জীবনে বিরল।

বোধেয়, **মালব** ইত্যাদি জাতির **জীবন-গড়নকে** **কাঠাম** হিসাবে
ইরোকোআ **“গণে”**র অথবা **গ্রীক** ও **জার্মানদের** **প্রাক্-রাষ্ট্রীয়** **স্বরাজ** হইতে
অভিন্ন বিবেচনা করিতে প্রবৃত্তি হইতেছে। এই দিকে **অনুসন্ধান** **চালানো**
যাইতে পারে। * **জার্মান** **ধনবিজ্ঞানবিৎ** **এঙ্গেলস্-প্রণীত** **“পরিবার,**
গোষ্ঠী **ও** **রাষ্ট্র”** নামক গ্রন্থে ইরোকোআদের **গণ-শাসন** বিশেষ রূপে
আলোচিত আছে। **হিন্দুরাষ্ট্রের** **গড়ন** **বুঝিবার** **পক্ষে** এই **গ্রন্থের** **নৃতত্ত্ব**
বিষয়ক **তথ্য** হইতে অনেক **ইসারা** **পাওয়া** **যাইবে**।

হিন্দু সভ্যতায় গণতন্ত্রের প্রভাব

যাহা **হউক**,—**পারিশ্রমিক** হিসাবে **“রাষ্ট্র”** বলা **যাউক** বা **না** **যাউক**,
গণতন্ত্রের **নিদর্শন** হিসাবে **ঔহুশ্বর** ইত্যাদি জাতি **হিন্দু** **নরনারীর** **প্রাচীন**
প্রতিনিধি। **খৃষ্টাব্দের** **পূর্ববর্তী** **শেষ** **দেড়শ** **বৎসর** তাহারা **জীবিত** **ছিল**
বেশ **বুঝা** **যায়**। সেই সময়ে **ইয়োরোপে** **চলিতে** **ছিল** **রোমান** **গণতন্ত্রের**
যুগ। **রোমে** **তখন** **গণতন্ত্রের** **সর্দারেরা** **পরস্পর** **লাঠালাঠি** **করিয়া** **রাজতন্ত্রের**
পথ **পরিষ্কার** **করিতে** **ব্যাপ্ত**।

“গণ” শুলা **খৃষ্টাব্দের** **প্রথম** **সাড়ে** **তিনশ** **বৎসর** **জীবিত** **ছিল** **এইরূপ** **ও**

* **প্রাচীন** **ভারতের** **যুগে** **যুগে** **“একসঙ্গে”** **বিভিন্ন** **“স্তরের”** **রাষ্ট্রীয়** **গড়ন** **চলিতেছিল**। **সকল**
ভারতীয় **প্রদেশ** **বা** **জাতিই** **“সভ্যতা** **সিঁড়ি”**র **একই** **ধাপে** **অবস্থিত** **ছিল** **না**। **এই** **“উনিশ-**
বিশ” **বিপ্লব** **করিবার** **দিকে** **ভারত-তত্ত্ববিদেরা** **কোনো** **উল্লেখযোগ্য** **চেষ্টা** **করেন** **নাই**।

বুঝিতেছি। অর্থাৎ অন্ততঃ পাঁচশ' বৎসর ধরিয়া ভারতে গণ-শাসন চলিতেছিল। যেসকল জনপদে হিন্দু নরনারী গণ-তন্ত্রের শাসনে অভ্যস্ত ছিল সেই সব একত্র করিলে আজকালকার গোটা ফ্রান্সের বহর পাওয়া যায়।

কাজেই ভারতীয় সভ্যতার ইতিহাসে কয়েকটা নূতন সমস্তা উঠিতেছে। প্রথমতঃ বিনা কল্পনায়ই বেশ বুঝা যায় যে,—গণগুলা পরস্পর লড়ালড়ি করিত। আবার আশেপাশের রাজতন্ত্রী রাষ্ট্রের সঙ্গে “আবাপ” অর্থাৎ বক্রুত্র অথবা শত্রুতার সহক্রে যোগাযোগ ও তাহাদের ছিল। ভারতীয় রাজ-তন্ত্রের বিকাশে পার্শ্ববর্তী গণতন্ত্রের প্রভাব কিরূপ এবং কতটা আনাজ্জ করিতে হইবে?

দ্বিতীয়তঃ, খৃষ্ট পূর্ব ১৫০ হইতে খৃষ্টীয় ৩৫০ সাল পর্যন্ত পাঁচশত বৎসর হিন্দু জাতির সাহিত্য, দর্শন, স্ককুমার শিল্প, বিজ্ঞান, ধর্মকর্ম ইত্যাদি পক্ষে অতি বিশেষত্বপূর্ণ কাল। পরবর্তী গুপ্ত ভারতে কালিদাস-বরাহমিহির হিন্দু সভ্যতার জন্ম যাহা কিছু করিয়া গিয়াছেন তাহার জন্ম কালই এই পাঁচ শ বৎসর। কাজেই জিজ্ঞাস্য,—গুপ্ত গৌরবের বাঁহারা জন্মদাতা, পিতামহ অথবা প্রপিতামহ তাঁহাদের মধ্যে কোন্ কোন্ চিন্তাবীর ও কর্ম-বীর গণ-তন্ত্রী রাষ্ট্রের বা সমাজের লোক ছিলেন? পতঞ্জলি, অখণ্ডোষ, নাগার্জুন, ভরত, মনু ইত্যাদির ভিতর কে কে রাজতন্ত্রী রাষ্ট্রের প্রজা আর কেই বা গণ-তন্ত্রের আবহাওয়ায় জীবিত ছিলেন?

এই সকল ঐতিহাসিক সমস্যা লইয়া সময় কাটানো এখানে চলিতে পারে না। গণগুলা নাম ধাম বাহির হইয়া পড়িবা মাত্র হিন্দুজাতির ষৌনসম্বন্ধ, রক্ত-সংশ্রমণ, সমাজ-দর্শন, ধর্মতত্ত্ব, শিল্প-কর্ম ইত্যাদি সকল বিভাগেই নতুন গবেষণা আবশ্যক হইয়া পড়িয়াছে এইটুকু বলিয়া রাখা ধরকার বোধ করিতেছি মাত্র।

তৃতীয় পরিচ্ছেদ

আলেকজান্দার-বিরোধী পাঞ্জাবী “গণ”

(খৃঃ পূঃ ৩৫০-৩০০)

গ্রীক ফৌজের গল্প গুজব

ঐ দুষ্কর ইত্যাদি আখ্যাবর্তের “গণ” গুলা আকাশ হইতে খপু করিয়া মাটিতে পড়ে নাই। ভারতীয় জলবায়ুর পক্ষে এসব নেহাৎ “প্রকৃতির খেয়াল” মাত্র নয়। পূর্ববর্তী যুগেও এই সমুদয়ের সাড়া পাওয়া যায়।

পূর্বেই বলা হইয়াছে, যৌধেয় এবং মালব জাতি আলেকজান্দারের বিরুদ্ধে লড়িয়াছিল। কাজেই খৃষ্টপূর্ব চতুর্থ শতাব্দীতে (৩২৪) গণ-তন্ত্রের শাসন “পশ্চিম” ভারতে সুপ্রচলিত ছিল। সেই ধারাই পরবর্তী কালে খৃষ্টীয় চতুর্থ শতাব্দীর সমুদ্রগুপ্ত পর্যন্ত দেখিতে পাই।

বাস্তবিক পক্ষে আলেকজান্দার ভারতের পশ্চিম সীমানায় (খৃঃ পূঃ ৩২৭-৩২৩) উপস্থিত হইয়া কি দেখিয়া ছিলেন? তাঁহার সমর-কাহিনীর গ্রীক ও ল্যাটিন ইতিহাস গুলা বিশ্বাস করিলে বলিতে হইবে যে, গ্রীক সেনার গতি রোধ করিয়া যে সকল হিন্দু পণ্টন ভারতের স্বাধীনতা রক্ষা করিয়াছিল তাহারা প্রায় সকলেই গণ-তন্ত্রের লোক। এক “পুরু রাজ” ছাড়া আলেকজান্দার হিন্দু সমাজে বোধ হয় অত্র কোনো রাজার সাক্ষাৎ পান নাই।

গ্রীক ফৌজেরা ভারতের যে সংবাদ স্বদেশে লইয়া গিয়াছিল সেই সংবাদে হিন্দু জাতিকে মোটের উপর গণ-তন্ত্রী ভিন্ন আর কিছু বুঝা সম্ভবপর নয়। গ্রীক সিপাহীদের গল্পগুজবই বিশ বৎসর পরে মেগাস্থেনিসের

গ্রীক কেতাবে স্থান পাইয়াছিল। এই কেতাবই সাড়ে তিন চারশ বৎসর পরে দিয়োদোরস ইত্যাদি ঐতিহাসিকগণের রচনায় রসদ যোগাইয়াছে।

পতল

সিন্ধু-“ববীপের” মাথার নিকট পতল নগর অবস্থিত ছিল। দিয়োদোরস (খৃঃ অঃ ৫০) বলেন যে-এই নগরের জনগণ এক মাতব্বর-সভা কর্তৃত্ব শাসিত হইত। সভাটাই ছিল রাষ্ট্রের সর্বময় কর্তা বিশেষ। লড়াইয়ের নায়ক ছিল দুইজন। প্রত্যেকেই এক এক বংশের প্রতিনিধি। জন্মের অধিকারে বংশানুক্রমে এই দুই নায়ক রাষ্ট্রে ঠাই পাইত।

কাজেই গ্রীকেরা পতলে আসিয়া তাহাদের “পুরাণ”-কথিত স্পার্টা নগরের হিন্দু সংস্করণ দেখিতেছে এই রূপ ভাবিয়াছিল। লোহিতাঙ্গ ইণ্ডিয়ান সমাজের গণ-তন্ত্রে ও এইরূপ শাসন ধিধি দেখা যায়।

মালব-ক্ষুদ্রক বন্ধুত্ব

আরিয়ান (খৃঃ অঃ ১৩০) তাঁহার “ইন্দিকায়” বলিয়াছেন যে, মালবী-স্বারা ভারতের এক “স্বতন্ত্র জাতি”। তিনি ক্ষুদ্রক দিগকে স্বাধীনতা ভক্ত রূপে বিবৃত করিয়াছেন।

“রোমান” দিয়োদোরসের “পৃথিবীর ইতিহাস” গ্রন্থের মতন আরিয়ানের ভারত বিষয়ক গ্রন্থ ও গ্রীক ভাষায় লিখিত। ভারতীয় জাতিপুঞ্জ সম্বন্ধে তিনি গ্রীক ফোজের প্রচারিত গ্রীক নামই চালাইয়াছেন। আরিয়ানের বইয়ে মালবদিগকে “মাল্লোয়” এবং ক্ষুদ্রক দিগকে “অক্সিদ্রাকোয়” রূপে দেখিতে পাই।

মালবে আর ক্ষুদ্রকে সম্বন্ধ ছিল আদায় কাঁচকলায়। গ্রীসের আথেনিয় এবং স্পার্টান জাতির মতন এই দুই ভারতীয় জাতি সর্বদা পরস্পর কামড়া কামড়ি করিয়া মরিতে অভ্যস্ত ছিল। কিন্তু বিদেশী শক্ত

ভারত আক্রমণ করিতে আসিয়াছে শুনিবামাত্র তাঁহারা “ভাই ভাই এক ঠাই” হইয়া পরস্পর পরস্পরের হাতে “রাখীবন্ধনের” প্রেমে আবদ্ধ হইয়া ছিল। খৃষ্ট পূর্ব ষষ্ঠ শতাব্দীতে পারশ্বের ফোজ যখন গ্রীস আক্রমণ করে সেই সময়ে আথেনিয় এবং স্পার্টানরা এই ধরণের বন্ধুত্বই কামেন্দ করিয়াছিল। গ্রীক আর হিন্দু চরিত্রে কোনো প্রভেদ নাই।

মালব-ক্ষুদ্রক বন্ধুত্বের কায়দাটা কিছু বিচিত্র। আলেকজান্দারের বিরুদ্ধে এক্যবদ্ধ হইবার জন্ত “জাতি-গত পাত্রী-বিনিময়” অনুষ্ঠিত হইয়াছিল। দিয়োদোরস বলেন যে, মালবীয়াদের দশ হাজার কথার পাণিগ্রহণ করে দশ হাজার ক্ষুদ্রক যুবা, আবার দশ হাজার মালবীয়া যুবার সঙ্গে দশ হাজার ক্ষুদ্রক যুবতীর বিবাহ হয়।

এই বিবাহের কাণ্ডে কি এক মাত্র “রাষ্ট্রনৈতিক” মধ্যই সম্বন্ধিত হইবে? না ইহার ভিতর বিবাহ-বিজ্ঞানের, যৌন সংশ্রবের, রক্ত-সংশিশনের নূতন বিষয়ক তথ্য ও লুকাইয়া আছে? একটা দলকে দল আর একটা দলের সঙ্গে বিবাহিত হইতেছে,—এই দৃশ্য আজকালকার দিনে কিছুত্ত-কিমাকার সন্দেহ নাই। কিন্তু দলগত বিবাহ, “গ্রুপ্-ম্যারেজ” মানব জাতির যৌন ইতিহাসে বিচিত্র নয়।

এঙ্গেলসের “পরিবার, গোষ্ঠী ও রাষ্ট্র” নামক গ্রন্থে বিবৃত “দল-গত বিবাহ” পুরাপুরি হয়ত এই মালব-ক্ষুদ্রক কাণ্ডে না পাওয়া যাইতে পারে। কিন্তু “বিবাহের মেল” নামক যে বস্ত্র আজকালকার ভারতে চলিতেছে তাঁহার কোনো পূর্বপুরুষের সঙ্গে দিয়োদোরস-কথিত রাষ্ট্রনৈতিক বন্ধুত্বের যোগাযোগ আছে কিনা সমাজ-তত্ত্বের ভরক হইতে ভাবিয়া দেখিবার বিষয়। বাহাইউক,—এই বন্ধুত্বের ফলে আলেকজান্দারের বিরুদ্ধে এক বিশাল সেনা খাড়া হইতে পারিয়াছিল। ২০,০০০ পদাতিক, ১০,০০০ ঘোড়সওয়ার এবং ২০০ রথ নাকি মালব-ক্ষুদ্রক পণ্টনের সমবেত সামরিক

শক্তি ছিল। পূর্ববর্তী অধ্যায়ে সমর-বিজ্ঞানের আলোচনায় এই সকল সংখ্যা সম্বন্ধে সতর্ক থাকিবার কথা বলা গিয়াছে।

সম্রাট্য ও জেদ্রোশ্য

বহু সংখ্যক জাতির নাম এই সকল ইতিহাসে দেখিতে পাই। ঐতিহাসিকগণ প্রত্যেককেই গণ-তন্ত্রী রূপে বিবৃত করিয়াছেন। কিন্তু নামগুলো দেখিয়া ইহারা যে ভারতের কোন্ জাতি তাহা ঠাওরানো অতি কঠিন।

এক জাতির নাম সম্রাট্য। দিয়োদোরস সংক্ষেপে বলিয়াছেন সম্রাট্য জাতীয় লোকেরা যে সকল নগরে বস বাস করিত সেই সকল নগরের শাসনে স্বরাজ বা আত্মকর্তৃত্বের ব্যবস্থা ছিল।

এই ধরণের আর এক জাতির কথা কুতিয়ুস (খৃঃ অঃ ২০০) বলিয়াছেন। তাহার নাম চেদ্রোসী বা জেদ্রোশ্য। এই জাতির লোক ও স্বরাজী এবং স্বাধীন বলিয়া বিবৃত। তাহাদের রাষ্ট্রের পরিচালনার সভার বৈঠক বসিত।

সর্বাশী

সামরিক হিসাবে জ্বরদন্ত্ রূপে সর্বাশীদিগকে কুতিয়ুস বিবৃত করিয়াছেন। এই সর্বাশীরা হয়ত দিয়োদোরসের সম্রাট্য হইতে অভিন্ন। কুতিয়ুস বলেন যে,—সর্বাশীদের কোনো রাজরাজড়া ছিল না। স্বরাজ-প্রতিষ্ঠান এই সমাজের শাসনে বদ্ধমূল ছিল।

লড়াইয়ের জন্ত তিন জন করিয়া সর্দার বাছাই করা হইত। আলেকজান্ডারের বিরুদ্ধে সর্বাশীরা ৬০,০০০ পদাতিক ৬,০০০ ঘোড়সওয়ার আর ৫০০ রথ খাড়া করিয়াছিল।

রকমারি গণতন্ত্র

গ্রীক ফৌজেরা ভারতকে গ্রীক চোখে দেখিতেছিল সন্দেহ নাই। রাষ্ট্র-শাসন সম্বন্ধে যেটুকু নিরেট খবর পাওয়া বাইতেছে তাহাতে স্বরাজ, স্বাধীনতা এবং গণ-তন্ত্রের আবহাওয়াই পরিস্ফুট। কিন্তু তাহা বলিয়া পেরিক্লেসের আথেনিয় গণতন্ত্র অথবা রোমাণ গণতন্ত্রের যৌবনকাল এই সকল বৃত্তান্তে পাইতেছি এরূপ বলা চলে না।

আথেন্সের বিভিন্ন যুগে বিভিন্ন গণ-তন্ত্রের পরিচয় পাই। রোমের গণ-তন্ত্রে ও নানা যুগ আছে। এই সকল যুগের কোনো কোনো টায়,—প্রাচীনতম অবস্থায়,—লোহিতাঙ্গ ইণ্ডিয়ান সমাজের গণতন্ত্রী স্বরাজই স্মৃতিমান। সর্বাশী, জেদ্রোশ্য ইত্যাদিকে কোন্ কোঠায় ফেলা যাইবে ?

ক্ষত্রিয় ও অন্যান্য জাতির “গণ”

আরিয়াণের গ্রন্থে আরও কতকগুলো জাতির নাম পাওয়া গিয়াছে। ওরেতায়, অবস্তানোয়, কুজাপ্রোয় এবং অরবিতায় নামক জাতি গুলো স্বাধীন বলিয়া বিবৃত। তাহাদের সর্দারদিগকে রাজতন্ত্রের নায়ক বলা হয় নাই।

এই চার জাতির ভিতর গ্রীক ভাষায় কুজাপ্রোয়কে আমাদের ক্ষত্রিয় বিবেচনা করা চলে। ক্ষত্রিয় জাতি নৌকা চালাইতে এবং নৌকা গড়িতে ওস্তাদ ছিল। আলেকজান্ডার ক্ষত্রিয়দের নিকট হইতে ত্রিশ দাঁড়ের জাহাজ পাইয়াছিলেন।

অগলাসুসোয় জাতির বীরত্ব

পঞ্জাবের যে সকল হিন্দু বীর দৃঢ়পদে ইয়োরোপীয়ান শত্রুদিগকে পরাস্ত করিতেছিলেন তাহাদের মধ্যে অগলাসুসোয়রা সেকালে ভারতীয় স্বদেশসেবার পরাকাষ্ঠা দেখাইয়াছিল। কুতিয়ুস বলেন যে,—অগলাসুসোয় জাতির নিকট আলেকজান্ডারকে বিশেষরূপে ক্ষতিগ্রস্ত হইতে হইয়াছিল।

আলেকজান্দারকে অগলাস্‌সোয়রা হঠাৎইতে সমর্থ হয় নাই। অগমান-সহ করিতে না পারিয়া এই স্বদেশভক্ত জাতির গণনাঙ্কগণ নগরে আগুণ লাগাইয়া দিয়াছিলেন। তাহার পর জম্মভূমির সঙ্গে সঙ্গে ত্রীপুত্রদিগকে লইয়া সমবেত ভাবে আগুনের ভিতর জীবনলীলা সম্পূর্ণ করা তাঁহার অধর্ম বিবেচনা করিয়াছিলেন।

পরবর্তী কালে ভারতের নরনারী পরাধীনতার ভয়ে আগুনে কাঁপাইয়া প্রাণ বিসর্জন করিত। গ্রীকরাও হিন্দু স্বাধীনতা-প্রিয়তার অপূর্ণ পরিচয় পাইয়াছিল। ভারতীয় "সতী" প্রথার ক্রমবিকাশে এই "বুশিদো" নীতির স্বাধীনতা-যোগ্য কতটা খড়কুটা জোগাইয়াছে তাহা আলোচনা করিয়া দেখা আবশ্যিক।

নিসাইয়াদের গণতন্ত্র-প্রীতি

গ্রীকরা হিন্দু চরিত্রের সম্পর্কে আসিয়া ভারতীয় নরনারীর যে সকল স্বরূপ ধারণ লক্ষ্য করিতেছিল তাহার ভিতর গণ-তন্ত্র-নিষ্ঠা অত্যন্ত এই বিষয়ে আরিয়ানের "ইন্দিকা"য় একটা কাহিনী শুনিতে পাই।

নিসাইয়া জাতি স্বাধীন গণতন্ত্রী রূপে বিবৃত। এই জাতির মাথায় ছিল একজন "মুখ্য" অর্থাৎ "প্রেসিডেন্ট" সদৃশ জননায়ক বা গণ-সদ্বীর শাসন বিষয়ক সকল কার্য কর্ম চলিত সভার অধানে। সভায় তিন শত "জ্ঞানী"দের বৈঠক বসিত। এই তিন শ'কে জাতির মাতব্বর বা আসল রাজা বিবেচনা করা চলে।

আলেকজান্দার এই তিনশ মাতব্বরের ভিতরকার একশ'জনকে নিজের জিম্মায় রাখিতে চাহিয়াছিলেন। নিসাইয়াদের নিকট হইতে এই উপলক্ষ্যে যে জবাব আসে তাহা উল্লেখযোগ্য। আলেকজান্দারকে জানানো হইয়াছিল,—"এক শ' জন শ্রেষ্ঠ লোককে বাদ দিলে এমন কি একটা নগরও সুশাসিত হইতে পারে কি?"

গ্রীক রাজের নিকট এই ছিল হিন্দু গণ-তন্ত্রের বাণী। আলেকজান্দারের পূর্টন পঞ্জাবের সর্বত্র এই আবহাওয়াই ছুঁইয়া গিয়াছিল।

আরউ

কোনো কোনো জাতির যশ বোধ হয় বিশেষ লোভনীয় বস্তু ছিল না। আরউ নামক এক জাতিকে যুক্তিন (খৃঃ অঃ ৪০০) ডাকাইতের জাতরূপে বর্ণনা করিয়াছেন। পাণিনির "ব্রাত" যে ধরণের লড়াই-প্রেমিক গুণ্ডার আরউরা বোধ হয় সেইরূপ। আরউ দিগকে "অরাষ্ট্রক" বলিলে ভারতীয় নাম পাওয়া যায়।

আরউদের জাতি ছিল কাঠিয়া জাতি।

১২১৪ সালের "ইঞ্জিরান অ্যাটিকোয়্যারি" "ভারতীয় প্রত্নতাত্ত্বিক" পত্রিকায় ত্রীযুক্ত কাশীপ্রসাদ জয়সওয়াল বলেন যে,—আরউরা মৌর্য চন্দ্রগুপ্তের কাজে লাগিয়াছিল। চন্দ্রগুপ্ত যখন আলেকজান্দারের উত্তরাধিকারী "সেলুস" দিগকে আফগানিস্থান ও বেলুচিস্থান হইতে খেদাইয়া দিতে ছিলেন তখন হয়ত এই সকল গুণ্ডার দল ও তাঁহার পণ্টনে বাহাল ছিল। স্বদেশসেবক হিসাবে আরউ দস্যুরা নিসাইয়া, অগলাস্‌সোয়, সর্বানী, মালব এবং ক্ষুদ্রক ইত্যাদির সমানই স্বাধীনতার ইতিহাসে কীর্তি লাভ করিয়াছে।

মেগাস্থেনিসের "গণ"-কাহিনী

আলেকজান্দারের ভারত ছাড়িবার বাইশ বৎসর পরে মেগাস্থেনিস পাটলিপুত্রে আসিয়াছিলেন (খৃঃ পূঃ ৩০২)। তাঁহার ভারত-বৃত্তান্তে হিন্দু গণ-রাষ্ট্রের কাহিনী ঠাই পাইয়াছে।

দ্যোনোস্ হইতে চন্দ্রগুপ্ত পর্যন্ত নাকি ৬০৪২ বৎসর। এই সময়ের ভিত্তর নাকি ভারতে তিনবার গণ-তন্ত্র স্থাপিত হইয়াছিল। এই গল্পের কিম্বৎ যার যেরূপ মজি তিনি সেইরূপ বৃত্তিতে অধিকারী।

মেগাস্থেনিস কতকগুলো নগরের কথা বলিয়াছেন। এই সকল দেশে নাকি রাজতন্ত্র লুপ্ত হয় এবং তাহার ঠাইয়ে গণ-তন্ত্র প্রবর্তিত হয়। কোনো কোনো দেশে রাজতন্ত্র নাকি আলেকজান্দারের আমল পর্যন্ত টিকিয়া ছিল। এই সকল গল্পে ভারতীয় শাসনপ্রণালীর “বহুত্ব” সম্বন্ধে ধারণা জন্মিতে পারে সন্দেহ নাই।

কয়েকটা জাতির নাম “ইন্ডিকা”য় পাওয়া যায়। এই সকল জাতির মাথায় কোনো “রাজা” ছিল না। জাতিগুলো স্বাধীনও বটে। পার্শ্বত্যাগের তাহাদের বসবাস। মালুকোরী, সিংধী, মোরগী ইত্যাদি নামে তাহারা মেগাস্থেনিসের গ্রন্থে পরিচিত।

পাহাড়ী জাতিদের গণ-তন্ত্র সম্বন্ধে মেগাস্থেনিসের কাহিনী প্রবল সাক্ষ্য দেয়। তাহারা নাকি সমুদ্র পর্যন্ত পাহাড়ের মাথায় মাথায় স্বাধীনতা রক্ষা করিয়া চলিত। রাজরাজড়াদের ধার তাহারা ধারিত না।

মেগাস্থেনিসের বৃত্তান্তে “স্বাধীন নগর” শব্দ পুনঃ পুনঃ ব্যবহৃত দেখিতে পাই। একটা রাষ্ট্রে নাকি পাঁচ হাজার লোকের বিয়াট সভা শাসন চালাইত।

এই সকল পাহাড়ী জাতিকে ষ্টাইন তাঁহার “মেগাস্থেনিস ও কোটিল্য” নামক জার্মান গ্রন্থে (স্বিয়েনা ১৯২২) “অর্থশাস্ত্রে”র “আটবিংক” বিবেচনা করিতে প্রস্তুত। কোটিল্যের কোনো কোনো আটবিংক জাতি হইতে মেগাস্থেনিসের কোনো কোনো জাতির সঙ্গে মিলে। কিন্তু শব্দটা এই অর্থে পুরাপুরি গ্রহণায় নয়। “আটবিংক” শব্দে “বুনো” বৃত্তিতে হইবে না,—বৃত্তিতে হইবে বনভূমির বাসিন্দা।

ভারতীয় “গণে”র বিদেশী সাক্ষী

আলেকজান্দারের সময়কার সর্বপুরাতন সাক্ষী মেগাস্থেনিস। কিন্তু মেগাস্থেনিস নিজে কোনো ভারতীয় গণ-রাষ্ট্র স্বচক্ষে দেখিয়াছিলেন কি? বলা কঠিন। বোধ হয় না। কেননা চন্দ্রগুপ্তের আমলে সার্কভৌম সাম্রাজ্যের প্রতিষ্ঠা হইয়াছিল। তখন কোনো “স্বাধীন জাতি”, “স্বাধীন নগর”, রাজহীন রাষ্ট্রের স্বতন্ত্রতা ইত্যাদি বস্তু বাঁচিয়া ছিল বলিয়া বিশ্বাস করা যায় না।

মেগাস্থেনিস “শোনা কথা” লিখিয়া গিয়াছেন। কিম্বদন্তী, জনশ্রুতি ইত্যাদির যে দাম গণ-বিষয়ক “ইন্ডিকার” রিপোর্টের দামও ঠিক তাই।

তাহার পর এই সকল বিষয়ের সর্ব-প্রাচীন লেখক দিয়োদোরস। তিনি খৃষ্টীয় প্রথম শতাব্দীর লোক। অর্থাৎ আলেকজান্দারের ভারত-ত্যাগের প্রায় চারশ বৎসর পরে দিয়োদোরস হিন্দু গণ-রাষ্ট্রের সঙ্গে গ্রীক বীরের মনোমেলন আলোচনা করিয়াছেন। আরিয়ান আরও একশ বৎসর পরের লোক। যুপ্তিন খৃষ্টীয় চতুর্থ শতাব্দীর শেষের দিকে জীবিত ছিলেন।

মেগাস্থেনিস ভারতে বসিয়া ভারত বিষয়ক শোনা কথা লিপিবদ্ধ করিয়াছেন। কিন্তু দিয়োদোরস ইত্যাদির রচনায় সেই ব্যক্তিগত অভিজ্ঞতার ছায়া পর্যন্ত নাই। কাজেই কিম্বদন্তীর কিম্বদন্তী ছাড়া এই ভারত-বিবরণের অগ্র কিম্বৎ দেওয়া অসম্ভব।

“গ্রীক” চোখে হিন্দু গণ-রাষ্ট্র

পূর্বে একবার বলিয়াছি,—গ্রীক ফোজেরা গ্রীক চোখে হিন্দুস্থানের রাজ্যীয় জীবন দেখিতেছিল। এই ফোজেরা কতখানি “গ্রীক” তাহা আলোচনা করিয়া দেখা দরকার।

প্রথমতঃ, ফৌজের মনিব বাহাছরই বা কতটুকু “গ্রীক”? আলেক-
জান্দারকে মেকালের “কুলীন” গ্রীকেরা অসভ্য “বর্বর” বিবেচনা করিত।
আলেকজান্দারের পিতা ফিলিপ ম্যাসিডোনিয়া দেশের “পাহাড়ী” “বুনো”
রাজা ছিলেন। ৩৩৮ খৃষ্টপূর্বাব্দে আসল গ্রীসের খাঁটি গণতন্ত্রী স্বরাজ এই
“বর্বর”র পদানত হয়। ফিলিপের “চৌদ্দপুরুষে” কেহ কখনো গ্রীক
গণতন্ত্রের অ, আ, ক, খ’য় হাতে খড়ি দেয় নাই।

গণতন্ত্রের উচ্ছেদ সাধন করিয়া ফিলিপ গোটা গ্রীক জাতিকে গোলামে
পরিণত করেন। তম্র পুত্র আলেকজান্দার গদিতে বসিবা মাত্র দিগ্-
বিজয়ে বাহির হইলেন। তখন গ্রীসে গণ-তন্ত্র বা স্বরাজ আর নাই।
আলেকজান্দার সর্বত্র একটা নতুন-কিছু কায়ম করিবার পাণ্ডা ছিলেন।

দ্বিতীয়তঃ, এই নতুন-কিছুর যুগে যে গোলাম পণ্টন আলেকজান্দারের
সঙ্গে এশিয়ায় আসিয়াছিল তাহাদের ভিতর গণতন্ত্রের অভিজ্ঞতা ওয়াল
লোক ছিল কত জন? তাহার পর সমগ্র তুরস্ক এবং পারশ্ব পার হইয়া
যখন এই পণ্টন আফগানিস্থানে হাজির হইল তাহার ভিতর খাঁটি গ্রীক
রক্তের লোক হাজির ছিল কত? আলেকজান্দারের সেনায় দেশী-বিদেশী
“বেতন-ভোগী” “তণ্ডা-সেবক” ফৌজ প্রবেশ করিয়াছিল কত গুলা?

তৃতীয়তঃ, মেগাস্থেনিসের “গ্রীকত্ব”। এই “আবাপ”-দক্ষ রাজ-দূতের
মনিব সেলিউকস “দোআঁসলা” গ্রীক,—“হেলেনিষ্টিক”,—সম্রাজের রাজা।
খোদ গ্রীসের সঙ্গে তাঁহার কোনো সংশ্রব ছিল না। তুর্কীর এশিয়া-
মাইনরের এক নগরে তাঁহার রাজধানী। আলেকজান্দার এশিয়ায় সর্বত্র
এবং গ্রীসেও আন্তর্জাতিক বিবাহের ব্যবস্থা করিয়াছিলেন। এই আব-
হাওয়ায় সেলিউকস্ এবং তাঁহার প্রতিনিধি মেগাস্থেনিস গড়িয়া উঠেন।
তাঁহার উভয়েই গ্রীক ভাষা জানিতেন সন্দেহ নাই। কিন্তু সেই গ্রীককে
কুলীন গ্রীকেরা গ্রীক বলিত কিনা সন্দেহ আছে। তবে গ্রীক সভ্যতা

গ্রীক আদর্শ, গ্রীক প্রতিষ্ঠান, গ্রীক রাষ্ট্র ইত্যাদি যে বস্তু তাহার সঙ্গে
এই দোআঁসলা সম্রাজের “স্মৃতি” বা “স্বপ্নে”র যোগ আধকাঁচাও ছিল
না বলা চলে।

আসল গ্রীক গণ-তন্ত্র বলিলে বাহা কিছু বুঝা যায় সে সব খৃষ্টপূর্ব পঞ্চম
শতাব্দীর আথেনিয় মাল। তাহার সঙ্গে আলেকজান্দারের, আলেকজান্দা-
রের পণ্টনের, সেলিউকসের এবং মেগাস্থেনিসের মোলাকাৎ হয় নাই।
কাজেই ভারতীয় গণ-তন্ত্রের বিবরণ লিখিবার সময় মেগাস্থেনিস অথবা
তাঁহার পরবর্তী লেখকেরা “গ্রীক” মত এবং “গ্রীক” ব্যাখ্যা প্রকাশ
করিতেছেন এইরূপ “স্বীকার” করিয়া লওয়া উচিত নয়। সর্বত্রই স্বাধীন
আলোচনার দ্বারা ভারতীয় প্রতিষ্ঠানগুলার দাম কবিত্তে হইবে।

হিন্দু গণ-রাষ্ট্রের গড়ন

[১]

শাসন বিষয়ক তথ্য বতটুকু পাওয়া গিয়াছে তাহার সাহায্যে বেশী
কিছু বলা চলে না। নিসাইয়াদের সভায় তিনশ’ লোক বসিত। আর
মেগাস্থেনিস বিবৃত এক দেশে পাঁচ হাজার লোকের সভা ছিল। ব্যস্।
যে দুইটা জাতির সভার কথা বলা হইয়াছে তাহাদের যে আর কোনো
সভা ছিল না তাহা কে বলিতে পারে? আলেকজান্দারের পণ্টন ত
ভারতীয় রাষ্ট্রপুঞ্জের “পাবলিক ল” বা শাসন প্রণালী সম্বন্ধে “রিসার্চ” বা
অনুসন্ধান চালাইতে আসে নাই।

তিন শ সভ্যের সঙ্গে নিসাইয়া জাতির অন্ত্যান্ত লোকের কিরূপ সম্বন্ধ
ছিল? তাহা না জানা পর্য্যন্ত এই জাতিকে “ডেমোক্রেটিক” অর্থাৎ
জনসাধারণ-তন্ত্রী, অ্যারিষ্টোক্রেটিক” বা গুণ-তন্ত্রী কিবা “অলিগার্কিক”
বা ধনতন্ত্রী বলা যুক্তিসঙ্গত কি?

পাঁচ-হাজারী সম্বন্ধে ও এই সকল প্রশ্ন উঠিবে। গ্রীক সমাজে
ত্রিপাত্তিক বা গণ-তন্ত্রের তিন শ্রেণী ডেমোক্রেসি, আরিষ্টোক্রেসি এবং
অলিগার্কি। আজকালকার ইংরেজ, ফরাসী এবং জার্মান লেখকেরা
প্রাচীন ভারতের গ্রীক তথ্য ব্যাখ্যা করিবার সময় এই সকল পারিত্যিক
কায়ম করিয়া থাকেন। কিন্তু এই সব শব্দ ব্যবহার করিতে হইলে
যত তথ্য থাকা দরকার তাহার অভাব যৎপরোনাস্তি।

অত্যাশ্চর্য্য করেকটা জাতি সম্বন্ধে জানি এইটুকু যে তাহাদের শাসনে সত্তার
বৈঠক বসিত। তবে সঙ্গে সঙ্গে এইরূপ বলা আছে যে তাহাদের কোনো
রাজা ছিল না। সুতরাং গণতন্ত্র সম্বন্ধে কোনো আপত্তি নাই।

[২]

প্রায় প্রত্যেক ক্ষেত্রেই বহুবচনান্ত শব্দের দ্বারা জাতি বুঝানো
হইয়াছে। কোনো “দেশের” নাম উল্লেখ করা হয় নাই। কাজেই এই
সকল স্থলে “রাষ্ট্র” বুঝা হইবে কি “সমাজ” বুঝিতে হইবে আলোচনা
করিবার বিষয়। পূর্ববর্তী পরিচ্ছেদে এই সমস্যা উঠানো গিয়াছে।

“দেশ” হিসাবে মাত্র একটা নাম পাওয়া গিয়াছে। সে পতল নগর।
মেগাস্থেনিস একাধিকবার “স্বাধীন নগর” শব্দ ব্যবহার করিয়াছেন।
যেখানে যেখানে “নগর” শব্দের কায়ম হইয়াছে সেখানে সেখানে কি
গ্রীক ষাঁচের “নগর-রাষ্ট্র”ই বুঝিতে হইবে? না লেখকেরা অল্পকথায়
সংক্ষেপে সারিয়া গিয়াছেন? গৌরব যুগের গ্রীক নগর-রাষ্ট্রের কাহিনী
হইতে হু এক টুকরা ছিটকাইয়া আসিয়া যে মেগাস্থেনিসের মগজে প্রবেশ
করে নাই তাহাই বা কে বলিতে পারে?

[৩]

সকল কথা উ-টাইয়া পা-টাইয়া দেবিলে বৃন্দি যে,—রাজতন্ত্র-হীন
রাষ্ট্র বা “সমাজ” খৃষ্টপূর্ব চতুর্থ শতাব্দীর মাঝামাঝি পাকাবে

পশ্চিম জনপদে অনেকগুলো ছিল। এই গুলা কোনো রাজরাজড়ার
বশত স্বীকার করিত না। অর্থাৎ তাহারা পুরা মাত্রায় স্বাধীন ছিল।
আর এইরূপ স্বাধীন জনসমষ্টি রূপেই তাহারা আলেকজান্দারকে ভারত
হইতে বিতাড়িত করিতে প্রয়াসী হইয়াছিল। কোনো রাজতন্ত্রী রাষ্ট্রের
ল্যাঠিয়াল তীরন্দাজ বা বোড়সওয়ার হিসাবে তাহাদিগকে নকরি করিতে
হয় নাই। তবে এই সকল গণতন্ত্রের স্বরাজে পয়সাওয়াল লোকেরা
আত্মকর্তৃত্ব ভোগ করিত কি বিতাওয়াল লোকেরা কর্তামি করিত তাহা
পরিষ্কার করিয়া বলা যায় না।

এঞ্জনস্-প্রণীত “পরিবার, গোষ্ঠী ও রাষ্ট্র” নামক গ্রন্থে আথেন্স ও
রোমের গণতন্ত্র ধাপে ধাপে দেখানো আছে। প্রাক্-রাষ্ট্রীয় অবস্থা হইতে
কিভাবে কখন এই দুই জনপদে রাষ্ট্রের উৎপত্তি হয় এবং পরে গণতন্ত্রের
ক্রমবিকাশ সাধিত হয় সবই বুঝিতে পারি। কিন্তু ভারতীয় গণতন্ত্রের
গ্রীক ল্যাটিন ইতিহাস হইতে সেই ধারা বা স্তর-বিত্তাস বুঝা অসম্ভব।



পরিশিষ্ট নং ৮

গণতন্ত্র ও হিন্দু সাহিত্য

“শাস্ত্র”-সাহিত্য

[১]

“পুরু-রাজ” হইতে সমুদ্রগুপ্ত পর্যন্ত প্রায় সাত শ’ বৎসর। এই সাত শ’ বৎসর ধরিয়া ভারতের নানা স্থানে গণ্ডা গণ্ডা গণ-রাষ্ট্র স্বাধীন ভাবে “রাজ-ধর্ম” চালাইতেছিল। এই সাত শ’ বৎসরে হিন্দু নরনারীর রাষ্ট্রীয় লেনদেনে রাজতন্ত্রের সঙ্গে গণ-তন্ত্রের কর্ম-বিনিময় এবং ভাব-বিনিময় বিশেষ ভাবে লক্ষ্য করিবার বস্তু।

কিন্তু এই সাত শ’ বৎসরের “ধর্ম,” “স্মৃতি” ও “নীতি” শাস্ত্রে গণ-তন্ত্রের টিকি পর্যন্ত দেখিতে পাওয়া যায় না। গৌতম, বোধায়ন, আপস্তম্ব, মনু, যজ্ঞবল্ক্য ইত্যাদি শাস্ত্রকারেরা গণ-শাসন সম্বন্ধে নীরব। কামন্দক, শুক্রে ইত্যাদির নামে প্রচারিত নীতি শাস্ত্রের যে সকল অংশ এই সাত শ’ বৎসরের সাক্ষী তাহার ভিতর ও গণ রাষ্ট্রের নাম গন্ধ নাই। বস্তুতঃ নীতি সাহিত্যের কুদ্রাপি এই সম্বন্ধে কিছু জানা যায় না। জার্মান পণ্ডিত কুম্বলিয়াছেন,—“শাস্ত্রগুণা রাজতন্ত্রী মুম্বুকে উৎপন্ন,—কাজেই গণতন্ত্রের কথা এখানে অপ্রাসঙ্গিক।”

কাজিয়া বাছিয়া খোঁজ সুরু করিলে হয়ত এই সকল “শাস্ত্র”-সাহিত্য হইতে ও কালে দুই চার দশটা ভাঙাচুরা তথ্যের টুকরা বাহির হইতে পারে। কিন্তু মুদ্রার সাক্ষ্য এবং বিদেশীদের ঐতিহাসিক কাহিনী না থাকিলে হিন্দু গণ-রাষ্ট্রের নাম হনিয়ায় থাকিত না।

চতুর্থ অধ্যায়

৩২৭

[২]

শাস্ত্র-গ্রন্থ গুণা ভারতীয় জীবন-গড়নের ধারা সম্বন্ধে কত অসম্পূর্ণ সাক্ষী এই কথা হইতে তাহার অল্পতম প্রমাণ পাওয়া যাইতেছে। পূর্বে দেখিয়াছি যে,—“লিপি”-সাহিত্যে হিন্দু “স্বরাজ” প্রতিষ্ঠানের যে অপূর্ণ চিত্র পাই “শাস্ত্র”-সাহিত্যে তাহার আন্দাজ পর্যন্ত করা সম্ভব নয়।

আজ পর্যন্ত দেশী-বিদেশী পণ্ডিত মহলে এই শাস্ত্র-সাহিত্যের প্রতি মমতা অতি অগাধ। ভারতীয় সমাজ, রাষ্ট্র, আইন-কানুন বুঝিবার জন্ত জার্মান পণ্ডিত রোলি প্রণীত “রেখট্ট উণ্ড স্ট্রে” অর্থাৎ “আইন ও নীতি-নীতি” নামক গ্রন্থের মতন গ্রন্থ বিশেষ সমাদৃত হইয়া আসিতেছে।

এই মমতা কাটাইয়া না উঠা পর্যন্ত বাস্তব হিন্দু সমাজের যথার্থ ধরণ ধারণ এবং হিন্দু রাষ্ট্রের গড়ন সম্বন্ধে বুঝকি-শুণ্য জ্ঞান জন্মিতে পারে না। বর্তমান গ্রন্থের প্রত্যেক পরিচ্ছেদে তাহার প্রমাণ পাওয়া গিয়াছে।

শাস্ত্র-পর্কের গণ-কথা

[১]

বর্তমান গ্রন্থে মহাভারত ইত্যাদি সাহিত্যের কোনো তথ্য আলোচিত হয় নাই। কিন্তু শাস্ত্র-পর্কের ১০৭ অধ্যায়ে গণ-শাসনের কথা আছে। বিষয়টা নূতন বলিয়া যৎকিঞ্চিৎ আলোচনা করিব। ১৯১৫ সালের “বিহার এবং উড়িষ্যা রিসার্চ সোসাইটি”র পত্রিকায় শ্রীযুক্ত কাশীপ্রসাদ জয়সওয়াল শ্লোক গুণা আবিষ্কার করিয়া দেখাইয়াছেন।

“গণ” শব্দটা মহাভারতের এই স্থলে ব্যবহৃত হইয়াছে। দেখিতে পাই যে,—গণের লোকেরা “জাত্যা চ সদৃশাঃ সর্কে কুলেন সদৃশাস্থথা।” জাতিতে আর কুলে ইহার “সদৃশ” বা এক রূপ।

বিবরণ সুবিস্তৃত। সকল শ্লোক উদ্ধৃত করিবার প্রয়োজন নাই। কাশীপ্রসাদ এই লোক-সমষ্টি গুলাকে গণ-রাষ্ট্র বা রিপাব্লিক সম্বন্ধিয়াছেন। রমেশচন্দ্র ও কাশীপ্রসাদের ব্যাখ্যাই গ্রহণ করিয়াছেন। জার্মান পণ্ডিত হিলেব্রাণ্ট তাঁহার “আর্ট-ইণ্ডিশ পোলিটিক” গ্রন্থে (পেনা ১৯২৩) অশ্রু পথের পথিক।

হিলেব্রাণ্টের মতে শাস্তি-পর্কের গণ গুলা হয় “রাজ-পরিবারেরই আত্মীয় কুটুম্ব” না হয় দেশের “ছোট খাটো রাজরাজড়া।” বড় জোর তাহাদিগকে “অভিজাত বংশীয় নরনারীর গুণ্ডি,” “বাবু সমাজ” ইত্যাদি বিবেচনা করা যাইতে পারে।

[২]

মহাভারতের গণগুলা যে বোল কলায় পরিপূর্ণ শাসন-কেন্দ্র সে বিষয়ে কোনো সন্দেহ নাই। তাহাদের জজ আছে, আদালত আছে, ধন-সচিব আছে, মায় গুণ্ড চর পর্যন্ত আছে। স্বাধীনতাশীল রাষ্ট্রের যা কিছু থাকার দরকার সবই এই সকল গণের বৃত্তান্তে পাওয়া যায়।

বিদেশী লেনদেনে অর্থাৎ “আবাপ” বা পর-রাষ্ট্র নীতির কারবারে ও এই সকল জনসমষ্টির হাত আছে। বস্তুতঃ এই দিকে তাহাদের প্রভাব আছে বলিয়াই রাজরাজড়ারা তাহাদিগকে ভয় করিয়া চলে। আর, ছলে বলে কৌশলে গণগুলাকে নিজের কোটে টানিয়া আনিবার জন্ত অথবা এই গুলাকে “বিবদাত ভাঙিয়া” ছুঁটা করিয়া রাখিবার জন্ত রাজতন্ত্রী রাষ্ট্রের ধুরন্ধরেরা লালসিত।

“গণ” গুলা কি “বড় ঘরের বাবু সমাজ” ?

এখন জিজ্ঞাস্য,—শাসন-বস্ত্র-সম্বিত স্বাধীন লোক-সমষ্টি কে কি কেবল মাত্র “ডার হোহে আডেল ডেস্ লাণ্ডেস্” কিন্না “ছুর আইনে

বেৎসাইখলুঙ্ ডার আরিষ্টোক্রাটসি ডেস্ লাণ্ডেস্” অর্থাৎ কতকগুলি “বড় ঘরের লোকজন” মাত্র বলা হইবে না পুরাপুরি রিপাব্লিক অর্থাৎ গণ-রাষ্ট্র বলা হইবে? এই সব জন-কেন্দ্রে যে “রাজপরিবারের আত্মীয়-স্বজন” অথবা “দেশের ছোট খাটো রাজরাজড়া” মাত্র নয় তাহা সহজেই বোধগম্য। কেননা,—শাস্তি পর্কের শ্লোকগুলার ভিতর রাজপরিবারের “স্বনীল রুধিরের” কোনো দাগ নাই।

গণের সর্দারেরা “মুখ্য” বা “প্রধান”। মামুলি শিল্প-বাণিজ্যের গণ বা শ্রেণীর সর্দারেরা যে নামে পরিচিত এই সকল স্বাধীনশাসনশীল জন-কেন্দ্রের নামকেরা ও সেই নামে পরিচিত।

সহজ বুদ্ধিতে সকলেই এই গণগুলাকে “রিপাব্লিক” ধরিয়া লইবে। কিন্তু অশ্রু রূপ ভাবিবার দিকে প্রবৃত্তি হয় কেন? সন্দেহের কারণ বোধ হয় নিম্নরূপ। এই সকল জনসমষ্টিতে কোনো সুপ্রতিষ্ঠিত রাজ্যের অংশ বিশেষ ধরিয়া লওয়া হইয়াছে। একটা রাজতন্ত্রী রাষ্ট্রের ভিতর প্রবল পরাক্রান্ত “বড় ঘরের লোক জন” থাকা অসম্ভব নয়। তাহাদিগকে ভয় করিয়া চলা, তাহাদের তোআজ করা ইত্যাদি ও রাজাবাদশার স্বার্থ থাকা খুবই স্বাভাবিক। এই ধরণের সম্ভ্রান্ত বংশীয় পরিবারের কন্সটার্টী দিগকে “প্রাজ্ঞান্ শূরান্ মহোৎসাহান্ কন্সক্স স্থিরপৌরুধান্” ইত্যাদি লবা লম্বা বিশেষণে ভূষিত করা ও হয়ত কখনো কখনো চলিতে পারে।

করদী-কৃত “হোম-রুল”—ভোগী রিপাব্লিক ?

তথাপি জিজ্ঞাসা করিতে হইবে যে, বিচার, আদালত, “কোষ সংনিচয়” ইত্যাদি “পাবলিক ল” বা রাষ্ট্র-শাসন-ঘটিত কারবারে সম্ভ্রান্ত বংশীয় লোকজনের এরূপ স্বাধীনতা এবং সর্কাজ-পরিপূর্ণতা দেখিতেছি কেন? যে সকল “বড় ঘরের লোক” শাসন বিষয়ক সকল লেনদেনেই পুরাপুরি

স্বরাট্ এবং এমন কি কোনো উপরওয়ালা রাজা বাদশার তোআক্লা রাখেনা তাহারা কি মানুষি “হোহে আডেল্ ডেস্ লাগেস্” অর্থাৎ “সমাজের বা দেশের কয়েক ঘর বাবু” মাত্র ?

কাজেই বলিতে হইবে যে,—গণগুলা যদি কোনো রাষ্ট্রের অন্তর্গত অংশ বিশেষ হয় তাহা হইলে এই সব লোক-সমষ্টি ক্ষণকালের ক্ষয় পরাধীনীকৃত রাজহীন রাষ্ট্র বা রিপাবলিক। তাহারা আত্মকর্তৃত্বের অর্থাৎ স্বরাজ-শাসনের সকল এক্টিয়ারই ভোগ করে। আর তাহাদের স্বাধীনতা (“সব্বরেইন্টি”) অল্পকাল হইল নষ্ট হইয়াছে বলিয়া তাহাদের সঙ্গে বিদেশী রাষ্ট্রের বড়বন্ধ খুবই চলে, এই কারণে তাহাদিগকে ভয় করিয়া চলা উপরওয়ালা রাজ্যের বা সাম্রাজ্যের দস্তুর। সহজ কথায় আজকালকার পারিভাষিক কায়ম করিয়া বলিব যে, গণ গুলা “হোমরুল”-ভোগী রিপাবলিক।

সমুদ্রগুপ্তের সাম্রাজ্যে মালব ইত্যাদি গণ-রাষ্ট্রের অবস্থা এইরূপই বিবেচনা করিয়াছি। মৌর্যসাম্রাজ্যে ও যে এই ধরণের করদীকৃত নিম্ন-স্বাধীন স্বরাজশীল গণতন্ত্রী রাষ্ট্র বর্তমান ছিল তাহা বিশ্বাস করা চলে।

আর শাস্তিপর্কের গণ গুলাকে যদি অত্র কোনো রাষ্ট্রের অংশ ধরিয়া না লওয়া হয় তাহা হইলে কাশীপ্রসাদ এবং রমেশচন্দ্রের ব্যাখ্যাই যুক্তিসঙ্গত। অর্থাৎ এই সকল জনকেন্দ্র যোল আনা রিপাবলিক।

গোষ্ঠী-রাষ্ট্র ?

এইবার আর একটা প্রশ্ন আসিতেছে। মুদ্রার “গণ” এবং গ্রীক ফৌজদের “স্বাধীন ভারতীয় জাতি” ইত্যাদির সম্পর্কে সেই সন্দেহ হুলিয়াছি। ভারতের এই রিপাবলিকগুলা “সমাজ” না “রাষ্ট্র” ? শাস্তিপর্কের গণওয়ালারা “এক জাতের” লোক এবং “এক কুলে”র লোক। মনে হইতেছে,—“রক্তের” ঐক্য বা সাম্য বৃঝানোই কবিদের

মতলব। এই “সাদৃশ্য”কে রাষ্ট্রীয় “ডেমোক্রেসি”র “সাম্য” বিবেচনা করা চণ্ডিবে না। বংশ হিসাবে গণের লোকেরা “সদৃশ”। তাহা ছাড়া আর কিছু নয়।

পারিবারিক স্বরাজ, “কুল”-রাষ্ট্র ইত্যাদি বলিলে যাহা বুঝা যায় এইখানে ও সেইরূপই বুঝিতে প্রবৃত্তি হইতেছে। কিন্তু পরিবারের শাসন, কুলের শাসন, জাতির শাসন,—আত্মকর্তৃত্বশীল অর্থাৎ ডেমোক্রেটিক হইতে পারে এবং গণতন্ত্রী রিপাবলিক ও হইতে পারে। অথচ তাহাকে “রাষ্ট্র” বলা চলিবে না।

প্রাচীনতম গ্রীসে, রোমে ও অত্রাশ্র ইরোরোপীয় (যথা টিউটনিক এবং কেণ্টিক) সমাজে এই ধরণের “আদিম” স্বরাজী গণতন্ত্র ছিল। তাহাকে “গেন্‌স্” বা গোষ্ঠী-প্রথা বলে। আমেরিকার লোহিতাঙ্গ সমাজে সেই গোষ্ঠী-প্রথার চরম উৎকর্ষ দেখিতে পাওয়া যায়। শাস্তিপর্কের “জাত্যাচ সদৃশাঃ সর্কে” “এবং প্রাজ্ঞান্ শূরান্ মতোংসাহান্” ইত্যাদি প্রত্যেক কথাই ইরোকোআদের গোষ্ঠী-প্রথা সম্বন্ধে খাটে। ভারতের অত্রাশ্র গণ-রাষ্ট্রের মতন শাস্তিপর্কের রিপাবলিকগুলাকে ও সম্প্রতি এই গেন্‌স্ বা গোষ্ঠীর কোঠায় ফেলিয়া রাখা গেল।

“অর্থশাস্ত্রে”র “আটবিক”জাতি

এইবার কোটিল্য-সাহিত্যে প্রবেশ করিব। ষ্টাইন কোটিল্যের আটবিক (= বনবাসী তবে “বুনো” বা বর্কর নয়) জাতির পরিচয় দিয়াছেন। তাহারা রাষ্ট্রের বহির্ভাগে বসবাস করে। তাহাদের জমিজমা আছে। মানুষি চোর ডাকাইতেরা রাত্রির অন্ধকারে লুটপাট চালায়। কিন্তু আটবিকেরা দিনে ছপুরে “ধরাখানাকে সরাজ্ঞান” করিতে অত্যন্ত। তাহাদের পণ্টন আছে, সর্দার আছে। তাহারা ‘স্বতন্ত্র’ ও বটে।

শান্তিপর্কের গণগুলাকে ভয় করিয়া চলা রাজরাজড়াদের দস্তুর।
আটবিক দিগকে ভয় করিয়া চলা ও “কৌটিল্যদর্শনে”র উপদেশ।
সীমান্তপ্রদেশের স্বাধীন জনসমষ্টির শাসন-কেন্দ্রের সঙ্গে কোনো রাষ্ট্রের
বেরূপ লেনদেন থাকা স্বাভাবিক, কৌটিল্য আটবিক জাতির উপলক্ষ্যে
সেই সকল কথা বলিয়াছেন। এই গুলাকে পূরাপূরি রিপাব্লিক বা গণ-রাষ্ট্র
বিবেচনা করিতেছি।

কৌটিল্যের “সজ্ব”-রিপাব্লিক

প্রথম অব্যাহে দেখা গিয়াছে যে “অর্থশাস্ত্রে” জনসমষ্টি বুঝাইবার জন্ত
“সজ্ব” শব্দের প্রয়োগ আছে। “গণ” শব্দ বোধ হয় কৌটিল্য কোথাও
কামেন করেন নাই। কৌটিল্যের সজ্বগুলার ভিতর মহাভারতের “গণ-
লক্ষণ”ই দেখিতে পাই। এই গুলাকে “রাজশকোপজীবী” সজ্ব বলা হয়।

মামুলি “গিল্ড” বা ব্যবসা-বাণিজ্য-শিল্প-কৃষির সজ্বগুলাকে বলে
“বার্তাশাস্ত্রোপজীবী”। লড়াইয়ের ব্যবসায় বাহারা দল গড়ে তাহারা
“কুত্রিশ্রেণী” নামে পরিচিত। আর বাহারা “দল বাঁধিয়া” “রাজশব্দ”
ভোগকরে অর্থাৎ “রাজধর্ম” চালার তাহারা অগ্র সজ্বের অন্তর্গত।

“অর্থশাস্ত্রে”র সাক্ষ্য অনুসারে মধ্য পঞ্জাবের মজক, দক্ষিণ সিন্ধু
জনপদের কুকুর এবং উত্তর গঙ্গামাতৃক জনপদের কুর ও পাঞ্চাল এই চারি
জাতিকে “দলবদ্ধ রাজার জাত” অর্থাৎ গণ রাষ্ট্রের লোক বিবেচনা করা
চলে। এই গেল উত্তর ও পশ্চিম ভারতের কথা। মুদ্রার এবং গ্রীক
সাক্ষ্যে ও এই সকল জনপদে গণ-রাষ্ট্র দেখিতে পাইয়াছি।

আর ও কয়েকটা সজ্ব-রাষ্ট্র “অর্থশাস্ত্রে” আছে। বৃজ্জিক, শিচ্ছিবিক,
মল্লক ইত্যাদি বিহার-প্রদেশের জাতিগুলা তাহার দৃষ্টান্তস্বরূপ উল্লিখিত।
এই সকল জাতির চরম স্বাধীনতার যুগ জাতক সাহিত্যের গল্প হইতে
উদ্ধার করা যায়। সেই প্রয়াস বর্তমান গ্রন্থের বহির্ভূত।

“আটবিক” জাতি সম্বন্ধে এবং শান্তি পর্কের গণ সম্বন্ধে রাজরাজড়াদের
যে “নীতি” এই সকল “রাজশকোপজীবী সজ্ব” সম্বন্ধেও কৌটিল্যের
উপদেশ টিক সেইরূপ। কেমন করিয়া তাহাদের তোআজ করা উচিত,
কোন কৌশলে তাহাদিগকে উচ্ছেদ করা সম্ভব এই সব প্রশ্ন কৌটিল্য
পরিষ্কাররূপে আলোচনা করিয়াছেন।

সমুদ্রগুপ্তের সাম্রাজ্যে গণ-রাষ্ট্রের যে অবস্থা ছিল মোর্ধ্য সাম্রাজ্যে ও
বোধ হয় সজ্ব-রাষ্ট্রের “কন্ট্রিউশ্যুয়াল ষ্ট্যাটাস” বা আইন সম্মত ঠাই
সেইরূপই ছিল। মোর্ধ্য সাম্রাজ্য ভাঙ্গিবামাত্র “করদীকৃত” হোমবল-ভোগী
সজ্ব গুলা পূরা স্বাধীন রিপাব্লিকে পরিণত হইয়া থাকিবে।

পরিশিষ্ট নং ৯

কাশীপ্রসাদের “হিন্দু পলিটি”

ইতালী হইতে ১৯২৪ সালে বর্তমান গ্রন্থের পাণ্ডুলিপি প্রকাশকদের নিকট পাঠান হইরাছিল। তাহারপর শ্রীযুক্ত কাশীপ্রসাদ জয়সওয়াল প্রণীত “হিন্দু পলিটি” নামক ইংরেজি গ্রন্থ (কলিকাতা ১৯২৪) হস্তগত হইয়াছে। সেই গ্রন্থের আলোচ্য বিষয় আর বর্তমান গ্রন্থের আলোচ্য বিষয় অনেকটা একরূপ। কাজেই তাহা হইতে তথ্য উদ্ধৃত করিতে পারিলে স্থানে স্থানে বর্তমান গ্রন্থের কলেবর পুষ্ট হইতে পারিত।

কাশীপ্রসাদের গ্রন্থ দুইভাগে সম্পূর্ণ (২১৯+২১৪ পৃষ্ঠা)।

রচনার গ্রন্থকার প্রচুর স্বদেশ-ভক্তি, পরিশ্রম এবং পাণ্ডিত্যের পরিচয় দিয়াছেন। কিন্তু দুঃখের বিষয় এই সুবিস্তৃত গ্রন্থের অধিকাংশই গ্রহণীয় নহে। প্রত্যেক অধ্যায় ধরিয়া সমালোচনা শুরু করিলে দফায় দফায় গ্রন্থের সমান প্রকাশ আরেক খানা সমালোচনা-গ্রন্থ আবশ্যক। সেই প্রসঙ্গে হাত দেওয়া সম্ভবিত্ত অসম্ভব।

কাশীপ্রসাদ “জানপদ” শব্দে পার্লামেন্ট বুঝিয়াছেন। তাহার বিরুদ্ধে বর্তমান গ্রন্থকারের মতামত এই গ্রন্থেই যথাস্থানে সংক্ষিপ্ত ভাবে প্রকাশিত হইয়াছে। “পৌর-জানপদের” আলোচনায় কাশীপ্রসাদ কে ধরনের যুক্তি চালাইয়াছেন সেই ধরনের যুক্তিই তাঁহার গ্রন্থের অগ্রাংশ অধ্যায়েও অবলম্বিত হইয়াছে। বে সকল পাঠক সংস্কৃত জানেন না অথবা সময় খরচ করিয়া গ্রন্থকারের উদ্ধৃত মূল সংস্কৃত বচনগুলি নিজে পড়িয়া দেখিতে অসমর্থ তাঁহার শত শত পাদ টীকায় দেবনাগরী অক্ষর

দেখিয়া হয়ত বিবেচনা করিবেন যে কাশীপ্রসাদের বক্তব্য নিরেট যুক্তির উপরই প্রতিষ্ঠিত।

কিন্তু আসল কথা কাশীপ্রসাদের উদ্ধৃত অনেক বচনই অপ্রাসঙ্গিক। তাহা ছাড়া প্রায় সর্বত্রই সংস্কৃত শব্দগুলার ঝাড়ে তিনি এক একটা গা-জুরি ব্যাখ্যা চাপাইয়াছেন। মৎপ্রণীত “পঞ্জিটিত ব্যাক্-গ্রাউণ্ড অব হিন্দু সোসাইটিজি” নামক গ্রন্থের দ্বিতীয় খণ্ডের দ্বিতীয় ভাগে (এলাহাবাদ ১৯২৬) কাশীপ্রসাদের যুক্তির কিছু কিছু সমালোচনা করিয়াছি। তাহা দেখিলেই কতটা সতর্কতার সহিত কাশীপ্রসাদের বিবৃত হিন্দুবাঈ-শাসন প্রণালী খুঁটিয়া খুঁটিয়া পরখ করিয়া দেখা কর্তব্য পাঠকেরা তাহার ইঙ্গিত পাইবেন।

এইখানে বলিয়া রাখিতে চাহি যে ১৯১৩ সালের “মডার্ণ রিভিউ”-পত্রিকায় কাশীপ্রসাদ “ইণ্টো ডাক্‌গন টু হিন্দু পলিটি” নামক যে প্রবন্ধ লিখিয়াছিলেন তাহার অধিকাংশই যুক্তিসঙ্গত এবং গ্রহণীয়। অর্থাৎ ১৯১৩ সালের কাশীপ্রসাদে এবং ১৯২৪ সালের কাশীপ্রসাদে আকাশ পাতাল পার্থক্য এইরূপই বিবেচনা করিতেছি।

১৯২৪ সালের কাশীপ্রসাদ-লিখিত হিন্দু রাষ্ট্র-শাসন বিষয়ক গ্রন্থের দফায় দফায় সমালোচনা ইতি মধ্যে শুরু হইয়াছে। শ্রীযুক্ত নরেন্দ্রনাথ লাহা সম্পাদিত “ইণ্ডিয়ান হিস্টরিক্যাল কোয়ার্টারলি” নামক ভারতীয় ইতিহাস-ত্রেমাসিকে প্রবন্ধাবলী বাহির হইতেছে। এই সকল প্রবন্ধের কোনো কোনো যুক্তির সঙ্গে বর্তমান গ্রন্থকারের মিল আছে। সেইদিকে পাঠকগণের দৃষ্টি আকর্ষণ করিতেছি।

কলিকাতা, আগষ্ট—১৯২৬।

সম্পূর্ণ

নির্ঘণ্ট

অষ্টিন,	২৮৩,
আডামস্, "বিলাতের শাসন বিষয়ক ইতিহাস"	১৪৬,
আয়ার, "প্রাচীন দক্ষিণাত্যের নগর নির্মাণ",	১১০, ১১১, ১৫৭
আয়্যাক্সার (কৃষ্ণস্বামী) "প্রাচীন ভারত",	৪৬, ১০১, ১৭১,
আরিয়াণ, "ইন্দিকা"	৩১৪. ৩১৮,
"আর্কিঅলজিক্যাল সাহেব"	৬২,
আন'ল্ড, "রোমাণ প্রোহিবন্থ্যাল অ্যাড্ মিনিষ্ট্রেশন"	১৩৭, ১৮৬,
আশ্লে, "সাহেব'জ হিষ্টরিক অ্যাণ্ড ইকনমিক"	৮৯
"ইণ্ডিয়ান হিষ্টরিক্যাল কোআর্টার্লি"	৩৩৫
ইচিঙ,	১০৭,
ইয়ং, "দেড়হাজার বৎসর ব্যাপী পূর্বপশ্চিমের লেনদেন"	১৬৮
উল্ফ, "বার্ডোলুস"	১৬২
এডেনস্, "পরিবার, গোষ্ঠী ও রাষ্ট্র"	৪৩, ৩১১, ৩১৫, ৩২৫,
এনসাইক্লোপীডিয়া বৃটানিকা,	১৭০
"এপিগ্রাফিয়া ইণ্ডিকা"	১০৫
"এপিগ্রাফিয়া জেলানিকা"	১৩৪, ২১১
কয়ট্‌গেন, "উরকুণ্ডে ৭২২র ট্যেটিশেন কাফাসস্-গেশিষ্টে"	১১২
কসমাস, "খৃষ্টিয়ান টপোগ্রাফি বা প্রাকৃতিক সংস্থান"	১০৬,
কানিংহাম, "কয়েনস্ অব এনশ্রুণ্ট ইণ্ডিয়া"	৩৩৪,
কার্টার, "ল, ইটস্ অরিজিন, গ্রোথ অ্যাণ্ড ফার্মেশন"	২৮০
কার্লাইল, "ইয়োরোপীয় মধ্যযুগের রাষ্ট্র-চিন্তা,"	১৪৬, ১৪৯, ২৮৬
কালভন, "আমেরিকান পরিবারের সামাজিক ইতিহাস"	১৪,

কালিদাস,	১৭৫,
কোলক্রক, "ট্র্যানজাক্শনস্"	২১৩, ২৩৩ ৩৩২,
কৌটিল্য	১৫, ৩১, ৬৪, ৯৯, ১১৬, ১৪৯, ২০০, ২১৫, ২৬০
ক্রোচে	২০,
ক্রাইবার, "ডি গ্রুপ্‌রিস বিল্ডু ডার ডায়চেন ষ্টাট ইম মিটেলার্টার"	১১০, ১১৪,
ক্রাউজেন্‌স্ট্‌ম্, "সমর"	১২১
গম, "প্রিন্সিপ্ল্‌স অব লোক্যাল গবর্নমেন্ট",	৯৩,
গিয়ের্কে, "মধ্যযুগের রাষ্ট্রীয় মতবাদ"	৬৬
গিবন	২২৭
গীজো, "ইয়োরোপীয় সভ্যতার ইতিহাস"	৫৯, ১০৫, ২২৭
গীজো, "প্রতিনিধি-তন্ত্রের ইতিহাস"	১৩৭
গুড্‌নো, "মিউনিসিপ্যাল গভর্নমেন্ট"	১১৭,
গের্ডেস, "জার্মান কিষাণ সমাজের ইতিহাস",	১০৫
গৌতম,	৯, ১৫, ২৮, ৩১, ৫১, ৫২, ৫৫; ৬০, ১৪২, ২০৮, ২৮৫,
গ্যোটে	৩০
গ্রোস, "গিল্ড মার্চ্যান্ট"	৬১
ঘোষাল (উপেন্দ্রনাথ) "হিন্দুরাষ্ট্র-চিন্তা",	৭৮
চণ্ডেশ্বর, "বিবাদ রত্নাকর"	৬৮
চন্দ (রমা প্রসাদ), "গৌড় রাজমালা",	১৪৮,
"চুল্লবগ্‌গ"	৫২, ৫৩, ৫৫, ৪৬, ১৪১
জয়সওয়াল (কাশী প্রসাদ)	৫১ ১৩৯, ৩২৭, ৩২৮
জয়সওয়াল "হিন্দু পলিটি",	৩৩৪, ৩৩৫
জিব্লী, "এতুদ ষ্টির ল' জোআ সিহিবল দেজ্ জ্যাছ"	৩, ১৬, ১৯

জীমুতবাহন,	২, ৭, ৯, ১০, ১১, ১২, ১৪, ১৫,
জেক্‌স্, "রাষ্ট্র নীতির ইতিহাস"	১৩৭,
জেক্‌স্, "ল অ্যাণ্ড পলিটিক্‌স্ ইন দি মিড্‌ল এজেস্"	২৮০,
জোসেফ-বার্থেলেমি, "ল' প্রোবলেম দ'লা কৌপেতাঁস্ দাঁ লা দেমোক্রাসি",	১৫৩,
জোসেফ-বার্থেলেমি, "'ল' ফ্বট্ দে ফ্যাম"	১৩
জোসেফ-বার্থেলেমি, "লেজ্ অ্যাস্তিতিউসিয়োঁ পোলিটিক দ'লাল্‌মাএস কৌতপোরেন"	৭৪, ৭৫
টলেমি, "ভুগোল"	১০৬,
টেলার, "মিডিহ্যাল মাইণ্ড"	২৮৫,
ঠাকুর (রবীন্দ্রনাথ) "স্বদেশী সমাজ"	২৫৫
ডীকিন, "ইরিগেটেড্ ইণ্ডিয়া এণ্ড সিলোন"	২০৫,
ডোয়েল, "বিলাতী করের ইতিহাস"	১৬২
ডোপ্‌শ্, "স্বিট্‌শাফ্‌ট্‌লিখে উণ্ড্ সোৎসিয়ালে গ্রুণ্ডলাগে ডার অয়রোপেয়িশেন কুণ্টুর"	৮৮
তাসিতুস	৫৩,
তিরুবল্লুবর, "কুরাল",	৪৭
দিয়োদোরস,	১৮৩—১৮৫,
নাগ (কালিদাস) "লে থেয়োরি দিপ্লোমাতিক দ'ল্যাঁদ আসিয়েন এ লর্থশাজ্"	২৭৭
পাণিনি	২৯, ৩০
পিল্লই (কনকসভাই) "তামিল্‌স্ এইটিন হাণ্ডে ড্ ইয়্যাস্ এগো"	১২৭,
পেরিক্লেস্	২৬২
প্যালগ্রেভ্, "ধনবিজ্ঞানের বিশ্বকোষ"	২২৭, ২৬৬

প্লিনি, "স্বাচার্যাল হিষ্টরি"	১০৬, ১০৭, ১৮৬
প্লুতার্ক,	১৮২, ১৮৩,
প্লেটো, "রিপাব্লিক"	২০,
প্লেন, "রাজস্ব-বিজ্ঞানের ভূমিকা"	২৬৩,
ফয়, "কোনিগ্ লিখে গেছার্ট"	৭৯, ১৩০,
ফাহিয়ান,	১০৬
ফিক "সোৎসিয়ালে প্লিডারং",	৪৩,
ফেরালি, "মিউনিসিপ্যাল অ্যাডমিনিষ্ট্রেশন"	১১৯
ফ্রাঙ্ক, "রোমাণ ইম্পীরিয়ালিজম"	১২৩
ফ্রীমান, "ইষ্ট্রিক্যাল জিওগ্রাফি অব ইয়োরোপ"	১২৪
বন্দোপাধ্যায় (গুরুদাস)	৮, ১৮,
বন্দোপাধ্যায় (প্রমথনাথ) "প্রাচীন ভারতে রাষ্ট্র শাসন"	১৩২, ১২০, ২৮২,
বন্দোপাধ্যায় (রাখালদাস) "বাঙ্গালার ইতিহাস"	১৪৮, ১৬৮, ১৭৬,
"প্রাচীনমুদ্রা",	৩০২,
বরাহমিহির	১০৮,
বস্কিম চন্দ্র, "আনন্দমঠ",	৩০
বাৎসায়ন, "কামসূত্র"	২৭, ২৮
বাণ, "হর্ষচরিত",	১৪৪, ১৪৫, ১৭৮, ১৭৯
বার্কার "প্লেটোর রাষ্ট্রনীতি"	২০,
বার্ণেব্ল, "সরকারী আয়ব্যয়"	২৭৬
বিজ্ঞানেশ্বর,	২, ৭, ৯, ১০, ১১, ১২, ১৪, ১৫, ৩৫, ৩৭
"বিবাহ ও স্ত্রী-ধন"	৮, ১৮
বুৎসি, "উনবিংশ শতাব্দীর ইংরেজ জাতি"	১১
বোদা, "লে সিস্ লিহ্বর দ'লা রেপ্যাবলিক"	২৪২

বোসাঙ্কে, "শ্রম সাজ্যোশচয়নস্ ইন্ এথিক্‌স্"	২০,
বোসাঙ্কে, "রাষ্ট্রেয় দার্শনিক তত্ত্ব",	২০, ৫৬
বৌধায়ন	১৫,
বিশ্বর "ডি এণ্ট্‌স্টেয়ুড ডার ফোল্ক্‌স্‌ স্কিট 'শাফট'"	৫২, ৯১
বৃহস্পতি,	৬০, ৬৬, ৬৭
ব্যয়নার (গ্র্যাটুর্ড্) "হাওবুথ ডার ফ্রাওয়েন-বেহেণ্ডু"	১৩
ব্রাইস, "মডার্ন ডেমোক্রেসিজ"	৩০০,
ব্রাড্‌লে, "মাই স্টেঞ্চন অ্যাণ্ড ইট্‌স্‌ ডিউটিজ্‌"	২০,
ব্রিসো, "ফরাসী শাসন-বিষয়ক ইতিহাস"	৩৮, ৪১ ১২৪, ২৪৯,
ভাণ্ডারকার (রামকৃষ্ণ গোপাল) "ডেককানের প্রাচীন ইতিহাস"	৪৩, ১৭৯
মজুমদার (রমেশচন্দ্র) "প্রাচীন ভারতে সজ্ব জীবন",	৪৩, ৪৪, ৬৫, ১০১
মহু	২, ৭, ১৫, ৬০, ৭৫, ২০৮, ২১২,
"মহাপরি নিক্বাণ স্ত্রীশাস্ত্র"	৫২
"মহাবগ্‌গ্‌"	৫২, ৫৪, ৫৫,
মহাভারত	৩৮, ৩৯, ৭৫ ১৭৩, ১৩৯,
মাইটল্যাণ্ড, "ডোম্‌স্‌ডে বুক অ্যাণ্ড বেঅণ্ড্‌"	২০২
মাঠাই (জন) "ব্রিটিশ ভারতে পল্লী শাসন"	১০১,
মিতাক্ষরা	২, ৩, ৪, ৫, ৬, ৭, ৯, ১১
মিত্রমিশ্র, "বীরমিত্রোদয়",	৩৫, ৫৮
মিল (জনষ্টুয়ার্ট) "নারী জাতির গোলামী"	১২
মুখোপাধ্যায় (রাধাকমল)	৩৬
মুখোপাধ্যায় (রাধাকুম্‌দ) "ভারতীয় নৌ-বিদ্যা ও নৌ-শিল্পের ইতিহাস"	১৭৬, ১৮১, ২৬৫, ২৭৪
মুখোপাধ্যায় (রাধাকুম্‌দ) "প্রাচীন ভারতে লোকাল গভর্ণমেন্ট"	৬৪, ১০১,
	২৫৫

মুখোপাধ্যায় (রাধাকুমুদ) " ভারতীয় ঐক্য "	২৬২
মেইন,	৩, ৪, ১০, ১১
মেইন, "প্রতিষ্ঠান বিষয়ক প্রাচীন ইতিহাস"	৪৮
মেইন "এনশ্বেল্ট ল"	২৮১
মেইন "হিবলেজ কমিউ নিটীজ"	২৮১
মেগাস্থেনিস, "ইন্ডিকা" ৩৩, ১১৫, ১২০, ১২৩, ১৪৯, ১৭১, ১৮৭, ১৮৯,	
১৯৯, ২০০, ২০৫, ২৫৭, ২৫৮, ২৫৯, ২৬০, ২৯৩, ৩১৯, ৩২০, ৩২১	
মৈত্র অক্ষয়কুমার	১০৮
ম্যাকক্রিগল "আলেকজান্দারের ভারত-আক্রমণ	১৮৩,
ম্যাককিজ, "ষ্টাডিজ ইন্ রোমাণ ল",	১০,
ম্যোলার "চার্চের ইতিহাস"	১৮৫, ৫৭
মাকোবি	৩২, ৩৩
মাক্সবল্ড,	২, ৭, ৯, ৩৪, ৩৫, ৬৭, ৭৫,
মুয়ান-চুয়াঙ,	১০৬, ১৩৩, ১৩৫, ১৪৭, ১৭৮, ১৭৯, ১৮০, ১৯৬,
	২২৮, ২৩২, ২৪১, ২৪৩, ২৫৩, ২৫৫, ২৫৬, ২৫৭, ২৫৯
মুস্তিনিয়ান,	৬, ৭, ১০,
মুস্তিনিয়ান, "ইনস্টিটিউৎ"	৬, ৭, ২০, ৭৮,
মুস্তিনিয়ান, "দিজেস্ত",	৬, ৭, ১০, ৭৮
মোলি	৩, ৮, ১১
মোলি, "রেখট্ উণ্ড সিট্রে"	৩২৭
"রাজতরঙ্গিনী"	২০৫,
রামজে, "রোমাণ প্রত্নতত্ত্ব"	৩৮, ৪১, ১২০, ১৮৬ ২২৭
রামায়ণ,	১০৯, ১৭৩
রাসেল (বার্ট্রাণ্ড)	২০

র্যাপসন, "ইণ্ডিয়ান কয়েনস্"	৩০৫,
লরোআ-ব্যোলিয়ো, "রাজস্ব-বিজ্ঞান"	২২৬, ২৪৯, ২৫১
লাফার্গ (পোল) "ধনদৌলতের রূপান্তর"	৮৮
লামপ্রেক্ট, "ডায়চেস হিবর্টশাকট্-লেবেন ইম মিট্টেলান্টার",	৪১ ৫৮,
লাহা (নরেন্দ্রনাথ) "ইন্টারষ্টেট রেলেশ্যানস ইন এনশ্বেল্ট ইণ্ডিয়া"	২৭৭,
"আম্পেকট্ অব এনশ্বেল্ট ইণ্ডিয়ান পলিটি"	১৩০, ১৪৫
"প্রাচীন হিন্দু দণ্ডনীতি"	২.৮, ২৬৫
লিষ্ট (ফ্রেডরিক) "স্বদেশী ধনবিজ্ঞা "	১৪০,
লীচ, "শিক্ষাসনদ ও শিক্ষা দলিল"	৪৯,
লোহি, "আদিম-সমাজ"	৫, ৪৩, ৮২
শিলায়	৩০
"সুক্রনীতি",	৭৫, ১৮০, ২০৮,
শ্বেমান, "গ্রীক পুরা তত্ত্ব"	৪১ ২২৭, ২৬৭, ২৭০
ষ্টাইন, "মেগাস্থেনিস এবং কৌটিল্য"	৩৩, ১১৬, ১২৩, ১২৮, ২০০
	২১০, ২৫৮, ২৫৯, ২৯৩, ৩২০
সরকার (বিনয়কুমার) "পঞ্জিটিত ব্যাকগ্রাউণ্ড অব হিন্দু সোসিঅলজি"	৩৩৫,
"পোলিটিক্যাল ইনস্টিটিউশন্স অ্যাণ্ড থিয়োরিজ অবদি হিন্দুজ"	২৮৩,
সরকার (বিনয়কুমার) "হিন্দুচোখে চীনাধর্ম"	১৯,
সিঙ্ক্লিক, "ডেহেলপ্ মেন্ট অব ইয়োরোপীয়ান পলিটি"	১৩৭,
সেলিগম্যান, "এসেজ ইন ট্যাকসেশ্যন"	২৩৪, ২৪২,
সুবলু, "বাসবদন্তা"	১০৯
স্বট, "ইয়োরোপে মুর্শিশ সাম্রাজ্য"	১৬৮,
"স্মৃতি"	৩, ১৫, ১৬, ১৮, ১৯, ৩৪, ৩৯, ৬৭, ২৮৪,

হপকিন্স, "মহাভারতের কৃত্রিম সমাজ"	১৪৯
হপকিন্স, নবীন ও প্রাচীন ভারত	৪০, ৭৯,
হরিষেন, "প্রশস্তি",	১৭৫, ১৮০,
হাঙ্কেল, "ভারতে আৰ্য শাসন"	১০১,
হিগিনসন, "টারিক্স্ অ্যাট্ স্বর্ক"	২৬৫
হিল্লিব্রান্ট, "আর্ট-ইন্ডিশো পোলিটিক"	৩৪, ১২০, ২৭৭, ৩২৮,
হলট্শ্, "দক্ষিণ ভারতীয় লিপি"	২৩২
হেপ্কে, "স্বিটশাফট্ স্-গেশিষ্টে"	৫৮,
হোল্ড্ স্ হ্বার্থ, "ইংরেজ আইন-কানুনের ইতিহাস"	১৪৩,
হ্বাল্খাম, "প্রিনসিপল্ অব ওয়ার",	১২১
হ্বাল্শ্, "হুনিয়ার সর্ক প্রধান শতাব্দী—ত্রয়োদশ শতাব্দী"	১৪০, ২৮৬
হ্বিনোগ্রাদোফ, "ইংলিশ সোসাইট ইনদি ইলেভেহ্ সেকুরি"	৮৮
হ্বিলসন (উড্রো,) "ষ্টেট"	৭৪, ৭৫.
হ্বিলোবি, "গবর্নমেন্ট অব দি মডার্ন ষ্টেটস"	৭৪, ২৮০

